






De  
Astrolabo  
Catholico

---

1556









Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
2739/A/1





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
2739/A/1





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
2739/A/1

Coll.

2739<sup>(1)</sup>  
• A //

N. VIII. C

coll. 2.



11. Homo Lee  
Lee

55847  
Lee

pd

Lee



GEMMA Frisius (Reimer)



76756

# Gemmæ Frisij

MEDICI AC MATHEMATICI

DE ASTROLABO CATHOLICO LIBER

quo latissime patentis Instrumen-

ti multiplex vsus explicatur, &

quicquid vsuam rerum Ma-

thematicarū tradi possit

continetur.

Ad Sereniss. Hispaniæ, Angliæ, & Franciæ regem,  
Philippum Caroli V. Cæsaris semper  
augusti filium.



Antuerpiæ in ædib. Ioan. Steelfii

M. D. LVI.

CVM PRIVILEGIO.



**Cæsarea Maiestas permisit Ioanni Steellio,  
vt Librum Gemmæ Frisij Medici ac Mathema-  
tici, de Astrolabo Catholico, impune imprimat,  
perq; omnes hæreditarias regiones suas distra-  
hat, veluti latius patet in literis eidem concessis & subsignatis**

**BAVE.**






IN ASTROLABVM  
Catholiscum doctissimi viri D. Gemma  
Frisii Mathematici & Medici, carmen  
Cornelii Valerii Ultraiectini.

Cuncta Mathematices nunc instrumenta quiescant,  
Quot sunt, quotq; fuere vnquam veterum atq; recentum,  
Solertis magna ingenij monumenta virorum  
Astrolabo Gemma cedant, consuetaq; cessent  
Quae quondam in pretio fuerant vsuq; recepta,  
At perfecta minus cum sint, concedere par est  
Perfecto Astrolabo, quo nullum plenius vnquam  
Exitit artis opus, quo nec perfectius ipse  
Gemma dedit quicquam varias dum scriberet artes,  
Gemma decus Frisiae doctorum matris alumnus,  
Gemma Academiae decus immortale Brabantiae,  
Gemma alti decus ingenij, quo clarius alter  
Siue Mathematices inuenta insignia spectes,  
Siue salutiferam diuini Hippocratis artem,  
Non fuit e docto grege, sic qui excelleret vnus,  
At spes magna patris Gemma Cornelius, instat  
Proximus ingenio docti studiisq; parentis  
Virtutiq; bonus respondet filius haeres.







PRÆFATIO.

Ad serenissimum  
HISPANIAE, ANGLIAE,  
ET FRANCIAE REGEM PHILIPPVM  
Caroli V. Cæsaris semper augusti filium,  
Corn. Gemmæ filij

PRÆFATIO.



Visquis ille fuit clementiss. Princeps qui primus in humani corporis compage, eiusq; partium officio & ad seinuicem connexionem certam viam Reipub. sacrae effigiem habetumq; expressum credidit, non ego illum vulgaris iudicij, non supini animi virum non summo doctorum hominum censu atq; concilio excludendum putem. Vidit ille haud secus quam in exiguo semine natiua cuiusq; stirpis, aut animalis forma consistit, sic in parte exigua magnum Reip. num. sui καρακτῆρα reliquisse. Vidit in hac pariter, & in humano corpore, diuersis actionibus partes longe diuersissimas, formā, numerū, magnitudinem, atq; contextus haud vniformes, sed pro munerum vicissitudine optime à natura comparatos. Consensum verò talem ingenitum dixit, vt tum in vitæ commodis, ac perceptione voluptatum insigni: tum in laboribus, ærumnis, omniq; calamitatum insultu, singularū partium sensus æterna lege conspiret. Sed velut in homi-



# PRÆFATIO.

ne (quem μικροκόσμος appellat Plato) immortalis est iste animi vigor, nunq̄ sine motu, nunq̄ à rerum maximarum agitatione consistens, verum ea, quæ vitæ ac rationis sunt, longe prospiciens, vbi quid faciundum, fugiendumve sit explanarit, corporis ilico facultates ad operis executionem concitat, hortatur, virium alacritate propellit. Sic & in maiori mundo, hominū, diuumq̄ concilio, & cœtu vniuerso, viros principes, cuiusmodi sunt in nobis animi, rebus cæteris natura præfectos dedit: eorum vt descriptione omnis reipub. moderatio conseruetur, huius auxilium salus, integritas ex illorum consultis & ratione dependeant in præmiis recti, malorumq̄ suppliciiis, ratio præesse, appetitus obtemperare consuescat. Adde quod quemadmodum inter corporis nostri partes, licet nonnullæ principatum habeant, ac cæteris magis ad vitam sint necessariae: omnes tamen vsu mutuo, & alterna sunt officiorum ratione connexæ, fit etiam vt reges, hominum duces, ac magistratus, quantum alios præfectura aut potestate iuris exuperent, popularibus magis, minus sibi se natos esse cogitent: Omnes opes, omne animi robur, & institutum in vnâ rempub. conferant, ac procuratio tantî muneris ad vtilitatem eorum qui commissi sunt, non ad eorum quibus commissum est instituat, vt. l. offi. lib. monet Cicero. Plebs interim si nihil cæteros ratione adiuvet, aut consultando possit efficere: alia tamen in parte operam non contemnendam præstet. Hinc principes subdito  
rum



# PRAEFATIO.

rum causa creati sunt, atq; hi vicissim principibus vt inseruiant. Hinc magistratus, tanq; lex loquens, ad coërcendum populum. Populus verò vt pro consilij gratia corpus ad officium ponat. Similis est inter nobiles & obscuros ἀνίστορα, inter doctos & indoctos, diuites & paupertate depressos. Denique ea nisi officiorum vicissitudo perseveret, totum reipub. corpus in interitum labi necesse est. Nam & in nobis ex parua particula orbatura non multo post præcipuorum viscerum marcor, & totius compagis ruina succedit, vti ex Apologia Menenij Agrippæ liquido constat. Verum vt relictis ambagibus ad rem redeam neque te Princeps Sereniss. (quem rerum maximarum cura compellat) mea oratione suspensum traham. Id nostræ similitudinis summū fastigium cape. Quicquid vsquā virtutum, quicquid artis aut ingenij hodie humana fouet industria, Omne id iis qui sua beneuolentia tales animos ad præclara inuenta concitant acceptū esse referendum, atq; non secus quā aëris circumfusi temperies terræ fertilitatē elicit, contraq; cœli inclementia, aut vitium, illam quasi sopitam premit, fit vt magistratus aut Principum fauor artes omnes excitentur. Illorū rursus tenacitas aut odiū ingeniorū lucem prorsus extinguat. Quare non temere Deus vti in cœlo pulcherrimum ac iucundissimum sui simulachrū constituit Solem: vnde stirpes, animantia, & id genus mortalia vitam atq; vigorem quendam concipiunt, voluit & principes viros in repub. constitui, vt non mi-



# PRÆFATIO.

nus quam legum reuerentia seu supplicij metu à malefaciendo coërcemur, ad virtutem quoq; & bene merendum illorū instinctu, & præmiis excitemur. Multa quidem sunt quæ nobis ad hanc actionem quotidie calcar adiciant, vt honos, & nominis amplitudo: vt vehemens ad scribendū feruor, studium erga patriam, & rempub. popularium incitamenta, & ipsa deniq; recti species. Verum in principum studio Mecœnatum beneuolentia, ego acerrimum actionis stimulum constitutū cenleo. Velit Senatus plebem sibi deuinctam, fauore id primum ac liberalitate consequetur, Velit artes omnes è tenebris in lucē prouocari? Non alia via id fiet dexterius. Velit nouam perpetuo sobolem, bene instructam, sibi cum defecerit, suoq; loco substitui? in hac vna virtute, omnis ἐνεργεία posita est. Tolle munera & improbi laboris premium, magnam industriæ partem detraxeris. Tolle magnorum virorū studia, paucos profectò videas, qui in rebus arduis operam iuste collocatam putent. Itaq; non aliter quā ad Heraclei lapidis ductum, cuspides ferratæ dirigantur, sequitur & vulgus ingenium ducis: illi inseruire gestit: in hoc vnum incumbit, illi totum sese accommodum facit, vt non sinistrè senserit Plato, tum primū fore beatas respub. si aut docti aut sapiētes homines eas regere cœpissent, aut qui regerent omne suum studium in doctrina, ac sapientia collocassent. His ego non è longinquo exempla petam, ex patris sententiā. ex meipso coniecturam facio, nam si quid ex illius indu



# PRÆFATIO.

industria, atq; inuentis boni publici profectum  
 est. Principum certe & Nobilium multorū can-  
 dor eius sibi partem non exiguam deberi sciat.  
 Nec est quod hoc loco illustris. Comitum de Fe-  
 ria laudes repetam: Non Schætanae familiae bene-  
 ficium indelebile: (quanuis horum memoria in  
 paterno cinere solida semper, & infracta, nobis  
 autem insepulta seruetur.) Iuuit imprimis, atq;  
 impulit tuus ille inuictis. Genitor Carolus qui  
 modo imperium Oceano, famam cœli regione  
 definit, cui tu Rex idem & Princeps Maxime,  
 tum regni, tum virtutis spatio propiore succedis.  
 Nam, vt cætera sileam, in te quæ paruulo, quæ  
 adolescente, futuræ gloriæ atq; decoris, ceu rudi-  
 menta quædam plena fœlicitate perfectiora col-  
 legimus. Animi (dico) mansuetudinem, omni  
 acerbitalis adfectu liberam, vultus tranquillita-  
 tem admirabilem, tantam in rebus belli pacisq;  
 prudentiam, vt à sene maturior exigi non possit,  
 necnon clementiam ineffabilem, liberalitatem  
 inexhaustam, sinceræ religionis cultum, morum  
 grauitatem, modestiæ summæ semper coniun-  
 ctam. Hæc (inquā) vt sileam, quid non modo  
 laudis, atq; encomij, ex vnica Anglia maiestati  
 tuæ accessisse dicam? Deme virtutes pristinas,  
 deme antepartam gloriam, & quæ plenioribus  
 annis multo cumulatior venit: Quid vno hoc  
 factio fieri potest præstantius? Pulchrum est ho-  
 stium externorum impetus retundere, Pulchrū  
 imperij fines bellica virtute tueri, ciues metu li-  
 berare, ditionem terræ atq; fortunam auctiorem  
 † 5 reddere:



PRÆFATIO.

reddere: Sed fidei sublapsum columen erigere,  
popularis seditionis sæuam tempestatem com-  
pelcere, & auulsos artus ciuitatis in integrum res-  
tituere qui possit, non illum ego mortali præco-  
nio dignum canam, sed cui iuxta C. Iulij stellam  
pateat aterni domicilij sedes, locus (vt inquit  
Cicero) his omnibus definitus qui patriam con-  
seruarint, adiuuerint, auxerint, vt beati æuo sema-  
piterno fruantur. Quandoquidem vt Tragicus  
poeta sentit.

*Consulere patriæ, parcere adflicti, fera*

*Eade abstinere, tempus atq; ira dare,*

*Orbi quietem, seculo pacem suo:*

*Hæc summa uirtus, petitur hæc cœlum uita.*

*Sic illæ patriæ primus Augustus parens*

*Complexus astra st. colitur & templis deus*

Sed quomodo christianam rempub. rectius au-  
xisse potes? quid cum rerum maiori gloria per-  
ficere, quàm quod ingentem populū longo tem-  
pore tot erroribus, & prauis inueteratum institu-  
tis, ad fidem synceriores, aliamq; vitæ rationē  
traduxeris? Quid difficilius, & periculosum ma-  
gis quàm annosas arbores quæ iam alte sparsere  
radices, reuellere loco atq; alio transplantare?  
Certe in magno fluctu non sistitur nauis, nisi pō-  
dus anchoræ alto infixæ vado retineat. In tantis  
verò mūdī procellis, quo modo (nisi summa sit  
ratio) cohiberi possit animus ne ab affectibus  
differatur. Tibi, certe perpetuo constitit inuictis  
Princeps, tu in summo regnorum cardine, ne vul-  
tum quidem immutasse diceris. Sed neq; his li-  
mitibus



PRÆFATIO.

mitibus gloriæ tua te virtus contentum facit: Vo-  
cat regnum amplius, laus, & fortuna vberior: at-  
que (vt Maronianis verbis vtar.)

Iacet extra sydera tellus

Extra anni solisq; uias, ubi cœlifer Athlas

Axem humero torquet stellis ardentibus aptum:

Quin & Iampridem nobis te regia cœli

Inuidet, atq; hominum queritur curare triumphos.

Atq; vt prælagiebat Seneca.

Veniunt annis

Sæcula seris, Quibus oceanus

Vincula rerum laxet, & ingens

Patrat tellus, Tiphysq; nouos

Detegat orbes nec sit terris

Vltima Thule

Verū age vt vnde digressi sumus, eo nostra cō-  
uertatur oratio: Fœlix æther, & tellus quæ quō-  
dam latio vidit regnata sæcula, & nunc eadem  
venturis ab annis expectet. Fœlicissima Christi-  
anorū respublica, tibi quæ Principi, & Regi tuæq;  
serenis coniugi Angliæ Reginae Mariæ totam se  
fulciendam tradit. Nunc enim summa spes est,  
vt omni profligata hæreticorum segete, religio  
prodeat antiquū rursus induta nitorem, & clau-  
sis belli portis, læta pax terras squalescentes inuisat:  
hasta in temonem, aries in stiuam, in vomerem,  
aut falcem enses recocti procudantur. Ac non  
multo post quicquid manu, quicquid lingua,  
quicquid animo admirabile est, tuo omne sinu  
fido receptum nutriatur, per te ad-cumulum lau-  
dis perductum, cæterorum deinceps principum,

&



# PRÆFATIO.

& Magistratus adplausu confirmetur. Fortunae  
 te verò ab ipsa pridem religione suscitanda de-  
 coris tui auspicio functus es. At nunc ad exco-  
 lendas artes, & scientiæ nomen propagandum  
 accingere. Id restat vt studia imprimis Mathe-  
 matica, quæ hodie indignis modis passim abie-  
 cta sordent, per te ad cultum veterem, ad pristi-  
 nos honores reuocentur. Illæ enim religioni pro-  
 ximæ sunt, & si è medio tollantur perierit vna  
 actionum, temporisq; series, & annos in sua mo-  
 menta sagax distribuendi ratio: perierit ordo fe-  
 storum, canonum in ecclesia, & ex ornamento  
 cœli diuini hætenus artificis desumpta gloria  
 conticescet. Postremo restabit in antiquū chaos  
 reuoluti, datam cœlitus lucem æterna nocte cō-  
 mutemus. Adde quod & regibus hæ artes im-  
 primis dignæ censeantur, solæ quæ cum principi-  
 bus viris pernoctent domi, foris peregrinentur,  
 secundas res ornent, aduersis perfugium atq; so-  
 latium præbeant. Quin vt Poeta canit,

*Hinc tempestates dubio prædiscere cœlo  
 Possumus, hinc messisq; diem, tempusq; serendi,  
 Et quando infidum remis impellere marinos  
 Conueniat, quando armatas deducere classes,  
 Aut tempestiuam syluis euertere pinum.*

Harum rerum Sulpitius Gallus insigne exemplū  
 præbuit. Nec non Atheniensis Pericles, Romanus  
 Spurina, quorum hic sola astrorum peritia mor-  
 tem prædixit impendentem Cæsari, & in conse-  
 standis decorū monitis efficacior fuit quā vrbs  
 Romana voluit. Illi verò nunc integrum exerci-  
 tum



# PRÆFATIO.

tum, nunc ciuitatem vario metu liberarunt, ac  
(vt author Valerius est) de syderum, cœliq; ratio  
ne peritissime disputando, plebis animos ex de-  
fectu luminum quasi monstro perterritos mirum  
in modum refecere. Hæc itaq; non tam vulgato  
rum hominum, quã regum, ac imperatorũ ocia  
existimari debent. Ocia non quibus euanescit  
virtus, sed recreatur, quibus ingenij vis acui ma-  
gis, quàm dissolui iudicetur. Idem sensit Home-  
rus vehementissimis Achillis manibus canoras  
fides aptando, vt earũ militare robur, leni pacis  
studio relaxaret. Tunc enim magnus Hector can-  
tus Achillis timuit, & tanto in metu naualibus  
pax alta Theſſalicis fuit vt Senecæ verbis vtar.  
Ac quis tandem principes iure reprehendat, si  
quantũ cæteris ad festos dies ludorum celebra-  
dos, quantum ad inanes voluptates, infrugife-  
ramq; animi & corporis requiem temporis cõ-  
ceditur, quantum ceteri tribuunt tempestiuus cõ-  
uiuus, quantum deniq; alex, quantum pilæ, tantũ  
illi sibi ad studia hæc recolenda sumpserint? Ex  
his enim studiis regia virtus incrementum capit:  
huic facultati deditos, nulla etiam à summis re-  
bus aut voluptas auocabit, aut ocium distrahet,  
aut somnus retardabit. Quin etiam si non hic tan-  
tus fructus videretur, (vt inquit Tullius) atq; de  
lectatio sola proponatur: tamen hanc animad-  
uersionem humanis. simul ac liberalissimam iu-  
dicaremus. Vnde non iniuria exclamauit Sene-  
ca in aulæ turbine constitutus,

O quam



PRÆFATIO.

O quam iuuabat quo nihil maius parens  
Natura genuit, operis immensi artifex  
Cœlum intueri, Solis & currus sacros,  
Mundiq; motus, Solis alternas vires,  
Orbemq; Phœbes astra quem cingunt uaga,  
Lateq; fulgens ætheris magni decus.

Cæterum non hæc ita à me interpretari velim,  
quasi te clementis Princeps, summis regni rebus  
intentum, ad istiusmodi considerationem desi-  
dere cupiam Sufficit enim non alienum esse, nō  
omnino se literis istis abdicasse, quare & Poëtæ  
potius ausculta: dum sic ait,

Excudunt alii spirantia mollius æra,  
(Credo equidē) et uiuos ducūt de marmore uultus:  
Orabunt causas melius, cœliq; meatus  
Describent radio, aut surgentia sydera dicent:  
Tu regere imperio populos Romanememento,  
(Hæ tibi erunt artes) pacisq; imponere morem,  
Parcere subiectis, & debellare superbos.

Sed cum (quod paulò antè dictū est) artifices  
principum beneuolentia nati videantur, Princi-  
pes verò ad educandas artes, id vnum tuæ huma-  
nitati, & pristinae virtuti restare arbitror, vt istæ  
disciplinae à regibus excitatae & inuenta per  
reges olim exculta, Regi nunc tibi tutelam sui et  
conseruationem acceptam ferant. En ipsæ fœdo  
puluere, & situ squalidæ numen tuum inuocant,  
implorant, obtestantur. Te dominum, te patrem,  
te patrem num obtigisse gestiunt, atq; hymnis va-  
riis inter se concelebrant. Fer opem miseris, sub-  
ueni



# PRÆFATIO.

veni afflictis, iam enim exules, & ab Academi  
 nostra propulsa artibus fere cæteris loci plus sa-  
 tis, nihil sibi relictum esse queruntur: Se patria  
 expulsas, nudas, inopes cogi in alienam terram.  
 Id hætenus scholæ nostræ dedecus, gloriæ, atq;  
 amplitudini tuæ ornamentum cædat, cum non  
 minor sit virtus, quæ ab aliis inuenta sunt tueri,  
 quàm inuenire posse. Verum nunc ad me, meumq;  
 officium vertor, posteaq; eo noster hætenus ser-  
 mo tetederit, studio, & expectationi publicæ ut  
 facerè satis. Tu modo Potent. Rex salutis nostræ  
 certissimum columen, cape quod nuda animi be-  
 neuolentia ductus, ad felix, & fortunatū regni,  
 rerumq; tuarum auspiciū meus tibi moriens in-  
 stituebat pater. Quod aliqua ex parte mutilum  
 prius nūc absolutū, tibi patris nomine consecra-  
 uit filius. Nec est quod operis huius præstantiā,  
 nouitatem, vsum multiplicem, hic rursus ob ocu-  
 los ponam, illi enim moliri præconia est fructus  
 speciem detrahere, silentium donare est laudis  
 incrementum adiicere. Nam quem modum sibi  
 statuet, quod instar circuli nihil non rerum Ma-  
 them. circumscriptum gerat, quod operis ipse ti-  
 tulus, quod tabula & nomen ipsum indicant,  
 quod patris præfatio, & lectoris emolumentum  
 confirmabit. Valeant igitur instrumenta cætera,  
 quæ vel ob tabularū multitudinem, oneri magis  
 sunt quàm vsus compedio, vel q; potiore Mathē-  
 maticæ disciplinæ partem minime complectun-  
 tur. Ex hoc vno parue molis corpusculo quasi  
 ex



# PRÆFATIO.

ex Alcinoi cornu cuncta depromi possunt: hoc  
 omnis commodi scrinium, omnium deliciarum  
 penu locupletissimū est: Vnum si noris organi  
 genus, omne noris: vt non minus quā aureo illo  
 Gygis annulo quiduis boni, atq; fortunæ huius  
 adminiculo committatur. Superat itaq; vel ea  
 quæ hætenus in lucem emisit pater, lucisq; &  
 nominis sui splendore aliorum nomē inumbrat,  
 quod etiam Oedipodi Colongo Sophoclis fabu-  
 læ adscribit Valerius. Tibi verò Princeps serenif.  
 quasi nouum orbem dicatū intelligas, cum tua  
 virtute ille (cuius hanc imaginem damus) ad no-  
 uitatem, & perfectionem reuocari postulet. In  
 hoc licebit non secus, quā Scipioni obtigisse re-  
 fert Cicero, tu quoque in cœlestibus constitutus  
 angustos huius imperij limites admireris horum  
 sedem quasi punctū contemplans, & cum neq;  
 vulgi sermonibus occuperis neque in præmiis  
 humanis spem posueris rerum tuarū, ipsa te vir-  
 tus solida suis illecebris trahat ad verum decus,  
 Habes insigne nominis tui monumentum, clari-  
 us Mausoleo sepulchro, nobilius omni Memphi-  
 dos Pyramide, quouis pægmate et edificio barba-  
 rico longe præstantius, habes ἀγκάμα perpetuū  
 quale Themistocli, quale Q. Fabio, L. Syllæ, et ipsi  
 deniq; Alexandro regi olim exoptatum ferunt,  
 in hoc nominis, ac gloriæ tuæ fomes est,

Quem nec Iouis ira, nec ignis,  
 Nec poterit ferrum, nec edax abolere vetustas.  
 Te igitur quem penes diuum atq; hominū con-  
 sensus



# PRÆFATIO.

sensus totius prope maris & terræ regimen esse  
voluit, in huius orbis qui cuncta sub imagine cer-  
ta comprehendit, patrociniū ac tutelam qua-  
rimus, ac non secus quā prisci cum oratores,  
tum Poëtæ ab Ioue opt. max. vel alio quouis  
numine operum suorum auspicia suscepe-  
re, ita nunc tuam diuinitatem, quæ  
præsentiore fide paterno aui-  
toq; syderi par est nobis  
adiutricem inuo-  
camus.

Louanij Anno ab incarnatione Domini

M. D. LV. Idibus octobris.

††



Dedicatio huius  
OPERIS NOMINE IVSSV Q  
ipfius authoris per Corneliam Gem  
mam Gemmæ filium instituta, ad  
eundem sereniss. Regem Phi  
lippum, Reipub Christianæ  
defensorem acerrimū.

**C**um repeto Musam, & Graij monumenta Poëtæ,  
Arma Phrygum, Danaumq; dolos, Troicæq; ruinam,  
Corpora tot regum Simois correpta sub undas  
Et sparsos Asia miseranda stragis acervos.  
Hic ubi magnanimi Patroclus cadit Hectoris armis,  
Et sæuo Æacidæ iacula iacet Hector, ubi hostem  
Hostis agit pede pressum & verbis anget amaris:  
Hic ratio rerum quærentem ex ordine causas  
Deserit, ac dubij non vna extingit imago.  
Nam video magnorum obitus dum cantat Homerus  
Dum iactas profugo ne quicquã sanguine uoces  
Prosequitur: plures supremo in lumine, seram  
Concepisse facem diuinæ mentis, & haustu

Animæ fato  
debitæ ut  
plurimum  
de rebus fu  
turis vera  
pronunciât  
quod Home  
ricis exem  
plis proba  
tur.

Æthereo, fati quæ sunt arcana, locutos.  
Quæq; latent hodie obductæ caligine nubis  
Multâ lacus stigi tenebrosis eruta templis  
Migrantes referasse animas præsagia verè  
Sic sua Priamidi patuit morientis ab ore  
Supplicij series, & ineluctabile tempus.  
Idem Hector moriens dextra victoris Achilli,  
Tymbræi patris insidias, fraudemq; suorum,  
Hostis opes, fastumq; breuem, quæq; omnia fati  
Haud multum tardis pendentia vidit ab annis

Certa,



## DEDICATIO.

*Certa, sed ancipiti verborum in nocte premebat.  
Iosa sub occasum Troiæ Priamæia vates  
Os aperit Tencris, Agamemnoniaq; recludit  
Sola Clytemnestræ casus Cassandra futuros.*

*Scilicet est animis hominum vigor, alitis instat  
Flammæ, diuum, & cœli omnipotentis alumnus:  
Qui quantum humili terræ se corpore miscet,  
Principij tamen usq; memor felicibus astris  
Quærit iter, volucresq; super se subrigit auras.  
Ille deum monitu rebus vitamq; caloremq;  
Excitat, & rapidum moribundis artibus ignem.  
Et quantum impura hæc moles capit incrementi,  
Hoc magis æterna cœlorum ab origine distat  
Spiritus, hunc hebetat tellus hunc mobilis humor  
Mistatq; somnifero gelidum præmit vnda veteris  
At spatium tandem lucis veniente supremo,  
Curriculumq; dati finem properantibus annis,  
Quo sua libertas animam, sua poscat imago  
Corporis eductam vinculis, & carcere cæco:  
Illa Deum vitam venturi protinus æui  
Ingreditur præfaga, & adhuc mortalibus hærent  
Iam cœli inuifit colles, Titania templa:  
Mentemq; flatuq; Deum cognoscere ab alto  
Incipit, & superis paulatim adsuescere mensis.*

*Ipse pater (memini) fato cum proximis, altum  
Æthera conciperet (neque enim vixisse dierum  
Circuitus fecere sui, quantum illa perennis  
Fax operum, & variis nomen virtutibus auctum)  
Sæpe Deum impulsu valido, & labentibus auris,  
Os grauidum excussit Vates, fecundaq; veri  
Pectora, terrena quasi iam compage solutus.  
Ipse sub ambiguo pavitantem cardine mundum,  
Fataq; successusq; virum, populiq; ruinas.  
Et quam quicq; ferant fortunam regibus anni  
Anfractu Solis vario, persæpe canebat.*

*Venit summa dies venit mortalibus ægris  
Quæ solitam eripiat formam, atq; à stirpe vetustam  
Deleat humana sobolem: qua maxima Ponti*

†† 2

Regia,

Anima diu  
nitus infusa  
quo libertas  
ti propior  
Dius simili  
or fit.

Author ope  
ris morti iã  
proximus  
multa fato:  
rum arcana  
aperuit.

Præfagium  
atq; Oratio  
authoris  
morituri



# DEDICATIO.

Mundum  
ob corru-  
ptos seculi  
mores in-  
ternecioni  
proximum  
fuisse.

Regia, qua terræ moles operosa fatiscat  
Igne Iouis trifido, & conceptis fumida flammis.  
Illa dies scelerum censu grauis, & Rhadamanto,  
Sed longa iustorum animas formidine soluet.  
Nam (nisi quid sensus circa mihi simplicis ignem  
Caligat mortale, & adhuc in nocte restringit)  
Auroræ de parte deus, Deus ecce repente  
Insonuit lætum, micat vna in vertice coeli  
Aligerum comitata cohors, circumq; supraq;  
Vertitur, & radiis horrentia fulgura mittit.  
At rerum ipse sator emotum à sedibus orbem  
Imponit lanci, atq; æquato examine librat.  
Sed scelerum quia sit. Fat is exactio maior,  
Ignibus armauit dextram, casurâq; sceptro  
Fundamenta quatit, telumq; immane coruscat.  
Discite sed tandem moniti, quibus integer æuo  
Est animus, vaduntq; dies non passibus æquis.  
Iusticiam exercete viri, quos aurea regno  
Fulcra toriq; vocant quibus & terna illa potestas  
Ius ternum, triplici datur adsurgente thiara.  
Cernite quæ rerum teneat fiducia terras,  
Quam nil non impune sibi faciatq; velitq;  
Indocile hoc hominum genus, & nil possit inausum  
Linquere, sed legum quiuis sibi vertat habenas.  
Stat fera Tisiphone, plausumq; & verbera tristi  
Increpat alarum strepitu, noctisq; per vmbra  
Connuocat extremo quicquid Phlegetonte repostum st.  
Inuisce veniunt pestes, qua buccina signum  
Dira dedit: subeunt somno: rapiuntq; ruuntq;  
Tartareum virus, depexos criminibus angues.  
Deū ex spe  
virtutū quæ  
principi no-  
stro conge-  
nitæ sunt  
mundi exi-  
tium distu-  
lisse ad pau-  
cos annos.

Hinc labor, & duris misera in rebus egestas:  
Hinc macies, morbi, & Martis canor omnia late  
Belliq; fraudumq; feris terroribus implet  
Est tamen, hic aliquis Diuorum ab sede potentum,  
Qui mundi exitium, & sortem miseratus acerbam,  
Arma deum lenire putat se posse precando.  
Hic modo Germana demissum ab origine Regem  
Spondet, & Assarici seros à stirpe nepotes,

Atq;



## DEDICATIO.

*Atq; nouam seriem recti, pacisq; sequestrans  
 Margine terrarum manibus pendente PHILIPPO.  
 Altera nunc hominum facies, nunc altera legum  
 Exoritur, pellet tenebras, lucemq; reducet  
 Fama viri, expirant veterum strigmenta malorum.  
 Occidet & belli rabies, fraudumq; Cupido  
 Occidet, antiqui nec erunt vestigia luxus.  
 Olli submissum video, longeq; reuinctum  
 Maumethen vastis in montibus Hyrcanorum  
 Sic tandem posito bellorum turbine pacem  
 Ocia, & ex æquo portas præbere patentes.*

*Si mihi quæ fuerat, quamq; importuna fatigat  
 Morborum seges, & plagis properata senectus:  
 Si nunc illa foret constanti in corpore virtus  
 Multorum patiens, paruoq; exulta iuuentus  
 Heu quem non studio, nostris non artibus vsum  
 Esse putes? quanta pacis dominumq; patremq;  
 Parte operum, inuentiq; velim decorare supremi?  
 Fata viam resecant, captis, & plura parant em  
 Tarda gelu implicuit, tabes, totumq; peredit.*

*Est tamen, est nobis in quo labor vltimus omnes,  
 (Coelicolæ dum fata dabant, properata retexi)  
 Carpsit ab ingenio vires, voluitq; sub illo  
 Vt (quamuis minor est succisa gratia moli,  
 Et limam rude poscat opus) tamen edita nostri  
 Ante oculos, ante ora hominum volitaret imago  
 Vt quo nunc populi tanquã Ioue fulta ruina st  
 Cunctarumq; salus rerum inclinata recumbit,  
 Qui fidei laceros artus, collapsaq; membra  
 Antiquam in sedem referet, ter maximus ille  
 Armorum pacisq; potens, sua cæpta secundis  
 Urgeat auspiciis, & fido tramite ducat.  
 Hoc habeat, quem mox patrio succedere regno.  
 Fata volent, sanguis tuus inuictissime Cæsar  
 CAROLE, qui patriis idem virtutibus omne  
 Europaq; Asiaq; solum sua sub iuga mittat.*

††

Ipse

Promptitue  
 do autho-  
 ris ad offici-  
 um Regi ac  
 principi no-  
 stro exhiben-  
 dum.

Qua ratio-  
 ne hunc li-  
 brum An-  
 glia atq; Hi-  
 spaniarum  
 regi dicatū  
 velit.



# DEDICATIO.

Regis ac  
principis no-  
stri encomi-  
um ex variis  
deorū por-  
tentis.

Ipse Deus rutilo vibratum vertice sydus  
Caesariem nati crepitantibus vrere flammis  
Fecit, & insignem radiis albescere spiram.  
Fecit inauditis agitari motibus Alpes:  
Et late obucibus ruptis efferuere Pontum:  
Æratas cœli per iter concurrere classes,  
Ætheraq; horrendo sonitu mugire tubarum.  
Quid tandem? famæ & magni nisi nominis illud  
Augurium, populos acreis sub rege PHILIPPO,  
Atq; omnem insolita tellurem exuscitet armis?  
At tandem stabiles sedato Marte triumphos,  
Et solida signet gentes in pace futuras?  
Audit Albani lacus, audit ipse recuruis  
Hister aquas, reuocatq; pedem Cephisus ab alto.  
Incipit ambiguum late increbrescere murmur,  
Qua Parthus, qua mollis Arabs, quaq; Asia ponto  
Gens fremit Euxino & gelidum quæ potat Araxim  
Non aliter terræ cum primos extulit ortus  
Auricomum iubar, & medice micat area flammæ:  
Cum primum pedibus ærata repagula pulsant  
Solis equi, & fumum tenuem sub nubila iactant  
Continuo noua lux nouus ecce procul montanis  
Verticibus color, excedunt vaga sydera mundo,  
Anguis, & Arcitenens, versiq; Lycaonis Arctos,  
Indosamq; hyemem cœlo qui torquet Orion.  
Tum noctis grauis umbra, & lentus liquitur humor:  
Et scissam videas radio euanescere nubem.  
Salue magne Tagi rector, tuq; inclita salue  
Atrix, atq; parens magnorum Hispania regum:  
Quæ lucem ex alto reuehis, quæq; aurea nobis  
Inuicto tandem peperisti principe regna.

Filius ad  
principē.

Hæc sunt quæ dederat moriens pater, hæc eadem optas  
Ex nobis Musæ foueant monumenta perennis  
Nunc ad te & tua rex Diuum sate sanguine, supplex  
Numina deuenio, sceptriq; in signe tremendum  
Suspiciens, (oculis quantum per inane secutus)  
En ego vestibulum ante sacrum sub limine regni  
Deficio, fugit ore color, subitoq; labascant

Genus



# DEDICATIO.

Genua metu, & fessis gelidus liquet artubus humor.  
Tum fracta haud paribus spatius intercipitur vox,  
Pectus & inclusa quatuor fuligine venæ.

At mihi continuo superatres arce sorores  
Subueniunt, tua Rex quarum sub numine semper  
Maestas, grauis & solij fortuna resedit.  
Instaurant perculsum animū, & genua agra trahentem  
Adfusa circum niueis hinc inde lacertis  
Pasytbea, Euphrosyneq; trahunt, & blanda Thaleia:  
Quas inter quæ sola modo dexterrima fandi  
Pone metus, (inquit) lapsasq; recollige vires.  
Non istic Phalaris non Syllæ, aut seua Neronis  
Regia, sed nostro torus est mansuetus alumno.  
Ullum ego sepe finis medios, & ad vbera pressi,  
Et tenerum adnota soleo lactare papilla.  
Tres æquo Charites gressu comitamur euntem,  
Lucem oculis, animo placidum adspiramus amorem.  
Ille Deum ritu, non vllis faucibus curis  
Pectora non vitis aluit subiecta prophanis.  
Non infedato calefactus viscere sanguis  
Aut signum in vultu, aut varios dedit ore colores.  
Aspice, (namq; tuis, vt cepto audentior instes,  
Plus oculis dabitur subducta nube tueri)  
Hic vbi ter triplices solij ad fulcimina bullæ  
Auratis lucent sagulis, en quanta Deorum  
Circumstat series, regemq; ad sydera tollit.  
Hic & amor recti, & Crimen diffusa decorum  
Religio geminat plausus, annūmq; resumat  
Optato amplexu, & thalamo fruitura iugali.  
At medium duplicis radij insignita corona  
Occupat, immotumq; adytum Constantia seruat.  
Quam iuxta innumera pestes adamante perenni,  
Et rigidis vincula centum post terga catenis.  
Tum duo quæ variis sensum captare figuris  
Monstra solent, animisq; inhiant illudere captis,  
Virginis hic subter posito ludamine plantas  
Arctantur Metus, & Sortis spes credula Vanæ.

Diux regis  
ac principis  
nostri fami-  
liares adsti-  
trices quæ  
cunctis ferè  
facilem in-  
gressum præ-  
beant.

Laudatur  
mansuetu-  
do in rege  
stupenda  
planè.

Laudatur  
religio in  
rege An-  
glia.

Constantia  
morum.



# DEDICATIO.

Simbolum  
regis, Sine  
spe & metu

Liberalitas  
regis ac pru  
dentia in  
gubernan-  
da repub.

Dedicatio  
operis ad  
regem.

Dedicatio  
instrumēti.

NON TORQVERE metus, non spes lactare serena  
Ora potest regi rebus præfixa deorum.  
Illum cana fouens teneris Prudentia ab annis,  
Grata animi virgo, moresq; exosa feroces  
Porticibus lustrat celsis, atq; atria circum  
Tuta means, noctem æterna statione serenat  
Illa etiam armorum sonitus, strictæq; securis  
Barbaricum ritum prospectu ludit inani.  
Stat regi ante oculos, intentiq; ora resoluit:  
Ore suo, regni & rerum fidissima custos:  
Vestit & hæc vultum radiis, tripliciq; coruscum  
Luce caput, premit insertis sacra tempora gemmis.  
Tu modo (quid trepidas?) hac mecum dirige gressus.  
Nulla viam fortuna negat, quoadcunq; pararis  
Ipse manum radiis ardentem lucis & auri  
Prorogat, & memori benefactum mente reponit.  
Non fasces, non te regalis purpura cœptis  
Attonitum faciat retro in vestigia verti.  
Sit licet illustris, nulla hic te flamma peruret.  
Sed qualis vectum liquidas Phaëtonta per auras  
Igne pater posito tecti in penetrabile recepit.  
Ponet & ille animos, ingentia lumina ponet,  
Et nullo instanti propius fulgore restringet.  
Talibus incensum dictis & multa parantema  
Dicere, corripunt Diuæ. Tæa maxime regum  
REX ante ora feror, sine sacris oscula plantis  
Me dare, perq; sequi cineris consulta paterni.  
Neu qua per ambages mora sit, cape parua tuorum  
Dona, sed æternos tecum victura per annos.  
Si quid ab ingenio mirum est, aut arte magistra,  
Omne tuum est, tibi debetur, tibi scribitur vni.  
Accipe & innumeris perplexos orbibus orbes,  
Effigiem regni non æqua in mole coactam.  
Sed qualem semet Vulcani pictus in armis  
Tros tulit Aeneas, famamq; & fata nepotum.

TABV.



INDEX.  
TABVLA SINGVLO-

RVM CAPITVM QVAE IN HOC  
libro comprehendun-  
tur.

CAPVT PRIMVM.

- D**E projectione sphaerae in planum, & de astro-  
labi compositione.
- 2 De partibus astrolabi, & nomenclatura.
  - 3 De solis & stellarum altitudine.
  - 4 De tropicorum distantia & maxima Solis declina-  
tione, & eleuatione poli ex iisdem.
  - 5 De loco Solis in zodiaco ex dorso instrumenti.
  - 6 De declinatione Solis quotidiana & singularum  
partium zod. ex organo
  - 7 De latitudine regionis seu eleuatione poli, ex de-  
clinatione solis.
  - 8 Qua ratione Lunae latitudo deprehendatur.
  - 9 Data iam loci latitudine, quae sit stellarum declina-  
tio per obseruata.
  - 10 Qua ratione regionis latitudo, seu eleuatio poli  
discatur ex stellis nunquam nobis uidentibus.
  - 11 Quo artificio quotidie Sole lucente, locus eius in  
zodiaco, & quis sit dies anni addiscatur.
  - 12 Ascensionis rectae inuentio pro quantauis eclipti-  
cae portione, & quis gradus aequatoris cuilibet  
parti eclipticae coascendat in sphaera recta.
  - 13 Qua ratione idem facilius ex reti discatur.
  - 14 Quomodo econtra data ascensione recta, gradus  
eclipticae correspondentes colligantur.

†† § Quodnam



# INDEX.

- 15 Quodnam sit punctum eclipticæ, in quo maxima existat differentia inter partes eclipticæ, & æquatoris coascendentes in sphaera recta.
- 16 De adscensionum differentiis.
- 17 De eadem adscensionum differentia ex reti & horizontali catholico.
- 18 De adscensionibus obliquis inueniendis.
- 19 De descensionibus, & rectis, & obliquis partium zodiaci.
- 20 Data longitudine stellarum, & latitudine, quanta sit adscensio recta, & obliqua ipsarum, & quanta simul declinatio ab æquatore, & de impositione stellarum fixarum in Astrolabo.
- 21 Data sola declinatione stellarum fixarum, cum latitudine earum, quæ semper eadem permanet, uerum locum earum in zodiaco definire secundum longitudinem.
- 22 Data differentia adscensionum, uel ipsa ascensione obliqua alicuius partis zodiaci, uel stellæ cuiuspiam cognitæ, quæ sit latitudo loci respondens.
- 23 De amplitudine ortus solis, & stellarum.
- 24 Cognita iam amplitudine ortus solis, aut stellæ, cum loco eius in zodiaco, quæ sit regionis latitudo correspondens.
- 25 De ortu, & occasu solis, & de arcu semidiurno solis, & stellarum, & quantitate diei.
- 26 Quomodo data diei prolixioris quantitate, eleuatio quoq; poli inde eliciatur, & de climatum distinctione, & parallelorum.
- 27 Quota hora diei, uel noctis stella quæuis emergat.

supra



# INDEX.

- supra finitorem, uel descendat.
- 28 Quæ stellæ quibus regionibus semper sint sublimes  
quibusq; nunquam conspicuæ, & quibus uertica-  
les euadant.
  - 29 De ortus, & occasus differentia multiplici, tum  
iuxta Poëtas, tum Mathematicos.
  - 30 Quota sit hora interdiu ex Solis altitudine.
  - 31 De hora noctis per stellæ.
  - 32 De horis ab ortu uel occasu numerandis.
  - 33 De horis inæqualibus seu temporariis & plane-  
tarum.
  - 34 De maxima Solis & stellarum altitudine, siue de  
meridiana stellarum altitudine.
  - 35 De gradu mediæ cœli quouis tempore inuestiganda.
  - 36 De horaria distantia à meridie exploranda.
  - 37 Quanta sit Solis altitudo, & de canone pro fabrica-  
tione horologij.
  - 38 De stellarum quoque altitudine pro quouis tem-  
pore.
  - 39 De circulo uerticali, seu distantia horizontali à  
meridie Solis, & stellarum.
  - 40 De lineæ meridianæ inuentione.
  - 41 Inuenta iam lineæ meridianæ, quo pacto ex ipso ad  
spectu Solis, uel stellarum, circulus uerticælis,  
seu distantia horizontalis à meridie cognoscatur.
  - 42 Quanta sit latitudo loci, & quota simul sit hora  
cognito circulo uerticali loci, uel stellæ alicu-  
ius cognita.
  - 43 Quis sit locus Solis in zodiaco data eleuatione  
poli



# INDEX.

- poli & cognito Solis circulo uerticali cum altitudine eius supra finitorem.
- 44 Quota hora Sol, uel stella qualibet ad circulum uerticalem quemcunque, siue ad regionem quamlibet præfinitam motu raptus pertingat.
- 45 Quo pacto stellæ fixæ illustriores in cælo agnoscantur, aut planetarum quilibet, dum supra horizontem conspiciui apparent.
- 46 Cognitis duabus stellis fixis, quarum altera sit in medio cæli, seu ad meridiem constituta, altera uerò in alio quouis loco, constabit nobis eleuatio poli: quod etiam ex una in meridiano constituta fieri potest.
- 47 Cometa conspecto, uel stella quapiam ignota, siue planeta fuerit, siue fixarum aliqua, quis sit locus eius in zodiaco, & quanta latitudo.
- 48 Quæ sit quantitas angulorum, quos ecliptica efficit cum meridiano singulis momentis.
- 49 Quo pacto idem alia uia addiscatur.
- 50 Quis sit quouis tempore gradus exoriens, siue Horoscopus, & de quatuor cardinibus.
- 51 De duodecim domiciliis, siue locis, & positionis circulo, quid sit.
- 52 Quo pacto eundem Horoscopum alia uia, parteque eius præcipua liceat inuenire.
- 53 Quis sit circulus positionis cuiuslibet puncti dati, & quantum polus mundi supra talem circulum eleuetur, pro modo Ioannis de Regiomonte & Campani.
- 54 De reliquis domiciliis octo, secundum Ioannem Regiomontanum.

Domica



# INDEX.

- 55 Domorum cœli distinctio ex Campani, & Gazull  
inuentione.
  - 56 De aliis modis distinguendi domos, & quæ sit  
optima ratio.
  - 57 In qua domo consistat stella qualibet.
  - 58 Quid sit directio, & quibus modis perficiatur.
  - 59 De directione eversa, seu contra successionem si-  
gnorum.
  - 60 Quousq; uel in quam partem directio, seu dimis-  
sio peruenerit.
  - 61 Quis gradus eclipticæ propositum circulum sta-  
tionis occupet pro tempore dato.
  - 62 Quantus sit angulus eclipticæ, & horizontis ad  
quamlibet eclipticæ partem.
  - 63 Quanta sit solis, punctiue eclipticæ cuiuslibet al-  
titude alia ratione quàm in superioribus.
  - 64 Quis sit angulus circuli uerticæ, cum eclipticæ  
quouis in loco.
  - 65 Quæ sit luna παραλλαξις, siue diuersitas adspe-  
ctus in circulo altitudinis.
  - 66 Quanta sit παραλλαξις lune in longitudine &  
latitudine.
  - 67 Deliquitum solis quando sit futurum.
  - 68 Alius modus aptissimus distinguendi paralaxeos,  
in longitudine & latitudine.
  - 69 Quanta Solis pars obscurabitur.
  - 70 De duratione eclipseos Solaris.
  - 71 De defectu lune, quantus sit futurus, & quandiu  
durabit.
  - 72 Qua ratione lune parallaxis, seu euariatio uisus  
ex cœlo deprehendatur, ad certam dici horam.
- Quanta



# INDEX.

- 73 Quanta sit maxima euariatio lunæ in visu, quoties  
bet die cum cerni potest.
- 74 Data longitudine & latitudine duarum stellarum,  
quanta sit inter ipsas distantia.
- 75 Qua ratione duarum stellarum incognitarum di-  
stantia accipiatur, absq; horæ, aut latitudinis  
cognitione, per astrolabum.
- 76 Quanta sit longitudo caudæ cometes.
- 77 De locorum distantia recta in terræ superficie.
- 78 Quartus modus inueniendi stellarum interstitia.
- 79 Quis sit angulus (quem uocant positionis) duorū  
locorum: hoc est in quam partem mundi, uel res-  
gionem, locus quispiam ab altero protendatur.
- 80 Qua ratione idem angulus positionis colligatur  
pro locis extra adspectum positis, unde in quā  
regionem mundi, quouis locus ab altero uergat  
cognoscatur.
- 81 Antres stellæ in cælo, uel tres ciuitates, locaue in  
terræ superficie sumpta, in uno, eodemq; consi-  
stant circulo magno.

## Capita per Gemmæ filium adiecta.

- 82 Quod tria hæc puncta sol, cometa, & caudæ eius  
extremus apex in unum incidant positionis cir-  
culum, demonstratio ex prædictis.
- 83 De terræ dimensione, ac describendo urbis, uel cuius-  
iuscunq; regionis schæmate, ex patris dogma-  
te: uia tamen paululum commodiore.
- 84 Longitudinum differentia qua methode inuestiga-  
ri possint.

Quis



# INDEX.

- 85 Quis cœli punctus quemuis meridianum occupet,  
& quæ sit hora alteri cnicunq; uoles regioni,  
cognita hora loci tui.
- 86 De situ orbis inuestigando, ac incertam terræ par-  
tem dirigendæ nauis artificio per stellâ uisam,  
necnon de locorum distantia uestiganda ratio-  
ne Geometrica.
- 87 De usu quadrati Nautici.
- 88 De constitutione instrumenti huius apta ad quas  
tuor plagas mundi, uentorumq; descriptione  
commoda.
- 89 Ut sciamus sub quo parallelo, aut cœli climate uer-  
semur.
- 90 De aurora, siue crepusculo, quotuplex sit, & quis  
eius definiendi modus.
- 91 De maris augmento, & decremento, lunæ distan-  
tiæ per eccentricum, & planetarum incessus  
forma triplici.
- 92 De horologij horizontalis fabrica, huius instrumē-  
ti adminiculo.
- 93 De horologij muralis compositione.
- 94 De muri inuestiganda distantia à meridie uera, &  
Solis distantia à meridie iuxta uerticalem loci  
circulum.
- 95 Adscensio partium zodiaci absq; cognitione dif-  
ferentiæ adscensionum quomodo reperiri  
possit.
- 96 Data adscensione obliqua in aliqua regione, eus-  
ius latitudo nota est, quis sit gradus eclipticæ  
coascendens.

De



# INDEX.

- 97 De annorum mundi recursibus, genesiumq, et aliarum rerum (ut uocant) reuolutione certa, Appendix ad tractatum de genituris.
- 98 De progressionibus, & diuisoribus, quos algebutkar uocant Arabes.
- 99 De dimensionibus longitudinum quarumcunque per astrolabum, & triangulorum in his proportionem certa ac breue quadrati Geometrici compendium.
- 100 Quomodo rerum inaccessarum dimensio sit instituenda.

## FINIS TABVLÆ.

Adiecta sunt operi aliquot capita à Cornelio Gemma Gemmæ filio, quibus quotcunq; ex auctoris intempestiua morte ad Instrumenti integritatem vsus & axiomata desiderata sunt, paucis explanantur.



# CAPVT PRIMVM

De projectione Sphæræ in planum,  
& de Astrolabi compositione.



*S*phæram, id est mundi artifi-  
cialem typum qui primū mor-  
talibus commonstrauit, atque  
pulcherrimum eius vsum tra-  
didit, næ ille gratiam nunquā  
intermorituram apud omnes

Breue sphæ-  
ricæ doctri-  
næ encomiū

homines qui rationis participes viuunt meritis  
est. Quia coelum cuius immensa capacitas inge-  
nij humani vires superat, oculis conspiciendum  
ac manibus contrectandum (vt sic loquar) exhi-  
buit. Ex qua re quantum commodi in studiosos  
deriuatum sit, vix longissima oratione vel facun-  
dissimus quispiā Rhetor explicuerit. Et quid in  
studiosos tantū dico? Quin potius in oēs homines  
qui hac cōmuni mortaliū aura fruuntur? Hinc  
temporum pulcherrima constituta est ratio, tem-  
pestatū prædictio, morborum præcognitio, si Hip-  
pocrati & Galeno credimus. Hinc messis, vinde-  
miarum, sationisq; oportuna observatio, si Ver-  
gilio aliisq; ante ipsum grauissimis de Re rusti-  
ca scriptoribus fides est habenda. Omitto alia in-  
finita quæ eruditis ingeniis cognita sunt: de qui-  
bus quia præstantissimi viri volumina scripse-  
runt integra, nolo hic verba in vanum fundere.

à voluptate

Ab usu &  
necessitate.

A Nam



## DE ASTROLABO

Inuentores

Nam alioqui & nos de Sphæra vsu scriptū in lucem dedimus, succinctum (fateor) pro tāta rei maiestate seu dignitate. Verum cui sit habenda gratia pro tanto nobis collato beneficio, non parum ambigunt scriptores. Cicero Archimedem Syracusanum auctorem tantæ rei facit: eundem & Iulius Maternus. Plinius septimo lib. Atlantem Lybiæ filium. Alij Architam Tarentinum, alij verò Eudoxum. Verum equidem crediderim hic accidisse quod nusquam non experimur euenire. Nempe artes omnes ab exiguis ortas initiis ab aliis atq; aliis successu tēporis sumpsisse insignes accessiones atq; incrementa, Ideoq; variis auctoribus qui vel illustrarunt partē, vel accessione insigni promouerunt, inuentionē adscribi, Haud aliter atq; ingenia flumina quæ ex multis hinc atq; illinc confluentibus riuulis ex crescunt, ignotos tamen habent fontes. Nos igitur hac omīssa contentione, scripta illorum virorum qui in tam ardua desudarunt scientia, amplexemus benignè, ac Deo opt. max. omnium artium, omniumq; bonorum fonti inēxhausto agamus gratias, quod & hac sua in nos dona transfundere sit dignatus, studeamus ex his præclaris diuinitatis ipsius speculis penitus illum cognoscere, amare, & piè colere, ne ingratos in ignorantie densissimas tenebras iusto abiiciat iudicio.

De



# CATHOLICO.

De sphaera igitur usu nunc temporis non erit no-  
stra oratio, quod à Ptolomæo partim, partim à  
multis aliis, demum & à nobis sit facta enarra-  
tio. At quia Sphaera instrumentum omnibus li-  
cet modis absolutissimum, sua tamen habet incō-  
moda, adeò ut non omnibus aequè commode pos-  
sit esse vsui: Nam structura & sumptuosa est &  
laboriosa. siue enim solidam sphaeram conficere  
velis quam globum rectè appellamus, præter cor-  
pus exquisitissime rotundum opus erit orbibus  
æneis ut meridiano Horizonte, aliisq; nōnullis,  
quorum connexio admodum artificiosa multas  
præbet errorum occasiones, ac non paruos sump-  
tus requirit. Talia enim ex solida firmaq; mate-  
ria confici oportet & à summis artificibus. Si ve-  
rò ex orbibus aut armillis sphaeram componere  
velis, quam Ptolomæus *κικροτῦρ* siue armillarē  
vacat *σφαίρα*. Et hic multitudo orbiculorum  
hallucinandi præbet occasionem, & sumptus au-  
get & non infimos exigit artifices. Adde quod  
globi & sphaera proficiscentibus incōmodo sunt,  
ac difficulter ab omni offensa seruari possunt.

à commo-  
ditate.

Ob has igitur atq; alias causas non inutiles, ve-  
teres studuerūt, ac conati sunt miro ingenio glo-  
bi circulos, per quos maximarum rerum cōmodi-  
tates accipimus, in planam superficiem traduce-  
re, id quod *Analemma* vocat Vitruuius ut ego

*Analemma*

A 2 inter



## DE ASTROLABO


interpretor. At quandoquidem impossibile est globi superficiem plano prorsus adaptari, ita ut omnia eandem in plano seruent ad inuicem rationem, quam in gibba globi superficie habent, inuenta est industriis illis viris alia ratio, quæ scilicet ea omnia quæ nobis certo constitutis loco in globo videntur, eadem eodem visus modo in plano conspiciamus, id quod τῆς δ' ἰκῆς artificium est. Quo pictores in plana superficie nobis domos, theatra, imò vrbes ac alia quæuis ita graphice depingunt, ut ea nobis cernere videamur secundum tres dimensiones, quæ tamen in plana superficie non nisi duas obtinere possunt.

Quamquam enim superficies plana quæ Græcis ἐπίπεδος & ἐπιφάνεια dicitur duas habeat dimensiones, longitudinem inquam & latitudinem, tertiam tamen quam τὸ βάθος, hoc est profundum vocāt, non potest habere. Hinc fit ut sicut punctum nullam lineæ partem occupat, ita neq. superficies ullam corporis siue solidi partem occupat. Item sicut linea curua nunquam rectæ applicari potest, ita ut partes curuæ & rectæ eodem modo ad inuicem consistent, ita neque ea quæ in gibba globi superficie consistunt, aut in caua unquam plano poterint eadem seruata partium ratione applicari. Id quod in studiosorum gratiam breui demonstratione declarabimus.

Sic

Opticæ doctrinæ succincta traditio ad planæ sphaeræ rationem percipiendam mirè utilis.





Applicetur eadem  
 plano, sitq<sup>ue</sup>  $xx$  equa  
 lis curvæ data, fini  
 que partes eius,  
 $xz, zd, di, ix$ , æquales  
 partib. curvæ singu  
 læ singulis. Constat  
 quod recta  $xx$  du  
 pla sit ipsi  $xz$  distā  
 tiæ. Sed distantia  
 æ lineæ nullo mo  
 do est dupla ipsi  $xy$   
 distantia. Produ  
 ctis enim lineis  $xy$

IH & γ, fit triangulū  
αγε, cuius duo latera αγ, γε maiora sunt latere  
tertio αε. Igitur distantia αε non est dupla di-  
stantiae punctorum α & γ. Quoniam minor est  
quàm duæ, αγ & γε, lineæ rectæ, quæ & ipsæ mi-  
nores sunt quàm curvæ αγ & γε lineæ, per fini-  
tionem lineæ rectæ. Hæc igitur sic se habent.

A ; Aita



# DE ASTROLABO

Commoda  
ad res exter-  
nas compa-  
ratio à pi-  
ctoribus  
desumpta

Attamen per visus aspectum seu intuitum fieri  
potest descriptio in plano quæ eadem nobis in pla-  
no videnda exhibeat quæ alioqui in solido com-  
prehendimus. Hoc artificium nobis quotidie pi-  
ctores exhibent, & scribit de ea re pulcherrima  
exempla Albertus Durerus nobilis & pictor &  
Mathematicus. Docet enim quomodo in plana  
superficie quam fenestra applicat, quacumq; obie-  
cta ut oculo obuertuntur ita in planum descri-  
bantur. Secundo idem clarius innuens, vitream  
planam tabulam inter aspectum & re obiectam  
collocans, aspectu fixo quacumq; videntur per vi-  
trum manu depingit in vitrea superficie. Hoc  
ut primum ὡς ἀφικνῆται discipulis utile est, ita  
ad nostrum institutum intelligendum plurimum  
facit. Nam & nos per vitrum aspicientes Sphæ-  
ram orbicularem cum suis circulis, in vitri super-  
ficie poterimus describere, sequentes intuitus aci-  
em per omnia sphaera loca decurrentem, manu  
omnia notantes diligenter. Similes rationes se-  
quutus est Ptolomæus in fine primi Geographiæ  
cap. vigesimoquarto, cuius inscriptio talis est:  
Μέθοδος εἰς τὴν ἐν ἐπιπέδῳ τῆς οἰκουμένης οὐμέ-  
τρων τῇ σφαιρικῇ δεῖν καταγράφειν. Similiter  
in septimo clarius rem proponit eandem his verbis:  
ὅτι ἀτοπὸν δὲ προσεῖναι, πῶς ἂν δὲ φαινόμενον ἡμι-  
σφαίρειον ἐν ᾧ ἡ οἰκουμένη καταγράφεται ἐν ἐπιπέ-  
δῳ, ὡς ἐκτελούμενον ὑπὲρ σφαίρας καὶ κοτῆς. In his locis  
Ptolō



Ptolomæus tres quatuorue modos docet deformandi visam terræ habitabilis superficiē in plano, ut maximè fieri poterit conformem aut similem ei, quæ in spherica superficie, qualis terræ superficies demonstratur, descripta est. Sunt & alij modi non pauci describendi spheræ circulos in plano apud Ioannem Vernerum doctissimū virum, & Io. Stoflerum, omnes quidem in eundem scopum contendentes. Quorum alij propius ad spheræ rationē accedunt, alij absunt longius. Et quanquā Ptolomæus dicat in .i. Geographiæ, ἐπεὶ δὲ οὐχ οἰόντε πάντων τῶν παραλλήλων σῶσαι τὴν ἐπὶ σφαίρας ἀναλογίαν, hoc est, quandoquidem fieri non possit ut omnes paralleli eam seruent rationem quam in globo obtinent. Poterit tamē fieri ut omnes paralleli à sua ad inuicem & ad æquatorem ratione non discedant, id quod in nostra descriptione Geographica factū videre licet, in plano extēsam. Verū & hic à ratione spherica non minus receditur, quoniā Meridiani à circulari ratione recedunt longius, q̄ in Ptolomæi descriptionibus, in quibus partim per circulos aut circularis ambitus partes, aut per rectas Meridiani omnes protrahuntur. Sed de his satis.

Redeundum ad propositum est ut id quod agimus clarum euadat. Varij ergo (ut diximus) sunt modi per quos ex visu in planum deformen-



## DE ASTROLABO

Applicatio  
demonstra-  
tionis ad  
propositū  
negotiū.

tur circuli cœlestes qui nobis sphaeræ usum præbent  
Varietas autē maximē accidit, ἐκ τῶ τῆς ὀψείως ἀπο-  
σίματ'  $\Theta$ , hoc est, ex oculi alia atq; alia distantia.

Si quis ergo in centro mundi constitutus sur-  
sum aspiciat in cœlum, concipiatq; animo se per  
vitrum aspicere in cœlo, ἢ ἐκ κεντρικῶς, hoc est, or-  
biculos sphaeræ materialis, ille poterit in vitro  
oēs depingere ea ratione qua eas videt. Et quanq̃  
impossibile proponā, nemo tamē nostrā doctrinā  
cōtemnat: Nam per Geometriæ inuenta facie-  
mus, quod natura rerum non permittit.

Primus  
sphaerā con-  
templandi  
modus.


Sit ergo centrū mūdi  $\alpha$ , circū quod sit descriptus co-  
lurus solstitiorum  $\beta \epsilon \gamma \delta$ , continens quinque paralle-  
los sphaeræ,  $\kappa \lambda$ ,  $\theta \iota$ ,  $\delta \epsilon$  ipsum Aequatorem,  $\kappa \lambda$ ,  $\mu \nu$ , secundū  
suas ab Aequatore distantias. Quod si lubet poterunt  
singuli quoq; paralleli decussatim inscribi, ut in Geo-  
graphia fieri solet. At hæc nobis pro exēplo sint satis.

Ex hac tra-  
ditione par-  
tium terræ  
ad cœli zo-  
nas habi-  
tudo spe-  
ctatur.

Huic circulo ad polum arcticum qui sit  $\beta$  ipsi axi  $\beta \gamma$   
ad rectos describatur linea  $\xi \theta$ , quæ sit communis inter-  
sectio Meridiani  $\Theta$  plani alicuius obiecti, in quod  
sphaeræ circulos traducere est animus. Sitq; oculus seu  
aspectus in  $\alpha$  centro, à quo emissi radii per  $\theta \iota$ ,  $\Theta \kappa \lambda$ ,  
puncta duorum parallelorum quibus Meridianum sec-  
cant, usque in lineam  $\xi \theta$ , quæ in plano per Meridianā  
sectionem intelligitur, notabimusq; puncta  $\xi \theta$ ,  $\pi \varsigma$ . Cen-  
tro uerō  $\beta$ , secundum distantiam  $\beta \xi$  uel  $\xi \theta$  describatur  
circulus in plano qui uicem tropici in plano referet.  
Eodem modo, centro  $\beta$ ,  $\Theta$  interstitio  $\beta \pi$  uel  $\beta \varsigma$ , de-  
signetur circulus per  $\pi \varsigma$  transiens qui circuli polaris  
uicem referet. Eodemq; modo si uelis parallelos per  
denos




*[Faint, mostly illegible handwritten text, possibly bleed-through from the reverse side.]*





## DE ASTROLABO

denos gradus depingere, partire quadrantem  $BS$ , uel  
 $Be$  in 9. partes : & ex centro  $\alpha$  ductis lineis usque ad  
 contactum  $\xi$  o linea, describes circulos parallelos pro  
 tuo arbitrio. At quoniam haec ratio hemisphaerium nō  
 potest comprehendere, licet alioqui recte Sphaera cir-  
 culos nobis referat, tanquam inutilis relinquitur ab au-  
 thoribus, eius typum tamen adiecimus.



Descriptis parallelis, maximus eorum secetur in  
 360. partes, quae longitudes finient, ducenturq;  
 ad polum  $B$  rectae quae meridianorum vices obti-  
 nebunt. Sicq; vel stellae vel habitati orbis partes  
 inscribi possunt, nisi (ut diximus) breuior haec fie-  
 ret



ret descriptio quàm ut mediam sphaerae superficiem comprehendat.

Alter modus omnium quos vidi optimus est, & utilissimas nobis exhibet cū cœli tum terræ descriptiones planas, mirabili iucunditate nobis cœli circulos ob oculos ponentes. Cuius quidem inuentor quis fuerit, hactenus quidem ignorare me fateor, quanquàm sciam Ptolomæo à nōnulis adscribi, inter quos & Ioan. Stoflerus est qui & compositionē & usum eius docet ex professo. Vocant hoc analemma, Astrolabum. Quod nomen generale mihi videtur, quod eo astra, siue stellæ obseruentur, ortusq; & occasus reliquaque φαινόμενα earum deprehendantur. Quod ex Ptol. tertio τῆς περὶ ἀβίβλου συντάξεως colligere licet, capite de parte ascendente, his uerbis: Μόνος μὲν ὡς ἐπίπαρ τῆς δι' ἀστρολάβου ὡροσκοπίων &c. ubi non de vno organo mihi verba facere videtur, sed de quouis, cuius adminiculo ex stellis horæ accipi possunt, demptis iis quæ illic subiicit. Sed dicatur etiam per excellentiam Astrolabum siue Astrolabium, de nomine non est certandum. Huius descriptionē Ioan. Stoflerus prolixè ac diligenter prosequitur, verum nōs vno tantum schemate methodum huius cōpositionis ob oculos ponemus, quo docebimus & hanc sphaerae in planum productionem ab intuitu, siue oculi inspectione

Modus  
posterior.







Etione ortum habere, & simul totius compositionis fundamenta trademus.


Sit igitur Meridianus Sphaerae τῆς κεικότης α β γ δ cuius centrum ε, Polus Arcticus γ, Antarticus α, Aequator β δ, Tropicus aestiuus ζ η, Hybernus θ ι, Circulus polaris Arcticus κ λ. Intelligatur nunc aspectus in polo Antartico, α, unde conspiciat circulos Sphaerae obiectos, quos in planum transferre per uisum sit animus. Planum uero obiectum intelligi potest uel per centrum transire, ut linea β δ sit communis sectio plani & Meridiani, uel per polum γ: sic linea ε ο, erit linea sectionis Plani & Meridiani. Protendantur ergo radii ex α, in lineam usque β δ per singula puncta Meridiani per Sphaerae circulos designata scilicet θ ι, β δ, ζ η, κ λ, & notentur puncta in linea Plani π β ε σ ε τ φ δ χ. Similiter possunt alii circuli Sphaerae per uisum in planum deduci, ut sit Horizon alicuius loci α ν, erunt puncta eius duo in plano ρ ω.

His ita descriptis deformatur Sphaera plana quod Astrolabum vocant, ducendo circulos per duo puncta in plano notata quae ab extremitatibus duabus eiusdem circuli profecta sunt: ac talis efficitur figura, quam Analemma cum Vi-truuius licet appellare.

TYPVS SPHÆRÆ MA-  
terialis in plano quem Astro-  
labum vocant.



# DE ASTROLABO



Atq; hæc est rudior delineatio Astrolabi instrum<sup>ti</sup> menti longè nobilissimi continens in se totius cōpositionis & causam & modum: At qua ratione particulatim circuli singuli seu verticales, seu altitudinum paralleli, & stellæ inscribantur, non est huius loci verbosius prosequi. Satisfecisse instituto nostro videbimur, quòd ab oculi intuitu talem deformationē fieri declarauerimus: id quod Stoflerus vel ignorauit, vel studio (vt ego credo) prætermisit. Ex hoc artificio licet particulares atque ad varias cæli, polorumue inclinationes, sphaera descriptiones conficere, sicuti & vocatas


ma



matrices faciūt, verū hoc præter institutū nostrū fuerit. Ad quod redire iam tempestiuū videtur.

Astrolabum nostrum Sphæra item plana est, ex visus defluxu similiter vt præcedens descripta. Verum eo solum differt, quòd oculus non in polo, sed in *Æquinoctiali* constituitur, atq; ita oppositum oculo hemisphærium in planum per centrum extensum, oculoq; ad perpendicularum obiectum visu describitur. Accipimus autem in hunc usum sphæram quæ contineat Meridianos quotcūq; poterit pro magnitudine proposita, similiter & circulos parallelos ipsi *Æquatori* quotcūq; poterit, atq; illos in planū sic deducimus

Tertia ex  
adpectu  
sphæra  
planæ de-  
scribendi  
ratio.





## DE ASTROLABO

Sit igitur colurus æquinoctiorū,  $\alpha, \beta, \gamma, \delta$ , Cuius polus sit Boreus  $\beta$ , Austrinus  $\delta$ , Centrum  $\epsilon$ , Punctum occasus in quo oculum statuimus siue  $\tau\eta\varsigma$  ὀφθαλμοῦ centrum. Planum intelligatur circulus per centrum mundi  $\epsilon$  transiens quod sit idem cū Coluro Solstitiorū ut Sphæra ratio postulat. Communis intersectio duarum dictarum superficierum erit  $\beta\delta$  linea. Igitur ex  $\alpha$  oculi centro partes  $\beta\gamma\delta$  hemicyclii ducuntur ad lineam  $\beta\delta$ . Et quoniam Meridianus Colurus æquinoctialis atque ut uno uerbo explicem, circuli maiores omnes æquales habent partes similis rationis, diameter æquinoctialis ex transuerso oculo obiectus per partes æquatoris obiectas oculo, eodem prorsus modo secatur. Vnde sicut  $\beta\delta$  linea secta est in partes, ita in similes prorsus secabitur  $\alpha\gamma$  linea quæ æquatoris uitam refert. Quoniam uerò æquatoris segmenta Meridianos designant. Meridiani uerò partes parallelorum interstitia designant: pro Meridianis describendis, quæremus centrum trium punctorum, quorum unum semper accipietur in linea  $\alpha\gamma$  iam, ut diximus, distincta. Reliqua duo semper erunt  $\beta$  &  $\delta$  poli, in quos necesse est omnes concurrere Meridianos. At pro parallelis inscribendis, etiam trium punctorum centrum quærendum. Duo quidem in peripheria circuli accipientur æqualiter ab altero polorum distantia, Tertium in linea  $\delta\gamma$ . Simili ratione ab eodem polo distans, à quo aliorum punctorum accepta sunt interstitia.

Hoc igitur Analemma, hæc inquam Sphæra plana omnium est commodissima atq; vniuersalissima, innumerabiles habens usus, ad omnem  
cœli



cæli inclinationem æquè accommoda. Inuen-  
tum vetus est quod ad ὑπογῶνις attinet, verum  
usus eius vberimus, ac facilimus, nunc primum  
in lucem datur à nobis. Attigerunt quædam  
problemata, Petrus Apianus in suo Cæsareo  
Astronomico, vbi de Meteoroscopia agit, quod  
quidem quadrans est huius nostræ Sphæræ: &  
Orontius Finæus Delphinus, qui & ipse qua-  
drantem hinc abscidit. Sed optima quæque, vt in  
progressu docebimus clarè, obmissa sunt, & mag-  
na cum difficultate illic traduntur, quæ hic sum-  
mam habere facilitatem docebimus.

Restat & alius modus Analemmatis, Sphæ-  
ra scilicet plana circulos Sphæræ cōtinens, sic vt  
circuli paralleli lineis rectis designentur. Meri-  
diani verò lineis curuis anomalis, quæ neq; cir-  
culi sunt, neq; certa designatione constitutæ, sed  
tantum per puncta adsignata manu diligenti  
traductæ. De huius Sphæræ & compositione &  
usu cum diligenter tum eleganter & eruditè scri-  
psit illustris vir D. Ioannes de Rojas libris sex  
de Planisphærio editis. Huius usum hætenus  
paucis notum & latentem nos quoq; vniuersalè  
fecimus, atq; antea succinctum, nunc amplissimū  
reddidimus. Huius autem deformatio vnde ori-  
ginem sumat difficile est explicare. Mihi verò  
videretur ab intuitu per spheram in planum pro-

B ducē

Author nō  
tam fabricę  
huius in-  
strumēti se  
repertorem  
facit quam  
usus multi-  
plicis hæte-  
nus nun-  
quam in-  
uenti.

Alius mo-  
dus analem-  
matis iuxta  
D. Ioannem  
de Rojas.



## DE ASTROLABO

Incōmoda  
huius pla-  
nisphærij.

duci quemadmodum reliquæ iam dictæ sphaeræ planæ. Sed intellectu potius id concipitur quàm manu perficitur. Si quis igitur cogitet sphaeram cum suis circulis meridianis & parallelis, qui omnium maximos habent usus, proponi visui. Oculus verò in infinitum (si fieri potest) absistat, radiosq; per hæmisphaerium in planum subiectum fundat, ita ut puncta æquinoctialia in rectum oculo opponantur. Ita fiet proculdubio in plano deformatio Sphaeræ iam dictæ, ac sufficeret fortassis hoc planisphaerium nisi sua haberet incommoda quedam. Quorum illud primum est quòd meridiani circa exteriorem partem instrumenti adeò concurrunt atq; arctantur, ut nulli ferè possint esse usui in illis locis, quibus tamè sæpe usus exquisitam rationem desyderant. Secundum est, quòd & paralleli circa polos simili modo confunduntur adeò ut usum sæpe obscurum faciant. Tertio ipsi meridiani incerta designatione per puncta inæquali ductu describuntur, idq; quum non sit cuiuslibet artificis, fit ut sæpe contingat hallucinari, cū in descriptione tum in usu quoq;. Hæc quidē non dico, q; illius planisphærij usum reiiciam, cuius usum iucundum & facilem ipsi indicauimus, sed ut huius nostri Astrolabi generalis perfectio omnibus sit manifesta. Addidimus etiam quadam huic nostro Astrolabo, qua-  
tum



rum ad perfectionem tum etiam ad facilitatem operationum plurimum factura videbantur, effecimusq; ut iam nihil quod vel in vulgaribus Astrolabis vel in ipsa quoq; Sphæra conspicitur hic desyderari queat, habeatq; insuper quosdam præclaros & iucundos vsus quos nunquã Astro- labum vulgare præstare poterit, neq; (quod præclarius est) ipsa Sphæra solida, omnibus licet orbiculis instructa. De huius igitur Sphære compositione ac in plano deformatione non est opus ut pluribus agam. Est enim simplicissima & facilissima ratio, quam antea satis declaravi. Neq; operæ precium facturus videor, si minima quæq; iam vel pueris nota prosequar scripto, Quomodo scilicet circulus in quadrantes, Quadrans in trientes, ac deinde in gradus diuidatur, Quomodo quoq; trium punctorum datorum centrum inuestigetur, ac alia similia per se nota. Itaq; explicatis præcipuis huius Astrolabi partibus ad vsu multiplicem me accingam.

Cur nihil  
ferè de As-  
trolabi stru-  
ctura velit  
instituire.

## CAPVT SECVNDVM

De partibus huius instrumenti & earum appellationibus, quibus inter docendum vsus erit.

**D**VÆ sunt præcipuæ huius organi partes, anterior & posterior. Anterior à nobis deinceps vocabitur generalis tabula, aut facies.

Pars anteri-  
or Astrola-  
bi quæ sit.

B 2 In



## DE ASTROLABO

**Meridiani.** In hac parte videntur circulorum duo ordines. Quidam enim concurrunt in polos ambos. Hi à nobis meridiani vel circuli horarij appellantur, nam eorum vice magna ex parte funguntur: reliqui qui polos ambiunt, paralleli dicentur. Nam

**Paralleli.** & si in plano paralleli prorsus nō appareant, in cœlo tamen tales intelligendi. Sunt enim circuli ab Aequatore æquis interstitiis vndiq; & à polis circumducti. Verum iidem hi circuli varia pro rei necessitate & diuerso vsu officia, nominaq; sortiuntur. Nā qui circuli horarij vel Meridiani iam dicti sunt, si polos eorum statuas polos zodiaci, ipsi erunt circuli signorum, partientes zodiacum siue eclipticam lineam, quæ iam hac vice erit media per centrum ducta linea, in partes re vera æquales. Atqui his positis, paralleli erūt circuli latitudinum stellarū. Rursum si eosdem polos, statuas polos horizontis, hoc est punctum verticis quod Græci vocāt σημείον κέντρου κορυφῆς,

**Zenith.** Arabes zenith, & punctum pedum, tum meridiani, erunt circuli verticales, hoc est qui totum

**Circuli verticales.** finitorem in 360. partes secant, ac in vertice coeunt, Paralleli verò iam erūt circuli altitudinū,

**Circuli altitudinum.** indicantes scilicet quoquo versum astrorum supra horizontem eleuationes. Ex hac permutatiōe omnis prouenit ferè huius organi copia & vsus varietas: quam ob rem diligēter obseruanda est



da est studiosis. In hac parte circumducitur regula per centrum quam facilitatis gratia horizontem vocabimus, aut regulam simpliciter. Magna siquidem ex parte vicem horizontis supplet. Quanquam alioqui quibuslibet circulis maioribus, usu sic postulante, inseruiat. Partes eius eadem sunt cum iis quas diameter uterque sustinet. Vocatur autem diameter per polos transiens Axis, transuersus vero equator vel æquinoctialis. Sustinet præterea regula cursorẽ. Cursor præterea brachiolum. Cursoris partes eadem sunt cum iis quæ in regula scribuntur, ab vna parte: Ab altera scribuntur partes æquales. 1000. quarum tota longitudo semidiametrum æquat. Hæc igitur insunt in anteriore parte seu tabula generali. In quibusdã verò inscribimus stellas fixas secundum longitudinem & latitudinem, sed paucas, ne circuli quorum usus summopere necessarius est, obscureretur. In posteriore parte sunt tres distinctæ tabulæ. Lamina enim quæ limbus exterior continet intra se vtrinque signata est. Hinc horizontale generale seu catholicum continetur. Illinc ea quæ in dorso Astrolabi inscribi solent, continentur. Signa nempe zodiaci cum duodecim mensibus Romanis. Horæ item inæquales & scala Geometrica. Hanc partem seorsum Dorsum vocabimus, seruantes antiquam

Horizonta  
lis regula.

Partes hori  
zontis.

Axis.

Cursor Br  
chiolum.

Cursoris se  
ctio duplex

Stellarum  
inscriptio.  
Posterioris  
partis com  
positio.

Limbus.

Horizonta  
le catholicum

Cyclus  
solaris.



## DE ASTROLABO

Rete siue  
aranea

Horizontes  
quomodo  
inscribantur.

nomenclaturam. Hac cum uti voluerimus, necesse est Rete vocatum instrumentum huic subiicere. At cum horizontali uti voluerimus: collocabimus ipsum rete supra horizontale, & imposita dioptra clauicula firmabimus. Ac talis usus erit frequentior & magis necessarius Rete nostrum, nihilo differt à Rete vulgaris Astrolabi. Horizontale etiam ex Astrolabi vulgaris compositione discitur. Sed & eodem modo hic horizontes inscribuntur, sicut in generali Meridiani, nisi quod extra ad tropicum hybernium excurrant. His expositis, tempestivum videtur usum depromere. Nam de numerorum inscriptione, & ordine, nihil attinet dicere: quum ad oculum talia cernantur, tum verò in usu ipso à nobis suo loco declarabuntur.

## CAPVT TERTIVM.

### De Solis & stellarum altitudine supra horizon- tem.

Horizon  
quid sit.

**H**orizon circulus est (Latini finitorem dicunt) qui visibile cuiusque regionis hemisphaerium, ab invisibili seu inferiori dividit. Ab hoc mane sol exoritur stellæq; suis quæq; temporibus, ac in sublime feruntur usque  
quo



quo ad meridianum venerint, ac deinde in occasum ad eundem finitorem, sed occidentalem eius partem relabuntur. Hæc elatio sursum per circuli gradus accepta, altitudo vocatur. Ex hac altitudine deinceps tempora distinguimus.

Altitudo  
solis ac stella-  
larum.

Summa est 90. graduum, quando scilicet ad verticem stellæ perducuntur. Accipitur igitur altitudo per posteriorem Astrolabi partem in qua dioptra circumuoluitur. Suspendemus enim organum ab ansa, obuertentes latus soli vel stellæ. & dioptram altera parte exaltabimus altera quæ versus nos est deprimemus quousque solis radij per foramina pinnularum (quæ Græcis *ὀπταί* vocantur) admissi exquisitè in opposita foramina ferantur, idque in sole.

Praxis.

In stellis visu contendemus ab infernis per superiora foramina stellas aspicere. Ac tum dioptræ externitates ostendent in exteriori limbo partes altitudinis, numerando à transversa diametro sursum. Quod si visus per foramina difficulter stellas admittit, poterit inspectio fieri per extremos apices quadrangularum pinnularum, id quod mihi sæpius visum est & facilius & certius: modo utrinque similes pinnularum accipiantur apices, hoc est vel superiores vel inferiores ambo. Hæc igitur altitudo sic accepta plurimos habet usus de quibus suo loco.

B 4

Atque



Cautio in  
vfu instru  
menti.

DE ASTROLABO

Atqui monendi mihi sunt studiosi, si quando or-  
gana magna sint, & pondere manum lassantia,  
vt certior sit obseruatio, præstat organum su-  
spendere à clauo, aut ab arbore, aliâue quapiam  
re fixa, ne tremor hallucinationem adferat.

CAPVT QVARTVM.

De distantia Tropicorum.

Solis decli-  
natio quæ  
fit & vnde  
discatur.

Exemplum

**H**inc Ptolomæus obseruationum ac demon-  
strationum de motibus planetarum ini-  
tium sumpsit. Nam ex hac multa colli-  
guntur tanquam è fundamento. Vocat eam  
Ptol. τῆρ μεταξὶ τῶρ τροπικῶρ περιφέρεια. Vn-  
de mox solis maxima declinatio addiscitur, &  
vt Ptol. πόσον δ' ἀποδίδει καὶ διὰ μέσων τῶρ ζωδίων  
κύκλου ἐκκλίνεται πρὸς τὸν ἰσημερινόν, hoc est  
quantum inclinetur obliquus circulus seu zodia-  
cus ad æquinoctialem. Hinc etiã regionis latitu-  
do addiscitur. Accipimus ergo media æstate si-  
ue in ipso solstitio æstiuo meridianam siue maxi-  
mam solis altitudinem. Similiter in solstitio hy-  
berno, Minorem à maiori subducimus, reliquũ  
ostendit distantiam inter duos tropicos. Cuius  
rursus accepta medietas maximam solis decli-  
nationẽ patefacit. Exempli gratia: Anno. 1550  
duodecima Iulij die in meridie deprehendi dili-  
genti examine solis altitudinem in Academia  
Louaniensi partium. 62. 38. ferè scrupulorum  
qua-



qualium totus circulus continet. 360. Rursum  
 in solstitio hyberno sequente, die duodecimo  
 Decemb. accepi solis meridianam altitudinem  
 15. partium & 42. scrupulorum. Hanc igitur  
 minorem altitudinem subduco ex illa maiori,  
 relinquuntur. 46. partes. 56. scrup. atque hoc est  
 illud duorum tropicorum interstitium. Hu-  
 ius medietas. 23. partium. 28. scrupulorum ma-  
 xima vocatur solis declinatio: & tantum de-  
 flectit se zodiacus ab Equatore. Tantundem  
 etiam dissident poli mundi vocati, qui sunt  
 Equatoris, à polis zodiaci. Nam illud igno-  
 rare non oportet, hanc solis maximam obliqua-  
 tionem non semper eandem deprehensam esse ab  
 auctoribus aliis atque aliis temporibus. Siqui-  
 dem Ptolomæus & ante ipsum quadringentis  
 propemodum annis Aristarchus Samius, & Ti-  
 mochares obseruarunt hanc inclinationem esse  
 23. part. 51. scrup. & 20. secundorum. Ab illo-  
 rum verò temporibus vsque ad nos paulatim  
 comperta est decrescere. Nam Mahometes  
 Aratensis post Ptolomæum annis. 749. depre-  
 hendit. 23. part. 35. scrupula. Post hunc annis  
 420. Prophatius Iudæus. 23. par. 32. scrup. Qui  
 verò ad nostra accesserunt tempora. Vernerus  
 & Copernicus. 23. partes. 28. scrup. annotarunt,  
 ac totidē nos frequēti indagatione deprehēdimus

Distantiam  
 polorū zo-  
 diaci & æ-  
 quatoris  
 multos an-  
 norum an-  
 fractus va-  
 riari neces-  
 se est.

B 5 Neq



## DE ASTROLABO

Vsus huius  
doctrinae.

Quomodo  
latitudo lo-  
ci ex hoc ca-  
pite depre-  
hendatur.

In zonis tē-  
peratis.

In zona  
torrida.

Neq; nunc scrupula secunda curo, quæ vix ob-  
seruari posse arbitror. Hanc igitur declinatio-  
nem solis maximam ubiq; in memoria & ad ma-  
num habere oportet, siue construenda fuerint or-  
gana particularia siue iucundus calculus clima-  
tum, siue horæ colligendæ aut syderum ortus oc-  
casusq; consyderandi. Verum enimvero ex hac  
obseruatione aliud commodum ingens accedit.  
Discitur enim simul loci latitudo, siue poli ele-  
uatio loci propositi, quam Ptol. ἕξαιμα τοῦ πό-  
λου appellat. Veluti quia Louanij minima alti-  
tudo solis meridiana deprehensa est. 15. par. 42.  
scrup. addatur illi maxima solis declinatio iam  
cognita, fient. 39. gra. 10. mi. Hæc est æquatoris  
eminentia supra finitorem Louaniensem. Hæc  
rursum ablata à Quadrante, hoc est. 90. parti-  
bus, relinquit. 50. partes. 50. scrupula. Quæ veræ  
est poli exaltatio Louanij. Si verò contingat  
quempiam versari sub torrida zona huic nonni-  
hil ratio supputandi varianda est. Si enim sub  
ipso Tropico vtrouis consistat. Tum hyberno  
solstitio accepta meridiana altitudo Solis aufe-  
renda ex. 90. partibus, mox patebit Tropico-  
rum interstitium. At si inter duos Tropicos fiat  
obseruatio, tum duæ altitudines meridiana de-  
cliniores in solstitiis acceptæ iungantur, & sum-  
ma ex semicirculo auferatur, sic rursum Tro-  
picorum



picorum colligitur recte interstitium. Cuius medietas, hoc est declinatio adiicitur minori solstitiali altitudini, sic eleuatio Equatoris prodibit, quæ rursus ablata ex. 90. partibus poli eleuationem relinquit. In frigidis quoque zonis alia ratio est, quam sphaeræ usus facile docet. Qui enim sub polis habitant, illis maxima solis altitudo, maxima quoque est declinatio. Quia horizon & Equator illic in idem incidunt. Qui vero sub polari circulo degunt, his maxima solis altitudo accepta in solstitio æstiuo, indicat interstitium Tropicorum. At quorum habitatio inter polū & circulum polarem consistit quibus scilicet aliquot diebus sol nunquam occidit, aliisq; totidem nunquam exoritur, ij accipiunt solis altitudinē maximam in solstitio æstiuo, & eodem die minimam eiusdem altitudinem quæ contingit sole ex aduersa parte Meridiei constituto. Hæ duæ altitudines iunctæ, efficiunt totam Tropicorum distantiam, siue duplicatam Declinationem solis maximam. De solstitiorum verò tempore scire oportet nō perpetuo iisdem recurrere diebus, verum magis magisque anticipare, propter intercalationes excessum verum hic in vno die non fit sensu perceptibilis mutatio circa ipsa solstitia, siue enim ipso solstitij die siue pridie, siue post die solis altitudinem metiare, eandem sensu indicat.

In zonis frigidis sub polo.

In frigidis zonis citra polum.

Verus solstitij dies vt colligatur.



## DE ASTROLABO

indicabis, & si reuera aliqua sit diuersitas. Quod si dubitas, per tres quatuorve dies meridianam altitudinem accipe, maximam pro solstitiali habeto in hyeme vero minimam.

### CAPVT QVINTVM.

De loco solis in signifero.

**A** Sole temporum præcipua distinctio sumitur, & maximas quoque sensibilesque mutationes in rebus naturalibus, secundum decursum per zodiacum efficit. Hinc est quod studiose locus eius in zodiaco sit notandus & in promptu habendus. Descripsimus ergo in Dorso organi duodecim menses Romanos in suos dissectos dies. Ponentes ergo Rete in alueo organi,

**Praxis.** Dorsi tabulam super imponimus & Dioptram clauicula figimus. Hæc igitur Dioptra diei mensis propositæ applicata, in zodiaco signum, eiusque partem seu gradum indicat, quem sol eo die occupat. Verum hæc ὥς ἐπὶ τῷ πλάτῃ, minimeque accurate. Neque enim omni anno singulisque diebus ad easdem signi partes recurrit omnino sol: sed quadrante diei ferè moratur. Ideoque diligenter sciendum an annus ad cuius calculum organum confectum habet zodiacum, fuerit bissextus, primus, an secundus vel tertius à bissexto. Astrolaba quæ nostro instinctu per nepotè nostrū Guattherum Arsenium cōstructa sunt, ad secundū annum

Differentia  
temporis in  
annis so-  
lis recur-  
sibus.



num à bissexto inscriptos habent dies . Ideo tali anno apte respōdent gradus zodaici suis diebus. At tertio anno partibus zodaici inuētis adimenda. 15. scrupula seu quadrans vnus gradus. Anno vero bissexto auferenda semissis per totū annum, sed tum quoque post februarij vltimū diē, vnus adiiciendus est dies dato tempori sequenti anno adiciēda. 15. scrupula partibus zodaici in organo repertis . Sic exacte satis colligitur solis locus in zodaico, si tamē curiose omnia velis noscere, singulis annis dimidium ferē scrupulum in super adiiciendum calculo præsripto . Ac quod dico ferē, ita accipiendū, vt. 100. annis. 44. scrupula adiiciantur. 200. annis pars vna cū semisse ferē. Atque hac pro instrumētis plus fortē quā satis. Certissima ratio ex tabulis ad hoc paratis sumitur . Annus an sit bissextus cognoscitur si abiectis centenariis & millenariis ( qui semper bissexti sunt ) reliquus numerus diuidatur per 4. si enim nihil reliquū fuerit bissextus est is qui numerū finit. Si. 1. 2. vel. 3. supersunt, erit annus primus vel secundus à bissexto. Exempli gratia: Annus. 1554. an sit bissextus sic colligetur, abiectis. 1500. partiemur. 54. per. 4. proueniūt. 13. ac supersunt. 2. Est ergo annus Domini. 1554. secundus à bissexto.

Exactior  
loci solaris  
inueniendā  
ratio.

Docet co-  
gnoscere an  
bissextus sit  
annus an  
primus se-  
cundus vel  
tertius à bis-  
sexto.

Exemplū.



DE ASTROLABO

CAPVT SEXTVM.

De solis declinatione quotidiana & singularum partium zodiaci.

**I**Am docuimus qua ratione maxima solis declinatio ab *Æquatore* deprehendatur. Nunc de singulis *Eclipticæ* punctis dicendum est. Quoniam enim *Ecliptica* *Æquatorem* secat, secaturq; ab eodẽ bifariam, ita vt altera pars in *Boream*, altera in *Austrum* vergat, contingit alias partes *Eclipticæ* partes magis alias minus declinare à medio, Duo verò eius puncta quæ & æquinoctialia vocantur, prorsus coincidere æquatōri. Hæc declinatio *Ptolomæo* λόγοςις mihi ἐγκλις dicitur. Quantum verò vna pars in *Boreā*, tantundem altera in *Austrum* vergit. Et in eadem medietate quadrātes eodẽ modo declinant, si partes æqualiter à *Tropicis* punctis distantes comparentur inuicem, vt *Aries* & *Libra* *Taurus* & *Virgo*: Decimus gradus *Geminorum* cū 20. *Cancrī*. Descripsimus autem in generali tabula lineam rectam, inclinatam ab *Æquatore* medio. 23. partibus. 28. scrupulis, & nunc se habet solis maxima declinatio, Hæc diuisa cernitur in. 180. gradus qui respondēt medietati *Eclipticæ*. Initium *Arietis* intelligitur in centro organi.



gani. Cancer in Meridiano extremo ad dextrā  
 Capricornus in altera opposita meridiani par-  
 te. Appellamus hic Meridianum circulum, sin-  
 gulari numero circulum, per polos organi ductū,  
 reliquos circulos intra se continētem. Quære igitur  
 vel locum solis vel quemcunq; velis Eclipti-  
 cæ gradū in linea Ecliptica antea dicta & mox  
 in circulis parallelis videbis partis eius declina-  
 tionem ab Equatore quam quærebas, nec dif-  
 ficulter deprehendes an australis an borealis sit  
 declinatio. Nam generatim sex signa V. ♈  
 ♊. ♋. ♌. ♍. ♎. dicuntur Borea, reliqua Au-  
 strina vel Meridionalia. Exempli gratia: quæ-  
 ro quantum declinet sol, in. 15. parte Tauri  
 constitutus. Quæro ergo in linea ecliptica. 15.  
 partem tauri, & simul video incidere hanc in-  
 ter. 16. & 17. parallelum ab Equatore, & quan-  
 tum instrumenti magnitudo permittit, video  
 ultra. 16. parallelum trientem spacij vnus, hoc  
 est gradus vnus. Declinat igitur. 15. pars Tau-  
 ri ab Equatore in Boream. 16. partibus cum  
 triente. In tabula inuenitur. 16. partiū. 21. scrup.  
 Quod si organum magnum fuerit, non fallat vel  
 vno scrupulo. Hæc declinatio ad multa utilis  
 est, vt videbitur suo loco. At si pro maiori vel  
 minori solis declinatione maxima, singularū 20  
 diaci partium declinationes lubeat cognoscere.

Praxis.

Declinatio  
 duplex.  
 Signa  
 borea.  
 Signa Au-  
 strina.  
 Exemplum

Singularū  
 partium 20  
 diaci decli-  
 natio qua  
 arte inue-  
 niatur.

Numez



## DE ASTROLABO

Numera talē declinationem maximam in gradibus limbi ab *Æquatore* versus *Polum*, ac termino appone regulam seu *Horizontem*: iam innumera in *Horizonte* gradus *zodiaci*, facto initio à centro tanquam ab *V*: & mox videbis inter parallelos circulos declinationē partis innumērata: *Horizon* enim eodem modo diuisus est atq; *Ecliptica*, vnde constitutus loco *Eclipticæ* omnia eius explet officia.

### CAPVT SEPTIMVM.

De latitudine Regionis seu  
poli eleuatione.

Latitudo  
loci quid sit

**L**atitudo loci alicuius, est portio *Meridiani* circuli inter *Æquinoctialem* circulum & punctum verticis propositæ regionis. *Ptolomæus* vocat ῥ' πλάτος. Eleuatio poli quæ (vt dixi) ἑξάρμα τοῦ πόλου vocatur, est pars eiusdem *Meridiani* circuli inter *Horizontem* & *polum mundi*. Hæc duo semper æqualia sunt vt facillime ex *sphæra* tum ex organo nostro demonstratur. Constituto enim *Horizonte* siue regula super *Æquinoctiali* linea, *Cursorem* ad *polum* altero latere constitue, atq; adducta cochlea firmetur. Tum si *Horizontem* moueas ad quancunque eleuationem poli, videbis prorsus ab *Æquatore* organi ad punctum verticis (quod nunc per *Cursorem* indicatur) tot gradus, quot sunt à polo ad

Quanta est  
circulorum  
sefe interse-  
cātium de-  
clinatio tan-  
ta est & axi-  
um quibus  
illi agūtur.



lo ad Horizontē. Itaque siue eleuationē poli dicimus, siue latitudinē regionis, idē quāritate nos dicere tenendū est. Quolibet die ergo accepturus eleuationē poli, primo obserua solis altitudinē in meridie, hoc est cum est māxima. Deinde quære **Praxis.** per caput. 5. locū solis in zodiaco: & declinationem eius per præcedens, Horizon statuatur super Equinoctiali linea, & brachioli apex ad altitudinē solis inuentam in Meridiano numeratam, firmatoq; Cursore vna cū brachiolo, vertatur Horizō, quousq; apex brachioli attingat in Meridiano solis parallelū, hoc est circulū per declinationem inuentā, transeuntem, ac simul videbis gradus latitudinis loci tui, numerādo in limbo gradus eiusq; partes à polo versus Horizontē, vt nullo hic alio opus sit calculo. Breui exemplo **Exemplum** rem declarabo. Anno. 1551. nono Kalend. Octob. deprehendi solis altitudinem. 35. graduum. 30. scrupulorum. Locus eius in zodiaco erat nona pars libræ cum quadrante. Igitur collocato Horizonte ad lineam Equatoris in generali tabula, brachioli apicem ad. 35. gradus limbi & semissem permoueo, atque ita hærentem indicem in Cursore Cursoremq; in Horizōte firmo. Circumduco deinde Horizontem vna cum Cursore & brachiolo, quousque apex brachioli seu index ad parallelum solis perducatur, hoc est ad circulum

C paral-



## DE ASTROLABO

Alius mo-  
dus expli-  
candæ lati-  
tudinis.

parallelum transeuntem per nonum gradum li-  
bræ cum semisse, qui distat ab Equatore Austrū  
versus. 3. gradibus. 40. scrupulis, siue besse. Mox  
videre licet polum Arcticum extare supra hori-  
zontem. 51. partibus minus sextante. Quæ est la-  
titudō Louaniensis Academia. Potest quoque  
alia ratione colligi hic calculus. Si enim decli-  
natio fuerit Borea, auferatur ex altitudine Me-  
ridiana, sin Austrina adiiciatur eidem, & col-  
ligetur eleuatio aquatoris, hæc ablata à qua-  
drante circuli, relinquit latitudinem loci propo-  
siti. Vt quia declinatio Austrina erat. 3. partes  
40. scrup. adiicio eā ad altitudinem. 35. graduum  
cum semisse, colligitur summa. 39. gra. 10. scrup.  
Hæc est altitudo Equinoctialis Louanij. Ab-  
straho eam ex quadrante, hoc est. 90. part. re-  
linquitur rursus latitudo Louanij. 50. gra. 50.  
scrup. Alios modos per stellas fixas, dicemus po-  
stea per opportunitatem. In hemisphærio quoq;  
Australi aliam esse rationem additionis & sub-  
ductionis ratio sphaeræ docet.

### CAPVT OCTAVVM.

Qua ratione Lunæ latitudo  
deprehendatur.

**L**una via non eadē est cum via solis. His  
enim lineā eclipticā ad vnguē sequitur im-  
mutabili constantia. Illa verò bis tantum  
per



per mēsem eclipticā attigit. Circulus enim motus  
 lunæ inclinatus est ad eclipticā, ita ut utrinq; de  
 uiet. 5. partibus, & duobus punctis eclipticā secet  
 tantū. Hæ intersectiones græcè σὺνδεσμοί, Latine  
 Nodi vocantur. Et quoniā altera pars circuli  
 Luna in Boream altera in Austrum vergit,  
 Nodus vnde in Boream Luna migrat ab Ecliptica,  
 dicitur σὺνδεσμός ἀναβιβάζων, vulgo caput  
 draconis, Alter ex quo Luna in Austrum  
 vergitur, σὺνδεσμός καταβιβάζων, & Cauda draconis  
 dicitur. In his locis Eclipticæ, contingunt  
 eclipses luminariū, migrantq; continuè contra signorum  
 ordinem per omnes zodiaci partes, adeo  
 ut tota Periodus. 18. annis & quinque prope  
 modum mensibus absoluitur. Luna igitur  
 in solis Nodis in Ecliptica est, aliis locis semper  
 ab Ecliptica discedit pro maiori recessu ab utroque  
 Nodorum. Ex Canonibus igitur, vel Ephemeridibus  
 colligendus ad tempus propositum locus Lunæ,  
 simulque locus Capitis draconis, si Luna igitur  
 cum Capite fuerit aut in opposito, hoc est cum Nodo  
 descendente (sunt enim à diametro sibi mutuo duo Nodi)  
 nulla erit Lunæ latitudo. Si verò à Nodo ascendente  
 vergat versus oppositum, latitudo erit Borea.  
 At si à cauda versus caput tēdat austrina erit latitudo.  
 Quæ quanta sit, sic discitur.

Circulus  
 motus lunæ  
 eiusq; habitudo  
 ad Eclipticam.

Caput draconis.  
 Cauda.

Nodi utriusque  
 motus atq; officium.

Lunæ latitudo nulla.  
 Latitudo septentrionalis.

Latitudo Meridionalis.

C 2 Hori



## DE ASTROLABO

**Praxis.** Horizontalis regula in tabula generali, ab Equatoris linea dimoueat<sup>r</sup> vel sursum vel deorsum per .5. gradus. Deinde per subductionem colligatur distantia Lunæ ab altero Nodorum, utrius contigerit esse propiorē. Hæc numeretur in Horizonte à cetro versus peripheriā, & mox videbis in circulis parallelis latitudinem Lunæ

**Exemplum** quæsitam. Verbi gratia: Anno. 1554. pridie Kalendar. Iulias hora propemodū. 10. futura est coniunctio Veneris & Lunæ. Cupio ad eā horam latitudinē Lunæ cognoscere ut de modo cōiunctionis certior sim. Locus lunæ ex Ephemeridibus colligitur in Cancrī. 29. gra. 45. mi. Nodus autē ascendēs, siue Caput, est in vndecimo Cācri cū. 3. ferē scrup. Quoniā igitur Luna prope Caput cōstitit, & ab eo recedit versus Caudā erit latitudo Borea subduco locū Capitis ex loco Lunæ: restāt 18. part. 42. scrup. Hæc est distantia Lunæ à Nodo. Posito ergo Horizonte Astrolabi ad .5. gradum ab Equatore, numero in ipsa regula à centro versus ambitum. 18. partes. 42. scrupula: mox inter parallelos circulos deprehendo. 1. gra. & paulo plus semisse hoc est. 1. gra. 35. scrup. Hæc est latitudo Lunæ Borea. Et quia Qæo tempore, tantum. 42. scrup. recedit in Boream, intelligo Lunā futuram superiorem venere, nisi aliud efficiat parallaxis, de qua alibi dicemus.

CA-



Data iam loci latitudine, quæ sit stel-  
larum Declinatio per obseruata.

**D**iximus cap. 6. qua ratione singularũ par-  
tium zodiaci declinationes ab *Æquatore*  
ex instrumento deprehendantur. Iam ve-  
rò stellarũ declinationes ex ipso cælo accipere do-  
cemus, deprehensa vel cognita prius regionis lati-  
tudine de qua cap. 4. & 7. diximus. Primo igitur  
cognoscenda est Meridies, & oppositus locus se-  
ptentrio, idq̃ satis fuerit hoc loco adminiculo Ma-  
gnetici indicis fieri. Alioqui & nos suo loco exa-  
ctã dabimus huius rei doctrinã. Cũ igitur stella  
quæuis, siue erratica fuerit siue fixarũ aliqua, ad  
Meridiẽ peruenerit, hoc est cũ maximã obtinue-  
rit illius diei altitudinẽ, accipiatur per *Astrola-  
bũ* diligẽter altitudo eius ex doctrina cap. 3. Acci-  
piatur quoq̃ *æquatoris* altitudo, quæ cognoscitur  
subducendo *Poli* altitudinẽ ex 90. par. Nã poli  
eleuatio & *æquatoris* eleuatio simul iunctæ per-  
petuo quadratẽ circuli cõstituunt. Igitur si stellæ  
altitudo accepta maior fuerit *æquatoris* altitudi-  
ne erit declinatio stellæ citra *æquatorẽ* habitanti-  
bus borea, seu minor *Austrina*. Subducatur ergo  
minor à maiore relinquetur declinatio quæsita,  
Quæ suos habet peculiare vsus ut locis oportu-  
nis dicetur: Exemplũ: An. M.D.XLVIII.

Hypothesca

Praxis,

Exemplum

C 3 XV.



# DE ASTROLABO

XV. Kal. Maij subhorā nonā vespertinā diligē-  
tissime accepi altitudinē stellæ virginis q̄ spicā la-  
tini vocāt, quæ visa est. 30. par. & 25. scrū. Alti-  
tudo verò æquatoris Louanij est. 39. part. 10. mi.  
Subducta enim latitudine Louaniē. à 90. par. re-  
linquūtur. 39. par. 10. scrū. Quoniā ergo æquato-  
ris altitudo maior est altitudine spicæ: Certū est  
declinationē stellæ esse australē, subducta verò mi-  
nore de maiori, patet declinatio spicæ. 8. part. &  
45. scrū. siue dodrātis. Hac igitur ratiōe singulis  
diebus solis planetarūq̄ reliquorū & fixarū stella-  
rū declinationes ab orbe medio, seu latitudo ab  
æquatore, vel in boreā vel in austrū cognoscitur,  
vnde postea loca eorū in zodiaco cognoscūtur, ut  
mox docebimus. At sunt inter fixas non paucae  
quæ Europæ incolis nunq̄ ad meridiē siue ad au-  
strū apparēt, nēpe quotquot nō amplius à polo mū-  
di distāt q̄ punctū verticis propositæ regionis. Di-  
stantia aut̄ verticis à polo cognoscitur subducta la-  
titudine regionis ex 90. Tales igitur stelle bis se-  
nobis exhibet obseruādas in septentrione, hoc est op-  
posito meridiē, semel supra mūdi polū, semel infra  
si igitur accipiamus per Astrolabū maximā earū  
altitudinē cū in septentrione supra polū cōsistunt,  
ab ea altitudine auferemus Poli altitudinē reli-  
quū ex 90. par. siue ex quadrāte circuli detrahe-  
mus, relinquetur declinatio stellarū borea. Si ve-  
rò minimā stellæ talis altitudinē Astrolabo obser-

Distantia  
verticis à  
polo vt co-  
noscat̄ur.

Declinatio-  
nes stellarū  
varijs mo-  
dis explora-  
ri posse.



uauerimus hęc ex Poli altitudine subducemus, reliquũ ex quadrāte circuli, rursũ cōstabit stellę declinatio quęsitā. Quod si minimā talis stellę ex maxima subduxerimus, residuũ secuerimus in duas æquales partes, harũ verò alterā ex. 90. par. abstulerimus, eadē constabit declinatio quęsitā.

Quemadmodũ nos An. 1547. Decēb. die. 13. circa **Exemplum** sextā vespertinā obseruauimus diligēter stellę fixę altitudinē maximā, quę est in cauda vrsę minoris (q̃ Cynosurā vocāt) par. 53. & 58. scrũ. Aufero hinc eleuationē poli Louaniē. quę est. 50. par. 50. scrũ. Vnde stella illa quę polaris dicitur à polo distat. 3. tantũ par. et. 8. scrũ. quicquid aliq̃ de ea scribāt. Aufero hęc distantia ex quadrāte, supersunt. 86. par. 52. scrũ. Hęc est vcrā stellę polaris declinatio Borea. Idē expertus sum die sequēti eiusdē anni hora sexta matutina cū eadem stella minimā obtineret in septētrione altitudinē. Hęc obseruauī tūc tēporis partiũ. 47. scrup. 43. ferē. Quę si ex polari altitudine auferātur, videbimus rursũ distantia stellę polaris à polo 3. par. & 7. mi. paulo plus vnde & eadē declinatio ab æquatore colligitur: Demũ auferatur minima altitudo quę erat. 47. par. 43. scrũ. ex maxima scilicet. 53. par. 58. mi. relinquentur. 6. par. 15. scrũ. harũ dimidiũ rursũ valet. 3. par. 8. ferē scrup. quę est distātia stellę polaris à polo vt in precedentibus vnde & eadē declinatio sequitur.



## DE ASTROLABO

*Atq; hæc quidem in stellis quæ neq; occidunt neq; ad verticem nostrum pertingunt sic se habent.*

**Canon.** *Sunt aliæ quæ ultra verticem pertingūt à polo, neq; tamē occidūt. Harū declinatio vtroq; modo accipi potest, & per Meridianam altitudinē & per septentrionem vt diximus.*

### CAPVT DECIMVM.

Qua ratione regionis latitudo seu  
elevationis poli addiscatur ex stel-  
lis nunquam occidentibus.

**S***Vb Equatore hoc est medio mūdi habitantibus omnes stellæ & oriūtur & occidūt per cœli reuolutionē, at declinantibus in alterutram mundi partē contingit multas ex stellis fixis perpetuo supra finitorē extare, sicut ab opposita parte multas occultari quæ nunquā in tali regione sub aspectū veniūt. Hæc in sphaera manifeste docetur, & nos aliquid per opportunitatem dicemus. Quanto autē maior est regionis latitudo, tātō plures hinc stellæ fixæ extant supra finitorē, illinc verò supprimūtur. Per eas igitur quæ nō merguntur etiā si alioqui incognitæ fue-*

**Praxis.** *rint, sic deprehenditur elevationis poli. Accipiat per Astrolabū vtraq; stellæ altitudo & minima scilicet & maxima, quādo scilicet ad Meridiem cōstituerit vel ad septentrionē minima siquidē ac-  
dit, stella versus septentrionē hoc est in Meridia  
na ad*



no ad partē cœli septentrionalem collocata. Maxima verò cōtingit, stella etiā in Meridiano consistēte siue versus Septentrionē siue versus Austrū. Tempus autē harum duarū altitudinū. 12. horis dissidet. Vnde vna nocte hyberna subinde potest hæc obseruatio absolui, alioqui aliquot mensium interstitio opus est. Accipiatur igitur vt dixi & minima & maxima stellæ fixæ licet incognitæ altitudo, addantur in vnā summā. Huius summæ dimidiū est poli altitudo. Vt in præcedentis Exemplum capitis exēplo. Stellæ polaris altitudo maxima erat. 53. part. 58. scrup. minima verò. 47. par. 43. scrup. summa efficit. 101. partes. 41. scrup. Huius dimidiū valet. 50. par. 50. scrup. quæ vera est eleuatio poli Louanij. Atq; hoc quidem in stellis quarum vtraque altitudo Borea fuerit, hoc est stella constituta in meridiano ad septentrionalem mundi plagam. Si verò altera altitudinum fuerit Meridiana, altera Borea, Addantur eodem modo ambæ & summæ dimidium indicabit declinationem stellæ. Hanc aufer à maiori altitudine, relinquetur æquatoris altitudo, quæ (vt sæpius monuimus) ex quadrante sublata relinquit poli eleuationem. Vt fingamus lucidā stellam quæ in cauda signi est (quod astrum apud Ptolomæum dicitur βγνις, & stella est secundæ ordinis in magnitudine) habere altitudinem boream



## DE ASTROLABO

ream seu minimam. 5. partium, maximam verò altitudinem & meridianam. 83. partium. Iungo duas altitudines, euadit summa. 88. partium. Quarum dimidium continet. 44. partes, ea est declinatio stellæ propositæ. Hanc adimo ex maxima altitudine, nempe ex. 83. partibus, relinquuntur. 39. partes, hæc est eleuatio æquatoris, seu inclinatio æquatoris ad nostrum horizontē. Vnde eleuatio poli erit. 51. partium: atq; hoc rudiori Minerua.

## CAPVT XI.

Quo artificio quotidie Sole lucente  
in meridie locus eius in zodiaco,  
& quis sit dies anni co-  
gnoscat.

**D**ocuimus iam capite quinto qua ratione ex Astrolabi dorso tanquam ex Canone ad datum quemuis diem locus solis in signifero colligatur, Iam verò demus diem ignotum esse, vel alioqui experientia comprobare sit animus, an calculus per canones Alfonsinas aut per Astrolabum factus veritati respondeat, sic instituenda est operatio. In primis vel data sit oportet, vel per caput quartum, vel præcedens quærenda poli eleuatio. Deinde accipienda per tertium caput solis altitudo maxima in meridie, quod



quod si per magneticum indicem exactam meridiem non poteris cognoscere, frequentioribus observationibus circa tempus meridiei factis maximam altitudinem accipies, quæ eadem est & meridiana. Itaque per nonum caput solis cognosces declinationem & an sit borea an austrina.

Maxima solis altitudo

Si igitur borea fuerit solis declinatio, numera in generali astrolabi facie talem declinationem ab æquatore sursum sin austrina fuerit deorsum, & mox parallelus in quem inciderit calculus te ducet in gradum eclipticæ quem sol eo die perambulat. Verum quandoquidem signis eclipticæ binæ signa adscripta sunt ut ♈ & ♎ & singuli gradus signi Arietis respondeant in declinatione borea singulis virginis signi gradibus ordine everso, dubitatio incidit utrius signi gradus accipiendi sint. Igitur à solstitio æstiuo ad solstitiū hybernū accipienda sunt signa ♋ ♏ ♌ ♍ ♎ ♐. Ab hyberno verò solstitio ad æstiuū vsque sex opposita quæ ascendencia dicuntur ♈ ♉ ♊ ♋ ♌ ♍. Quod si dubitaueris quoque an sol ascēdat in zodiaco, an descēdat, faciēda est examinatio per duos aut tres dies cōtinuos, ut cognoscas an solis altitudo crescat an decrescat, sic fies voti compos. Sic nos anno. 1549. accepimus in autumno solis altitudinē meridianā. 38. par. 2. scrup. Unde declinatio eius erat austrina. 1. pars. 8. scrup.

Praxis

Exemplum

In



## DE ASTROLABO

In Astrolabo ergo numerans. 1. partē & 8. scrup.  
ab æquatore deorsum, & per parallelum incedēs  
incido in eclipticæ contactum in. 2. parte libræ  
& 47. scrupulis, vel ut rudius æstimemus, in. 2.  
parte libræ cum dodrāte paulò plus. Sed & idem  
punctus est piscium. 27. pars cum quadrante fe-  
rè. At quia versamur inter solstitium æstiuum  
& hybernū, quotidie declinante sole, certum  
est esse solem in libra. Si nunc diem rudi modo  
libet cognoscere: in dorso Astrolabi indicem col-  
loca super gradu solis iam reperto, qui mox deci-  
mus sextus diem Septembris notabit. Hæc au-  
tem obseruatio & si pulcherrima sit, per quam  
& anni quantitas, & solis motus deprehensus  
est à veteribus, requirit tamen organa valde  
magna, ac præterea circa solstitia necesse est ut  
parum fida sit: quoniam hic solis ascensus in cœ-  
lo sensum propemodum fallit, nec organis faci-  
le notari potest propter zodiaci transuersum his  
in partibus cœli situm.

### CAPVT XII.

Ascensionis rectè inuentio pro quan-  
tauis eclipticæ portione, & quis gra-  
dus Æquatoris singulis gradibus  
eclipticæ coascendat in  
Sphæra recta.

Quan-



**Q**uoniam cœlum prorsus uniformiter circum rotetur immutabili prorsus constantia, circuli tamen in sphaeræ superficie descripti per finitorem nostrum non æquabiliter omnes transeunt: Potissimum verò ecliptica linea, quæ subinde propter obliquum eius situm ad Aequatorem secundum cuius ductum cœlum vniuersum mouetur, situm suum ad finitorem quemlibet mutat, ut modo rectius ideoque tardius, modo obliquius simulq; celerius pertrāseat. Aequator verò quoniam ad singulos quosvis horizontes eosdem angulos eandemq; inclinationē seruat, semper æqualibus temporū spaciis æquales produnt portiones. Quamobrem auctores eclipticæ motū per æquinoctialis partes dimēsi sunt. Mensuram etenim decet esse æqualem & uniformem. Vnde & meritò apud Ptolomæum ῥόνοι, latine tempora vocantur partes æquinoctialis. Portio igitur æquinoctialis quæ cum eclipticæ quavis parte exoritur, dicitur Ascensio, græcè ἀναφορά. In sphaera recta vocatur Ascensio recta, ἀναφορὰ ἐπὶ τῆς ὀρθῆς σφαίρας. In sphaera obliqua nominantur Ascensio obliqua & apud Ptolomæum ἀναφορὰ ἐπὶ τῆς ἐγκεκλιμένης σφαίρας. Initium verò graduum aequatoris ferè ab intersectione eclipticæ & aequatoris vernali accipitur. Quanquam & vbiuis liceat facere exordiū

Ascensio.

Recta.

Obliqua.

Initium numerationis aequatoris gradibus.

pro



## DE ASTROLABO

pro particularibus eclipticæ portionibus, ut si so-  
lius signi Tauri ascēſiones libeat cognoscere. In  
astrolabo ergo nostro circuli meridiani qui & ho-  
rarij dicuntur eclipticam intersecantes, in æqua-  
tore quem in. 180. partes secāt, ostendūt clare sin-  
gularū partiū zodiaci coascēdentes gradus æqui-

Ascensionis  
rectæ colli-  
gende ratio  
primū in si-  
gnorū vni-  
co gradu.

noctialis modo initium numerandi à cētro in de-  
xtram deinceps fiat: ita ut signis  $\Upsilon$   $\odot$   $\Pi$  respō-  
deat numerus. 10. 20. 30. 40. 50. 60. 70. &c. vsq;  
ad. 90. Reuertentibus deinde ab ambitu versus  
centrū alij. 90. gradus vsque ad. 180. correspon-  
deant signis  $\zeta$   $\Omega$   $\mathcal{M}$ . A centro rursus ad sini-  
stram vsque ad extremum meridianum, signis  
 $\cap$   $\mathcal{M}$   $\mathcal{I}$  tribuatur numerus vsq; ad. 270. gradus  
Hinc rursus versus centrum euntibus numera-  
tio procedat ad. 360. gradus. Atq; hic numerus  
in nostro Astrolabo inscribitur horizontali li-  
neæ, quæ applicata æquatoris lineæ facile memo-  
riam leuabit. Exempli gratia: Labet indagare  
quis gradus æquatoris cum quinto gradu Tauri  
coascēdat in sphaera recta. Posita igitur linea ho-  
rizontali super lineam æquatoris, noto diligenter  
circulū horariū per. 5. gra. Tauri transeuntē, qui  
in horizontali linea numerū habet. 32. cū besse, si-  
ue duabus tertijs, & paulò plus (malo sic scrupu-  
la graduū explicare ad captum vulgare, quia in  
paucis organis licet scrupula, nisi æstimatione  
inge-



ingeniosa discernere) quæ faciunt. 42. scrup. Sic Sa-  
gittarij gradui quarto respondet. 242. gradus ac  
de alijs similiter colligendū. Iam verò quot par-  
tes æquatoris quantalibet parti zodiaci correspo-  
deant facile erit cognoscere. Atque vt breuior  
sim exemplo agam hanc rem, libet scire quot gra-  
dus æquatoris coascendant toti signo Tauri in  
sphæra recta, Accipio igitur gradū coascendentē  
principio Tauri, nempe. 27. par. 54. scrup. Item  
gradū respondentem fini eiusdem Tauri siue ini-  
tio Geminorū scilicet. 57. gradus & 4. quintas,  
hoc est. 48. scrup. Subduco deinde priorē ex po-  
steriore, relinquuntur. 29. par. 54. scrup. Hæc sunt  
tempora æquinoctialis coascendētia toti signo Tau-  
ri in sphæra recta. Attamen ascensio recta cōmu-  
ni loquendi modo vocatur gradus ab initio inter-  
sectionis æquatoris & eclipticæ vsq; ad finē illius  
gradus qui cum fine dati arcus eclipticæ ascēdit.  
Sic ascensio recta ultimi gradus Tauri dicuntur  
57. par. 48. scrup. vt diximus. hoc est tota portio  
eclipticæ à puncto æquinoctiali vernali, siue ab  
initio Arietis vsq; ad finem Tauri qui sunt. 60.  
gradus habent sibi coascendes in æquatore tantū  
57. par. 48. mi. Vnde celerius hic transit eclipti-  
ca quam æquator. Ac de singulis eclipticæ por-  
tionibus quomodo iudicandum sit diximus iam  
antea.

Adscensio si-  
gnorum ac  
portionis  
certæ in zo-  
diaeo.



## DE ASTROLABO

## CAPVT XIII.

Qua ratione idem compendiosius  
ex Reti cognoscatur.

Operatio-  
nis norma.

**I**N dorso instrumēti diximus circumuolui re-  
te sicut in vulgatis Astrolabis. Hoc igitur sic  
cōpone ut ☿ sursum versus ansam astrolabi  
statuatur ☿ deorsum sup̄ diametro dorsi. Sic ♀  
& per ☿ ad horas sextas collocabuntur. Inscri-  
ptus quoq; est numerus integri circuli in ambitu  
seu limbo exteriori, cuius numerandi initiū est  
ab hora sexta, & posito reti ut diximus initium  
finisq; numerorum in Arietis signum congruit.  
Posita igitur dioptra seu indice super quouis eclī-  
ptica gradu, mox in ambitu ostendet tibi ascensi-  
onem rectam quāsitam. Qua in re nullo opus est  
exemplo. Eodem modo si seorsum arcus seu por-  
tiones particulares ecliptica velis per ascensio-  
nes emetiri: statim initium talis arcus ad initiū  
numerorum, siue ad horam sextam limbi appli-  
cato indice ipsi horæ cui deinde gradus ecliptica  
subiiciatur deinde manente reti traducatur in-  
dex ad finem portionis eclipticae mox index nu-  
merum graduum coascendentium manifestum  
faciet. Sic totum signum Geminorum. 32. gra-  
dus. 12. scrupula, siue. 32. grad. cum quinta parte  
obtinere video in sphaera recta. Signa verò oppo-  
sita & præterea à punctis æquinoctialibus æqua-  
liter



liter distantia in sphaera recta æqualibus tempo-  
ribus ascendunt. Sic  $\vee$   $\text{H}$   $\text{—}$  &  $\text{M}$  æqualia ha-  
bent tempora ascensionum. Similiter  $\text{O}$   $\text{N}$   $\text{M}$  &  
 $\text{—}$ . Item  $\text{II}$   $\text{—}$   $\text{Z}$  &  $\text{I}$ . Atque hæc in sphaera  
tractantur, nos compendij gratia paucis repeti-  
mus, quæ ad astrolabi usum facere nobis viden-  
tur. Scire quoq; oportet quod iidem hi æquatoris  
gradus qui cum quibuslibet eclipticæ sequentis  
ascendunt in sphaera recta, etiam cum iisdem ecl-  
pticæ partibus pertranseunt circulum Meridia-  
num cuiuslibet regionis. Quamobrem numerus  
ille graduum æquatoris, sicut vocatur ἀναφορὰ  
siue αναφορὰ & Latine usu communi Ascen-  
sio, sic etiam dicitur & Ptolomæo & Theoni  
συμμεσουργία, & Cæli mediatio. Quia eodem  
modo ecliptica pertransit horizontem rectum, quo  
& quemlibet meridianum: imò quilibet meridi-  
anus, est alicuius loci horizon rectus. Est ergo  
idem quantitate, Ascensio recta & Cæli media-  
tio, at differunt sola consyderatione.

Quæ signa  
æquales ad-  
scensionem  
habeant.

Cæli me-  
diatio.

## CAPVT XIII.

Quomodo econtra data Ascensione  
recta, gradus Eclipticæ respon-  
dentes colligan-  
tur.

D Econ-



## DE ASTROLABO

Praxis.

Praxeos  
alter mo-  
dus.

**E** Contra qui gradus Eclipticæ adsignatis æquatoris partibus coascendant in sphaera recta, facilimum cognitu est. Stante enim in dorso Astrolabi reti ut diximus præcedenti capite, Index applicetur gradib. æquatoris in limbo notatis, mox idem in zodiaco gradus coascendentes indicabit. Similiter in generali facie, horizon-  
tis regula applicata æquatoris lineæ, si numerum graduum æquatoris in ipsa regula inuestigaueris, atq; ab eo gradu æquatoris secundum meridiani in eum incidentis ductum aut sursum aut deorsum usq; ad eclipticam processeris, ipse meridianus aut circulus horarius, ducet te in gradum eclipticæ quæsitum. Quæ res cum omni careat difficultate, exemplis indigere non videtur, potissimum quia vice versa ex præcedenti capite assumi possunt.

CAP. XV.

Quodnam sit punctum eclipticæ in primo quadrante & reliquis quoq; in quo maxima existit differentia inter arcum eclipticæ & arcum æquatoris sibi coascendentem.

**A**rtificiosa est hæc operatio, & sagaci indagine opus habet. In primis scire oportet in generali facie si descripti non fuerint describi tamē posse circulos polares, qui tantum distat à polis hinc inde quantum tropici ab æquatore: de  
qua



qua distantia diximus. 4. cap. In presentiarum vero sit fuerit circa alterum polorum inter parallelos talem circulum imaginari. Hic vero distabit ab æquatore. 66. par. 32. scrup. pro nostro tempore. Huic circulo applica regulam horizontalem, eamque moue paulatim donec videris partes à circulo polari in regula notatas, æquales esse prorsus iis quas ipsa regula in limbo occupat ab æquatore numerando. Tum si gradus à polo usque ad regulam numeraueris, habebis declinationem partis quæsitæ. Ex declinatione data per. 11. cap. ipsum eclipticæ punctum cognosces. Exempli gratia: Applico primo regulam circulo polari dicto, hoc est ad parallelum distantem ab æquatore. 66 par. 32. scrup. & tentandi gratia. 70. gradus regulæ adiungo ad circulum polarem, verum tunc regula in limbo ostendit. 77. gradus cum quadrante, Verum si. 73. gradus cum quadrante, in limbo numerauero, eisque regulam applicuero, tunc circulus polaris in ipsa quoque regula. 73. partes cum quadrante notabit. Ergo in hoc situ numerando à polo ad regulam deprendo. 16. gradus cum quadrante, hoc est. 45. ferè scrup. Hæc est declinatio puncti eclipticæ quæsitæ. Ex. 11. igitur cap. tali declinationi respondent in ecliptica. 46. par. cum quadrante, numerando à puncto æquinoctiali: igitur in. 16. tauri cum quadrante similiter in. 16. scorpionis.

Circuli polaris ab æquatore distantia.

Praxis.

Exemplum

D 2 Item



## DE ASTROLABO

Item in. 13. Leonis cum dodrante & totidem partibus Aquarij maxima est diuersitas inter arcus eclipticæ & æquatoris in ascensionibus sphaeræ rectæ. Quanta verò ea sit diuersitas seu excessus, scies si ascensionem rectam dictæ partis per 12. vel. 13. cap. acceperis, eamq; cum distantiâ puncti eclipticæ ab intersectione æquinoctiali, contuleris. Vt quia gradus. 16. Tauri cum quadrante ascensionem rectam habet. 43. par. 45. scr. Ipsa verò pars eclipticæ distat ab V. 46. par. 15. scr. Subducendo ergo minorem de maiori, relinquuntur duæ partes cum triente ferè. Tanta est maxima diuersitas inter arcus eclipticæ & æquatoris in ascensionibus sphaeræ rectæ, ubi maxima contingit: quod fit in quatuor iam dictis locis eclipticæ.

## CAPVT. XVI.

### De Ascensionum differentiis.

**I**Am diximus (vt reor) quantum satis est nostro instituto, quid sit Ascensio, & qua ratione accipiatur ex Astrolabo prout sphaeræ rectæ competit. Verum enimverò non magna est inæqualitas lationis eclipticæ in sphaeræ recta, vtpote quæ in summo excessu non plus habeat q̃ 2. partes cum triente, vt in capite præcedenti collegimus nisi maior esset declinatio solis maxima, quæ tamen potius minui indies visa est inde



inde à Ptolomæi temporibus. At in sphaera obliqua, quam Ptol. ἐγκλημένη σφαῖρα vocat, hoc est inclinatam: longe maior contingit varietas, temporumque differentia in partium zodiaci æquatorisque ascensionibus, eo quod longe maiores sunt mutationes inclinationum, angulorumque eclipticæ & horizontis quam in sphaera recta. Vnde signum Arietis longe minorem habet ascensionem in regionibus ad boream declinantibus, quam in recta sphaera, e contra libra longe maiorem, sic Taurus minorem quam Scorpio, Gemini quam Sagittarius, Quæ tamē in sphaera recta æquales habent ascensiones ut diximus. Causa est quod illa obliquiori situ emergant supra finitorem, hæc verò rectiori, Vnde sex signa ab initio Cancrī vsq; ad finem Sagittarij, dicuntur rectè ascendencia, reliqua obliquè ascendencia. Et quanto plus inclinata est sphaera, hoc est quo plus accedit regio versus polos eò diuersitas hæc maior cōtingit. Diuersitas autem ascensionum sphaera rectæ, seu in excessu, seu in defectu ab iis quæ in sphaera inclinata accidit, differentia vocatur ascensionum, Præterea quantum signis obliquè ascendentibus decedit ascensionum ab iis quæ in sphaera recta existūt, tantundem signis rectè ascendentibus oppositis accrescit, adeo ut ascensiones rectæ duorum signorum oppositorū, æquales sint

Adscension-  
nes quō ad  
sphaeræ sitū  
diuersæ sint

Inæqualita-  
tis adscēsi-  
onum ratio.

Differentia  
adscēsi-  
onū  
quæ sit.

Correlatiū.

D 3 ascen-



## DE ASTROLABO

ascensionibus eorundem signorum obliquis simul sumptis id quod pulchre Lucanus designauit non Pharsaliorum:

Non obliqua ineant, nec Tauro rectior erit  
Scorpius, aut Aries donat sua tempora Libræ,  
Aut Astræa iubet lentos descendere Pisces  
Par Geminis Chirō, & idē qđ Carcinus ardens  
Humidus Egoceros, nec plus Leo tollitur urna

Loquitur de Æthiopia quæ sub æquatore sita est, in qua (inquit) Aries nō donat sua tempora Libræ. Hoc est, æquis temporibus ascendant, id quod in sphaera recta fieri diximus, Alioqui signo Arietis in sphaera obliqua multum deccedit temporum, seu ascensionum, ac tantundem Libræ accrescit: atq; idem in reliquis signis oppositis accidit, vt graphica cecinit Lucanus. Iam verò quanta sit diuersitas ascensionum, breuipraxis. bus sic accipe. Colloca regulam horizontis secundum poli altitudinem quam regio proposita obtinet, hoc est numera à polo arctico sinistrorsum latitudinem regionis seu poli altitudinem, atq; illi numero applica regulam horizontalem, Mox in ecliptica quære gradū solis cuius differentiā ascensionalem quæris, & secundū parallelum per eum locum transeuntem perge vsq; ad horizontem, diligenter deinde nota circulum horarium in eum contactum incidetem. Nam quot partibus ille à media



media recta linea per polos ducta, quā axem appellari diximus distiterit, siue sinistrorsum siue dextrorsum numerando, tot partiū dicetur ascensionum differentia. Id quod exemplo clarius red Exemplum  
dere statuimus. Proponatur finis Arietis, seu principium Tauri cuius differentiam ascensionalem quærere sit animus. Apto igitur regulā horizontis sic ut polus extet. 51. gradibus, quanta ferè est Louanij. Deinde ex principio Tauri secum paralleli per eum transeuntis ductum, procedo ad horizontem vsq, atque per illum contactum transeuntem circulum horarium noto, quē video distare ab axe mūdi. 14. partibus cum vicia vna ferè, hoc est. 5. scrupulis. Hæc est differentia ascensionum loci eclipticæ propositi. Et quia V signum est (ut diximus) obliquè ascendens certum est tanto citius ipsum in nostro finitore exurgere quàm in recto, quantum efficiunt. 14. part. 5. scrup. æquatoris. Demum eadem quoq, est diuersitas ascensionum initij signi Scorpij quod oppositum est tauro. Id quod in omnibus oppositis euenit. Verum in illo adimitur in isto adiicitur rectæ ascensioni hæc diuersitas ut obliqua ascensio prodeat.

## CAPVT XVII.

De eadem differentia Ascensionū ex  
reti & horizontali catholico.

D 4 Habes



## DE ASTORLABO

**H**Abes in eum vsum in dorso Astrolabi  
 inscriptos. 90. horizōtes omnes sese secan-  
 tes in pūctis æquinoctionalibus, ideoq; hæc  
 tabula horizontale catholicum à nobis dicta est.  
 Si igitur signum cuius differentiam ascensiona-  
 lem quæris, septentrionale fuerit quæ horizon-  
 tem tuæ regionis in inferiori parte horizōtium,  
 secundum numerum illis adscriptum: & huic ho-  
 rizonti aduolue gradum zodiaci in rete notatū,  
 cui mox indicem seu dioptram admoue, hæc in  
 margine gradus differentie ascensionalis indica-  
 bit si numeraueris ab hora sexta vsque ad regu-  
 lam siue sursum siue deorsum pro situ regulæ.  
 Pro Australibus verò signis quæres horizontem  
 tuum in superioribus horizōtium partibus, &  
 omnino eandem serua methodum operandi.  
 Verum vt monui non opus est pro omnibus si-  
 gnis particulatim operationem facere. Opposita  
 enim signa æquales habent differentias ascensio-  
 num: imò quaterna quælibet signa, quæ in sphe-  
 ra recta æquas habent ascensiones, vt. 12. capite  
 indicauimus, eadem æquales quoq; habent ascen-  
 sionum differentias.

### CAPVT XVIII.

#### De Ascensionibus obliquis inueniendis.

Ex



**E**X præcedēti capite nullo iam negotio eliciemus ascensiones obliquas ad quamlibet sphaeræ inclinationem. Quoniam enim ex 12. & 13. cap. didicimus cuiuslibet partis Eclipticæ inuenire ascensionem rectam. In præcedenti Hypotheses  
verò differentiam ascensionis, hoc est excessum quo ascensio recta obliqua vel superat, ut ab Arie te ad libram in signis vel superatur ab eadem, ut in signis Australibus. Accepta ascensione recta auferemus ab eadem differentiam ascensionalem vel eidem adiiciemus pro signorum situ ut diximus. Exempli gratia: ascensio recta quarti gradus Geminorum, per. 12. vel. 13. caput cognoscitur. 62. graduum. At differentia ascensionum ex præcedētium altero, habetur. 28. partium. 18. scrupulorum. Igitur quia signum Geminorum est Boreū, auferā istā differentiā ex ascensione recta, relinquuntur. 33. partes. 42. scrupula. Hæc est ascensio obliqua quarti gradus Geminorum, in latitudine regionis. 51. partium. Similiter quia quartus gradus sagittarij, habet ascensionē rectam. 242. partium, (quod colligo addendo semicirculum hoc est. 180. partes ascensionī recte quartæ partis Geminorum, quoniam per diametrum hoc est spacio semicirculi dissident puncta opposita) adiicio illi ascensionī eandem differentiam ascensionalem. 28. par. 18. scrup. colligitur, ascen  
D 5 sio

Exemplum



## DE ASTROLABO

sio obliqua quarti gradus sagittarij. 270. par. 18. scrui. sic ages de quibuscumque eclipticæ partibus & pro quavis mundi inclinatione, seu eleuatione poli. Neque contemnenda sunt hæc præcepta ex se ( ut prima fronte videtur ) sterilia habent enim maximos usus in temporum dimensionibus, & motuum cœli inquisitionibus, quoniam per has ascensiones siue Equatoris tempora coascendentia, tanquã per partes æquales ac perpetuo æqualiter circumductas fit omnis mensura ( quam maxime uniformem esse conuenit ) motuum cœlestium.

### CAPVT XIX.

#### De descensionibus & rectis & obliquis.

Descensio  
recta &  
Obliqua  
quid sit.

**P**Arum hæc ad astrolabi usum spectant, quandoquidẽ ex præscriptis ascensionibus nullo negotio colliguntur. Est autẽ descensio recta, gradus æquatoris condescendens gradui Eclipticæ dato in sphaera recta, Græcè συνκατάκλις dicitur. Hæc autẽ nihilo differt ab ascensione recta. Descensio similiter obliqua, gradus est æquatoris simul sub finitorẽ occidẽs in sphaera obliqua cum gradu eclipticæ proposito. Hæc facile colligitur. Data enim ascensione recta ex. 12. vel. 13. huius, itemq; differentia ascensionũ ex. 16. vel. 17. contra quã in ascensione obliqua factum est addemus vel detrahemus ab inuicem hos numeros,

Operatio  
cum Hypothesibus.

Adde-



*Addemus quidē in sex signis borealibus. Aufere-  
mus verò in australibus. Vt quia ascensio recta  
quarti gra. geminorū erat. 62. par. differentiā verò  
ascensionū. 28. par. 18. scrup. cōiungam hanc dif-  
ferentiam cum ascensione, fient. 90. par. 18. scrup.*  
*Atque hæc est descensio obliqua partis dictæ in  
nostro Horizonte, hoc est, quartus gradus Ge-  
minorum occidit nobis cum nonagesimo gradu  
Æquatoris & 8. scrup. à puncto Æquinoctiali  
vernali facta numeratione, sic econtra quarti  
gradus sagittarij ascensio recta in præcedenti ca-  
pite erat. 242. partium, differentia ascensionis  
eadem quæ oppositi loci, nempe. 28. par. 18. scrup.*  
*Aufer iam hanc differentiam ab ascensione re-  
cta, quam illic addebas, relinquuntur. 213. part.*  
*42. scrup. Descensio obliqua quarti gradus sa-  
gittarij in nostra sphaera. Aliud compendium  
Ascensioni obliquæ partis oppositæ parti Ecli-  
pticæ assignatæ, semper adde semicirculū, hoc est  
180. par. sic actutum Descensio obliqua appare-  
bit partis propositæ, vt lubet rursus Descen-  
sionem obliquam quartæ partis sagittarij co-  
gnoscere. Accipio ascensionem obliquam oppo-  
sitæ partis zodiaci nempe quarti Geminorum,*  
*quæ erat. 33. partium & 18. scrupulorum, huic  
addo. 180. part. exurgunt. 213. par. 18. scrup. quæ  
rursus Descensio obliqua est quarti Sagittarij.*

Exemplum

Compen-  
dium  
Praxeos.

Exemplum

CA-



# DE ASTROLABO

## CAPVT XX.

Data longitudine & latitudine stellarum, quanta sit Ascensio seu recta seu obliqua, quantaq; declinatio ab Æquatore, & de inscriptione stellarum in Astrolabo.

Multa axio-  
mata ab au-  
thore in  
vnū caput  
reducta.

Cur pau-  
cas stellas fa-  
ciei astrola-  
bi inscri-  
ptas velit.

**T**Antam, tamq; copiosam habet hoc organū  
vbertatem vsus, vt vnde incipere velim  
vix sciam, neq; quo vsq; sermonem exten-  
dere. Cogor itaq; multa subinde in vnum caput  
reducere, ne multitudo præceptorum memoriam  
turbet. Hactenus de partibus Eclipticæ egimus,  
earumq; ascensionibus atque harum differentiis,  
nunc generatim de omnibus stellis, ac quouis cæ-  
li puncto dicemus quam poterimus breuissimis.  
Hoc vt fiat generale præceptum præmittemus,  
qua scilicet ratione stellæ fixæ vel etiam errati-  
cæ ipsæ ex longitudine & latitudine ipsarū co-  
gnitis in suum locum in Astrolabi generali facie  
collocentur. Nos enim non multas stellas, imò  
paucissimas in organo collocauimus ne scilicet  
circuli cum horarij tum paralleli quorum vsus  
perpetuo necessarius atq; ad infinita utilis est, stel-  
larum nominibus confunderentur. Nam neque  
stellæ perpetuo suas seruāt sedes, neq; difficile est  
cum lubet eas atramento notare id quod sic fit.

Numeræ



Numera in *Aequatore*, (quem tibi nūc tāquam  
*zodiacum* propones) applicata ei regula hori-  
 zontali, longitudinem stellæ propositæ, statuen-  
 do scilicet *Arietis* initium in centro, & nume-  
 rando dextrorsum seu in *Aequatore* seu in Ho-  
 rizonte. 30. partes pro primo signo, prorsus eodē  
 modo atq; in *Ecliptica*. Ab hac longitudine no-  
 ta circulum horarium in polos ductum, Et si stel-  
 la habuerit latitudinem Boream, numera eam  
 versus Boreum polum in eodem circulo horario,  
 per parallelos eūdem secantes, sin Austrina fue-  
 rit, versus *Antarcticum* latitudo numeretur  
 nota igitur diligenter intersectionem circuli ho-  
 rarij per longitudinem stellæ incedentis, & paral-  
 leli latitudinis. Huic puncto contactus apicem  
 brachioli admoue, adducto (si opus est) propius  
*Cursori*, deinde & *Cursori* & brachiolum ob-  
 firma & horizontalem regulam transfer ad li-  
 neam eclipticam, mox apex brachioli locū stellæ  
 verū in *Astrolabo* designabit exactissime. Iam  
 circulus horarius per verum locum stellæ ince-  
 dens in *Aequatore* ascensionem rectam indica-  
 bit, sed hic obserues, oportet duas cœli medietate-  
 res, alteram vernalem seu ascendentem vocabi-  
 mus quæ est à *Capricorno* ad *Cancrum*, alteram  
 autumnalem & descendentē, In illa vernali nu-  
 merus procedi dextrorsum, in ista sinistrorsum,  
 Atqui

Stellarum  
 inscriptio  
 qua metho-  
 do fiat.

Locus stel-  
 læ quaeritus

Adscētio re-  
 cta nouo  
 modo re-  
 perta.



## DE ASTROLABO

Declinationis stellarum noua inuentio. Differentiam adscensionalem aliter per scrutari.

Ascensionem obliquam aliter colligere.

An stellæ quæuis datæ regioni occidat vel oriatur explorare.

Exemplum

Atqui diximus de hac numeratione quæ ex horizontali regula conspici potest cap. 12. satis clare. Simul quoque parallelus iam per locum stellæ signatum incedens luculenter declinationem stellæ patefacit, & an sit borea an australis denique differentiam ascensionalem cognoscet, sicut in cap. 16. dictum est. Collocata scilicet regula horizontis secundum latitudinem regionis, procede secundum parallelum stellæ, hoc est qui per locum signatum incedit, usque ad horizontis contactum, ab eo segmento seu concursu, numera gradus omnes qui per circulos horarios notantur in eodem parallelo usque ad axem spheræ, seu lineam per polos transeuntem sic ascensionum differentia nota erit, per quam ex cap. 18. ascensionem obliquam colliges. Si vero parallelus stellæ non attigerit horizontem, fueritque iam declinatio inuenta borea, talis stella nunquam occidit in regione proposita, sin austrina fuerit declinatio, nunquam oriatur in illa regione, neque in conspectum veniet illic habitantibus. Hanc incundissimam speculationem volo vno exemplo claritatis gratia explanare. Proponatur clara stella in Virginis sydere vocata spica huius longitudo ex Copernici tabulis, colligitur in Libræ 17. par. 37. mi. Latitudo eadem quæ veteribus omnibus obseruata, quæ ob id nihil variari unquam colligimus. 2. partium Australis. Quod ad longitudes stellarum attinet, colligat alius ex quibuslibet



buslibet tabulis seu canonibus, ego malo sequi illos quos experientia cū veterū tū nostrae exactius respondere deprehendo, hoc est Copernici canones quos & Erasmus Reinheldus in tabulis Prutenicis obseruauit. Nam Alphonsinorum inuenta, plus integra parte aberrant ab apparentibus in caelo locis, ut saepius experti sumus. Neq, cum aliorum obseruatis congruunt. Hic verò de thesibus talium motuum & de motu octauī orbis aut terrae nihil agam, quod sciam inuentis motibus facile confingi orbes posse, per quos tales motus absoluantur, seu in caelo seu interdum in terra si quis velit. Sed haec disputatio nō admodum distingere debet eruditiores, qui norunt orbes, Epicyclos, aliāque talia ad calculi inuentionem constitui potius, quam ut reuera credamus tales extare in rerum natura. Quod & Ptolomaeus fatetur, qui eundem motum & per Epicyclum & per Eccentrum exhiberi posse docet. At haec praeter propositum, tempus igitur ut ad institutum redeat oratio. Longitudo spicae erat. 17. partium. 37. minut. Applico regulam Aequatori, numeroq, à centro ubi initium Librae est sinistrorsum si polum Boream spectem, aut dextrorsum si Antarticum aspiciam. 17. gradus. 37. scrupul. deinde in circulo horario ab eo loco Aequatoris in polum Australem

Error tabularum Alphonsinarū

Orbes multiplices planetis ob motus perplexitatem tribuuntur.



## DE ASTROLABO

tem ductum numero. 2. partes per parallelos circulum horarium secantes huc ergo apicem brachioli adduco, admoto propius Cursore ut apex ad locum signatum pertingere possit, sicq; Cursore in Horizonte & brachiolum in Cursore firmo. Mox traduco regulam Horizontalem ad eclipticam, & apex brachioli locum spicæ mihi tanquã digito, demonstrat, quem si placet, aut atramento signo, aut altiore notam insculpo. Per hunc igitur locum incedens circulus Horarius, ostendit in *Æquatore Ascensionem rectam spicæ*. 165. partium cum semisse propemodum, quantum ex *Astrolabi inspectione colligere licet*. Deinde parallelus per locum spicæ incedens distat ab æquatore. 8. partibus cum. 48. ferè scrupulis, hoc est. 8. partibus cum dodrante & paulò plus, quod si æstimes exactius valet vigesimam gradus particulam. Hæc est nunc declinatio spicæ pro Anno. 1554. quo hæc scribimus. Demum applicata regula ad loci latitudinem, quam. 51. partium statuo, numero in parallelo spicæ à contactu paralleli cum horizonte, vsque ad axem. 11. quasi partes integras per circulos horarios notatas. Atq; hæc est ascensionis differentia, & quia spica est in cæli parte Australi, addatur differentia hæc cum ascensione recta fient. 206. partes cum semisse, quæ est ascensio obliqua spicæ in nostro finitore. Quod si eandem



eandem differentiam ascensionum subdaxero ex  
ascensione recta, colligam. 184. par. cum semisse,  
descensionem obliquam eiusdē stellæ. Ex his quā-  
tum compendij accedat nobis ad ortus occasusq;  
syderum cognoscendos, & ad alias motuum cœ-  
lestium consyderationes, suo videbimus loco.

Utilitas huius  
capituli.

## CAPVT XXI.

Data sola declinatione fixarum, cum  
latitudine earundem, quæ sem-  
per eadem manet, locum ea-  
rum verum secundum  
longitudinem in zo-  
diaco dignoscere.

**T** Ali hyporhesi vsus est Ptolomæus & ante  
ipsum Hipparchus samius, ex qua colli-  
gerunt orbem stellarum fixarum habere  
etiam motum contrariū primo generaliq; orbiū  
motui, illumq; fieri secundum obliqui circuli siue  
zodiaci ductum, & circum vertices seu polos zo-  
diaci. Quoniam enim omnium fixarum stellarū  
latitudo ab Ecliptica semper inuenta est eadem,  
cum à veteribus tum & ab iis qui nunc non è li-  
bris sed ex cælo ipso motus obseruant. Certumq;  
fit stellas continuo procedere à punctis Equino-  
ctialibus deinceps, cū sic describant circulos eclis-  
pticæ parallelas, non possunt super aliis vertici-  
bus quam zodiaci tales absolvere motus, fit hinc

Motus stel-  
larum fixarum contra  
primum mobi-  
lis raptum.

E vt



## DE ASTROLABO

Exemplaris  
institutio.

ut quauis ab Ecliptica semper aequalibus ab-  
sint interuallis, ad equatorem tamen vel acce-  
dant propius vel ab eodem recedant longius.  
Quantum verò ab Equatore dissideant, docui-  
mus obseruare cap. 9. Latitudo verò colligitur  
ex Ptol. tabulis, quia inuariabilis persistit. Ac-  
cipiamus ergo exemplū ex Ptolomæo, qui dicit  
Timocharin qui. 432. annis ante Ptolomæū vi-  
xit, annotasse stellam vocatā σάχου seu spicā, suo  
tempore equatore Borealiore fuisse vna parte cū  
duabus quintis, hoc est. 24. scrup. At Ptolomæi  
tēpore fuit australior eodē equatore semisse vni-  
us partis. Cupio ergo scire vera loca spicæ pro  
temporibus adsignatis. Est autem latitudo spi-  
cæ Australis. 2. part. Applico igitur regulam ho-  
rizontis Equatori, & indicem brachioli, ad pa-  
rallelum latitudinis Australis duorum graduū,  
vtruncq; fortē primo ceciderit. Fixo deinde Cur-  
sore & brachiolo, transfero regulam ad Eclipti-  
cam. Quod si tunc index brachioli inciderit in pa-  
rallelum declinationis obseruatae, mox locū stel-  
læ indicabit. Quod si superauerit illum paralle-  
lum, aut infra constiterit index, rursus eadem  
operatio repetenda, scilicet iterum collocanda  
regula ad Equatorem & index ad parallelum  
latitudinis statuetur sed plus versus Cancrum  
vel Capricornum, prout index vel infra vel su-  
pra



pra parallelum declinationis constiterit in primo examine, idq̄ toties tentandum quousq̄ omnino Declinatio observata indicem attingat. Hæc quanquam obscurè scribantur, facilima tamē sunt ad oculū intuentibus, & expedita paulū adsuetis. Sic igitur ter quaterve repetita exploratione, comperio stellā spicæ fuisse tempore Timocharis in. 22. parte Virginis. Tempore verò Ptolomæi cū spica esset Australior æquatore semisse vnius partis, erat in. 26. parte virginis cū oriente. Vnde & Ptolomæus collegit stellas fixas in. 100. annis vna parte progredi ordine signorū servato, quoniā inter ipsum & Timocharē effluerant anni. 432. At interim à Ptolomæi observatis ad nos vsq̄, processerūt fixæ. 21. paulo minus partibus: nā nūc spica est in. 17. libræ cū. 36. scrup. Itaq̄ vni parti non possunt semper tribui centū anni, cum interea elapsi sint. 1406. anni tantum. Atqui secundum hoc tempus facta æstimatione, in. 67. annis fixæ vno mouerentur gradu. At interim veterum observata, quierant homines diligentissimi, non sunt reiicienda, sed tanquam fundamēta artis amplexanda. Quod si facimus, vt facere iure debemus, si et nostra velimus fidē habere apud posteros: omnino fatendū aliquā esse ἀνισομαχίαν siue inæqualitatē motus in  
E 2 fixis:

Periodus  
huius mo-  
tus ex Pro-  
lomæo  
Et recentio-  
rum ob-  
servatis,



## DE ASTROLABO

Copernici  
industria  
omni laude  
digna.

fixis: quā haftenus nemo melius coequavit quā  
Copernicus. Quare & illius canones lubentius  
sequor, quam aliorum qui haftenus extiterunt.  
Sed haec praeter propositum: nos vsum pulcherri-  
mum Astrolabi satis hac in parte indicauimus,  
quem si D. Io. de Rojas suo libro, cum aliis mul-  
tis quae omissa sunt inseruisset, fortassis huic labo-  
ri pepercissem, nisi fuisset huius Astrolabi longē  
vberior vsum & clarior circularum descriptio  
in ipso organo.

### CAPVT XXII.

Data differentia Ascensionum alicu-  
ius partis zodiaci vel stellæ fixæ  
cognitæ, aut ipsa ascensione  
obliqua, quæ sit latitu-  
do regionis.

**S**I ascensio obliqua data sit alicuius puncti  
noti in cælo, fueritq; punctus in medietate  
zodiaci Boreali subtrahæ, ascensionem obli-  
quam datam ex ascensione recta, relinquetur  
differentia ascensionum. At si punctus datus fue-  
rit medietate cæli Australi, subducatur ascensio  
recta, ex ascensione obliqua relinquetur rursum  
ascensionum excessus, siue (vt vocat) differentia.  
Hac igitur habita, in parallelo loci dati, siue  
punctus eclipticæ fuerit ille siue stella, ab axe nu-  
mera per gradus quos circuli horarij distinguūt,  
ipsam



ipsam differentiam ascensionū iā vel datam vel  
 ut diximus cognitā, in iis quidē quæ supra aqua-  
 torem ad boreā consistunt versus sinistrū, seu Ca-  
 pricornū, in iis verò quæ ad austrū tendūt, versus  
 dextrū seu versus Cancri initium ad finem verò  
 talis numerationis adiunge regulam Horizon-  
 talem. Hæc tibi in momento latitudinē regionis  
 monstrabit in limbo, ut quæro in qua regio-  
 ne principium Cancri oriatur cū. 60. gra. aqua-  
 toris. In sphaera autē recta oritur cū. 90. gradu.  
 Quia ergo portio zodiaci in hoc pūctū vsq. extēsa  
 est de medietate Borea subtrahatur ascensio obli-  
 qua ex recta hoc est. 60. ex. 90. restāt. 30. par. as-  
 censionū diuersitas iam in parallelo per Cancrū  
 ducto hoc est in ipso tropico ab axis linea versus  
 Capricornum numero. 30. gra. per circulos hora-  
 rios notatos, quibus adiuncta regula, ostēdit la-  
 titudinē propemodū. 49. par. Ex hoc capite Cli-  
 matū parallelorūq. Geographicorū distinctio su-  
 mitur facillime, sed hæc in suū locū differemus. In  
 posteriori quoq. astrolabi parte cum facilitate idē  
 artificium absoluitur. Differentia enim ascensio-  
 num numerata ab hora sexta in limbo, deorsum  
 pro Borealibus, sursum pro Australibus locis  
 dioptra applicatur, cui deinde locus solis in zo-  
 diaco Retis innētus subiicitur, is idē pūctus, in-  
 ter Horizontas latitudinem regionis indicabit.

Exemplum

Vsus huius  
capitis.Eiusdem la-  
titudinis in-  
uentio per  
Dorsum  
Astrol.



# DE ASTROLABO

## CAPVT XXIII.

### De amplitudine ortus solis & stellarum.

Coeli car-  
dines. 4.

Oriens  
verum.

Ortus am-  
plitudo.

**Q**uatuor esse precipuos cœli tanquã car-  
dines, seu regiones quæ & centra dicun-  
tur, adeo notum est vt declinatione non  
videatur opus. Oriens, Occidens, Meridies, Se-  
ptentrio. Oriens autem verum est punctus exa-  
cte inter Meridiem & Septentrionem (quæ duo  
puncta non variantur) in Horizonte notatus  
ab ipso Equatore, & à Sole ostenditur in equi-  
noctiis tantum. At quia quotidie, sol exoritur,  
modo citra Equinoctialem, modo ultra consti-  
tutus, quotidie alium quodammodo Orientem  
occidentemque ostendit, quoniam Equator sem-  
per eodem loco horisontis emergit, aliæ verò par-  
tes Eclipticæ pro sua ab Equatore declinatio-  
ne à vero ortu nunc versus Boream, nunc ver-  
sus Austrum in exortu suo declinant, sicut &  
stellæ quælibet. Hæc distantia ortuum, vocatur  
amplitudo ortus apud Astronomos Ptolomæ-  
us secundo suæ syntaxeos in sole tales horizon-  
tis partes vocat τὰς ἀπολαμβανόμενας τοῦ ὀρι-  
ζόντος περιφερείας ὑπὸ τοῦ ἰσημερινῶν καὶ τοῦ λο-  
ξοῦ κίκλου, hoc est ipsius finitoris circuli partes in-  
ter Equatorē zodiacumq; interceptas. Nos ve-  
rò generaliter finientes amplitudinem ortus di-  
cemus



temus horisontis segmentum inter *Aequatorem*  
 & punctum exortus stellæ, vel loci propositi in-  
 terceptum. Facilis verò est inuentio eius. Regula  
 Horisontis primum ad regionis latitudinem  
 componitur, deinde parallelus per locum solis  
 vel stellæ incedens, ubi Horisontem secat, am-  
 plitudinem ortus ostendit si tantum numeraueris  
 gradus horisontis à centro vsque ad iam dictum  
 contactum. Et si locus solis vel stellæ in Boream  
 declinauerit erit amplitudo quoq; Borea & econ-  
 tra. Vt sole in Cancro constituto, libet scire am-  
 plitudinem ortus in latitudine. 51. gra. Compo-  
 no Horisontem secundum latitudinem datam,  
 mox video parallelum solis, hoc est Tropicū Can-  
 cri interfecare Horisontem in. 39. par. cum do-  
 drante ferè, atq; hæc est amplitudo ortus solis in  
 Cancro & similiter in Capricorno, sic hic Au-  
 strina illic Borea. De stellis omnino similis est  
 operatio, ubi Declinatio fuerit nota per. 9. vel  
 20. caput.

Amplitudi-  
 nis ortus  
 inuentio.

Exemplum

Eiusdē in-  
 uentio in  
 cæteris  
 stellis.

## CAPVT XXIII.

Cognita tam amplitudine ortus solis  
 aut stellæ cognitæ cum locis eo-  
 rum in zodiaco: quæ sit  
 regionis latitudo respon-  
 dens.

E 4

Docui-



DE ASTROLABO

**D**Ocuimus in opusculo de Radio modum quo quis amplitudinem ortus & mundi cardines possit addiscere per obseruationem, siue ergo illo modo siue alio cognitam habuerit quisspiam amplitudinē ortus solis, locusq; eius sit notus in zodiaco: numeretur in regula amplitudo illa versus Capricornum si Borea fuerit: versus cancrū, si austrina. Intelligimus enim meridiē in ea parte organi ubi Cācer scribitur, meridiā noctē verò ab  $\Lambda$  deinde volue regulā quo usq; punctus amplitudinis ortus attingat parallelum per locū solis vel stellæ transeuntē hac via simul ipsa regula eleuationē Poli signabit. Vt proponatur amplitudo ortus. 50. gra. sole in Cācro existente. Hoc est quero, in qua regionis latitudine

**Exemplum** contingit solē in Cancro existentem exoriri. 50. partibus horizōtis à vero Oriēte versus Boreā? Numera igitur. 50. gra. in Horizonte, & volue regulā quo usq; ille gradus attingat Tropicum Cancrī, videbis in limbo. 58. gra. cū semisse prope modū. Quā pronuncio latitudinē quæsitā, in qua scilicet sol exoriēs æstiuo tempore distat ab oriēte vero. 50. par. zodiaci, adeo vt tūc propior sit septentrioni quā Orienti vero, siue Æquinoctiali. Hinc & veteres ( vt videre est apud Gellium ) triplex Oriens & triplex Occidens distinxere: Oriens scilicet Æquinoctiale, Æstiuum,



uum, & Hybernum, Equinoctiale designat  
equinoctialis & Sol in eo constitutus in princi-  
pio Arietis vel Libræ, distatq; æqualiter à meri-  
die & septentrione. Æstiuum designat tropicus  
Canceri, Hybernum tropicus Capricorni. Ve-  
rum euariant hæc multum pro maiori minori ve

Corelariū.

## CAPVT XXV.

De ortu solis, & arcu semidiur-  
no solis & stellarum.

**I**N sphaera recta dies noctibus semper sunt  
æquales, & omnibus stellis æqualis mora est  
supra finitorem quæ infra. Quoniā circuli om-  
nes quos per cæli reuolutionem describunt in pa-  
ria secantur ab horizonte recto. At longè secus  
accidit in obliqua seu inclinata sphaera, ubi fi-  
nitor prorsus inæquali lege secat circulos reuo-  
lutionum. In boreis quidem relinquens maiora  
segmenta sursum minora deorsum. In austrinis  
econtra. At secundum proportionem talium se-  
gmentorum se habet dies noctesq; ad inuicem id  
quod facillime pro quacunq; latitudine cognosci-  
tur ex Astrolabo nostro vniuersali. Cōstitue igitur  
regulam horizontalem secundum latitudi-

Dierū æqua-  
litas atq;  
inæqualita-  
tis ratio.

E 5 nem



## DE ASTROLABO

**Praxis.**

nem regionis propositam & vide parallelum per locum solis aut stellæ deductum, hic ubi ab horizonte secatur habet horam ortus & occasus, & gradus inde ab eo loco vsq; ad meridiem, hoc est vsq; ad limbum ubi Cæcri signum ponitur, sunt partes dimidij arcus diurni. Solum illud obserues: ut pro ortu solis numeres horas antemeridianas, quarum numerus incipit à media nocte ubi statuitur, pro occasu verò capias horas pomeridianas, quarum ordo est à Cancro versus

**Exemplum**

Capricornum. Exempli gratia, Sole existente in principio Leonis placet in latitudine. 51. partiū cognoscere ortum solis & arcum semidiurnum.

Statuo regulam ad latitudinem. 51. par. Video nunc in parallelo per principium Leonis transeunte interfectionem fieri ad horam. 7. pomeridianam. 12. gradibus: & quoniam quilibet gradus valet. 4. scrupula horæ (eo quod. 15. gradus horam efficiant, & totus circulus. 12. horas) erit hora. 7. cum. 48. scrupulis, hora occasus solis.

Hora verò ortus hora. 4. cum. 12. scrupulis. Arcus semidiurnus. 117. partes, hunc si ex. 180. absterleo restat arcus seminocturnus. 63. Sed & horæ occasus ostendunt arcum semidiurnū reducti in partes æquatoris. Septem enim horæ, valent. 105 partes, quibus. 12. reliquæ additæ. 117. conflant.

Idem hoc ex posteriori parte organi eadem facilitate



litate colligitur. Locus enim solis positus super  
 horizontē loci propositi versus ortum ei si diop-  
 tra adiiciatur, in limbo ostendet horam ortus, à  
 qua ad meridiem numerantur gradus arcus se-  
 midiurni. In stellis præstat ex anteriori parte pe-  
 tere solutionem quæstionis. Nam ubi paralle-  
 lus per stellam ductus, seu declinationis eius pa-  
 rallelus secat horizontem secundum latitudinē  
 propositam ibi mox per horas pomeridianas vi-  
 debis arcum semidiurnum reducendo (ut dixi-  
 mus) horas in gradus. Sic Canis maior in lati-  
 tudine. 51. partium arcum semidiurnum habet  
 69. partium cum dodrāte. Mora enim eius à me-  
 ridiano ad occasum eius deprehenditur. 4. hora-  
 rum cum. 39. scrup. Sciendum quoq. quod diffe-  
 rentia ascensionum ex. 16. cap. accepta, si adicia-  
 tur ad. 90. siue ad quadrantem efficiet arcum se-  
 midiurnum, pro locis stellarum boreis, at pro au-  
 stralibus adimatur. Ut sole in principio Tauri  
 existente quæro arcū semidiurnū eius. In cap. 16  
 deprehēdi differentiā ascēSIONALē, 14. part. cum. 5  
 scrup. addo hāc cū. 90. fiunt. 104. par. 5. scrup. Ad-  
 do autē quia signū boreū est: sic habeo arcū semi-  
 diurnum solis in principio tauri cōstituti, Ex eo  
 etiā occasus solis liquet. Quoniā. 15. par. horā effi-  
 ciūt, singulæ partes. 4. scrup. horaria. Quindecim  
 verò scrup. graduum, vnum scrup. horæ efficiunt.

Ergo

Eiusdē in-  
 uentio ex  
 organi  
 dorso.

Correlariū  
 pro arcu se-  
 midiurno  
 vestigando.

Alterū Co-  
 relariū pro  
 occasu so-  
 lis defini-  
 endo.



## DE ASTROLABO

Tertium co-  
relariū pro  
totius diei  
& noctis  
quantitate.

Ergo occasus solis erit ho. 6. cum. 56. scrupulis.  
Vnde & ortus solis, hora. 5. cum. 4. scrupulis.  
Horæ enim ortus & occasus simul efficiunt. 12.  
horas. Demum duplicato numero horarum occa-  
sus, quantitas diei exurgit. Hæc à. 24. detracta,  
noctis quantitatem indicat, quæ etiam duplica-  
tis horis ortus cognoscitur. Sic in proposito no-  
stro, totius diei quantitas continet. 13. horas. 52.  
scrupula. Noctis verò quantitas. 10. horas. 8.  
scrupula.

## CAPVT XXVI.

Quo modo data diei prolixioris quan-  
titate, eleuatio quoque poli inde  
elicitatur, & de climatum  
distinctione & paral-  
lelorum.

Huius ca-  
pituli ad  
precedens  
& tri. 16.

Exemplaris  
ostensio.

**I**N præcedenti problemate quærebat, quod  
hic notum proponitur. E contra hoc loco du-  
bium proponitur, quod illic notum dabatur,  
nempe poli eleuatio quæritur ex diei prolixioris  
quantitate. Vt, quia legimus apud Plinium in  
Alexandria diem longissimum obtinere. 14. ho-  
ras quæritur igitur quæ sit Alexandria poli ele-  
uatio. Diuide igitur diem prolixissimum in du-  
as partes, fient in proposito exemplo. 7. horæ quæ  
sunt horæ occasus secundum vsum nostrum. Ap-  
plica igitur horæ septimæ pomeridianæ in tro-  
pico



pico æstiuo regulam horizontis, hæc tibi eleuatio-  
nem poli ostendet, in proposita quidem quæstione  
30. partium cum dodrante. Et quoniam omni-  
bus habitantibus sub vno circulo ducto ad æqui-  
noctialis æquidistantiam, eadem est quantitas  
diei, eadem noctium dierumq; ratio: tendentibus  
verò à medio versus extremos polos semper æsti-  
ui dies augentur, ac tantundem hyberni decre-  
scunt: placuit veteribus rerum scriptoribus per  
incrementa dierum habitabilis orbis partem di-  
stinguere quibusdam quasi zonis orbem ambien-  
tibus. Ac sufficiebat priscis rudior distinctio per  
semisses horarum facta, Itaq; spacium terræ in-  
ter duos circulos parallellos comprehensum, quo-  
rum circulorum differētia dierum maximarum,  
efficeret semissem horæ, vocabant Clima, quasi  
dicas segmentū, & quasi gradū quēdam. Nō con-  
tenti deinde tam spaciosis segmentis, climata in  
duo secuerunt ductis æquidistantibus circulis ip-  
si æquinoctiali, Quorum circulorum interstitiū,  
in quantitate dierum maximarum efficeret qua-  
drantem horæ. Ptolomæus igitur in Astronomi-  
co opere ab æquatore parallelorum ordinem ex-  
orsus, singulorum & latitudines & quantitates  
dierum maximarum annotauit secundum tropi-  
corum intercapedinem quæ tum temporis erat.  
Nūc autem latitudines nonnihil discrepant ab

Vsus zona-  
rum & cli-  
matum in  
orbis distin-  
ctione.

Clima  
quid sit

Paralleli  
qui sint.

iis



# DE ASTROLABO

Climatum  
initium.

Diei proli-  
xissimi in-  
cremēta ex  
climatū &  
parallelorū  
ratio.

is quas ille descripsit, ob mutatam solis maxi-  
mam declinationem. Climata verò non capiunt  
initium ab æquatore ipso, sed primi climatis ini-  
tium est à quarto parallelo quorum æquator pri-  
mus est sic ut medium primi climatis diem pro-  
lixiorē habeat. 13. horarū, quod quidem mediū  
quintus determinat parallelus. Nam primus  
parallelus æquator ipse est, sub quo dies semper  
12. horarum est. Secundus parallelus adiicit qua-  
drantem horæ, tertius semissem, quartus dodran-  
tem, seu tres quadrantes, atq; hic est initium  
primi climatis. Quintus horam addit supra. 12.  
ita ut medium primi climatis obtineat diem pro-  
lixiorē. 13. horarum ut diximus, finis verò per  
sextum parallelum discriminatur, qui diem ma-  
ximum habet. 13. horarum cum quadrante: atq;  
in eodem initium est secundi climatis, sicq; dein-  
ceps proceditur ad. 7. notiora climata. Nam ut  
ceperimus dicere climata ab æquatore non capi-  
unt initium, neq; apud veteres ultra septem ex-  
tenduntur. Eo quod neq; sub æquinoctiali terra  
habitata cognosceretur, neq; ea quæ ultra septi-  
mum clima protensa est culta haberetur. Ex  
diei igitur maximæ quantitate cognoscitur sub  
quo parallelo aut climate quævis regio colloce-  
tur: unde tales sint regulæ. A numero horarum  
maximæ diei auferatur. 12. reliquum reducatur  
ad



ad quadrantes horarū, quibus si ciuitas adiicia-  
tur, patebit numerus & ordo paralleli propositi.  
Vt si dies prolixior sit. 15. horarum cum semisse.  
Quero quotus sit parallelus? aufero. 12. horas ex  
quantitate diei longissimæ, restant. 3. horæ cum  
semisse, quæ faciunt. 14. quadrantes horarum, his  
addo. 1. fiunt. 15. Aio igitur decimum quintum  
parallelum per eam regionē duci cuius dies pro-  
lixior habet. 15. horas cum semisse. Vbi verò nu-  
merum paralleli inueneris, aufer ab eo. 3. & resi-  
dui dimidium climatis ordinem ostendet. Vt in  
prescripto exemplo, ablatis. 3. ex. 15. relinquun-  
tur. 12. quorum dimidium. 6. ostendit sexti clima-  
tis medium. Sumunt autem climata & paralle-  
li nomina ex celebrioribus locis aut fluminum  
ostijs per quæ transeunt in terræ superficie, Vn-  
de primum clima δὲ ἀνατολῆς dicitur, Secundum  
δὲ ὑπὸ τῆς, Tertium δὲ ἀνατολῆς, Quartum  
δὲ ὑπὸ τῆς, Quintum δὲ ἀνατολῆς, vel δὲ ὑπὸ τῆς, Sextum  
δὲ ἀνατολῆς, Septimum δὲ ἀνατολῆς. His  
si libet alia adiicere, ac deinceps ad polos usq; cū  
parallelos cum climata extendere, per me licebit  
cuique. Ptolomæus ultra parallelū per Thylē  
celebria nomina nō imposuit. Quamobrē & nos his  
cōtenti supersedebimus, satis esse ducentes quod  
artificium tradiderimus quo quis facile colli-  
gere possit quantum singuli paralleli ab æquato-  
re distent secundū assignatā diem prolixiorē.

Climatū ac  
parallelorū  
distributio  
vnde de-  
sumpta.  
Exemplum

Appellatio-  
nis climatū  
ratio.

Tibi serui-  
at vltima  
Thyle.  
Virg. Geo. 1

Climata  
quō exagge-  
rari possint  
vel in polos  
usq;



## DE ASTROLABO

Quod si quoque ultra circulum polarem procedere placeat, statuatur quoque quot dierum volet esse tempus in aestate quo nunquam sol occidit, numeri illius capiat dimidium ac tot gradus numeret in ecliptica anterioris partis astrolabi, à Cancro versus centrum organi, notet ergo parallelum per eum zodiaci locum transeuntem, quantum enim ille à polo distat tanta est latitudo regionis. *Exemplum* Vt si querat quis latitudinem regionis in qua prolixior dies est duorum mensium, seu. 60. dierum accipio dimidium dierum propositarum hoc est. 30. ac tot numero gradus à Cancro versus centrum: sic incidit calculus in principium Leonis, per hunc parallelus incedens distat à polo. 69. partibus cum quatuor quintis, siue cum 48. scrup. Tanta igitur est latitudo paralleli, sub quo dies prolixior menses duos obtinet. *Tabulæ climatum ex hac institutione descriptæ.* Ex his quilibet poterit tabulas climatum & parallelorum conficere: ac in extremo (si velit) Astrolabi limbo, seu in cultro (ut Plinius loquitur) annotare. Nos generalem methodum tradimus ex qua etiam ad aliam atque aliam solis declinationem maximam cuilibet licet considerationem facere, modo horizontis regulam loco eclipticæ statuatur secundum declinationem quamcunque velit. Sic videre licet cur paralleli singuli nunc ab æquatore remotiores statui debeant, quam tempore



pore Ptolomæi, & quanta sit ea differentia.  
 Nam tunc declinatio maxima. 24. ferè partium  
 erat quæ nunc. 23. partes cum semisse nõ implet.  
 Verum enimvero de ordine climatum & paral-  
 lelorum nemo turbetur, si videat ab aliis aliter  
 tradi. Quidam enim æquatorem ipsum primum  
 faciunt parallelum, vt Ptol. in magno opere, qui  
 dam à proximo sequente ordiuntur æquatorem  
 non numerantes. Climata quoque alij mox ab  
 æquinoctiali auspicantur, procedentes per semis-  
 ses horarum, vt diximus. At Ptolomæus in Geo-  
 graphia à tertio parallelo initium fecit primi cli-  
 matis, cuius medium facit quartum parallelum:  
 at sic æquator non numeratur inter parallelos.  
 At quocunq; quis modo numeret, in re ipsa non  
 continget ambiguitas, hoc est quanta sit latitu-  
 do paralleli cuiuslibet ab æquatore, constituta  
 certa diei maximæ quantitate, id quod ab initio  
 inquirendum statuebatur, & lucidè à nobis ex-  
 plicatum est.

De climati  
 serie nõ om-  
 nium idem  
 ferè opinio.

## CAPVT XXVII.

Quota hora diei vel noctis stella  
 quæuis emergat supra finito-  
 rem, vel descen-  
 dat.

F Dixi-



# DE ASTROLABO


**D**iximus quantum satis est de ortu Solis, verum non minus utile est, neq. minus iucundū, stellarum cum fixarum tum erraticarum quodidianos exortus decubitusq. cognoscere. **Hypotheses** Ad hanc igitur cōsyderationem locum solis in zodiaco cognoscere est opus quemadmodum docuimus quinto & vndecimo cap. Secundo stellæ arcus semidiurnus vel seminocturnus habendus ac tertio regionis latitudo. Secundum docuimus cap. 25. **Praxis.** Tertium verò sæpius explicatum. Cognito igitur arcu semidiurno pro ortu stellæ, in posteriori parte organi cōputa vel gradus illos, vel horas (si per horas numerasti) in limbo à meridie antrorsum, huc igitur dioptram permoue, pro occasu verò numera arcum semidiurnum per horas à meridie deinceps, iisdemq. similiter dioptram applica. Manente verò dioptra, applica ipsi locum eclipticæ in reti notatum qui cum stellâ ipsâ meridianum occupat, quem  $\sigma\mu\mu\epsilon\sigma\omicron\upsilon\gamma\acute{\alpha}\nu\omicron\sigma\iota\mu$  appellant, nostri medium cœli stellæ data. (Hunc per. 14. caput ex ascensione recta stellæ didicisti) deinde dioptra traducta ad locum solis in zodiaco horam ortus vel occasus **Exemplum** clarè indicabit. Verbi gratia est animus cognoscere quota hora arcturi sydus clarum exoriatur tempore solstitij æstiu, eius stellæ longitudo est 18. grad.  $\simeq$  eius latitudo. 31. partes cum semisse, decli-



Declinatio septentrionalis. 21. partes, quadragin-  
taduo scrupula. Ascensio recta. 209. partes cum  
quadrante. Imprimis itaque addisco ascensionis  
rectæ coascendentem gradum eclipticæ, in pri-  
mum gradum cum semisse ferè, sit autem tempus  
anni quo hæc scire desideramus solstitium æsti-  
vū, hoc est sit ☉ in principio ♋ colligitur quoq;  
arcus semidiurnus stellæ arcturi in nostra latitu-  
dine quæ est. 51. partium. 8. horarum exacte. Igi-  
tur in posteriore parte organi numero. 8. horas à  
meridie antrorsum (eo quòd de ortu stellæ est  
quæstio,) his horis applico dioptram, herenti sic  
dioptræ subiicio gradū eclipticæ cælum median-  
tem cum stellæ arcturi, qui erat nobis inuentus  
primus Scorpij cum semisse, tandem manente re-  
ti transfero dioptram ad locum solis diei consti-  
tuti, hoc est ad principium Cancrī: & mox diop-  
tra ostendit horam undecimam pomeridianam  
cum. 56. minutis, ferè ipsam meridiem, hæc est  
igitur hora quæ sita, qua arcturi clara stella ori-  
tur supra nostrum hemisphærium in ipso solstitij  
die, si verò tempus occasus queras, rursus nume-  
rabis arcum semidiurnum post meridiem, hoc est  
8. horas, quibus applica dioptrā, eiq; subiicies pri-  
mū gradū scorpij cū semisse tanq̃ συμμεσθω συμμεσθω  
stellæ propositæ, deinde manente reti, traduc di-  
optram ad principium Cancrī, quæ ostendit horā γάνησιρ



## DE ASTROLABO

tertiam pomeridianam cum .6. minutis. Atque  
 hic modus generalissimus est accommodatus tam  
 erraticis quam fixis stellis. Verū enimvero sunt  
 plures stellæ fixæ quæ non tantum negotij exhibe-  
 bent, illæ scilicet, quarū nomina in reti colloca-  
 ta sunt. In his etenim sufficit apicem stellæ collo-  
 cari ad horizontem regionis propositæ, ad par-  
 tem Orientis pro ortu stellæ, ex parte Occidentis  
 pro occasu, & sic permanente reti dioptram trās-  
 ferre ad locum solis propositi diei, ut in exem-  
 plo, si velim cognoscere quota hora exoritur  
 aquila in æquinoctio autumnali. Primum collo-  
 co apicem aquilæ ad horizontem nostrum scili-  
 cet. 51. & dioptram promoueo ad locum solis pro-  
 positi diei, scilicet ad principium  quæ incidit  
 in horam ferè secundam pomeridianam, æc talis  
 hora emergit supra nostrum finitiorem aquila.  
 Quod si eandem stellam traduxero ad horizon-  
 tem occiduum, & dioptram eidem loco solis ap-  
 plicuero, ostendet horam primam cum .59. minu-  
 tis à media nocte, quo tempore æquinoctij autum-  
 nalis aquila exoritur Louanij. Demum plane-  
 tæ extra viam solis non vagantes id quod subin-  
 de illis euenit facilem habent inquisitionem.  
 Nam solummodo quæsitus locus planetæ in re-  
 ti si applicetur horizonti loci constituti, & simul  
 dioptra ad locum solis traducatur, mox indicabit  
 horam



horam ortus stellæ si in parte Orientis horizon-  
tis circulum acceperis, sin in occidua parte ho-  
ram occasus.

## CAPVT XXVIII.

Quæ stellæ quibus regionibus semper  
sint sublimes quibuscq; nunquam  
conspiciæ. Et quibus ver-  
ticales euadant.

**P**otissimum argumentum quo clariores vsi  
sunt scriptores ad confirmandam terræ ro-  
tunditatem sphericam, est istud: Quod sci-  
licet stellæ plures apparent in boreis regionibus,  
quæ nunquā in australioribus sub aspectum ve-  
niunt, & econtra hic non pauca apparent, quæ  
illic nunquam sunt conspicuæ. Quædam quoque  
stellæ in vtrisque locis cernuntur. Demum aliæ  
stellæ per verticem ducuntur quotidie, aliæ nun-  
quam in iisdem locis pertingunt ad verticem,  
aliæ in aliis locis. De his igitur assignabimus ge-  
neralia præcepta. Stella cuius declinatio æqua-  
lis est eleuationi poli datæ regionis, modo & de-  
clinatio & latitudo regionis vtraq; fuerit vel  
Borea vel vtraq; Austrina, quotidie per cæli ge-  
neralem reuolutionē ad verticem talis loci per-  
ducitur. Quamobrem quoniam in omnium pla-  
netarum effectibus dilucidè videamus ex sum-

Argumens-  
tum præci-  
puū rotun-  
ditatis ter-  
ræ.

Quæ stellæ  
ad verticem  
pertingant.



# DE ASTROLABO

mo vertice diffuso lumine violentiores prodire,  
non dubium quin magnas efficiat talis stella in  
locis ad perpendiculū suppositis mutationes vni  
uersales, quas ideo paucas nos annotatas habe  
re existimo, quoniam lentus stellarū motus, insen  
siles efficiat in subiectis locis effectiōes. Tum ve  
rō & præcipua vis à planetis in his inferioribus  
diffunditur, ex quorum commixtione varia fit  
rerum inferiorum generatio & corruptio. Et  
quanquam id ita existimemus sese habere, nō ta  
men credimus regnorum potētias & Monarchi  
arum status ex hisce verticalibus stellis pendere  
sicut inquit Cardanus in supplemento Alma  
nach. Tempore adificationis vr̄bis Romæ fuit  
eis stella verticalis extremum caudæ vr̄sæ maia  
ris, secundæ magnitudinis, de natura Martis, &  
ideo dominati sunt orbi propter fortitudinem  
suam. Deinde subiungit & transiit cauda vr̄sæ  
per Bizantium & constituit ibi imperium, dein  
de per Galliam & transtulit eò imperium. De  
mum peruenit ad Germanos & transtulit ad ip  
sos imperium. Significat enim cauda vr̄sæ forti  
tudinē cui nō est similis. Hactenus Cardanus.  
Verum ut nunc omittamus Physicam de hac re  
disputationē, falsus est Cardanus in calculo suo,  
vel per oscitantia, vel quia non vacauit grauio  
ribus occupato calculandi molestias subire. Nos  
igitur

Cardani  
opinio re  
futata.



igitur ut astrolabi commoditates perspiciamus, videamus huius quaestionis decisionem, accipientes (ut oportet) ex aliis fundamenta necessaria nostro instituto. In primis ut ex Eutropio aliisque chronographis colligere Christus servator noster natus est Olympiad. 194. anno tertio. Urbs autem Roma condita fuit olympiadis sextae anno tertio quoque, unde inter Christum & urbem conditam intercesserunt anni. 752. quibus si adiiciamus tempora à Christo servatore elapsa ad tempus praesens, aut ad quamcunque constitutam Epocham aut (ut nos vocamus) radicem, poterimus locum stellae fixae colligere per quaslibet motuum tabulas seu canones. Dicemus autem per opportunitatem de fixarum motu aliqua, verum nunc sequar Copernici tabulas seu Canones ad inveniendum locum caudae ursae maioris ad tempus urbis Romae. Quoniam haec solae experientiae praecedentium observationum respondent. Atque haec ut & studiosis omnibus intelligantur permutabimus nomina appellationesque quibus ille utitur in eas quae ab omnibus facilius percipiuntur. Motus igitur praecessionis aequinoctiorum ab illo appellatus, sit motus nonae sphaerae, cuius periodus est 25816. annorum. Motus vero anomaliae, sit motus octavae sphaerae cuius integra rotatio una perficitur annis. 1717. Quonia ergo secundum Coper-

Motus aequinoctiorum periodus.

Motus anomaliae.



# DE ASTROLABO

nicum tempore Christi punctus æquinoctij mediocris erat remotum à prima stella Arietis, vel ipsa prima stella Arietis mediocri motu (quem nonæ sphaeræ ponimus) abscesserat ab æquinoctio seu intersectione eclipticæ octauæ orbis & æquatoris per. 5. partes & 32. scrupu. In annis autem. 752. idē motus efficit. 10. partes & 3. prope modum scrup. & quia tempus extructæ vr̄bis præcessit, auferemus has. 10. par. 3. scrup. ex illis 5. & 32. relinquuntur. 355. partes. 29. scrup. qui est medius motus stellarum ab æquinoctio. Iam verò radix anamolæ seu octauæ orbis motus tempore Christi secundum eundem Copernicum erat 6. par. 45. scrup. Motus verò annorum. 752. efficit. 85. par. 26. scrup. Hæc si ex radice auferantur relinquunt. 281. par. 19. scrup. motus scilicet anamolæ. Hæc ἀναμολία ostendit in Canone πρὸς δαφέρεσι partis. 1. scrup. 9. eamq̄ addendam. Addam ergo. 1. partem. 9. scrup. ad. 355. part. 29. scrup. fiunt. 356. par. 38. scrup. Verus motus stellarū fixarū à suis cōstitutis locis quādo prima stella Arietis cū æquinoctij puncto coniungitur. Addam ergo hunc motum ad locum caudæ vr̄sæ maioris in Canone Copernici scriptum, scilicet. 145. partes cum decem scrup. Exurgit locus caudæ vr̄sæ maioris tempore extructæ Romæ scilicet. 139. partes. 48. scrup. Hoc est quatuor signo-



signorum, quæ rectè Ptolomæus  $\delta\omicron\delta\epsilon\chi\alpha\tau\epsilon\mu\omicron\gamma\iota\alpha\varsigma$   $\delta\omicron\delta\epsilon\chi\alpha\tau\epsilon\mu\omicron\gamma\iota\alpha\varsigma$   
 vocat:  $\zeta$ . 19. partes cum. 48. scrup. Quæ si in cō-  
 munes appellationes conuertamus, erat in Leo-  
 nis parte. 19. 48. scrup. Latitudo verò eiusdem  
 stellæ impermutabilis statuitur à Ptolomæo. 54.  
 partium septentrionali. His inuentis per caput  
 vigesimum Astrolabi artificio deprehendemus  
 declinationem stellæ propositæ fuisse tempore vr-  
 bis conditæ. 63. partium  $\zeta$ . 18. ferè scrupulorum.  
 Verum quoniam latitudo vrbis Romæ non ma-  
 ior est. 42. partibus, ac tantundem punctus ver-  
 ticeis Romæ declinat ab æquinoctiali, Clarū est  
 stellam caudæ vrse maioris tēpore fundatæ vr-  
 bis declinasse à vertice eius plus. 21. partibus, cū  
 Cardano credebatur esse in vertice Romæ. Nec  
 est quod hic quisquam reclamet velitq; alias mo-  
 tuum tabulas, sumat quaslibet ab auctioribus re-  
 ceptas in eundem errorem semper inuoluetur,  
 vel statuatur stellas moueri centenis singulis annis  
 vna parte zodiaci, vt Ptolomæus, vel annis. 66.  
 per vnam partem vt Ritijs, nihil effecerit, nam  
 omnibus illis modis incidet stella in Leonis si-  
 gnum. Sed talia errata per negligentiam doctis  
 viris sæpe contingunt, merenturq; veniā ob tra-  
 ctationis difficultatem occupationumq; multi-  
 tudinē. Nisi grauius esset, quod super falso fun-  
 damento extrueret deinceps grauißima Astro-  
 F 5 logiæ

Excusatio  
 modesta  
 huius er-  
 roris.



# DE ASTROLABO

logiæ theoremata. Nempe quod per reuolutio-  
 nes talium stellarum potentium, per vertices ci-  
 uitatum imperia & regna transferrentur et dei-  
 cerentur, Quod quam aptè quadret, quilibet nūc  
 Astrolabi artificio discere poterit. Nostro autē  
 tempore Cauda vrsæ maioris declinat ab Equi-  
 noctiali partibus. 51. cū sextate. Itaq; iam nobis  
 Louaniensibus & Coloniensibus & Cracouien-  
 sibus quotidie semel per verticem ferè ducitur.  
 Sed de his satis. Quæ stellæ, quibus efficiantur  
 quotidie verticales diximus. Nempe quarum  
 declinatio æqualis est latitudini regionis in ean-  
 dem cæli partem. Stellæ verò quarum declinatio  
 Austrina æqualis est altitudini Equatoris ali-  
 cuius loci, nunquam videntur in illis locis: mul-  
 to verò minus si declinatio maior existat, ut quia  
 Canopi syderis clarissimi in Austrina cæli par-  
 te constituti declinatio nunc partium est. 53. au-  
 stralis. Nobis verò Equator attollitur ad. 39.  
 tantum partes, nunquam nobis poterit conspici  
 nostro tempore. In Astrolabo verò constitue ho-  
 rizontem ad parallelum declinationis stellæ in  
 parte Meridiei, & mox videbis poli altitudinē  
 illius loci in quo ad finitorem pertingit. Nempe  
 in latitudine. 37. partium & aliis minoribus  
 ubi etiam conspici poterit. Demum stellæ fixæ  
 quarum declinatio maior est latitudine loci  
 versus

Quæ stellæ  
 nunquā ap-  
 pareant.

Quæ nun-  
 quam occi-  
 dant.



versus eandem cœli partē, illæ nunquā sub finito rem descendunt in illa regione. Quamobrem stellæ omnes declinantes plus quam. 39. partibus ab Æquinoctiali, perpetuo supra nostrum finitorem circumferuntur nec vnquam submerguntur. Ob hos præclaros vsus adiunximus seorsum clariorum aliquot stellarum declinationes pro nostro tempore, vt quouis momento paralleli eorum sint in promptu quorum vsu omnia fere perficiuntur.

## CAPVT XXIX.

De ortu Cosmico Eliaco &  
Acronycho stellarum  
& similiter de occasu.

**V**etustissimi scriptores cum Poëtæ tum Vtus huius  
propositiōis  
Historiographi, tam Latini quàm Græci, homines prudentissimi, consyderantes annorum per menses discrimina non vbiuis generum correspondere neque Æquinoctia, solstitia messis tempora, sationisve certas habere in anno sedes posse, ob eam rationem quod anni varia esset ratio apud alios atque alios maluerunt tempora anni per stellarū exortus occasusq; qui statim anni tēporibus proximè recurrūt describere  
quam



## DE ASTROLABO

**Differentia**  
ortus & oc-  
casus stella-  
rum triplex  
ad solē com-  
paratione  
facta.

**Ortus Cos-**  
micus eius-  
que inuen-  
tio.

**Exemplum**

quam per mensium dies qui & paucis essent no-  
ri, & ad solis motum non exacte quadrarent  
singulis annis. Hanc consuetudinem quoque  
Hyppocrates Galenus & Latini scriptores de  
re rustica obseruarunt tanquā certam & omni-  
bus cognitam. Triplex autem existit differen-  
tia ortus & occasus stellarum de simplici autem  
ortu, hoc est quo stella quotidie supra finitorem  
motu raptus eleuatur antea diximus abundē cū  
horam inuenire docuimus qua vel oritur stella  
vel occidit. Quæ verò nunc dicimus, ad solem fe-  
rè referuntur orientem vel occidentem. Est au-  
tem ut ceperamus dicere triplex differentia. Or-  
tus scilicet Cosmicus Acronychos & Heliacus,  
ac totidem occasus differentia. Ortus autem Cos-  
micus, siue matutinus, Græcè ἀνατολὴ ἡμέωα, dici-  
tur, quādo stella vna cum sole vel paulò post ex-  
oritur. Cognoscitur ex Astrolabo, si stella locum  
in Horizontali catholico statuas ad certum ho-  
rizontem ad quemuis exortum cognoscere, dein-  
de videas quis gradus Eclipticæ exoritur in  
eodem Horizonte: ex dorso demum Astrolabi  
diem mensis queras respondentem. Vt cupio sci-  
re quo tempore nunc Arcturus exoritur matu-  
tino seu Cosmico exortu. Colloco igitur Arcturū  
stellam in reti notatam ad Horizontem. si par.  
videoq; vna ad horizontem. si. graduum pertin-  
gere



gere initium *Librae*. Ergo quando sol ad initium *Librae* peruenit matutino exortu surgit *Arcturus* hoc autem nobis nunc accidit ad decimum tertium propemodum septembris. Quod si stellarum nomina non sint in *Reti*, vel non congruant tempori proposito, sicut si quis ad tempora *Plinij* aliorumque velit hac conferre. Tunc sanè supputanda loca stellarum secundum ea tempora, & declinatio cognoscenda & arcus semidiurnus cū cæli mediatio ne ut alibi vberius à nobis traditū est. Arcui igitur seminocturno à media nocte supputato in posteriori parte, applicetur regula, cui cæli mediatio subiiciatur, mox videbis in horizonte tuo gradum *Eclipticæ* ad quem ubi sol peruenerit fiet exortus stellæ matutinus. Occasus autem *Cosmicus* stellæ seu matutinus occasus *Græcè* δ'ὀρίσκειρα dicitur cum stella occasum subit eodem tempore quo sol exoritur. Tempus hoc ex *Astrolabo* facile cognoscitur hoc artificio stella in *Reti* notata ad finitiorem præscriptum ad occidentem statuitur, simulque diligenter notatur gradus *eclipticæ* ab oriente exurgens, hoc est in horizonte constitutus, ex hoc ut antea tempus cognitum reddetur occasus matutini si verò stellæ locus in *Reti* non respondeat, arcus semidiurnus stellæ à meridie numeretur in limbo, cui *dioptra* applicetur, huic cæli mediatio stellæ seu ut dixi-

Quoties  
stellæ reti  
inscriptæ  
non sint.

Occasus cos-  
micus atq;  
eius defini-  
endi ratio.

Stellis in  
reti non  
exaratis.

mus



## DE ASTROLABO

mus συμμετροῦσθαι ὅτις subiiciatur, mox horizon in oriente tanquam digito ostendet gradum eclipticae qui ex solis motu diem mensis ut antea diximus commonstrabit. De occasu matutino habes exemplum in Georgicis Vergilij.

*Ante tibi Eoæ Atlantides abscondantur.*

*Gnosiæque ardentis decedat stella coronæ,*

*Debita quàm sulcis committas semina, quàmq̃*

*Inuitæ properes anni spem credere terre.*

*Multi ante occasum Maiæ cœperet: sed illos*

*Expectata seges vanis elusit auenis.*

De ortu verò & occasu simul aperte agit Galenus noster commēto primo in libros popularium morborum Hippocrati, ubi declarat adeo tritos fuisse hos stellarū ortus et occasus, ut iam tanquā notis nominibus tempora appellaretur ipsis stellarum nominibus sicut et Hippocrates sub cane & ante canem difficiles sunt medicationes ὑπὸ κύνᾳ καὶ πρὸ κυνός dixit, pro ortu caniculæ, sic et in loco iam dicto, sub Pleiadibus inquit, pro sub occasu Pleiadum, id quod Galenus brevissimis verbis exponit dicens: δυοῖν γὰρ οὐσῶν ἰσιμερινῶν ἢ δυοῖν πλειάδων ἐπισκμασῶν, οὗτος ἐδ' ἡλώσῃ ὅπου ἰὰν αὐτῶν λέγει πρὸδεῖς τῷ λόγῳ τῷ τὸ φθινόπωρον κατὰ μὲν γὰρ τὸ ἕα ἢ ἕτερα γίνεται, ἢ ἡ ἀρχὴ αὐτοῦ κατὰ τὴν ἡμετέραν δίκην ἔσιν ἅντῃ κατὰ πέρ



περὶ καὶ τελευτὴν πᾶσα ὑπὸ τῶν πλειάδων ἐπιωλήνῃ  
 καὶ δὲ τὸ φθινόπωρον ἢ ὑπόλοιπος ἰσημερία γίνεται  
 καὶ ἡ τῶν πλειάδων δύσις. Hoc est, Quum bina  
 sint Aequinoctia, & binæ Pleiadum siue Ver-  
 giliarum significationes, utrum illorum di-  
 cat, indicavit adiecta dictione Autumno, al-  
 terum enim vere contingit, estq; secundum no-  
 strum situm initium ipsius, quemadmodum &  
 prorsus finitur sub Vergiliarum exortum.

Alterum Autumno fit Aequinoctium & Ver-  
 giliarum occasus. Non est igitur contemnen-  
 da utilissima hæc de ortu & occasu stellarum  
 cōsideratio, cum grauißimi vetustissimique au-  
 ctōres his semper vsi sint, ac tempora summo  
 artificio distinxerint. At nisi instituti mei  
 ratio me moneret poteram multas hic paginas  
 replere ex optimis quibûsque auctōribus tam  
 Latinis quam Græcis. Verum nos Astrolabi  
 vsum declarare his omißis pergemus secunda  
 species ortus vel occasus, apud eruditos vsi-  
 tatus vocatur ἀκρονυχός & ἀκρονυκτός, simili-  
 ter ἀνατολή ἑσπερία hoc est Ortus vespertinus,  
 Quoties scilicet stella oritur sole occidente. Co-  
 gnoscitur hoc tēpus, si stella ut in præcedēti modo  
 diximus collocetur ad horizontē in ortu, ac tū no-  
 retur gradus zodiaci occidens in eodē horizonte.

Quan-

Simile quid-  
 dam refert  
 Gal. in Cō-  
 mentariorū  
 libro tertio  
 super Apho-  
 rismo Hipp.  
 14. Vbi ele-  
 gantissime  
 temporū an-  
 ni discrimi-  
 na syderum  
 ortu matu-  
 tino colligi  
 docet.  
 Secūda spe-  
 cies ortus &  
 occasus.

Ortus ve-  
 spertinus.



# DE ASTROLABO

Occasus  
vespertinus.

Corelariū.

Tertia or-  
tus & occa-  
sus species  
Ortus he-  
liacus.  
Occasus He-  
liacus.

Quando enim sol ad illum peruenit tum stella  
proposita oritur ortu vespertino. Atque hic quo-  
que si locus stellæ in Reti non constat per arcū  
semidiurnum eius, & cæli commediationem (ut  
antea) procedendum. Similiter occasus vesperti-  
nus seu ἀκρονυκτός, hoc est δόσις ἐσπερία dicitur  
quando stella cum sole occidit. Collocata igitur  
stella ad horizontem occiduum, gradus Ecli-  
pticæ simul horizontem attingens ostendit tem-  
pus occasus vespertini. Vnde sequitur stellas nō  
multum à zodiaco distantes quæ matutino siue  
Cosmico ortu oriuntur etiam vespertino occasu  
siue Acronycto occumbere. Verum si longius à  
zodiaco absint non exigua erit differentia. De  
ortu Acronycto. Clare loquitur Ouid. in Triti.  
Dum careo vobis scythicas detrusus in oras  
Quatuor Autumno Pleias orta facit.  
Tertia species ortus, est Heliacus ortus, Quan-  
do stellæ à radiis solis emergunt, cuius præsentia  
latuerant: & propriè emersus seu apparitio dici-  
tur, Græcè ἐπιτολή Ptolomæus φάσεις appellat.  
Occasus verò Heliacus qui latinè Occultatio re-  
ctè dicitur. Græcis κρύψις & ἀφανισμός, & fit cum  
stellæ quæ hætenus post occasum solis cōspici sole-  
bant, nunc propinquitate solis accedentis occul-  
tantur ad tempus. Accidit hoc Veneri & Mer-  
curio etiam matutino tēpore, cum illi circa sum-  
mas



mas absidas constituti velocitate motus Epicycli solem adsequuntur. Hic scire oportet occultationes apparitionesque stellarum non aequali à sole distantia fieri omnibus. Si quidem maiores breviori intervallo cōspici possunt: minores etiā satis longa intercapedine occultantur. Vnde fit ut stellæ fixæ primi ordinis in magnitudine non videantur nisi sole distante per. 12. partes, secundæ magnitudinis per. 13. tertiæ per. 14. Quartæ 15. Quintæ. 16. Sextæ. 17. Deinde inter planetas Saturnus non emergit nisi sole dissidete. 11. par. Iupiter. 10. Mars. 11. cū semisse Venus. 5. Mercurius. 10. partium distantia conspicuum se præbet, sed non sunt perpetuæ hæ solis elongationes, Nam planetæ in suis epicyclis circumacti, nunc maiori, nunc minori quantitate lucent, ideoque nunc propiores soli nunc remotiores cōspicui apparent ut nunc nihil dicam de varietate quàm inclinatio zodiaci ad finitorem perpetuo evarians efficit. De hoc occasu loquitur Vergilius in Georgicis.

Candidus auratis aperit cum cornibus annum.  
Taurus & aduerso cedens Canis occidit astro.  
Eleganter Caniculæ occasum Heliacū expref-  
sit, quod sydus sole in Tauro constituto occultari incipit. Hoc ut Plinius lib. 18. cap. 29. indicat Romæ accidebat diebus vnde viginti ab Equi-

G

noctio

Quod inæ-  
qualis distā-  
tia requiri-  
tur in stellis  
pro occupa-  
tione vel ap-  
paritiōe suo-  
rū luminū.

Luminis in-  
crementa in  
stellis erratis  
ex epicy-  
clorum du-  
ctu & zo-  
diaci incli-  
natione di-  
sparia.



# DE ASTROLABEO

noctio verno, circa quartū Kal. Maij. Necessa-  
rio autem accidit vt Heliacus occasus præcedat  
aliquot diebus ortum Cosmicū siue matutinū &  
similiter occasum vespertinū, Heliacus verò or-  
tus ambos iā dictos sequitur in stellis fixis & pla-  
netis superioribus Saturno Ioue & Marte. Quo-  
niā verò de ortu & occasu Cosmico iā tēpora in-  
dicauimus, Heliacus autē ortus non multo post  
sequatur, occasus præcedat. Sitq; differentia dierū  
secundum partes distantie solis ab ipsis (vt dixi-  
mus) inæqualis, non videtur opus tēpus consume-  
re in inuestigatione temporis huius ortus & oc-  
casus. Habet enim laboriosam potius inquisitio-  
nem quam vtilē. Variatur enim ob multas cau-  
sas, ob sitū scilicet planetarū in Epicyclis vel Ec-  
centris, ob stellarū latitudines ab ecliptica, ob va-  
rias eclipticæ inclinationes ad horizonē. Deniq;  
& ob aëris adfectus varios, vt erudite, habet Pio-  
lomaus lib. 1., in fine. Itaq; contēti prope verita-  
tē cōsistere, minutias in his rebus quarū cognitio  
vulgaris ad omnē vsum vitæ sufficit studio di-  
mittamus, consilio Ciceronis, qui monet cauendū  
esse vitium quo quidā nimis magnū studiū multā-  
que operā in res obscuras atq; difficiles conferūt,  
eas dēq; nō necessarias. Quod si quisquā curiosior  
omnia ad minuta vsq; velit cognoscere, Pto-  
lomaū legat loco prænotato, & adminiculo astro-  
labi



labi suo non frustrabitur voto. Idem quoque  
 Ptolomæus libro nono plures respectus siue aspe-  
 ctus stellarum ad solem refert, vocatque  $\chi\mu\alpha\tau\iota\sigma\mu\omicron\upsilon\varsigma$  hoc est configurationes seu aspectus, nu-  
 meratque in summa nouem differentias. Qua-  
 rum quatuor fiunt sole in Horizonte constitu-  
 tuo in ortu vel occasu stellis verò simul cum ipso  
 positis vel oppositis eidem, & de his satis dictum  
 est in ortu & occasu Cosmico. Tres verò fa-  
 cit differentias sole Meridianum obtinente stel-  
 lis iterum vel conuinctis vel oppositis eidem. Duas  
 reliquas differentias sumit sole oriente vel oc-  
 cidente, stellis verò in meridiano constitutis vel  
 supra vel infra nostrum hemisphærium. Quorum  
 aspectuum tempora ideo obseruanda, quod in car-  
 dinibus cæli constitutæ stellæ una cum sole in eo-  
 dem vel alio cardine, maximas præcipuasque ex-  
 erceant vires. Duabus autem regulis totam rem  
 complectemur. Posita in Horizontali Catholi-  
 co stella super horizonte orientali, siue numerato  
 arcu eius seminocturno in limbo à media nocte  
 et adducta dioptra atque suppositio stellæ mediatio-  
 ne cæli, gradus zodiaci in horizonte tuo orientali  
 ostendet tempus ortus matutini qui Ptol. dicitur  $\epsilon\omega\alpha$   
 $\sigma\upsilon\nu\alpha\nu\alpha\tau\omicron\lambda\eta$ . At si gradum zodiaci meridianum occupā-  
 te obseruaueris, habes aspectum meridianum subsola-  
 num et tempus quo stella horoscopum obtinet sole in me-

Nouem  
 alia confi-  
 gurationes  
 astrorum ad  
 solem ex  
 Ptol. insti-  
 tuto.

Fructus hu-  
 ius confyde-  
 rationis.

Regulæ cū  
 sol in cardine  
 fuerit cō-  
 stitutus.

Schematū  
 inuesti-  
 gatio.  
 Ortus ma-  
 tutinus.  
 Aspectus  
 meridianus  
 subsolanus.

G 2 ridiano



# DE ASTROLABO

Ortus vespertinus.

Occasus matutinus.  
Occasus vespertinus.

Meridianus occasus.

ridiano constituto, vocatur ὁ μεσημβρινός ὁ δὲ  
λίωτης & dicitur diurnus si sol supra terram con-  
stituerit, sin infra in Meridiano, nocturnus. De-  
num consistentibus omnibus ut diximus gra-  
dus zodiaci in horizonte occiduo constitutus in-  
dicat tempus quo stella oritur ἀνατολή hoc est  
ortu vespertino quæ Ptolomæo dicitur ἑσπερία  
ἀνατολή. Haud aliter si stellam posueris ad Ho-  
rizontem occiduū, vel numerato ortu semidiur-  
no à Meridie adducta, regula stellæ cæli Me-  
diationem subieceris lineæ dimentiæ ipsius dio-  
ptæ (nam hi duo modi prorsus idem efficiunt)  
gradus rursus in horizonte orientali constitu-  
tus tēpus occasus matutini apparebit, qui verò  
in occasu deprehenditur tēpus occasus vespertini  
ostendit, dicitur ille aspectus ἑσπερία συγκατάδοσις,  
hic verò ἑσπερία συγκατάδοσις. At gradus zodia-  
ci Meridianum occupans tēpus indicat, quo aspe-  
ctus efficitur, qui Ptolomæo dicitur μεσημβρινός  
ἢ hoc est Meridianus occasus, isq; diurnus si sol  
supra horizontem constituerit, nocturnus si infra.  
Atq; hætenus stellarum in horizonte constituta-  
rum aspectus docuimus quas cum sole in aliquo  
cardinm constituto faciunt. Altera regula est  
de stellis in Meridiano constitutis, sole verò in  
aliquo cardinum. Collocetur ergo stella in Reti  
notata siue eius cæli Mediatio ad lineam Me-  
ridiei:



ridiei: ut res postulabit vel supra vel infra Ho-  
rizontem. Mox gradus zodiaci in Horizonte  
Orientali consistens tempus aspectus indicabit  
qui ἑωσπ μεσουράνια dicitur, hoc est matutinus  
stellæ in Meridiano situs siue ut vulgo loquun-  
tur matutina cæli mediatio. Sic quoque gradus  
zodiaci in Horizontis occidua parte repertus  
ἑσπεριον μεσουράνια efficit, hoc est vesperti-  
num stellæ in Meridiano situm. Demum gra-  
dus zodiaci in lineâ horæ duodecimæ positus με-  
σημεριον μεσουράνια efficit, qui supra Horizon-  
tem est, diurnum: qui infra, nocturnum tem-  
pus scilicet indicans quo stella cum sole Meridia-  
num occupat. Hæc igitur de ortu occasuque  
stellarum prolixius quam fortasse instituti ratio  
postulabat à nobis pertractata sunt. Sed veni-  
am dabunt prouectiores, si in studiosorum gra-  
tiam incunda quædam, eaque (ut opinor) uti-  
lia declarando moram aliquam diu traxerimus.  
Deinceps expeditior erit cursus noster.

Regulæ cū  
circa cardines  
fuerit  
sol deuol-  
utus.

Matutina  
Cæli me-  
diatio.  
Vespertina  
Cæli me-  
diatio.

Diurna &  
nocturna  
Cæli me-  
diatio.

## CAPVT XXX.

Quota sit hora interdiu ex so-  
lis altitudine.

**H**Oras duplices obseruatas auctoribus pas-  
sim videre licet, Equales scilicet & inæ-  
quales quæ & Naturalis & Equino-  
ctialis dicitur hora, est vicesima quarta pars

Horæ du-  
plices.

Equinocti-  
alis hora  
quæ sit.

G 3 diei



# DE ASTROLABO

diei naturalis, hoc est eius temporis quo sol semel  
circūagitur, qđ diē cōplectitur naturalē noctē in-  
quā & diē. Metimur autē hoc tēporis spaciū p. 15.  
gra. eius circuli quem sol quotidie motu vniuersi  
describit circū mundi polos, siue per. 15. æquatoris  
partes. De his horis quæ nūc passim in v̄su sunt et  
Astronomicis obseruationibus accommodæ sunt  
nūc dicemus, de aliis postea tractabimus. Ad ho-  
ra igitur inuētiōnē necessaria est in primis latitu-  
do regionis siue eleuatio poli, deinde locus solis in  
zodiaco. His ex præcedentibus cognitis acci-  
piatur solis altitudo vt in cap. 3. docuimus. Con-  
stituatur nunc Horizon ad regionis latitudi-  
nem & in solis parallelo, siue in circulo declina-  
tionis solis collocetur apex Brachioli ad æstima-  
tam vtcunque horam. Firmato deinde Curso-  
re iudemq̃ Brachiolo Horizon transferatur ad  
Æquatoris lineam & si tum apex Brachioli in-  
cidit in circulum altitudinis inuentæ ex sole, ho-  
ra æstimata vera erit. Sin Brachiolum maiore  
altitudinem indicauerit, hora quærenda est pro-  
pius ad Meridiem, sin minorem altitudinem in  
parallelis obtinuerit brachioli apex, hora remo-  
tior erit à meridiē q̃ æstimaueras. Quamobrē re-  
ducto horizōte ad latitudinē regionis, apex bra-  
chioli ex indiciis iam sumptis in parallelo solis  
propius ad meridiē vel remotius collocetur, eoq̃  
firmato

Hypotheses

Praxis.



firmato rursum horizō ad æquatoris sitū traduca-  
tur, idq̃ bis vel ter repetatur quousque apex bra-  
chioli in parallelū altitudinis solis exactē inci-  
dat cōstituto horizōte ad æquatoris lineā, iū enim  
æquator horizōtis vicē adimplet et paralleli cir-  
culi sunt altitudinū circuli quos Arabes Almi-  
cātharat appellant. Vbi igitur bis tēve tentan-  
do res successerit, reduc horizōtē ad sitū latitudi-  
nis propositæ et brachiolū horā partesq̃ eius exa-  
ctissime indicabit secūdū numeros adscriptos. Ve-  
rum an hora sit antemeridiana an pomeridiana  
dignoscendū vel ex umbrarū observatione vel so-  
lis ascēsu vel descēsu. Intermissio enim exiguo tē-  
poris spacio si umbra cuiusvis rei erectæ decrescit  
vel sol per astrolabū observatus sublimior euadit  
tēpus est antemeridianū. Ecōtra crescēte umbra,  
solēve declināte tēpus est pomeridianū exēplum  
breue adiiciā vt discētibz clarior euadat doctri-  
na. An. 1544. nono. Kal. Ian. ante meridiē acce-  
pi solis altitudinē. 17. par. cū doctate, cupio hinc  
colligere horā, nā eo momēto desuit solis deliquitū  
Louani, statuo igitur horizōtē ad latitudinē. 51.  
gra. ferē. Et quia sol erat in. 14. ferē gra. Aqua-  
rij parallelus declinatiōis eius erit ad austrū. 16.  
graduum cum besse ferē siue cum duabus tertiis.  
In hoc igitur parallelo colloco brachioli apicem  
ad quālibet horā æstimatā, et fingamus primo me

An hora sit  
antemeridi-  
diana an po-  
meridiana.

Exemplum

G 4

posuisse



# DE ASTROLABO

posuisse ad horam nonam antemeridianam traducto deinceps Horizonte ad Aequatoris situm deprehendo stylum incidere in parallelum altitudinis. 11. gra. & triū quartarū, siue do drātis. Vnde colligo horā veram propiorē fuisse meridiei quā aestimauerā. Reducto ergo horizontē ad latitudinis sitū: stylū promoueo in solis parallelo versus meridiē, hoc est versus extremū meridianum qui per Cācri initiū trāsit, ac subinde facto periculo tandē video si stylū brachioli ad horā decimā cū tribus minutis in solis parallelo cōstituerō, deindeq; horizontē cum cursore brachioloq; obfirmatis ad aequatorē traduxero, incidit apex styli in altitudinē solis per astrolabū acceptā, hoc est in parallelū. 17. par. et. 45. mi. Vnde & horā verā me collegisse cōcludo. Hæc fortassis prima frōte quosdā deterrebunt, quod videātur difficultatē quandā habere, dū sæpius tentādo docemus horā per quasdam quasi ambages inquirendam, sed reuera vel paulū exercitatus nullus incidet scrupulus neq; vlla difficultas morabitur. Et quanquam in astrolabo seu Planisphærio cuius vsum D. Ioannes de Rojas edidit, paulò promptior sit horæ inuentio, in hoc tamen nostro multo est exquisitior exactiorque calculatio. Nam facile horarū circulos ad singulos hic gradus exprimere est illic vix ad quinos ac tandem circa Meridiem

vix



vix ad denos singulos, concurrentibus in vnum illic circulis, pro ratione proiectionis sphaerae in planum, ex ratione visus quam in exordio indicauimus. Et quoniam haec plana sphaera, sexcentos habet vsus facilimos perfectissimosq<sup>ue</sup>, quos illa vel vix vel obscure tantum praebere potest, merito haec in vsu communi studiosorum terenda est, quae & sufficiet ad omnia quae de sphaera & primo mobili tractanda veniunt.

## CAPVT XXXI.

De hora noctis per stellas.

**Q**uoniam Solis proprium sit officium annum, dies, horasq<sup>ue</sup> suo motu discernere, eo tamen absente per stellas earumq<sup>ue</sup> à Sole distantias facile horas deprehendimus potissimum per eas quae locum in reti habent notatum. Quod si tamen reti insculptae non sint, habeatur ex praecedentibus declinatio earum & caeli mediatio in zodiaco. Igitur inuenturi per stellas horam de nocte considerabimus, primum an in parte orientali consistat, an relicto iam meridiano in occidentali. Deinde accipiemus eius altitudinem supra horizontem per cap. 3. Collocabimus deinde horizontem secundum regionis latitudinem, stylumq<sup>ue</sup> cursori annexum in parallelo declinationis stellae iam noto, promouebimus ad aliquam horam secundum apparentem nobis stellae distantiam

Praxis.

G 5

tiam



DE ASTROLABO

## Stella hora



cæli an occidentali cōsistat, duplici via te expectabis. Accepta enim stellæ altitudine paulum expectabis, rursusq; eam per dioptrā in eadem altitudine persistentē aspicias, si tum sublimior fuerit stella, certū est in orientali parte cæli eā consistere, sin verò declinior inferiorve appareat, in occidua regione cæli consistit. Potes quoq; per stellam polare quæ tribus tantū partibus cum paucis scrupulis à polo distat vero, quatuor plagas mundi præcipuas (si nō planè rudis es) discernere visu. Vel demum indicis magnetici adminiculo meridiem septentrionemq; discrimines, ac sic vtra in parte cæli versetur stella cognoscas.

Hæc ut facilius hæreāt, breue accipe exemplū.

Exemplum

Anno. 1547. visus est Louanij finis defectus lunaris. 4. die Maij cū stella arcturi clara haberet altitudinē. 56. par. cum triente ferè, ipsa verò in parte cæli occidua consistebat. His cognitis & loco solis qui erat. 23. Tauri cū quadrante ferè partis, colloco horizōtē ad latitudinē. 51. par. factaq; diligēti indagatione video si stylus cursoris in parallelo arcturi, qui ferè est. 22. par. dempta sextate, super hora. 1. cū. 6. gra. à meridie, collocetur stante horizonte ad latitudinem. 51. par. Deinde sic fixo cursore, horizontem traducam ad lineam æquatoris, incidit apex styli in parallelum altitudinis stellæ, scilicet ad. 56. gra. cum triente ferè.

Ergo

An stella sit  
in orientali  
an occidentali  
cæli parte  
duplici  
via expedire



## DE ASTROLABO

Ergo stella arcturi distabat à meridie vna hora cum.24.minutis quæ sub.6.gradibus continetur. Iam ergo in posteriori parte dioptram colloco ad horam primam pomeridianam cum.24.minutis, mox aduoluo ad dioptram arcturi apicem, aut secundum ferè Scorpij gradum qui cum arcturo cælum mediat, vt vulgò loquuntur Astro nomi. Reti sic quiescente, ac immoto permanēte, dioptra ad Tauri.23.gradus cum quadrāte trās lata, indicat horam.12.noctis. Ac tum Louanij vidimus finem deliqui lunaris.

### CAPVT XXXII.

De horis ab ortu vel occasu  
numerandis.

Varie hora  
rum suppu-  
tationes.

Babyloniis

Athenien-  
sibus.

Italii &  
Bohemis

**Q**uanquam iam passim receptæ sint horæ naturales siue vt diximus æquales, necdum tamen numeratio horarum vbique congruit. Quæ quidem diuersitas orta est ob cōtentionem de initio diei naturalis. Cum enim vt dictū est hora sit vigesima quarta pars diei: merito ab initio ipsius numerationis exordium sumetur. Hoc autem initium Babyloniis placuit esse in ortu solis & à lucis accessu. Verum Athenienses quemadmodum & Hebræi, ab occasu solis diem auspicabantur, eo quòd tenebræ seu nox diem præcesserit à mūdi prima creatione. Hanc rationem etiam nunc Itali sequuntur, qui ab oc-  
casu



casu solis numerant. 24. horas vsque in proximum occasum, similiter Bohemi. Verum quoniam hac dierum numeratio inæqualiores efficit dies naturales, placuit Astronomis ob calculi commoditatem horas à media nocte vel meridie auspicari, quemadmodum passim videre licet in Ephemeridibus, vel etiam Canonibus motuum æqualem à præcessoribus nostris ad nos transmissis.

Astronomis,

Verum quocunque modo quis velit enumerare horas, facilis erit via inuenta hora à meridie, ut in præcedenti capite docuimus. Primum igitur si ex hora à meridie iam inuenta, quota sit hora ab occasu libeat explicare, locus solis diei propositæ in posteriori parte Astrolabi generalis collocetur super horizonte regionis in occidua timpani parte, & notetur in reti gradus zodiaci in linea horæ duodecimæ constitutus, siue medium cæli. Quo obseruato gradus solis traducatur ad horam æqualem inuentam. Tum si dioptra ad medium cæli iam iam notatum collocetur, indicabit horam ab occasu. Verum si sic dioptra inciderit in horas antemeridianas, addenda sunt. 12. horæ horis inuentis, eo quod Itali numerent. 24. horas ex ordine. Ut in proximo exemplo, finem defensus lunaris diximus conspectum Louanij. 1547 Maij quarta die hora. 12. Queritur quota fuerit hora ab occasu solis. Colloco igitur Tauri. 23 grad.

Supputandi ratio ab occasu vel alio diei puncto

Exemplum



# DE ASTROLABO

grad. cum. 15. mi. qui erat locus solis ad horizon-  
tem. 51. partium in occidente, & simul video me-  
dium cæli virginis. 19. Deinde volo rete, vt. 23

Ab ortu. & ad duodecimam noctis statuatur, mox diop-  
tra decimonono virginis applicata ostendit ho-  
ram. 4. cum. 3. minutis horæ. Si verò ab ortu so-

lis placeat horas numerare collocabis primo locū  
solis ad horizontem in ortu, & medium cæli no-  
tabis, quod eleganter μεσουράνια Græci appel-  
lant. Hinc loco solis ad horam à meridie inuen-  
tam constituto sub dioptra, ipsaq; dioptra trans-  
lata ad medium cæli antea notatum, horam ab  
ortu absq; numerandi vlla molestia indicabit.

Quod si per numeros hæc absolueres velis, hora oc-  
casus solis cognoscenda & hora ortus. Vt si ab oc-  
casu velis numerare vide an hora inuenta sit an-  
temeridiana an pomeridiana. Si antemeridia-  
na adde. 12. & à summa subduc horas occasus. Si  
militer si hora fuerit pomeridiana, superaueritq;  
numerus horarum occasus: per subtractionē co-  
gnosces horam ab occasu. Sin minor fuerit nume-  
rus horarum inuentarum, quam horarum occa-  
sus, adde ipsas ad. 24. à summa deme horas occa-  
sus, residuus numerus ostendit horas ab occasu.

Sic quoque pro horis ab ortu cognoscendis si ho-  
ra inuenta fuerit antemeridiana, superaueritq;  
multitudine horas ortus: excessus ipse horas ab  
ortu



ortu indicat. Quod si minor sit multitudo horarum inuentarum, adde. 24. & à congerie horas ortus tolle. Si verò hora pomeridiana fuerit, adde numerum hunc cum horis occasus. Verba fundimus multa in re facilima. Nam quilibet vel mediocriter in Arithmetica instructus, naturali ratione has sibi formabit regulas.

## CAPVT XXXIII.

De horis inæqualibus seu temporariis & planetarum.

**Q**uoniam hac tempestate (quod equidem sciam) nusquam in vsu sit horarum inæqualium distinctio, propter vetustatis tamen auctoritatem, historiarumque cognitionem clariorem harum quoque inuentionem non omittemus. Constat enim veteribus in vsu communi quotidianoque fuisse has horas, ac secundum eas horarum indices, horologiaque extructa fuisse. Diem siquidem artificiale quemcumque in. 12. æquas partes quas horas appellabāt diuidebāt. Est autem dies naturalis seu civilis, temporis spatium quod ab ortu solis ad occasum defluit, nox vero ab occasu solis ad ortum proximum tempus complectitur, quod tempus similiter illis in. 12. par. secabatur. Verum enimvero quoniam extra æquinoctia necesse est in declinanti sphaera dies inæquales fieri noctibus, eadem necessitate hora noctium inæquales euadunt horis diurnis.

Dies naturalis eiusque partes.

Dierum naturalium inæqualitas.

Simi-



## DE ASTROLABO

Nominū  
ratio.

Vfus hora:  
rū inæqua:  
lium.

Qui plane:  
tæ singulis  
horis vim  
suam ac po:  
testatem lar  
giantur.

Similiter quia dies æstivi superant ex sphaera ra  
tione dies hybernos, hora quoque æstivæ diurnæ su  
perat horas diurnas in hyeme. His igitur de cau  
sis dicuntur inæquales & revera sunt, id quod luce  
clarius constat. Dicuntur verò & temporariæ,  
eo fortè quod pro ratione temporis evariant ma  
gnitudine. Verū planetariæ dicuntur ideo, quia  
à veteribus Astronomis creditum est septem pla  
netas ex ordine istis horis dominari, ea scilicet  
conditione, ut prima diei hora illi cedat planeta  
à quo dies denominatur, reliqui verò deinceps  
succedant eo ordine quo orbes eorum constitutos  
Physici credunt, & cum ad ultimam lunam do  
minium devolutum est, inde ad supremum Sa  
turnum redeat. Atque hoc perpetuo servato ordine  
etiam per horas nocturnas, sequitur hæc dierum  
nomenclatura non respondens ordini planeta  
rum. Ut si exempli gratia primam horam diei  
lunæ ipsi lunæ tribuamus, secundā Saturno, ter  
tiam Ioui, quartam Marti, quintam Soli, sex  
tam Veneri, Mercurio septimā, Lunæ rursus  
octavam, atque ita deinceps progrediendo, prima  
noctis cedit Veneri, cui succedant reliqui usque  
ad. 12. horas noctis: sic efficietur, uti servato in  
sto ordine prima hora sequentis diei Marti ce  
dat, qui & diei nomen dedit, Ac simili ratione  
efficitur ut Martis diem sequatur Mercurij:

& re-



& reliquorum quoque dies, eo ordine quo iam  
passim in usu sunt omnium gentium propemo-  
dum. Hæc ratio quidem Græcis veteribus inco-  
gnita fuisse videtur, sed ut refert D. Ioannes  
Rojas ex Dione Niceo ab Ægyptiis primo in-  
uenta, apud quos Mathematicæ artes, quas ab  
Hebræis accepisse ipsos verisimile est, semper  
in precio fuerunt. Pro distinctione igitur harum  
horarum construximus novum quadrantē, quem  
dorso Astrolabi inscripsimus. Continet hic in  
area lineas nonnihil curvas, quæ horarum aqua-  
lium sunt distinctrices, cum duplici numero ho-  
rarum antemeridianarū & pomeridianarum.

In ambitu verò, vel (ut in nonnullis videre li-  
cet Astrolabis) è regione, sub mensium circulo  
quadrans circuli horarum inequalium describi-  
tur, in .6. partes maiores diuisus, hæ singulæ rur-  
sum in .15. gradus distribuuntur, quorum singuli  
quaterna minuta horæ inequalis valent. Cogni-  
ta igitur hora æquali diei, hac ratione hora ab  
ortu inequalis inuestigabitur, Quæremus dili-  
genter horam ortus solis. Hanc deinde in alte-  
ra dioptræ parte, cui insculptæ sunt, punctulo no-  
tabimus, mox idem punctum ad horam æqualem  
inuentam, in lineis curuis statuemus, siue ea an-  
temeridiana siue pomeridiana fuerit. Hoc facto  
ipsa dioptra in quadrante horarum inequalium

Noui qua-  
drantis vsus  
in dorso as-  
trolabi.

Quadrans  
horarū in-  
æqualium  
quis sit.

Praxis.

H horam



# DE ASTROLABO

horam indicabit quæsitam vel antemeridianam vel pomeridianam pro temporis ratione. Nam semper sexta diei cum duodecima meridiei congruit. Sexta noctis cum media nocte. Vnde & in sacris legimus in Passione Domini tenebras factas hora sexta, hoc est in ipsa meridie, ideoq; maiori fuisse miraculo. In horis verò nocturnis quærendis nulla differentia est à diurnis, quã ut pro horis ortus solis, accipiamus in dioptra horas occasus eiusdẽ, & horas æquales antemeridianas, intelligamus horas ante mediam noctem, pomeridianas verò eas quæ mediam noctem sequuntur, reliqua perficiantur ut diximus. Hac quanquam satis sint manifesta, breui tamen exemplo nõ pigebit declarare. Natus est Philippus rex Hispaniarum Angliæ, &c. Anno. 1527. Maij die. 21. hora quarta pomeridiana cū quadrante Toleti, cuius latitudo est. 40. propemodum graduum, sol erat in. 9. geminorũ, quæstio est quæ fuerit hora inæqualis, & quis planetarũ horæ præfuerit. Primo quæremus horam ortus solis ex cap. 25. ea igitur est hora. 4. cum besse siue duabus tertiis ferè. Hac igitur in dioptra notata, collocabimus eandem, ad horam quartam pomeridianam cum quadrante, quam numerabimus in lineis curuis. Mox dioptra in quadrante horarum inæqualiũ ostendit horam nonã cum. 9. gradibus, hoc est. 36

minu

Exemplũ in  
regis Hispaniarum gene-  
nesi.



minutis. Iam verò, quoniam dies erat Martis, numerantes secundum ordinem planetarum iam dictum, facto initio à Marte, incidet dominium in Mercurium, quoniam decimus est in ordine ab ipso Marte repetita numeratiōe, Nona enim hora completa erat, & decima agebatur. Hinc quoque econverso hora inæquali constituta, horam æqualem correspondentem colligemus. Dioptra enim super hora inæquali constituta, & hora ortus in dioptra pro diurnis horis notata, indicabit eadem hora ortus horam æqualem quæsitam. Possunt & hæc per numeros colligi si lubet. Arcus enim semidiurnus solis per gradus acceptus, ex cap. 25. ac diuisus in .6. partes, quantitatem vnius horæ inæqualis ostendet. Deinde per caput præcedens horas ab ortu vel occasu collectas etiam in gradus resolutas per multiplicationem, diuidentes per quantitatem vnius horæ inæqualis, videbimus horas inæquales elapsas.

Mercurius  
dñs horæ  
qua inui-  
ctiss. Hisp.  
rex primū  
in lucē proz  
diit.

Alia ratio  
distinguens  
di horas  
planetarias  
per nume-  
ros.

## CAPVT XXXIIII.

De maxima seu meridiana solis  
& stellarum altitu-  
dine.

H 2 Sol



## DE ASTROLABO

**S**ol ceteraq; sydera omnia dum continua latitudine circumaguntur vniuersali cæli motu, nunc attolluntur versus capitis punctum seu verticem, nunc verò deorsum præcipitantur.

Maxima al-  
titudo &  
ima depres-  
sio stellarū  
quæ sit.

Earundem  
inueniendæ  
ratio.

Summa verò altitudo illis contingit nostris regionibus, dum ad meridianum circulum perueniunt versus australem meridiani partem, quæ appellamus eam medietatem, in qua verticis punctum collocatur inter duos mundi polos. Sicut & ima depressio euenit dum in altera medietate consistunt. Inquisiturus igitur solis aut stellæ notæ altitudinem maximam: constitue horizontalem regulam pro loci latitudine qua permanente stylum brachioli ad parallelum declinationis stellæ promoue: firmato deinde cursore traduc horizontem ad æquatoris lineam. Quo facto stylus indicabit in limbo maximam stellæ sublimitatem, numerando ab æquatore vsque ad stylum brachioli. Si verò à polo mundi ad styli apicem numeraueris, habebis minimam stellæ à vertice nostro distantiam pro eo stellæ in zodiaco situ quem id temporis obtinet. At quoniam vtrinque ab æquatore ad stylum numeratio fieri potest, scire oportet numerandum esse ab ea æquatoris parte quæ stylo propior contigerit. At hæc facilia sunt.

CAPVT



## De gradu medii cœli quouis momento.

**P**Artem zodiaci quæ quouis momento meridianum circulum occupat, Græci (vt diximus) μεσημέρια vocāt, nostri cœli mediū, & cœli mediationem ad Græcorum imitationē. Alij culmen cœli & cor cœli, fastigium & cuspidem medij cœli. Hanc igitur partem sic facile cognosces. In posteriore astrolabi parte dioptram colloca ad horam diei cognitā. Dioptræ admoue gradū zodiaci quem tempore proposito sol occupat, mox in linea horæ. 12. videbis gradū zodiaci culminantem siue cœli mediū. Vt tempore natiuitatis Philippī regis Hisp. Angliæ, &c. sol erat in. 9. gradu geminorum. Collocabis igitur dioptram ad horam quartam pomeridianā cum quadrante, qua hora natus dicitur, dioptræ permanenti admouebis nonam partem Geminorū. Tum in linea horæ. 12. videbis nonū ferè Leonis gradum, qui medium cœli, & culmen & cor cœli dicitur. Oppositus verò zodiaci gradus vocatur imū cœli. Est autē is. 9. aquarij gra. Oppositorū enim signorū iidem numero gradus, verè per diametrum opponūtur in cœlo. Et imum cœli igitur & culmen, eodem momento meridianum tenēt, sed culmē cœli superiorē meridiani partē in qua

Cœli mediū  
qd sit, eius  
appellatio-  
nes varię.

Eius prima  
inueniēdi  
via.

Imum cœli.

H 3

ver-



## DE ASTROLABO

**Zenith.** verticis punctum est, habet: illud verò inferiorem occupat, hoc est medietatem meridiani inter duos mundi polos contentā, in qua punctum

**Nadir.** pedum est, oppositum scilicet vertici nostro.

**Cæli mediij posterior in uestigandi modus.** Hic idem gradus mediij cæli per anteriorem astrolabi partē potest inueniri. Quare enim ascensionem rectam gradus solis, deinde vide quot horis sol distat à meridiano. Has cognosces si horæ fuerint antemeridianæ subducendo eas ex. 12. Relinquetur enim distantia solis à meridie. Horæ verò pomeridianæ distantiam ipsam per se significant. Has igitur horas reduc in gradus, ut sæpius docuimus, accipiendo pro singulis horis. 15. gradus, minuta verò horaria diuidendo per. 4. etiam gradus colliges, reliqua verò minuta horaria singula efficiunt quadrātem vnius gradus siue. 15. scrupula. Collectis iam horarum gradibus & scrupulis, pro horis antemeridianis detrahe eos ex ascensione recta solis, pro horis pomeridianis adice simul hos gradus & prodibit ascensio recta mediij cæli. Verum si summa tota transcenderit. 360. gradus, hos abiicito. At si subductio distantie solis ex ascensione recta solis fieri nequeat, addantur solis ascensioni rectæ. 360. gradus, deinde fiat subductio ex summa. Cognita itā ascensione recta mediij cæli, gradus eclipticæ coascendens per. 14. caput colligetur. Vt in nostro

prope-



proposito ascensio recta solis, hoc est noni gemi-  
 norum est. 67. par. cū. 17. mi. Horæ verò elapsæ  
 à meridie sunt. 4. cum quadrante hæ valent igi-  
 tur. 63. partes cum tribus quartis, hoc est. 45. mi.  
 Quia igitur horæ pomeridianæ sunt, addam hos  
 gradus cum ascensione recta solis fiunt in summa  
 131. partes cum. 2. scrup. Hæc est ascensio recta  
 medij cæli. Cui per. 14. caput respondent in zo-  
 diaco Leonis octo gradus cum semisse ferè: atque  
 hoc est cæli culmen in genitura Principis Hisp.  
 ac regis Angliæ.

## CAPVT XXXVI.

Quantum quilibet cæli punctus quo-  
 uis tempore à meridiano distet  
 per gradus æquatoris.

**H**uius rei cognitio nobis necessaria erit in  
 posterum ad progressiones siue ut vocant  
 directiones in genituris, quamobrem si-  
 mul præcedenti tractationi cui affinis est an-  
 nectemus. In posteriori igitur Astrolabi parte,  
 collocato ut iamiam diximus gradu solis ad ho-  
 ram propositam, si collocauerimus deinde diop-  
 tram ad quoduis cæli punctum siue stella sit siue  
 zodiaci pars, ostendet dioptra in limbo distantia  
 pūcti propositi à meridie, numerādo pro locis occi-  
 dentalibus à meridie secūdū ordinē horarū adscri-  
 ptū, pro orientalib. antrorsū cōtra ordinē horarū

Fructus huius  
 ius doctrinæ.

Operatio-  
 nis modus

H 4 Exem



# DE ASTROLABO

Exemplum

*Exempli gratia in genitura Principis proposita collocabimus solis locum ad horā. 4. pomeridianam cum quadrante. Deinde dioptram voluentes ad. 27. gradum geminorum, in quo duo benefici planetae Iupiter & Venus coniuncti erant: video hunc gradum à meridie distare. 44. part. cum semisse. Quæ efficiunt tres horas demptis. 2. scrup. At cor Leonis siue regulus meridiem præcedebat. 14. part. cum dodrante hoc est vna prope modum hora.*

## CAPVT XXXVII.

*Quanta sit solis altitudo supra finitorem quouis tempore, & de construendo canone pro horariis particularibus, Chylindro, Annulo, & quadratibus ad quamcunque latitudinē regionis.*

**H***uius cōsyderationis tractatio & utilitatem habet summā & mirā in hoc organo facilitatē. Cogniturus igitur quouis momento solis altitudinē supra horizontem ex ipso astrolabo, cōpone horizontem secundū regionis latitudinem, deinde in parallelo solis quære horā propositam, ad quā statue diligenter apicem brachioli, ac sic cursorem brachiolumq; ad horizontē obfirma. Demū traduc horizontē ad æquatoris lineā, tū stylus inter parallelos ostēdet solis altitudinem*



diñe pro hora data & regiois latitudine. Vt in ge-  
 nesi Principis Hiss. ac regis Angliæ locus solis  
 erat geminorum. 9. gradus, hora quarta cum qua  
 drante. Igitur composito horizonte ad latitudi-  
 nem. 40. graduum sub qua natus dicitur, in pa-  
 rallelo solis quero horam quartam pomeridia-  
 nam, atq; ad hanc horæ & paralleli interseccio-  
 nem obfirmo stylum Brachioli. Deinde traducto  
 Horizonte ad Aequatoris lineam. Styli apex  
 incidit inter parallelos in. 33. gradus cum. 50. pro  
 pemodum minutis. Tanta fuit altitudo solis su-  
 pra finitorem. Hinc igitur facile fuerit canonē  
 siue tabulā cōstruere pro particularibus organis  
 sciotericis, qualia sunt quadrās particularis, chy-  
 lindrus & annulus ad vnam latitudinem cōstru-  
 ctus. Oportet enim pro duobus tropicis signis ac  
 quinque intermediis, ad singulas horas accipere  
 solis altitudinem vt iam docuimus, ac in tabel-  
 lam referre, cuius exemplum subiicimus pro la-  
 titudine. 51. graduum. Horæ autem antemeri-  
 dianæ & pomeridianæ æqualiter à meridie hinc  
 inde distantes æquales habent altitudines, simi-  
 liter signa æqualiter ab altero tropicorum distā-  
 tia æquales quoque habēt horarum altitudines,  
 Quarum rerum exemplum subiecimus.

Exemplum  
 in principis  
 genitura.

Vsus do-  
 ctrinæ.

Horologiū  
 Cōstructio  
 ex hac pro-  
 positioe de-  
 sumpta.

H 5 Tabula



# DE ASTROLABO

## Tabula altitudinis Solis ad singul. horas, & initia signorum.

Horæ ante mer.				11			10			9			8			7			6			5			4	
Pomeridianæ.	12			1			2			3			4			5			6			7			8	
♈	62	28	69	0	54	6	46	5	37	5	29	30	18	29	9	30	1	20								
♉	59	10	57	15	51	40	43	40	34	35	25	0	16	5	7	0										
♊	50	29	48	35	43	30	36	10	27	45	18	30	9	30	0	0										
♋	39	0	37	25	32	55	26	30	18	15	9	20	0	0												
♌	27	31	25	50	22	10	16	0	9	0	0	0														
♍	18	50	17	40	14	0	8	35	1	40																
♎	15	32	14	15	10	55	5	50																		
	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.	gr̄a	mi.

Hanc tabellam altitudinum Solis ad singulas horas, proq; initiis signorum ex ipso Astrolabo cuius dimetiens unius tantum erat pedis, ad latitudinem, s. partem assumptam, ne quis mini-  
ma à nobis hic requirat scrupula, quæ visus in tam exiguo spacio non, adsequitur.



## CAPVT XXXVIII.

De stellarum quoque altitudine pro  
quouis tempore inue-  
nienda.

**N**on inutile quoque fuerit adnectere qua-  
ratione quolibet tempore stellarum tum  
fixarum tum erraticarum altitudo de-  
prehendatur, quæ ad cognitionem ipsarum, &  
alios ad vsus plurimum habet momenti. In his  
igitur & declinatio & cæli mediatio cognita sit  
oportet ex præcedentibus. Deinde in posteriori  
astrolabi parte locus solis in reti notatus statua-  
tur ad horam propositam adminiculo dioptræ.

Fruſtus  
proposi-  
tionis.  
Hypo-  
theses.

Mox capiatur stellæ distantia horaria à meri-  
die, quæ eſt quasi stellæ ipsius hora vt docuimus  
in capite. 3. Poſt hæc ad anteriorem Astrolabi  
partem conuerſi horizontem statuemus ad lati-  
tudinem regionis, ſtylum verò brachioli ad ho-  
ram stellæ iam inuentam in parallelo ſuo nota-  
tam. Fixo deinde cursore cum brachiolo, trans-  
feratur horizon ad æquatorem, tum brachioli  
apex in circulis parallelis stellæ altitudinem  
declarabit: hoc eſt quot partibus ſupra finito-  
rem eo momento efferatur. Differt autem pluri-  
mū hoc caput à tertio, nam illic viſæ stellæ alti-  
tudinem ex ipſo aſpectu capimus, hic verò non  
conſpectæ stellæ altitudinem pronunciamus.

Differentia  
huius capi-  
tis à tertio.

CAPVT



DE ASTROLABO

CAPVT XXXIX.

De circulo verticali siue distantia horizontali à Meridie vel ortu, solis & stellarum.

**H**Orizon quilibet per Meridianum regionis secatur in duas partes æquas, ostenditq̃ Meridianus duos præcipuos mundi cardines Meridiem & septentrionem. Si nunc alius circulus intellectu concipiatur ductus per ortum & occasum æquinoctialem, perq̃ punctum verticis & punctū pedū, hic duos alios cardines orientem inquam & occidentem demonstrabit, dicitur autem hic à pluribus circulus verticalis. Quamquam quilibet circulus maior per punctum verticis punctumq̃ oppositum ductus rectè verticalis dicatur adeo ut si horisontis gradus æstimes perq̃ singulos ad verticem circulos educas, omnes illi. 360. circuli verticales dicantur, possintq̃ (ut sic loquar) infiniti intelligi. Inter hos igitur est & Meridianus & ille quem iam per transversum meridiano duximus, quem absoluto nomine Io. de Mōte regio verticalem appellat & alij similiter. Nos deinceps claritatis gratia circuli orientis appellabimus. Hunc in nostro Astrolabo refert linea recta per Polos mundi centrumque ducta. Propositum igitur est cognoscere si circulus

Circulus  
verticalis  
plurium  
opinionum.

Circulus  
verticalis  
iuxta D.  
de Roias.



circulus maior ex vertice, quolibet tempore per solem stellamve quampiam transeat, quantum hic secundum Horizontis partes vel à Meridie vel alio cardine mundi distet. Hoc est ( ut planius dicamus ) in quam mundi partem vergat quouis momento sol, vel stella quaelibet. Id quod ad nauigandi artem, reliquaq; itinera conficienda, & ad Geographiam non parum habere momenti certum est. Veteres enim quantum, ex Ptolomæo colligere licet, atque ex aliis insuper Geographis, priusquam Magnetis admiranda facultas cognita esset, stellarum ductu nauigabant. Igitur ut ad rem veniamus cognita hora diei, in parallelo stellæ numeretur distantia eius horaria à Meridie, & Horizonte ad latitudinem loci constituto apex Brachioli ad horam talem obfirmetur. Deinde Horizon ad Equatoris lineam applicetur, tum stylus inter circulos horarios circulum verticalem stellæ indicabit. Quantum verò hic à Meridie distet, numerabis in Equatore seu horizonte numerando à Meridiano versus centrum, si verò à centro numeraueris versus circumferentiam habebis distantiam ab oriente vel occidente. Vtrum verò ab oriente an ab occidente distantia sit accepta, tute iudicabis. Iam enim docuimus qua ratione diiudices an stella in orientali cæli parte, an in occiden-

Vbertas huius theorematismatis.

Praxis.



# DE ASTROLABO

occidentali consistat. Hic igitur vides id quod in principio monuimus varia eorundem circulo-  
rum sphaerae planae officia. Nam circuli ex po-  
lis procedentes qui in priore horizontis situ cir-  
culorum horariorum officio fungebantur: in po-  
steriore horizontis situ circuli verticales officiu-  
tur, cum & æquator loco horizontis statuitur.

Hæc igitur & breui exemplo declaremus. In  
genesi Principis Hisp. & regis Angliæ sol di-  
stabat à meridie horis quatuor cum quadrante  
in parte cæli occidua: cupio discere circulum ver-  
ticalem solis, hoc est in quam particulatim cæ-  
li partem tum sol vergebat. Constituo horizon-  
tem ad latitudinem. 40. graduum in qua natus  
est inuictiss. Princeps, deinde stylum in paral-  
lelo solis qui tum per nonam partem Gemino-  
rum ducebatur, ad horam quartam pomeridia-  
nam cum quadrante stabilio, traductoq; deinde  
horizonte ad æquatoris situm, styli apex inter  
circulos horarios incidit in circulum distantem  
à linea orientis. 1. parte cum triente versus bo-  
ream, hoc est versus meridiani partem per Ca-  
pricornum transeuntem: & quia sol erat in par-  
te occidua, (quandoquidem horæ erant pomeri-  
dianæ,) distabat sol à vero occasu versus bore-  
am, vna parte cum triente, à meridie verò. 91.  
parti-

Exemplum  
in genesi  
regis Hisp.  
Principis  
nostri.



partibus cum triente. In stellis verò, prorsus eadem est operatio, nisi quòd pro hora diei accipiat<sup>ur</sup> distantia horaria stellæ à meridie.

## CAPVT XL.

Lineæ Meridianæ & quatuor cardinalium mundi inuentio per  
Astrolabum generale.

**R**egionum mundi cognitio, ut architectis nautisq; admodum cognita utilis est, ita Mathematicis ad observationes astrorum prorsus videtur necessaria. Harum verò cognitio, ex lineæ Meridianæ inuentione potissimum pendere videtur. Hac siquidem designata omnes aliæ facile patebunt regiones. At quum plures sint modi, ingeniaq; inuentionis varia: dabimus primum generalem rationem, quæ singulis fermè horis sole lucente voti nos compotes faciat. Per caput ergo præcedens diligenter solis circulus verticalis addiscatur quantumq; à meridie absit siue orientem siue occidentem versus. Deinde in posteriori Astrolabi parte dioptra ad ealẽ distantia in limbo numeratã, ab hora. 12. vel antrosum, pro antemeridiano situ, vel deinceps pro

Vsus huius institui.

Varij lineæ meridianæ designandę modi.

Primus & maxime oportunus



# DE ASTROLABO

pro occiduo solis situ, constituatur, & iacente Astrolabo in plana superficie immota dioptra vertatur organum totum donec solis radij immissi per dioptræ foramina cadant exquisitè vel in opposita foramina, id quod circa occasum & ortum solis tantum contingit, vel in dimetientem Dioptræ quam lineam fiduciæ vulgo vocant sic enim quiescente Astrolabo linea horæ duodecimæ, quàm refert dimetiēs ab ansa deorsum ducta lineam Meridianam refert. Quamobrè ducta in plano linea secundum lineæ horæ duodecimæ situm perpetuo Meridiem monstrabit, unde & composito secundum eam lineam Astrolabo dioptra secundum limbi partes omnes cœli partes regionesve demonstrabit. Hic igitur ratione quemadmodum & Vitruvius libro quarto cap. 5. docet, ædes sacræ constitui debent ad regiones accommodas. Qui mos & apud Christianos receptus est. Nam & his vetus consuetudo est ædes sacras ab occasu in ortum porrigi, sic ut ad aram sacra facientes orientem spectent. Alter modus est, ut in plano aliquo stylum teretem ad perpendicularum erigamus, seu gnomonem siue ut Plinius vocat umbilicum observemusq; solis altitudinem aliquanto tempore ante meridiem, ut puta una vel duabus horis notemusq; eodem momento umbra gnomonis extremum & manente dioptræ

Ædium sacrarum constitutio ex hoc theoremate dependet.

Alter modus vulgaris.



dioptra super eadem altitudine, expectemus de-  
clinantem solem à Meridie, donec per eadem  
dioptræ foramina radios emittat: quod indici-  
um est solem in eadem iam consistere altitudi-  
ne, quàm in priore observatione obtinuerat, ac  
tantundem Meridiem reliquisse, quantum illic  
præcesserat: & rursus notato umbræ gnomonis  
extremo, ducamus rectam ad duas umbrarū no-  
tas. Hanc bifariam secemus, atque ex media re-  
ctam agentes ad gnomonis centrum seu sitū, ha-  
beamus iustam Meridiei lineam in perpetuos  
variosq; usus observandam. Tertius modus abs-  
que Astrolabi nostri adminiculo perficitur. Gno-  
mon ut diximus in plano perpendiculariter eri-  
gitur notaturq; umbra gnomonis antemeridia-  
na ad extremum eius punctum exemptoq; Gno-  
mone ex eodem stationis puncto tanquam cen-  
tro per umbræ extremum circinatur circulus.  
Tum reposito Gnomone, crescentibus à Meri-  
die umbris expectatur quousq; umbra circulum  
eundē attingat, ab hoc cōtactus puncto ad prius  
illud, linea recta ducitur, secaturq; ut antea bi-  
fariam, demum ex centro, per medium lineæ re-  
ctæ acta linea meridiana est. Poteſt etiam circu-  
lus duci ante Gnomonis erectionem, expectatur  
tum umbræ attactus antemeridianus & pome-  
ridianus, reliquaq; eodē prorsus modo conficiun-  
tur.

Tertius mo-  
dus citra  
Astrolabū.

Quartus  
modus.

I

tur.



## DE ASTROLABO

Dies æqua-  
les ob mo-  
tum diur-  
num solis  
nōnihil in-  
æqualitatis  
patiuntur.

tur. Potest quoq; quarto modo ex sole oriente & occidēte meridiana linea describi, collocato nanque astrolabo in plana & patente superficie constitutaq; dioptra ad lineam duodecimæ posterioris partis vertemus astrolabum vnā cū dioptra quousq; solis radij per dioptræ foramina in opposita ferantur. Deinde quiescente astrolabo solem occidentem contemplabimur & manente astrolabo fixo dioptram ad solem dirigemus quousq; rursum solis radios per opposita foramina admittat. Hinc numerabimus partes limbi quas dioptra occupat, Harum medietatē sumemus & in limbo numerabimus ab hora. 12. facientes vtriusque numerationis initium. Ad medietatem demum illam collocata dioptra lineam meridianā indicat cum sit exactissime inter ortū occasumq; constituta. Fatendum tamen est aliquid incidere diuersitatis inter distantiam puncti ortus solis à meridie, & inter distantiam occasus ab eadem meridie, propter motum solis diurnum, quē ferē est partis vnus semissis in zodiaco ac maxime hoc notari potest circa æquinotia. Circa solstitia verò nullo modo percipi potest sensu. Sed & illa differētia quæ quouis tēpore ortus accidere potest facile discitur. Capiemus enī amplitudinem ortus solis pro loco eius in zodiaco ad ortū eiusdē, similiter ad locū solis in occasu, ex cap. 23  
quæ



quæ si æquales fuerint, nulla est dubitatio. Sin  
inæquales addatur in vnâ summâ, & si rectè ope-  
ratus fueris erit hæc summa æqualis ei quâ diop-  
tra in occasu solis indicabat, Numera ergo am-  
plitudinē ortiuam ab hora. 12. limbi, ac termino  
applicata dioptra rursum lineam meridianā in-  
dicabit. Vnde & ex solo ortu vel occasu solis cū  
amplitudine ortus discemus meridianā lineā &  
fuerit sanè hic quintus modus inueniēdi lineam  
meridianā iucūdus profectò & facilis admodū.

## CAPVT XLI.

Inuēta iam linea meridianā, quo pacto  
ex ipso aspectu, solis & stellarū circu-  
lus verticalis, siue distantia hori-  
zontalis à meridie co-  
gnoscat̃ur.

**I**am igitur vtilitatem huius lineæ tentabi-  
mus declarare. Colloca ergo astrolabum poste-  
riori parte sursum, in plano aliquo ad libel-  
lam composito & lineam horæ duodecimæ secun-  
dum lineam meridianam iam inuentam dirige.

Deinde dioptram versus solem verte quousq; ra-  
dijs solares per alterius pinnulæ foramina in op-  
posita ptingāt foramina vel saltē in dimeriētem  
dioptræ cadāt. Sic enī dioptra distantiā solis à me-  
ridie indicabit vel ab ortu æquinoctiali prout nu-  
merationē institueris in limbo. At noctū quando

Diurna cō-  
syderatio.

Nocturna.

I 2 quidem



## DE ASTROLABO

quidem stellæ lumen sufficiens non fundunt, alia quadam industria opus est, nisi stellæ in ipso finitore aut prope admodum constiterint ut per dioptræ foramina stellæ conspici possint sicutque duo ferè modi, alter est ut dioptræ pin- nula anterioris quæ stellam respicit longum ere- ctumque, perpendicularem appendicem affiga- mus, ita ut latus appendicis ex foraminibus vel ex ipso Dioptræ recta sursum assurgat. Sic enim per foramina tibi propiora aspiciēs perque ap- pendicis latus dictum, si stellam conspexeris, dio- ptra rursus distantiam quæsitam demonstrabit.

Alter mo-  
dus ex as-  
pectu colli-  
gendi ver-  
ticalē cir-  
culum.

Alter modus est ut ante Astrolabum suspen- das perpendiculum dirigāsque Astrolabum in- ter aspectum tuum & perpendiculum colloca- tum, ita ut si per dioptram aspicias, visus aspi- ciat stellam in ipso perpendiculo constitutam simulque dioptra exactissimè ad ipsum diriga- tur perpendiculum sic enim dioptra distantiam horizontalem stellæ indicabit : quam ut lubet à Meridie vel ab alio cardine numerare pote- ris. Potes verò etiam perpendiculo & appen- dice uti in observatione solis, eritque sic exquisi- tior operatio, umbra perpendiculi super dime- tiente Dioptræ iacente.

CA=



Quanta sit latitudo loci, quotaq; simul  
sit hora, cognito circulo verticali  
solis aut stellæ, cum loco so-  
lis in zodiaco, eiusq; alti-  
tudine supra hori-  
zontem.

**E**X hoc problemate singulis horis cognosce-  
re poteris loci latitudinē siue poli altitudi-  
nē cognita (vt docuimus) linea Meridia-  
na. Collocetur ergo horizontalis regula ad æqua-  
torem numereturq; circulus verticalis in circu-  
lis horariis siue Meridianis ita (quod sæpius mo-  
nuimus) vt circulus per  $\Sigma$  ductus meridiē indi-  
cet, pars verò Meridiani per  $\Lambda$  ducta septentrio-  
nē, linea verò per centrū acta seu axis, orientem  
occidentemq; iam inuento circulo verticali nu-  
meretur in eodē per parallellos altitudo stellæ ad  
hanc igitur intersectionem altitudinis & circuli  
verticalis constitue Brachioli stylum fixoq; Cur-  
sore cum brachiolo, moue horizontem eo vsque  
quo stylus Brachioli in parallelum solis incidat  
mox enim stylus in solis parallelo horam indica-  
bit diurnam in sole, in stellis verò distantia hora-  
riam à meridiē, quæ an sit antemeridiana an po-  
stermeridiana docuimus cap. 30. Horizon verò in-  
dicabit loci latitudinem quæsitam. In cuius rei

Hora inue-  
tio solaris.

Hora stellæ.

Loci latitu-  
dinis inue-  
tio.

I 3 decla-



## DE ASTROLABO

**Loci latitudinis inuentio.**

**Exemplum**

declarationem statuamus deprehendisse nos d' e quinta Augusti, anno. 1553. solis circulum verticalem fuisse. 30. graduum horizontis à meridie versus ortum & simul altitudinem fuisse acceptam. 50. graduū: ex his hypothesibus quæremus eleuationem poli, tali compendio. Horizontem primo collocabimus ad æquatoris lineam, numerabimusq; à meridie versus centrū in circulis horariis. 30. partes, & in hoc circulo horario altitudinem acceptam. 50. calculabimus per parallelos astrolabo inscriptos. Ad intersectionem igitur circuli verticalis & paralleli altitudinis, dirigemus brachioli stylum, cursoremq; cum brachio firmabimus. Hinc traducto horizonte eoque quo stylus seu brachiolum secet parallelum solis, qui in nostro proposito per. 22. ferè gradum leonis ducitur, horam antemeridianam indicat, decimam scilicet cum. 43. ferè scrupulis, Et simul horizō constitutus deprehēditur, ad latitudinē. 51. partium, ac tanta est loci latitudo quæsita. Vides ergo quanto compendio, & quanta facilitate Astrolabum hoc multa simul adferat commoda, quæ in vulgatis dictis astrolabis cognosci nequeunt nisi fortassis pro vna regione idq; magna cum difficultate & molestia.

CAPVT



## CAPVT XLIII.

Quis fit locus solis in zodiaco, data eleuatione poli, & solis circulo verticali cum eiusdem altitudine supra horizontem.

**M**Irari ipse satis nequeo vbertatem ingentem huius organi, cuius fructus iucundi innumerabiles mihi occurrunt quotidie. Ideoque cogor carptim selectiora tantum in medium adferre, omisis non paucis eis quibus plus ocij est omnia ad extremum prosequi, quod tamen etiam factu impossibile arbitramur.

Hic rursus singulis diei horis conceditur cognoscendi locum solis copia. Quod sanè in præcedentis problematis exemplo exponemus. Sit enim latitudo regionis. 51. partium, circulus verticalis. 30. grad. à meridie versus orientem, ac demum solis altitudo sit. 50. graduum. Ex istis Praxis. igitur locum solis in zodiaco colligemus horizontem ad æquatorem constituemus, in circulis horariis verticalem numerabimus solis circulum, 30. scilicet gradus à meridie versus centrū organi. Qui circulus est horæ decimæ antemeridianæ. In hoc circulo ab æquatore sursum 50. grad. altitudinis supputabimus, & ad intersectionem circuli horarij & circuli altitudinis brachiolum



## DE ASTROLABO

componemus. Vertentes deinde Horizontem cum Brachiolo & Cursore affixis, ad loci altitudinem statuemus. Tum stylus brachioli in parallelum loci solis incidit, scilicet (ut in nostra latitudine. 51. graduum) ad declinationem. 14. cum una quinta parte ferè. Quæ transit per. 22. partem leonis vel. 8. partem Tauri. Vtrius verò signi gradus accipiendi sint, tempus anni satis indicat, cum alterum in Vere alterum in Canicularibus locum habeat, in illo sol declinet in hoc ascendat quotidie. Scire tamen oportet non tam exquisitam posse fieri observationem hanc de solis loco circa solstitia, quàm aliis anni temporibus, ut cap. 11. annotauimus. Neq; ignorare velim auditorem certiores esse & manifestiores observationes sole aut in Meridie, aut non longe hinc inde constituto, quàm aliis locis cæli.

Canon.

## CAPVT XLIIII.

Quota hora sol vel stella quælibet  
ad circulum verticalem quem-  
cunque, siue ad regionem  
præfinitam motu ra-  
ptus pertin-  
gat.

Com-



**C**ompone horizontem ad latitudinem loci, stylum brachioli ad horam aliquam in parallelo solis fixum constitue, promoue deinceps horizontem ad æquatorem, ac vide an stylus destinatum circulum verticalem in circulis horariis occupet. Si verò aut propior meridiei aut orienti constiterit, reposito horizonte ad latitudinem loci, repete bis terve opus hoc, ascendendo vel descendendo per stylum in parallelo solis secundum primam experienciã iam factam, donec horizonte ad æquatorem constituto stylus in circulum verticalem propositum incidat. *Exemplum* Ut si velim cognoscere quota hora sol nobis media regione inter orientem & meridiem consistat, tempore solstitij æstivi. Colloco horizontem ad. 51. grad. lat. deinde experiundi gratia in parallelo solis qui tropicus est Cancrì in proposito, stylus brachioli ad nonam haram antemeridianã compono, traducto tunc horizontem ad æquatoris situm stylus occupat. 70. ferme gradus circulorum horariorum, qui nunc sunt verticales, At oportebat solem à meridiano distare. 45. tantum gradibus circulorum verticalium. Si quidem talis circulus media regione ducitur inter meridiem & orientem. Quamobrem per experientiam edoctus prima vice me nimium à meridie recessisse, reduco horizontem ad latitudinem. 51. graduum,

I s &amp;



## DE ASTROLABO

Compendi-  
um huius  
negotij.

Operatio  
per stellas

& stylum promoueo in parallelo solis propius ad meridiem, deprehendoq; eadem hora decima cum 4. gradibus & semisse, siue cum. 18. horæ scrupulis solem occupare mediam regionem inter orientem & meridiem. Est autem hic compendium in circulo orientis & occidentis inueniendo. Nā collocato horizonte ad equatorem & cursoris latere altero ad polum, ita vt cursoris latus axis lineæ (quam diximus circulum orientis referre) exactissime respondeat, sicq; fixo cursore si horizon tunc ad quamlibet latitudinem traducatur, latus illud cursoris circulum orientis & occidentis indicabit & per eius intersectionem & contactum cum parallelo solis horam sine longiori inuestigatione disces, qua sol orientis circulum occupat. Antemeridiana hora orientalem solem pomeridiana occidentalem significat. Quum vero per stellas lubet operari, tum nihil variandum est præter parallelum qui accipiendus est non solis, sed stellæ propositæ, Hora verò sic inuenta, non est hora diei, sed tantum distantia horaria stellæ à meridie. Ex qua verā horā sic facile inuenies. In posteriori parte astrolabi stellam eiusve cæli mediationē collocabis ad eandem horam, quam stylus in parallelo stellæ indicauit, idq; in horis antemeridianis, si de circulo verticali orientalis partis mundi quæstio est, in pomeridianis verò



verò si de regione occidentali quæstio est, quo fa-  
cto dioptra ad locum solis diei propositæ transla-  
ta, veram in limbo indicat horam æquinoctia-  
lem. Eodem modo agendum est in capite. 42. ubi  
huius rei non meminimus.

## CAPVT XLV.

Quo pacto stellæ fixæ illustriores in  
cœlo agnoscantur, aut etiam pla-  
netarum quilibet, cum con-  
spicui sunt supra hori-  
zontem.

**D**E stellis loquimur quarum longitudo la-  
titudoq; aut ex tabulis aut aliter notæ  
sunt. Locum quoque solis in zodiaco no-  
tum ponimus, unâ cum loci latitudine. His posi-  
tis horam considerationis per aliquam cognita-  
rum stellarum inquire, & ex capite. 36. distan-  
tiam stellæ horariam à meridie, quam licebit nō  
incommode (fortassis) stellæ horam nominare.  
Ex capite verò. 38. stellæ altitudinem, & per do-  
ctrinam. 39. capitis verticalem circulum eiusdē  
accipe, Quāquam hæc duo postrema simul vnoq;  
momento ex astrolabo accipiantur, & indicen-  
tur per brachioli stylū. Iam igitur conuerte fa-  
ciem tuam ad eam cœli partem, quam circulus  
verticalis indicavit: & posita dioptra su-  
per stellæ altitudinem ex Astrolabo accepta,  
G

Hypotheses



## DE ASTROLABO

& in limbo ab hora sexta sursum numerata, aspice per dioptra pspicilla, quas ὀπας vocat Ptolemaeus, dirigendo quàm fieri potest exactissime latus astrolabi versus eam cœli regionem quam circulus verticalis indicabit, & videbis stellam hactenus nomine tantum tibi cognitam, poterisq; deinceps, si fixa est, per situm figuramq; ad alias commẽdare illam memoriæ, sin erraticarum aliqua fuerit, colore magnitudineq; maxime discernetur.

### CAPVT XLVI.

Cognitis duabus stellis fixis quarum altera sit in medio cœli, seu ad meridiem constituta, altera alibi quouis loco quanta sit eleuatio poli.

Castigatur  
opinio D.  
de Rojas  
ab inconue-  
nienti.

**I**Nquit D. Ioannes de Rojas, Si duæ stellæ earum quæ in sphaera sunt per integrâ cœli quartam mutuo distabunt, & earum alteram in orbe medio conspiciemus, alteram in ipso horizonte orientali, occiduove conspiciere nobis necessario contingit. Hoc vt in multis contingere potest, ita frequenter veritati respondere minime comperitur. Nam horizon à nullo puncto cœli vndiq; quarta cœli distat præterquam à puncto verticis & eius opposito. Itaq; sequeretur si altera in horizonte esset, reliqua semper in puncto  
verti-



verricis consisteret, sed hallucinatus est vir doctissimus per oscitantiam id quod & grauissimis contingit viris aliud aliquando agentibus. Verum illud verum est si stella quæpiam in oriente verò in horizonte constiterit, altera quæ per quartam cæli partem distiterit à priori necessario in meridiano reperietur. Est enim punctum veri orientis polus meridiani, atque hoc est quod dicere voluit (ut ego coniicio) vir eruditissimus.

At consistat altera in meridiano altera verò exoriatur supra finitorem, sitque utraq; nobis cognita.

Modesta  
eiusdem ex-  
purgatio.

In posteriori parte astrolabi stella quæ meridiem occupat ad lineam horæ duodecimæ collocetur, aut eius mediatio cæli, dioptra verò ad reliquam stellam applicetur, & notetur diligenter distantia horaria stellæ eius quæ oritur à meridiem quæ dioptra indicat. Deinde in fine astrolabi in parallelo eiusdem stellæ numeretur eadem horaria distantia, cui applicatus horizon ostendit clare poli eleuationem seu latitudinem loci quæsitam.

Praxis.

Quod si stella altera alibi quàm in horizonte collocetur, accipiatur altitudo eius. Deinde in facie astrolabi horizon constituatur ad æquatoris lineam, & stylus ad parallelum altitudinis stellæ stabiliatur, Deinde vertatur horizon quousque stylus parallelum huius stellæ tangat, Quod si tunc stylus ad horam stellæ (ut antea diximus) accesserit

ptam



## DE ASTROLABO

ptam pertigerit tunc horizon ad iustā latitudi-  
nem collocabitur, sin plus minusve ostēderit, re-  
ducto horizōte ad sitū æquatoris promouēdus est  
stylus aut propius ad meridiem aut reducendus  
remotius pro indicatione primæ experiētiae, quo  
usq; priori positione horizontis stylus consistat in  
parallelo altitudinis stellæ in posteriore situ in  
parallelo stellæ siue in parallelo declinatiōis eius  
ad horam stellæ inuentam. Sic enim horizon la-  
titudinem quæsitam ostēdet. Sed quoniam utraq;  
stella nota ponitur, potest hoc problema absolui  
accepta altitudine tantum stellæ in meridie con-  
stituti ut in capite septimo de sole docuimus. Si  
enim declinatio borea est, subducatur declina-  
tio ex altitudine inuenta: si verò australis fuerit  
declinatio, addatur altitudo cum declinatione,  
sic constabit clarissime utrobique æquatoris altitu-  
do: quæ ex quadrante circuli ablata, relinquit po-  
li eleuationem, ut sæpe diximus. At si contingat  
stellam in meridiano collocatā nobis boream ap-  
parere in sua maxima sublimitate, quam digno-  
scas eo argumento quid paulò post declinior ap-  
pareat, tum altitudinem acceptam deme ex 90.  
partibus, residuum deinde ex stellæ declinatione  
ablatum, relinquit poli eleuationem quæsitam.  
At si post stellæ altitudinem in septentrionali  
regione acceptam, mox stella post descensum eo  
spicia



spiciatur rursus euadere elatior, indicio est  
stellam in minima constituisse altitudine. Ideo  
tunc accepta altitudo ablata ex declinatione stel-  
lae relinquit æquatoris altitudinē, Hæc rursus  
ex quadrante circuli dempta latitudinem regio-  
nis delarat. Ac sit pro exemplo clara stella in cy-  
gno quam caudam vocant. Huius altitudinem  
meridianā accepimus. 83. par. Est autem decli-  
natio eius borea, ut ex. 19. cap. discere licet. 44.  
par. propemodū. Hanc igitur, ut docuimus, au-  
fero ex altitudine. 83. partiū, relinquuntur. 39.  
Tanta est æquatoris eleuatio. Vnde polus. 51.  
partibus attollitur. Minimā verò eiusdem stel-  
lae altitudinem, eamq; boream accepimus. 5. par.  
Hanc subduco ex stellæ declinatione, scilicet ex  
44. relinquuntur similiter. 39. partes pro æqua-  
toris altitudine, eademq; colligitur poli eleuatio.  
Sit rursus pro maiori declaratione stellæ pola-  
ris altitudo, maxima eaq; iā borea. 54. par. Hu-  
ius stellæ quam Cynosuram veteres vocant decli-  
natio borea est (ut in. 10. cap. demonstrauimus)  
partium 87. ferè, ac exquisitiis loquendo. 86. par.  
52. scrup. Iam ergo aufero altitudinem maxi-  
mam scilicet. 54. ex. 90. relinquuntur. 36. gradus,  
hos demum ex declinatione stellæ subduco scili-  
cet ex. 87. ferè, relinquitur poli sublimitas. 51.  
partes propemodū. Plura de his cap. 10. diximus.

Exemplum

Exemplum  
alterum.

CAPVT



DE ASTROLABO

CAPVT XLVII.

Cometa conspecto vel stella quapiam ignota, siue planeta sit siue fixarum aliqua: quis sit locus eius in zodiaco secundum longitudinem & latitudinem. Et quomodo ex ascensione recta stellæ eiusq; declinatione locus eius in zodiaco secundum longitudinem & latitudinem colligatur.

Hypotheses

Praxis.

**I**N primis discenda est hora consyderationis per caput. 31. vel si interdiu tale aliquid fieri per aspectum poterit, per caput. 30. Mox in quo circulo verticali consistat. Cometa vel stella accipiendū est ex cap. 41. & simul altitudo eiusdē stellæ per cap. 3. His comprehēsis sic operabimur. Horizontem primo ad æquatoris lineam adaptabimus, & circulum verticalem stellæ per circulos numerabimus horarios, statuentes (vt antea docuimus) orientem & occidentem in axe & centro planæ spheræ: & in extremi meridiani latere in quo est, meridiem, in opposita medietate septentrionem. Secundo numerabimus altitudinē stellæ siue cometæ in circulis parallelis. Ad intersectionem verò circuli verticalis & paralleli altitudinis brachioli stylum obfirmabimus adductis vtrisque cochleis. Deinde horizontem trans-



transferemus ad loci latitudinem. Sic stylus mox in circulis parallelis declinationem stellæ ignotæ ostendet, in circulis verò horariis distantiam eius à meridie, (aut quòd melius hic est) distantiam graduum æquatoris à meridie. In reti ergo colloca gradum solis ad horam inuentam, mox in linea horæ duodecimæ videbis gradum medijs cæli, huius quære ascensionem rectam per 12. caput: iam si stella ignota consistat in parte orientali, adde distantiam stellæ à meridie per gradus ut diximus acceptam ad ascensionem rectam medijs cæli, proueniet ascensio recta stellæ, sed si in parte occidua constiterit stella vel cometa, tum distantia illa stellæ à meridie auferatur ex ascensione recta medijs cæli, rursumque relinquetur eadem ascensio recta stellæ. Quod si in additione excrescat numerus ultra. 360. his deductis, residuum erit vera ascensio recta stellæ. Sin verò distantia stellæ ab ascensione recta medijs cæli subduci nō possit, addendo. 360. ad ascensionem rectam medijs cæli fiat subtractio, & relinquetur simili ratione ascensio recta stellæ vel cometæ. Iam igitur cognita stellæ cuiuslibet ascensione recta, & declinatione eius, sic cognoscemus longitudinem & latitudinem. Estque hæc doctrina digna seorsum nono capite, sed sufficiat hic corollarij loco adiecisse. Numere-

K tur



# DE ASTROLABO

tur in æquatore ascensio recta eius ordine quo  
in horizonte inscribitur, diem notetur paral-  
lus declinationis eius ubi cum circulo ascensio-  
nis rectæ concursat, prout australis aut borea fu-  
erit. Traducto deinde horizonte ad eclipticam  
brachioli stylus ad concursum ascensionis rectæ  
& declinationis firmetur diligenter. Tum redu-  
cto horizonte ad æquatorem, stylus in circulis ho-  
rariis longitudinem stellæ indicabit & in paral-  
lelis latitudinem fungitur siquidem æquator hic  
vice eclipticæ, & poli mundi fiunt poli zodiaci:  
& paralleli, circuli euadunt latitudinem. Quæ  
permutatio (vt monuimus) totam ferè huius or-  
gani vtilitatem complectitur. Hic tamen obser-  
uandum vt sicuti duplex ordo numerorum scri-  
bitur pro ascensionibus signorum. Sic zodiaci die-  
as medietates tribuamus iisdem: nempe numero  
sic procedenti à 270. deinde. 281. 290. 300. 310.  
320. 330. 340. 350. 360. 10. 20. 30. 40. 50. 60. 70.  
80. 90. His inquam numeris tribuamus medie-  
tem zodiaci ascendentem à ♈ ad ♎ reliquis nu-  
meris scilicet. 100. 110. 120. 130. 140. 150. 160.  
170. 180. 190. 200. 210. 220. 230. 240. 250. 260.  
270. cedant signa descendentia ♏ ♐ ♑ &c. vs-  
que ad ♈. Hæc doctrina, quum summā habeat  
iucunditatē, sitq; summopere utilis Astronomiæ  
ac Physiæ naturalis amatoribus, luculento ali-  
quo

Numero:  
rū series.



quo exemplo à nobis declarabitur. Quod quidem Exemplum  
 ex Petro Apiano assumemus in suo Astronomi  
 co. Casareo narratum: Anno, inquit, Domini  
 1531. quo comitia per Casares celebrata fuerunt Cometa  
anni. 1531.  
 Augusta, cometes apparuit à die. 6. Augusti vsq;  
 ad. 23. eiusdem mensis. Die verò. 13. cum bootes  
 siue arcturi sydus, circulum verticalem prope at  
 tingeret, hoc est circulum occidentis vt antea de  
 clarauimus, accepta est altitudo cometæ. 7. gra.  
 56. mi. & circulus verticalis eius erat ab occasu  
 versus septentrionē. 49. gra. 26. mi. Ex istis igitur  
 locum cometæ in zodiaco colligemus tam se  
 cundum latitudinem q̃ longitudinem eclipticæ.  
 Sed & alia quedā nota præsupponamus necesse  
 est. Quorum vnum est latitudo Ingolstadij, quo  
 loco observatio facta est. Est autē ea Apiano te  
 ste. 48. gra. cū besse, siue cū. 40. scrup. Item solis lo  
 cus in zodiaco colligitur. 29. par. leonis cū triēte  
 ferè. In primis vt in generali regula diximus col  
 ligenda nobis est hora consyderationis. Dicit autē  
 arcturi sydus fuisse in circulo oriētis & occidentis  
 in parte occidua, quod quidē satis est ad horæ co  
 gnitionē, per caput. 44. inueniendā. Erat autem  
 arcturi lōgitudo secundū Copnici tabu. & nostrā  
 observationē in. 17. par. libræ cū. 45. scrup. ferè &  
 eius declinatio borea. 22. par. cū. 5. scrup. Igitur  
 collocato horizonte ad lat. 48. gra. cū. 40. mi. &  
 K 2 posito



## DE ASTROLABO

posito cursore ad centrum astrolabi, video curso-  
ris latus per centrū transiens in parallelo arcturi  
ostendere. 4. horas cum. 36. minutis, hoc est. 69.  
gradus, distantiam scilicet horariā arcturi à me-  
ridie. In posteriori ergo astrolabi parte, arcturi  
stellam, siue mediationem cæli eius, quæ erat in  
1. gradus cum sextate ferè, ad horam quartam po-  
meridianam, cum. 36. scrup. constituo, deinde di-  
optram ad locum solis in zodiaco transfero, atq;  
ea mihi horam octauam pomeridianam cum. 26.  
scrupulis indicat. Iam igitur horizontē ad æqua-  
toris lineam applico: & verticalem cometæ qui  
erat. 49. part. 26. scrup. numero in circulis hora-  
riis siue meridianis, qui nunc verticalium circus-  
lorum vice sumuntur, & quia distantia, erat ab  
occasu versus septentrionem, numero. 49. grad.  
26. mi. à centro versus sinistram, vel versus me-  
ridiem extremi partē qui per  $\Lambda$  transit. In hoc  
deinde circulo verticali numero per parallelos. 8  
ferè gradus, siue vt Apianus ait. 7. gra. 56. mi.  
Quamquam in huiusmodi consyderatione præci-  
puè quæ per instrumenta administratur negligi  
merito possint minuta, quæ ad insignes partes nō  
pertingūt quales sunt, vncia, sextas, triens, qua-  
drans & similes. Nam & Ptol. vncius cōtentus  
fuisse videtur, in stellarū fixarum obseruationi-  
bus. Sed his omis, numero. 8. proximè partes  
in



in circulo verticali iā dicto, & ad concursum circuli verticalis & altitudinis stabilio cursoris indicem. Deinde horizontē ad propositi loci latitudinem, quæ erat. 48. par. cum besse, hoc est. 40. scrup. transfero, & stylus mox in circulis parallelis declinationem cometæ boream. 36. gra. 55. mi. partium indicat, & in circulis horariis, declarat distantiam cometæ à meridie, per gradus æquatoris nempe. 126. partes cū quadrante, siue distantiam horarum. 8. cum. 26. scrup. horæ. In posteriori ergo parte collocato loco solis ad horā iam inuentam offendo in medio cæli Capricornū partes. 7. cum triente ferè. Harum ascensio recta est. 278. partes. Ex hac igitur ascensione recta, quia cometa in occidua cæli parte consistit, aufero distantiam ipsius à meridie scilicet. 126. grad. 151. 45. & 5. mi. relinquuntur. 15. partes. cum. 45 mi. Atq; hæc est ascensio recta cometæ. Iam igitur numero in æquatore ascensio non rectam cometæ inuentam, facto initio numerationis à centro per meridiem, deinde reuertēdo per centrum ad sinistrum siue ad boream, atq; hinc rursus in centrū vsq; & in circulo horario qui illam ascensionem designat, numero declinationē boream. 36 par. 55. mi. & ad cōcursum horum circulorū affigo stylum brachioli horizontē stāte super linea ecliptica. Hinc transfero horizontē ad æquatorem,

K 3 quo



## DE ASTROLABO

Cōmoditas  
admiranda  
huius orga-  
ni prae in-  
strumentis  
ceteris

quo facto apex styli latitudinem cometae boream  
23. parium cum triente designat. At secundum  
longitudinē incidit in. 20. gradus  $\Omega$  cum sextan-  
te propemodum, computando scilicet gradus  $\chi$ -  
diaci in aequatore, qui nunc vicem eclipticae sup-  
plet. Vides candidissime lector, quanta facilita-  
te utilissimam hanc considerationem absolueri-  
mus, quam sexcentorum ferè angulorum imagi-  
nationibus vix absoluit Apianus idq; per mul-  
tas ambages, circum vectus. Et quanquam non  
prorsus in eundem scopum conuenerimus. Ille  
siquidem cometam in. 9.  $\Omega$  cum quadrante con-  
cludit visum fuisse, nos in. 20.  $\Omega$  cum sextante,  
non oportet ob id instrumentorum perfectionem  
culpae. Sed alia est causa diuersitatis. Locus  
enim arcturi nobis acceptus est ex tabulis Co-  
pernici, illi ex Alphonso. Cuius calculus non ra-  
ro integra parte à veritate recedit. Tum verò  
neq; in horis consentimus ob eandem quoque cau-  
sam. Ille siquidē horā. 8. fuisse cū. 22. scrup. Nos  
verò ex applicatione arcturi ad circulum occide-  
tis, horā. 8. cum. 26. mi. collegimus. De distantia  
verò cometae & solis posterius loquemur Deo an-  
nuente. Nunc cauda ipsius cometes locum in  $\chi$ -  
diaco colligemus ex eiusdē Apiani obseruatione.

Cauda co-  
metes locū  
in zodiaco  
quaerit.

Altitudo, inquit, extremitatis cauda supra hori-  
zōtem erat. 20. gra. 3. mi. Circulus verticalis, vel  
ut Arabes vocant Azimuth, ab occidente ver-



sus septentrionem. 59. gra. Hora eadem scilicet. 8 cum. 26. mi. Ergo primum horizontem ad æquatoris lineam constituo, indicemq; ad concursum circuli verticalis & altitudinis obfirmo. Horizonte deinde ad latitudinem loci deducto stylus declinationem boream ostendit. 52. gra. 10. scrup. Distantiam verò à meridie. 128. gra. 30. scrup. Et quoniã ascensio recta, mediæ cœli, ut antea dictũ est, erat. 278. gra. fiet ascensio recta caudæ cometæ 149. par. 30. scrup. His ergo numeratis ab æquatore, & horizonte ad eclipticã constituto, stylum ad cõcursum ascensionis rectæ & declinationis inuentæ cõfirmo. Demum horizon ad æquatorem translatus, vnà cum cursore & brachiola efficit, ut apex styli ostendat locum caudæ cometæ in zodiaco:  $\Omega$ . 11. gra. cum semisse, cum latitudine borea. 37. par. propemodũ. Hæc igitur latius declarare placuit, propter maximã huius speculationis vtilitatẽ & incũditatẽ. Qua si vsi fuisset frequenter nostri patres, nõ haberemus tã incertos motuũ calculos. Ac mihi sanè videtur Alfonso nihil aliud prorsus defuisse quo minus omnem calculum absoluerit: nisi quòd illi quibus id negotij dabatur nõ vsi sint obseruationibus à se factis, sed potius ex Ptol. alijsq; sequẽtib; utcumq; motus diuersos adsignãtib; conati sint p medio critatis modum cõstituere veros stellarũ motus.

Cur opus  
Alphon-  
num nõ sit  
absolutum,  
sed in calcu-  
lis plurimi  
hactenus er-  
rores extite-  
rint.



## DE ASTROLABO

*Id quod & Cardanus conatus est facere in suo supplemento (ut vocat) Almanach, & in restitutione temporum & motuum. At quantum hic effecerit, eruditioribus iudicandum relinquo. Mihi sanè non satisfacit cum demonstratione careat.*

### CAPVT XLVIII.

*Quæ sit quantitas angulorum quos ecliptica efficit cum meridiano quouis momento.*

**D***iximus iam antea, eclipticam semper inæqualiter pertransire tam horizontem rectum, siue meridianum cuiuslibet loci quàm horizontem obliquum. Hunc tamen longe maiori imparitate quàm illum. Causam diximus quoque difformitatem angulorum, siue inclinationum eclipticæ cum meridiano. Istam igitur inclinationem hic docemus cognoscere, quæ ad multa utilis est ut suo ostendemus loco.*

*Inclinatio-  
nis eclipticæ  
tum ad me-  
ridianum cir-  
culum tum  
ad horizon-  
tem cogni-  
tio multum  
utilis & iu-  
cunda præser-  
tim ad eccle-  
siarum domuum  
constitutio-  
nem.*

*Nam ex cognitione talium angulorum multa colliguntur utilia & scitu iucunda. Scire verò oportet quatuor semper effici angulos quotiescunque duo circuli maiores sese interfecant in puncto, atque è diametro. 4. alios prioribus æquales prorsus constituuntur. Sunt autem. 4. tales anguli aut recti omnes, aut. 4. rectis pares.*

*Duo*



Duo quoque anguli circa idem punctum intersectionis oppositi aequales perpetuo existunt. Quare vno cognito, omnes noti sunt. Cognitum siquidem duplantes, & summam ex. 60. gradibus, qui 4. rectos metiuntur, subtrahentes habebimus duos reliquos quorum medietas vnum ostendit angulum ex duobus oppositis reliquis. In nostro autem proposito cum Cancer est in Meridiano omnes. 4. anguli efficiuntur recti. Cum vero Aries vel Libra: tunc duo minores semper aequales sunt singuli excessui quadrantis supra maximam solis declinationem, reliqui vero facile, duplata illa quantitate atque summa ex. 60. sublata, cognoscuntur. Scire quoque oportet partes Eclipticae equaliter ab altero punctorum Aequinoctialium pari interstitio dissidentes, pares quoque efficere cum meridiano inclinationum angulos, sed in diuersas coeli partes. Nos in proposito duos minores docebimus primum inuenire angulos. In primis igitur per. 15. caput addiscas gradum Medij coeli hoc est Eclipticae partem in qua contingentem Meridiani cum Ecliptica intersectionem placet per angulorum quantitatem cognoscere, & quantum hac à puncto Aequinoctij proximi absit considera. Similem igitur distantiam numera in circulo arctico à puncto eius ex contactu meridiani cum eodem circulo facto. Nam ibi necesse est po-

Anguli eclipticae cum merid. 4.

Canones huius artis.

Praxis ad inueniendos primum angulos minores.

K 5 lum



# DE ASTROLABO

lum zodiaci collocari quando  $\vee$  vel  $\Delta$  in meridiano consistit. Apposita deinde regula Horizontis ad tale punctum in circulo verticali notatum, ostendit angulum quasitum minorem numerando ab equatore versus Polos mundi in limbo.

**Exemplum**

bo. Exempli gratia: Quero quantitatem. 4. angulorum quos facit ecliptica cum meridiano initio decimi gradus Tauri, siue in fine noni. Distantia huius puncti ab Equinoctio proximo scilicet ab  $\vee$  est. 39. graduum igitur in circulo Arctico à sinistris versus dextram ab extremo Meridiano faciens initium numero. 39. gradus, & applicata regula Horizontis ostendit. 71. part.

**Inuentio angulorum maiorum.**

cum triente. Hæc est quantitas duorum minorum angulorum. Hunc dupla, fiunt. 142. cum besse, siue. 142. partes. 40. mi. Hanc summam detraxe ex. 360. relinquuntur. 217. part. 20. scrup. ambo maiores anguli simul, unde singuli. 108. part. 40. mi. Quoniam verò etiam quilibet duo anguli hinc inde ab utraque circuli parte, duobus rectis sunt æquales, ut in rectilineis angulis

**Utriusque maioris anguli aliud explorandi compendium.**

quoque, poteras minorem angulum scilicet. 71. partes. 20. scrupul. à duobus rectis, hoc est. 180. partibus subtrahere, & restaret eadem quantitas maioris anguli. 108. part. 40. scrup.

**CAPUT**



## CAPVT XLIX.

Quo pacto idem alia via  
addiscatur.

**V**T omnibus cōspicua euadat huius astro-  
labi fecunditas vsus & copia ingens ad-  
inuentionum, placuit idem problema, alia  
atque alia via absoluerē. Accipe igitur distan-  
tiam puncti eclipticæ, de quo quæstio est, ab æqui-  
noctio proximo, eam numerā in regula horizon-  
tis à centro extrorsum, accipe quoq; ascensionem  
rectam correspondentem distantia iam acceptæ  
tanquam si ab Arietis initio distaret & moue re-  
gulam horizontālē quousq; distantia puncti pro-  
positi ab æquinoctiali puncto, in regula notata,  
cadat exactē inter parallelos in numerū ascen-  
sionis rectæ inuentū. Hoc ubi effeceris, ipsa regu-  
la in limbo ostendet angulū minorē ut in præce-  
denti capite diximus, ab æquatore numerādo ver-  
sus Polos. Vt in cap. 47. inueneramus tēpore cō-  
syderationis de Cometa factæ in meridiano cōsti-  
tisse Capricorni. 6. gra. cū. 20. ferē scrū. Distātia  
ab arietis initio siue à proximo æquinoctio est. 82.  
gra. 40. mi. Ascēsiō recta rātæ remotiōis ab æqui-  
noctio, est partiū. 81. cum besse ferē, igitur in hori-  
zontali regula à cētro numero. 82. par. cū. 40. scrū.  
locūq; noto, aut Cursorē affigo. Deinde verto re-  
gulam quousq; punctum notatū inter parallelos  
incidat

Exemplum



# DE ASTROLABO

incidat ad numerum Ascensionis recte scilicet  
81 partium cum. 40. ferè scrupulis. Tum regula  
comprehendit. 86. gradus cum triente aut paulò  
plus qui quantitatem anguli minoris continent.  
Tertio potest inueniri hic angulus quæredo per  
6. caput declinationem puncti Eclipticæ. Hanc  
numera in solis in regula horizontis, facto initio  
ab extremitate regulæ, ac procedendo versus cen-  
trum. Deinde quoq; solis declinatio quæatur,  
quæ nunc est. 23. partium. 28 scrup. hæc nume-  
retur à Polo in limbo versus æquatorem. Moue  
deinde regulam quousque punctus declinationis  
partis zodiaci perducatur ad parallelum prius  
in limbo notatum, tum rursus regula horizon-  
tis angulum quæsitum demonstrat. Vt in priore  
exemplo, Quærebatur angulus Meridiani &  
Eclipticæ circa finem noni gradus Tauri. Hu-  
ius ergo declinatio inuenietur. 14. partium. 32.  
mi. Maxima solis declinatio est. 23. partium. 28.  
mi. ut diximus. Quærantur ergo. 14. partes. 32.  
scrup. in regula horizontis ab extremitate ver-  
sus centrum numerando, In limbo verò numerè-  
tur. 23. partes cum. 28. scrup. & moueatur regu-  
la, quousq; punctus in regula notatus incidat in  
parallelum in limbo notatum qui in proposito  
est circulus Arcticus, sic rursus angulum quæ-  
situm. 71. partium cum triente deprehendemus.

Ita

Tertius mo-  
dus eiusdē  
proposito:  
nis instru-  
enda.

Exemplum

Declinatio  
solis maxi-  
ma.



In his verò modis semper illud observandum, ut punctus in regula notatus plus distet à centro, quàm parallelus propositus ab Aequatore. Quamquam possit aliquando ex contrariò elici veritas, non est hoc perpetuum.

Cautio generalis.

## CAPVT L.

Quis sit gradus zodiaci exoriens, vel quis sit Horoscopus quouis assignato tempore.

**S** Tellarum vires ut pro singularum stellarum speculanti natura euariant, ita pro sui celi alio atq; alio accipiunt potestatis suae augmenta vel detrimēta. Id quod in luminibus primum apparet. Mutationes enim tempestatum quotidianarum sole exoriente vel occidente vel ad Meridianum pertingente maxime vel cieri vel sisti videmus. Sic & Lunae motu per eadem quatuor loca sentimus & maris aestus recessusq; infallibili ordine administrari, & magnas quaeque subinde tempestates excitari. Ac si quispiam animum diligenter intendat, notabit similia stellarum illustrium exortu decubituq; produci, id quod Ptolomaeus cognitum habens, docuit stellarum accessus ad loca haec quatuor mundi praecipua, maxime cum sole, ut in cap. 29. docuimus. Et quoniam in istis quatuor locis stellae praecipuas maximeq; perceptibiles exerunt vires, vocantur

Aëris ac tempestatum metamorphoses causa est celi situs & stellarum habitudo ad praecipuos cardines.



## DE ASTROLABO

cantur hæc loca cardines à veteribus, & à neotericis Anguli & Cuspides suntq; ut diximus quatuor à Græcis centra dicta. De quibus eleganter Manilius ait:

Ergo age noscendis animum compone sagacem  
Cardinibus, qui per mundum sunt quattuor  
omnes

Dispositi semper, mutantq; volantia signa.  
Vnus ab exortu cæli nascentis in orbem,  
Qua primum terras æquali limite creuit,  
Alter ab aduersa respondens ætheris ora,  
Vnde fugit mundus, præcepsque in tartara tendit.

Tertius excelsi signat vestigia cæli  
Quo defessus equis Phæbus subsistit habenis.  
Declinatq; diem, mediasq; examinat undas.  
Ima tenet quartus fundato nobilis orbe  
In quo principium est reditus finisq; cadendi  
Syderibus pariterq; occasus cernit & ortus  
Hæc loca præcipuas vires, summosq; per artem  
Fatorum effectus referunt, quod totus in illis  
Nitetur æthereis veluti compagibus orbis.

Atque alia multa ibi Manilius graphice describit, inter alia verò de cardinum diuersis viribus. Nam etsi singuli cardines potestatem habeant insignem, est tamen inter ipsos diuersitas cum in virium magnitudine tum in significato-  
rum



rum genere. Quod manifeste docet Ptolomæus libro. 3. iudiciorum astrologicorum his ferè verbis προκερινομένων ἢ ἐν τούτοις εἰς δύναμι τῶν ἐπι κερατήσεων, πρῶτον μὲν τῆς κατὰ τὸ ὑπὲρ γῆρ μεσουρανήματος, εἰτὰ τῶν κατὰ τὴν ἀνατολήν, εἰτὰ τῶν κατὰ τὴν ἐπαναφορὰν τοῦ μεσουρανήματος εἰτὰ τῶν κατὰ τὸ δύσιον, & sic de reliquis, ubi sanè quo ad potentiam & virium magnitudinem præfert omnibus locis cæli culmen secundo loco numerat ortum, huic subnectit locum succedentem culmini, sequitur inde occasus. Atque hæc quidem ad virium magnitudinem spectant. Genere autem significatorum sic differunt, ut vita ab ortu, Mors ab occasu denotetur, & à culmine gloria honor ac potestatis magnitudo. Verū hæc præter institutum nunc agimus, ut videant studiosi utilitatem horum cardinum.

Iam verò reuertentes ad propositum dicamus de Horoscopo siue de gradu ascendente. Hic est gradus zodiaci supra finitorem emergens, initio rei cuiuspiam & maxime in genesi hominis.

Huius inuentio facilima est in Horizontali Catholico, quod præcipue hanc ob causam adiunximus nostro Astrolabo. Collocetur enim locus solis diei propositæ ad horam datam vel inuentam ponendo Dioptram in Reti ad locum Solis & ambo simul ducendo

quo-

Qui cardines ad syderū influxus sibi plus iuris ac potestatis vendicent.

Cardinum generalia portenta.

Horoscopus quid sit eiusque inuentio.



# DE ASTROLABO

Occasus.

Cæli medi-  
um atq; imū  
in genituris

Exemplum  
in Cæli re-  
gis inuitat.  
Philippi ac  
principis  
notari.

quousq; Dioptra ad horam datā perueniat, mox  
enim, inter horizontes ab ortu si tuum quæsiue-  
ris horizontem, is in zodiaco ostēdit partem As-  
cendentem siue Horoscopum, in occidentali ve-  
rò parte videbis occidentem gradum qui etiam  
per oppositum Horoscopi cognoscitur. In linea  
quoq; horæ. 12. cernes cæli Medium & imū quoq;  
cæli, vt in. 35. cap. docuimus. Atq; hoc modo bre-  
ui compendio habes signiferi partes in quatuor  
Cardinibus consti-utas, à quibus in iudiciis ma-  
ximorum effectuum significationes petuntur. In  
cuius rei declarationem assumamus rursus tem-  
pus geneseos maximī potētissimiq; principis Hi-  
spaniarum & Angliæ Philippi. Hic vt accepi-  
mus natus est sub latitudine. 40. graduum pro-  
pemodum An. 1527. Maij die. 21. hora quarta  
pomeridiana cum quadrāte, sol erat in nono Ge-  
minorum gradu. His cognitis in Horizontali  
posterioris partis Dioptram colloco ad horā na-  
talem nempe quartam cum quadrante à parte  
occidentis. Dioptra manente Rete circumduco  
quousque solis locus diametrali lineæ Dioptræ  
subiiciatur. Tunc inter horizontes orientales  
inquiero horizontem. 40. graduum, is in zodiaco  
transit per. 2. cum semisse ferè gradus scorpionis.  
Atque hic est quem quærimus Horoscopus  
principis. Opposita verò eius in signifero pars  
Tauri



Tauri. 2. cum semisse, est occasus, siue cuspis septima domus.

## CAPVT LI.

Quo pacto eundem Horoscopum alia via ex Generali astrolabo parteque præcipua eius, liceat inuenire.

**O**lim cum Louanij auditoribus aliquot nostris familiaribus traderem rudimenta Astronomiæ ac Geometriæ, exposui quoque usum Planisphærij parallelogrammi. Cuius usum structuramque eleganter sanè descripsit D. Ioannes de Rojas. Verum quia tum primū huiusmodi usus nobis venerat in mentem, multa (vt fieri solet in exordiis rerum) obscura, minusque expedita nobis sunt relictæ. Inter quæ præcipuum erat artificium de Horoscopo inuestigando, ac reliquarum quoque domorum distinctio. Erat quidem ratio aliqua nobis inuēta, sed certè intricata, difficilis, longa & morosa, quàm luculenter idem Rojas tradidit. At postea fauente Deo longe breuior ac exactior ratio subiit in mentem, quàm breuissimis verbis in studiosorum gratiam trademus. Quærat in primis locus solis, latitudo loci, & ex hora data gradus Medij Cæli. Præterea quātiuas anguli quem efficit eclipctica cū meridiano eodē momēto, ex cap. 48. de-

Ratio erigē  
di schema-  
tis cælesti  
hactenus in-  
tricatior &  
minus com-  
moda,

Hypotheses

L mum



Praxis.

num quanta sit altitudo gradus Medij cœli, ex cap. 37. His instructi munimētis facile rem expediemus. Primum ergo gradus altitudinis partis cœlum Mediantis per cap. 37. inuētos numerabimus in exteriorē Astrolabi Meridiano à polo versus Equatorem. Illuc verò dirigemus horizontem mobilem fixumq; ad tempus seruabimus. Hinc in Equatore ab exteriorē Meridiano introrsum quantitatem anguli per cap. 48. inuenti computabimus. Ab hoc loco producētes circulum horarium vsq; ad Horizontis contactum, notabimus gradus qui sunt ab eodem contactu vsq; ad polū proximū. Nā illi sunt gradus qui sunt in zodiaco à gradu medio cœli prius inuento vsq; ad proximū horizontē. Vbi sanē diligenter notandū, propter magnā zodiaci obliquitatem gradū cœli Medij nō semper mediū esse inter Horoscopum siue gradū Ascendentem & inter gradū occasus, verū istud contingere tantum cum ☿ & ♀ Meridianū obtinent, interim verò aliis temporibus gradus Medij cœli propior est orienti, interim occidenti zodiaci parti, itaq; tunc zodiaci superior pars quæ semicirculū semper implet, à meridiano in duas partes inæquales secatur, quarū minorē semper doctrina huius capituli ostendit, Hæc autem pars minor aliquando accidit in orientali parte zodiaci aliquando

Gradus medij cœli nō semper æqualiter ab ortu & occasu distans est.



in occidentali parte. Ideoq; cū in occidentali parte  
 cadit subducuntur gradus huius partis zodiaci, à  
 gradibus M. Caeli, sic colligitur gradus occidens.  
 Aliquādo verò cū hac pars zodiaci minor cadit  
 in orientali cœli parte, adduntur gradus illi ad gra-  
 dus Medij cœli, sic cognoscitur Horoscopus siue  
 Ascēdens. Sciemus verò vtra in parte cadat mi-  
 nor eclipticæ portio ex Cæcri situ. Si enim ☿ fue-  
 rit in parte cœli orientali, erit minor zodiaci pars  
 in cōtraria parte, & tūc gradus inuēti per hanc  
 doctrinā auferētur ex gradibus Me. cœli, & ha-  
 bebimus gradū occasus. Sic si ☿ fuerit in parte  
 cœli occidua, erit portio illa zodiaci in orientali  
 parte, et gradus inuēti addētur cū gradibus Me.  
 cœli, & sic colligemus Horoscopi partes. At hāc  
 rā præclarā certāq; rationē declaremus exēplo ali-  
 quo necesse est. Assumamus itaq; præcedētis capi-  
 tū propositū exemplū, locus solis erat. 9. gemi. la-  
 titudo loci. 40. gra. Mediū cœli leonis. 9. Huius  
 altitudo meridiana ex cap. 37. colligitur par. 68.  
 cū. 2. ferè scrup. Angulus verò meridiani & ecli-  
 pticæ illic est. 74. par. 40. ferè scrup. vt ex cap. 48  
 videre est. Numerabimus igitur in extremo me-  
 ridiano à Polo versus æquatorē. 68. par. 2. scrup.  
 quibus horizontē applicabimus. Deinde in æqua-  
 toris linea. 74. par. numerabimus cū. 40. scrup.  
 idq; à circumferentia versus centrū, ab hoc loco per

An minor  
 eclipticæ  
 portio sit  
 in occidua  
 an in orien-  
 tali parte.

Exemplum

L 2      circū



## DE ASTROLABO

circulum horarium euntes ad horizontis lineæ contactum, videbimus ab hoc contactu horizontis vsq; ad Polum proximum gradus zodiaci qui intercidunt inter medium cæli & inter gradum orientis in nostro proposito, qui sunt paulò plus 83. par. cum semisse. Hoc igitur est interstitium inter cæli culmen & Horoscopum, & quoniam signum Cancræ consistit in Occidua cæli parte, sunt hi gradus adiiciendi cum gradibus. 9. Qui in M. C. consistunt, sic igitur procedentes secundum signorum seriem, incidet numeratio in M. 2. gra. cum semisse fermè, ut in præcedenti quoq; capite diximus. Ecce quàm certa, expeditaq; ratione ad Horoscopi notiã perducti sumus duobus modis, quorum ille quidem facilius paulò est, hic verò artificium habet maius ex triangulorum sphericorum rationibus diductum.

## CAPVT LII.

De. 12. domiciliis siue locis, & quid sit circulus positionis.

**V**eneranda vetustas considerans non solum quatuor hos mûdi cardines dare stellis magnam virium aut accessionem aut remissionem, sed esse præterea alia quædam loca unde stellis mira significationis accederet mutatio nûc in commodû nunc in dispendium variarum



rum rerum, longa tandem indagatione depre-  
hendi duodecim insignia esse statuenda loca quæ do-  
mos nos appellamus siue domicilia, Firmicus sta-  
tiones vocat et loca, sex scilicet finitorem sex in-  
fra. Inter hæc verò præcipua sunt quatuor mun-  
di cardines iam dicti à nobis in præcedentibus.  
Nam sicuti in cælo nō solum à quatuor cardini-  
bus, duobus inquam æquinotius totidemq; solsti-  
tiis temporum mutationes accipiuntur, sed & à  
reliquis duodecim etiam petuntur signis zodiaci.  
Ita quoq; in mundi locis distinguendis faciendū  
ratio cogere videtur, & attestatur experientia.  
Verum ut in quatuor cardinibus omnes (quot-  
quot ego quidem vidi) probe consentiunt, ita in  
reliquis domiciliis non levis accidit controuersia  
& difficultas non quidem in ordine statuendo  
vel de nomenclatura digladiando, quæ quidem  
& si varia sit, propter varia cum idiomatica, tum  
locorum significata, eodem tamen omnia ten-  
dunt. In ordine verò sic consentiunt, ut prima  
domus incipiat ab Horoscopo siue à signo exo-  
riente, habeatq; longitudinem. 25. partium dein-  
ceps una cum. 5. partibus Eclipticæ præcedenti-  
bus ut Ptolomæus voluit, ita ut tota domus  
30. partes contineat, & sic per ordinem zodiaci  
incedamus ad orbis complementum, quorum no-  
mina sic habent.

Domicilio-  
rum ordo à  
signo exo-  
riente secun-  
dum signo-  
rum succes-  
sionem pro-  
cedit.



# DE ASTROLABO

Ordo	Nomenclaturæ variæ.			Significata.
I	Cardo Orientis	ὀριζων	ἀνατολὴ Ascendens	Vita
II	Succedens primæ	ἀναφορὰ	Inferna porta	Spes Lucrum
III	Cadens	δέα	Dea	Fratres
III	Cardo imi celi	ὑπόγειον	Angulus terre Imum celi	Parentes
V	Succedens	ἀγαθὴ τύχη	Bona fortuna	Filiis Libert
VI	Cadens	κακὴ τύχη	Mala fortuna	Valetudo
VII	Cardo occiden.	ἡλίου	Occasus	Coniunx
VIII	Succedens	ἐπιπαραφορὰ	Superna porta	Mors
IX	Cadens	θεός	Deus	Religio
X	Cardo medii col.	μεσογᾶνῆς	Medium celi	Regnum
XI	Succedens	ἀγαθὸς αἰμίωρ	Bonus demon	Benefactor
XII.	Cadens	κακοδαίμων	Malus demon	Carcer.



De duodecim igitur locis mundi, eorumq; nominibus & potestatibus veterum observatio sic habet in quibus ut dixi controuersia non est aliqua. Omnes siquidem eodem ordine ab Horizōte ortiuo exorsi per inferius hemisphærium progressi ad occiduū cardinē hinc per mediū cœli ad ortū vsq; numerātes duodecim domicilia constituūt. Verū in particulari domorū distinctiōe nō parū dissentiunt auctores. Quidā enim ab Horoscopo exorsi totū zodiacū ex ordine in .12. æquales dissecāt partes, perq; has sectiones ex polis zodiaci sex circulos ducentes duodecim mūdi partes intelligūt quas domicilia vocāt. His cōtingit domos quidē omnes constitui æquales omnifariā, sed multe stellæ supra finitorē eleuatae incidūt in primā domum, quod videtur cōtra domicilij primæ rationē, cuius initiū est horizon. Horū tamen opinioni videtur cōsentire Ptolomæi sententia tertio iudiciorū Astrologicorū libro, vbi quodlibet signū. 30. gradus cōtinere dicit & vndecimā domū sexangula cōfiguratione cū Horoscopo cōsistere: nonam verò triangula. Alij verò non zodiacum sed ipsum Equinoctialem in .12. partes distribuunt, circulos verò sex per has sectiones euntes nonnulli per polos mundi ducunt, ut ferè Alkabitius & Ioānes de Saxonia, quanquā hi nō totū æquatorē in æquas partes secēt, sed arcū

In domorū particulari distinctiōne multa controuersia.

Ptolomæi opinio in τριγωνα βλίου.

Alkabitius & Ioānes de Saxonia.

L 4 diu-



# DE ASTROLABO

Incommo-  
dum utrius-  
que opinio-  
nis.

Ioannis Re-  
giomonta-  
ni sententia.

Quartus  
modus Cam-  
pani & Ga-  
suli.

diurnum Horoscopi in. 6. Similiterq; nocturnū  
in. 6. Itaque Ariete vel Libra exoriente hic est  
illorum modus tantum sed & istis idem incom-  
modum accidit, nempe ut stellæ supra finitorem  
elata dicantur in prima domo esse & alia quæ  
submersæ sunt consistant in septima domo quæ sa-  
nè domiciliorum primæ distinctioni repugnare  
videntur. Alij verò quorum dux auctorq; pri-  
mus est Ioannes de Regiomonte Equinoctia-  
lem diuidentes in. 12. æquas partes ut diximus  
sex circulos domorum distinctores per duas in-  
tersectiones Horizontis & Meridiani ducunt.  
Qui ut Equatorem æqualiter secant, ita in ecli-  
ptica, adeoq; toto mundo domicilia inæqualia ef-  
ficiunt, præterquam sub Equinoctiali habitan-  
tibus. Hunc modum vocat rationalem, quum  
iisdem circulis utatur quibus præcipui quatuor  
cardines constituuntur, & in punctis iisdem  
concurrant circuli in quibus illi duo principes  
circuli. Hi ergo qui hanc sequuntur rationem,  
ad illud Ptolomæi de. 30. partibus unicuique  
signorum tribuendis, intelligi aiunt Equato-  
ris partes. Similiter configurationes trigonas  
quadratas aliasq; reliquas in Equatore intel-  
ligunt æquæ atque in zodiaco. Quartum modum  
statuit Campanus insignis Mathematicus.  
Hic circulum orientis & occidentis per ver-  
ticis



ticis punctum transeuntem in duodecim æquas partes distinguens domorum circulos per has sectiones & intersectiones horisontis & meridiani describit, qui sanè vt totum mundum in partes dimetiuntur æquales. Eclipticam tamen (vt & præcedens modus efficit) imparibus dissecant segmentis. Circulos verò hos vel semicirculos, quorum .12. totam distributionem absoluunt, vocant positionum circulos. Nam vt. 12. illi semicirculi domiciliorum distinctores singuli suum ipsius domicilij in mundo declarant: ita per quamlibet stellam cæli ve punctum similem semicirculam duci intelligunt, qui illius puncti dicitur circulus positionis. Oportet autem talem circulum duci per concursum omnium circulorum domicilia distinguendum. Est ergo circulus positionis, secundum Ioannem de Regio monte quem nunc omnes ferè non sine ratione sequuntur, circulus per duas meridiani & horisontis intersectiones procedens perq; punctum cæli quoduis assignatū, exempli gratia per eclipticæ aliquā partem aut per stellam siue fixam siue erraticam. Qui verò per alia puncta circulos domorum ducunt quàm per meridiani horisontisq; concursus, illis etiam circulus positionis aliter definiendus. In hac non leui controuersia fortasse studiosi meam expectabunt sententiam. Verum agnosco tenuitatem

Positionū  
circuli iux-  
ta campanū  
qui sint.

Positionū  
circulus iux-  
ta Regio  
mont. quē  
sequitur au-  
thor.

L 5      mea



## DE ASTROLABO

mea eruditionis & quàm sit mihi curta supellex  
 Video ego maximos hic herere viros Ioannes  
 Schonerus cum vsq; in senectam vsus esset insti-  
 tuto Regiomontani tandem quorundam neoteria-  
 corum sententia motus prætulit primam ratio-  
 nem quæ Zodiacum in æquas distribuit partes,  
 quæ videtur & Ptolomæi esse & Firmici alio-  
 rumq; veterum auctorum. Hieronymus Carda-  
 nus vir magnæ eruditionis ingeniiq; profundis-  
 simi in prioribus operibus, quorum primus est  
 de supplemento Almanach: ex professo laudat  
 primam rationem, ac deinde. 100. genituras eo  
 modo distinctas proponit, & apotelesmata pro-  
 mit. At in Commentariis in Ptolomæum quæ  
 nunc postremo in lucem edidit, prorsus Ioanem  
 de Regiomonte sequitur, ac secundum eam ratio-  
 nem geneses insignes proponit, & diiudicat for-  
 tasse vsu ipso & acriori iudicio per ætatem ac-  
 crescere edoctus. Vnde Cyprianus Leonitius qui  
 nunc positionum tabulas multis modis auxit in-  
 quit. Hæc autem doctrina (loquitur de Regio-  
 montani modo) de constitutione cælestis figuræ  
 exposita, & si verissima est, ac firmissimis argu-  
 mentis stabilita, impugnatur tamen hodie, & vo-  
 catur in quæstionē acerbissime. Sunt enim qui ea  
 repudiata modū erigendi cælestem figurā per gra-  
 dus Zodiaci æquales sequantur. In cuius rei defen-  
 sionem



sionem vruntur multis argumentis quæ hic sigil  
 latim enumerare nimis longū foret. Sed ea quæ  
 sint firma, & veritati cōsentanea, aliorū esto iu  
 diciū. Ego sanè imbutus illorum opinione, per  
 plures annos obseruauī æquandarū domorum ra  
 tionem in diiudicandis natiuitatum casibus, quæ  
 me (vt verum fatear) toties est frustrata, vt nō  
 quidē ipsam artem, quæ suis fundamētis nititur  
 aspernandā putarem, (id enim temeritatis fue  
 rit) sed multū interesse censerē, quorū auctorita  
 tem in hoc genere sequerer. Innumeris enim exē  
 plis ipsa experiētia certissima magistra edoctus,  
 probare possū Regiomōtani de cōstituēda figura  
 cœlesti sententiā veriorē esse altera. Nec hoc exē  
 plari duntaxat demōstratione, sed euidentissimis  
 etiā argumētis declarabitur, cū deo vclente opus  
 Astrologicum emittemus, vbi planius ista oīa à  
 nobis disputabūtur, & clarius ob oculos ponētur.  
 Interim qd ego sentiā studiosos celare nolui. Ha  
 ænus Leouitiū. Quid igitur hic dicā nō habeo.  
 Ratiōes video difficiles. Auctores in re ipsa pu  
 gnātes & cōtraria seu pugnātia sequentes, quorū  
 etiā auctoritas nō leuis est pōderis. Tantū illud  
 ausim pronuntiare, probari mihi magis rationē  
 Ioannis Regiomontani viri pspicacissimi, quæ  
 phycas habeat rationes probabiliore & longa  
 magis experientia comprobata, quanquam  
 mihi

Leouitiū ex  
 perientia &  
 lōgus vsus  
 Regiomō  
 tani censu  
 rā cōfirmat

Authoris  
 sententia.



## DE ASTROLABO

Firmici opi-  
nio nō pla-  
nē futilis.

mihi & alter modus partibus zodiaci equali-  
bus utens, quem omnino Firmicus sequitur, nō  
videatur prorsus negligendus: ex quo etiā mul-  
torum euentuum significationes accipiūtur, pro-  
pter configurationum harum partium cum ho-  
roscopo vires experientia ipsa notas. In illo enim  
modo stellarum vires magis iudicamus, cum sta-  
tiones has cum illis conferimus. In isto autem,  
configurationū significationes observamus. At-  
qui sequatur quisque quam probauerit rationē.  
Nos omnium votis nostro Astrolabo satisfac-  
ciemus.

### CAPVT LIII.

Quis sit circulus positionis cuiuslibet  
puncti dati, & quantum polus  
mundi supra talem circulum  
eleuetur, pro modo Ioan-  
nis de Regiomonte  
& campani.

Vsus circuli  
positionis.

Circuli po-  
sitionū qui  
sint.

**Q**uid sit circulus positionis seu si cum Fir-  
mico loqui placet circulus stationis, an-  
tea dictum est. Absq; his circulis neque  
domicilia distinguere, neq; directiones (opus præ-  
cipuum Astrologiæ iudiciariæ) perficere possu-  
mus. Sunt autem hi semicirculi, quasi horizon-  
tes quidā supra quos punctus propositus vel stel-  
la exoritur. Et reuera quilibet talium circulorū  
aliquem



aliquem in mundo horizontē refert. Huius igitur quærimus latitudinem, siue quantum polus mundi supra talem horizontem emineat. Sicq̃ per rationem sphericam gradus eclipticæ in quibus illorum consistentes quæremus ac clarissimè cognoscemus. Generalis autem modus hic est. Scopus.

Puncti dati declinationem accipiemus, eiusq̃ distantiam à meridie in horis ex præcedentibus capitibus. Deinde in generali astrolabi facie in parallelo declinationis datæ seu inuentæ, distantia à meridie per circulos horarios numerabimus. Hypotheses

Horizontem verò ad latitudinem propositam statuemus & cursorem cum brachiolo sic aptabimus, ut apex brachioli concursus distat à meridie cum parallelo declinationis exactissimè attingat, ac firmato cursore brachioloq̃, horizontem ad axis lineam traducemus. Praxis.

Hæc enim linea nunc horizontis propositæ regionis vicem præbet. Circuli verò horarij circuli sunt positionum diuidentes circuli orientis quadrantem in 90. partes. Igitur sic constitutis rebus, apex brachioli circulum positionis ostendet pro puncto dato, hoc est per quem gradum circuli orientis ab horizonte numerando, vel à meridiano transeat circulus positionis, qui idem & per punctum datum & per duas meridiani & finitoris sectiones ducitur. Et sunt hi circuli (ut diximus) horizontes quidam



## DE ASTROLABO

Quantum  
polus mun-  
di emineat  
supra stati-  
onis circu-  
lum.

Campani  
cum Re-  
giomon-  
tano con-  
cordia.

quidam qui à proposito regionis horizonte incli-  
nantur versus meridianum eiusdem loci secun-  
dum gradus iamiam inuentos. Numerantur hi  
gradus in æquatoris linea à centro versus exte-  
riorem meridianum. Quantum verò polus mun-  
di exaltetur supra talem circulum stationis seu  
positionis, sic colligemus. In ipso circulo positio-  
nis iam inuento, à polo deorsum numeretur lati-  
tudo regionis, eiq; horizō applicetur. Mox enim  
gradus horizontis qui sunt ab extremo meridia-  
no ad cōtactum circuli stationis, eleuationem po-  
li quæsitam ostendent. Hæc autem ratio commu-  
nis est Regiomontano & Campano. Quñ enim  
vterq; suos circulos stationum ducat per ambas  
horizontis & meridiani intersectiones, non po-  
test vnius puncti nisi vnus circulus magnus ex-  
istere. Quare mihi hoc instrumētum superare vi-  
detur omnes tabulas seu canones positionum, ex  
quo tam facile ad omnes mūdi inclinationes pro-  
quocunq; puncto stationis circulus, eiusq; depres-  
sio sub polo mundi addiscitur, si non ad singula  
scrupula saltem ad sextantes vel vncias par-  
tium, quod satis mihi videtur in re non prorsus  
explorata, vbi non de scrupulis aut sextantibus,  
sed de multis etiam partibus cōtrouersia agitur.  
Atqui vt hæc doctrina clarior existat propona-  
mus exemplum iam sæpius repetitum, genesim  
inquam



Inquam Principis nostri. In hac genesi sors seu  
pars fortune, quam Ptol. τὸν κληροῦ τῆς τύχης  
appellat, incidit in Cancr. 20. partes cum semis  
se. Placet circulum stationis eius cognoscere, &  
quantum polus mundi supra illum extet. Declina-  
tio huius loci est. 22. partium cum quincunce,  
hoc est. 25. scrupulis borea. Distantia verò à me-  
ridie. 19. partium siue vnius horæ, & 16. scrup.  
versus occasum. Latitudo loci vt sapius dixi  
40. partium est. Igitur in generali facie hori-  
zontem ad latitudinem. 40. graduum colloco, nu-  
merando scilicet à polo. 40. gradus sinistrorsum  
versus equatorem, terminoq; applicando horizon-  
talem regulam. Deinde in parallelo boreo. 22.  
partium cum semisse dinumero distantiam à me-  
ridie, quæ erat. 19. partium. Ad hunc locum ob-  
firmo stylum cursoris. Post hæc transfero hori-  
zontem ad axis lineam, quo facto apex styli mi-  
hi indicat inter circulos horarios stationis circu-  
lum, nempe. 18. cum. 12. scrup. Hoc est circu-  
lus positionis puncti propositi in cælo ductus per  
concursum horizontis & meridiani, & per pun-  
ctum propositum transiens distat à meridiano  
18. partibus cum. 12. scrupulis. Nam gradus il-  
li quos in Equatore numeramus in circu-  
lo orientis intelliguntur. Quantum verò su-  
pra hunc circulū polus sit eleuatus facile colligo.



## DE ASTROLABO

In eodem nanque circulo à polo versus æquinoctialem per parallelorum sectiones, computo latitudinem loci nempe. 40. gradus. Vel in ipso parallelo latitudinis à polo numeratæ, computo distantiam circuli inuenti à meridiano scilicet. 18. partes cum. 12. scrup. Huic loco adiungo horizontem & numero partes horizontis à meridiano vsque ad locum dictum in parallelo latitudinis. Quas quidem video esse. 11. cum. 35. fere scrupulis. Atque hæc est poli eleuatio supra circulum positionis aut stationis partis fortunæ. Consueuerunt autem nomine huius eleuationis auctores ipsos circulos appellare. Vt si dicas: Circulus stationis sortis aut partis fortunæ in genesi hæc est. 11. part. 35. scrup. & similiter de reliquis omnibus audiendum.

Cautio in  
nominis ra-  
tione vulga-  
ta.

## CAPVT LIIII.

De reliquis mundi domiciliis octo,  
secundum Ioan. Regiomontanum.

**D**Ocuimus antea quatuor cardinum mundi exactam rationem, reliquorum vero domiciliorum distinctionem ex præcedenti doctrina ingeniosior quispiam posset intelligere. Verum habet hæc doctrina compendij aliquid quod celandum nobis non videbatur. Sciendum ergo sex circulis positionū distingui omnia domicilia.

Cōmoditas  
huius opi-  
nionis.



cilia. Hi circuli æquatorem secant in. 12. æqua-  
 les partes, quorum spaciū est. 30. graduum æqua-  
 toris. Duo autem horum sunt horizon & meridi-  
 anus, qui quatuor cardines indicant dictos. Re-  
 liquorum quatuor bini & bini hinc inde à meri-  
 diano æqualiter distant, eodemq; modo ad hori-  
 zontem inclinātur, habentq; æquales prorsus po-  
 li eleuationes qui æqualiter hinc inde à meridia-  
 no diuelluntur. Vnus præterea integer circulus  
 bina domicilia distinguit. Vt sicut meridianus  
 medium cæli & imum cæli discriminat: sic circu-  
 lus stationis proximus à meridiano versus orien-  
 tem vndecimam domum & tertiam abscindit.  
 Secundus deinde qui & horizonti proximus est,  
 duodecimam domum & secundā distinguit. Eo-  
 dem modo in occidua cæli parte duo tantum cir-  
 culi stationum quatuor domos reliquas termi-  
 nant. Præterea sciendum oppositas domos pari-  
 bus signorū oppositorū partibus numerari. Vnde  
 sex inuentis domibus habebimus oēs. 12. Quapro-  
 pter cum horoscopo & cæli culmine, si. 4. domici-  
 lia cognouerimus, nihil amplius desiderari que-  
 at ad hanc speculationem. Hæc autem noscen-  
 tur si duo circuli stationum seu positionum siue  
 denique horizontes, Duodecimæ domus qui idem  
 est secundæ, item circulus positionis vndecimæ  
 qui tertiæ domui quoque responder, sint cogniti

Canones  
huius mo-  
di.

M per



## DE ASTROLABO

**Praxis.** per suas sub polo depressiões. Quod sic fit pro Regiomontani intellectu. Regulam horizontis ob æquinoctiali sursum versus polum constitue secundum latitudinis loci gradus. Sic horizon stabit loco æquatoris quādo linea axis horizontem refert. Ego in horizonte ab exteriori meridiano incipiendo numera. 30. partes pro vndecima domo, & circulus horarius per eum locum transiens erit circulus positionis vndecimæ & tertiæ domus. Quanta verò huius sit depressio sub polo vel quantū polus supra illum extet ex præcedenti doctrina clarum erit. Hanc eleuationem annota tanquam perpetuo vsui futuram in illa regione. Similiter stante horizōte vt antea, numera. 60. gradus à meridiano in horizōte, atque circulum horarium per eum locum transeuntem nota, quantumq; polus supra illum extet inquire.

**Exemplum** Ea latitudo erit circuli positionis duodecimæ domus & secundæ. Exempli gratia in latitudine 40. partium, in qua natus dicitur Princeps Hisp. & Angliæ, cupio cognoscere circulos stationum vndecimæ & duodecimæ. Numero latitudinem loci. 40. ab æquatore sursum, ad hanc apto horizōtem. Iam per. 30. gradus horizontis incedentem circulum noto, & quantum polus supra eum extet ex præcedenti colligo doctrina, nempe. 22. partibus cum. 45. scrupulis. Item  
per



per. 60. partes horizōtis ab initio numeratas circulus horarius extans, habet polum exaltatum 36. partibus cū vna decima. Hi sunt igitur circuli stationū: Prior vndecimæ & tertiæ domus, Posterior duodecimi loci & secundi. Quando igitur horizontes habemus quatuor domorum: hac methodo eclipticæ partes expiscabimur eis respōdentes, quod sanè studium institutumq; erat nostrum. Gradus medij cœli iam dudum inuentus collocabitur ad horam sextam matutinam super linea recta, quam vocamus horizontem rectum. Deinde pro vndecima domo promoueatur gradus M. C. per. 30. gradus in limbo, hoc est collocetur ad horam octauam matutinam indicante dioptra. Hoc facto in horizonte vndecimæ domus, hoc est. 22. partium cum dodrante, videbis in reti gradū eclipticæ qui vndecimæ domus initium est, Vt in proposito exemplo. Gradu med. C. ad horam octauam matutinam constituto, video in horizonte. 22. partium cum. 45. scrup. Virginis. 12. partes cum semisse. Hi sunt initium vndecimæ domus. Iam pro duodecima domo promoueo gradū Medij Cœli per. 60. gra. hoc est ad horam decimā antemeridianā. Sic in horizonte duodecimæ domus, hoc est. 16. partium cū vna decima, video Libræ. 9. gra. cū besse propemodū. Hæ partes eclipticæ pro initio duodecimæ domus

M 2

At




## DE ASTROLABO

At collocato gradu medij cœli ad horam duodecimam apparet in horizōte graduum. 40. horoscopus nempe M. 2. gra. cum. 30. ferè scrup. Iam pro secunda domo, à meridie deinceps in limbo numero. 30. partes, & gradum medij cœli ad locum illum constituo, scilicet ad horam. 2. pomeridianam, tum in horizōte secundæ domus, qui idem est cum horizōte duodecimæ (ut diximus) nempe. 36. partium cum vna decima, video in ipso illo horizōte M. 27. partes cum besse quasi, hoc est cum duabus tertiis. Demū procedente gradu medij cœli aliis. 30. partibus, hoc est eo ad horam. 4. pomeridianam constituto, apparet in horizonte tertiæ & vndecimæ domorum, qui erat. 22. partium cum dodrante, initium Capricorni, scilicet L. 0. 30. ferè scrup. Iam igitur. 6. domicilia habemus cognita, quare reliqua opposita nota erūt, cum partes sint pares, sed oppositorū signorum. Hic igitur modus seruandus est vbiq; & in omni latitudine, acceptis inuentisve duarum domorum circulis positionum pro illa latitudine: vndecimæ inquam & duodecimæ. Estq; hic modus mirè facilis, ac longe exquisitior quàm per tabulas domorum in Ephemeridibus passim positas. Quinimo per hunc modum breui tempore conficiat quis tabulam domorum pro quauis latitudine, exactius q̃ quædā earum quæ impressæ sunt.

Exqui-

Tabulas domorum ex hoc capite cōscribi posse.





*Exquisitissime tamē hoc negotium per tabulas directionum absolui nouimus, sed quantum cum labore his qui non sunt in logistica numerorum versatissimi, relinquo studiosis per multum ocij explorandum.*

CAPVT LV.

Domiciliorū cœli distinctio pro Cam  
pani & Gazuli inuentione.

**C**Ampani inuentio illud habet plausibile,  
quod domos efficiat æquales in mūdo. Cir  
culi enī domorū æqualibus interstitiis ab  
inuicem se iunguntur, Circulum orientis in. 12.

Cōmoditas  
huius ratio  
nis.

M 3. equas



## DE ASTROLABO

*æquas partes secantes. Verum & æquinoctialem,*  
*qui primi vniuersalisq; motus mensura est, & ip-*  
*sum quoq; zodiacum imparibus secat locis: atq;*  
*ideo Regiomōtanus negligendū putat hunc mo-*  
*dum tanquam inutilem. Verum enimvero quo-*  
*niam aliquid videtur habere rationalis metho-*  
*di: placuitq; olim non paucis, nō pigebit & hunc*  
*modum edocere, vt huius organi vbertas facili-*  
*tasq; omnibus sit manifesta. In primis igitur in-*  
*uentis quatuor cardinibus, vt prius dictum est,*  
*statuatur horizon ad æquatoris situm. Mox do-*  
*morū cognosces circulos. Nā circulus horæ. 2.*  
*erit circulus vndecimæ domus & terciæ, quoniā*  
*nunc æquator vicem circuli oriētis per verticem*  
*ducti refert dum linea axis horizon est. Item cir-*  
*culus horæ. 4. pomeridianæ qui. 60. partib. abest*  
*à meridiano, circulus est duodecimæ domus & se-*  
*cundæ. Elevationes poli supra hos circulos eodē*  
*prorsus modo inuenies atq; in præcedenti capite*  
*docuimus. Sed hic amplius scire oportet punctū*  
*æquatoris per quod quilibet circulus ducitur, nā*  
*ex talibus tanq̃ ex ascensionibus obliquis cogno-*  
*scuntur partes eclipticæ per quas circuli domorū*  
*transeunt. Colligendum igitur quantum talia*  
*puncta à meridiano absunt. Quod quidem diffi-*  
*cile non est neq; molestiam habet insignē, quū duo*  
*rum circulorū notitia sufficiat vt in præcedenti*  
*quoq; artificio. Collocetur ergo regula horizontis*

Punctum  
 æquatoris  
 per qd qui-  
 libet circu-  
 lus ducitur  
 eiusq; inue-  
 tio.



secundū latitudinē loci ab æquatore numeratā.

Sic enim horizon æquatoris erit loco. Vide iam quot partes eius abscindat circulus horæ. 2. pomeridiana, qui ut diximus circulus est. 11. domus, numeratq; eas ab extremo meridiano versus centrum. Itē quot partes eiusdē horizonis abscindat circulus horæ. 4. pomeridiana. Vocatur autē hæ partes distantiæ à meridiē. His cognitis in horizon tali generali cum reti colloca gradū Me. cæli ad horā. 6. matutinā super horizonē recto, & numera illinc in limbo distantiā. 11. domus à meridiē, Mex in horizonte. 11. domus apparebit eclipticæ gradus, vndecimæ domus initiū. Itē secundū distantiam. 12. domus à meridiē promoue med. cæ. in limbo, & in circulo seu horizonē. 12. domus apparebit initiū. 12. domus. Pro secunda domo promoue me. cæ. à meridiē deinceps secundū distantiā 12. domus à meridiē, rursūq; in circulo. 11. domus cernetur initiū secundæ. Demū secundū distantiā vndecimæ à meridiē promoueatur me. cæ. à linea meridiana, & sic in circulo. 11. domus apparebit initiū tertiæ domus. Reliquæ domus p oppositiōnē cognoscētur: qua de re proponatur idē argumētum qđ in præcedēti cap. dictū est. Principio perpetuū est circulū horæ. 2. pomeridiana esse circulum stationis. 11. domus & 3. circulū verò horæ. 4. pomeridiana semp esse circulum. 12. secundāq; domus. Hoc ergo i omni latitudine verū est, sed in

Distantiæ domorū à meridiē.

8. domiciliorum distinguendorū ratio iuxta Camp.

Exemplum



# DE ASTROLABO

alia atq; alia regione plus minusve polus supra  
 hos circulos extat. Numeretur ergo à polo lati-  
 tudo regiōis propositæ in his circulis dictis & ap-  
 plicata regula horizontis ad puncta latitudinis  
 (quæ nunc est. 40. partium) deprehendemus cir-  
 culum vndecimæ domus habere polum eleuatū  
 18. partibus cum dodrante. Circulum verò duo-  
 decimæ. 34. ferè partibus, deest autem sextans.  
 Iam verò numerando latitudinem loci in extre-  
 mo meridiano à polo, ipsoq; horizonte applicato,  
 circulus vndecimæ domus abscindit in regula ho-  
 rizontis. 23. partes. 53. scrupula. Circulus verò  
 duodecimæ. 52. partes. 53. scrupula: atq; hæ sunt  
 partes æquatoris, quibus circuli à meridie ab-  
 sunt. Iam itaque ab hora sexta matutina per or-  
 dinem numero. 23. partes. 53. mi. distantiam vn-  
 decimæ à meridie in limbo & medium cæli scili-  
 cet  $\Omega$ . 8. cum semisse, admota dioptra ad finem  
 numerationis applico: tum in circulo seu hori-  
 zonte vndecimæ qui erat. 18. part. 45. scrup. vi-  
 deo in ecliptica  $\mathcal{M}$ . 6. gradum. Hæc est vndeci-  
 ma domus secundum Campani opinionem. De-  
 inde quia distantia duodecimæ domus à meri-  
 die erat. 52. part. 53. minut. numero tantundem  
 ab hora sexta, & admoueo med. cæli, tunc in hori-  
 zonte duodecimæ hoc. 34. ferè par. video ascēde-  
 re  $\mathcal{M}$  25. ferè gra. initium. s. duodecimæ domus.

Pro



Pro secunda domo numera distantiam eius à meridie, ab hora sexta pomeridiana versus meridiem antrorsum, atq; ad eum locum compone Med. cœli, tum in horizonte secundæ qui idem est cum horizonte duodecimæ scilicet. 34. ferè partium videbitur initium secundæ domus nēpe 1.5. ferè. Simili modo numera ab eadem sexta pomeridiana 24. ferè partium, distantiam undecimæ & tertiæ à meridie, mox in Horizonte undecimæ qui est. 18. part. 45. scrup. conspicietur 2.7. pro initio tertiæ domus. Quod verò ad oppositas domos attinet: eodem momento quo in oriente gradum eclipticæ pro quavis orientalium domorum accipis, etiam in occidua Horizontis parte oppositā domum inuenies. Alioqui per oppositionem facilis via est accipiendo pares numero partes oppositi signi.

Oppositarū stationū signa opposita sunt & partes æquales.

## CAPVT LVI.

De aliis modis distinguendi domos.

**S**unt præter eos quos diximus alij modi à nonnullis vsitati, sed quia circulos domorū vel in polos mundi vel zodiaci contrahunt: merito reiiciendi nobis videntur. Inter quos est modus eorum qui arcum diurnum Horoscopi in 6. partes secant, circulosq; in polis mundi connectunt. Præterea hi modi cū solis ferè ascensionibus

M 5 bus



# DE ASTROLABO

Hi modi  
quibus in-  
uitantur &  
quare fide  
vix meritā-  
tur.

bus rectis innitantur, potiusq; numeris perficiun-  
tur idq; satis facile, merito à nobis, qui organi-  
vsum explicamus prætermittendi videtur. Om-  
nium verò facilima ratio est ea quam Firmicus  
docet per zodiaci æquales portiones sectionem do-  
morum faciendam. Nam inuento horoscopo, re-  
liquæ domus pares partes per singula signa ex  
ordine continebunt, ut quia in nostro exēplo præ-  
cedenti Horoscopus primæq; domus initium est  
M. 2. Initium secundæ domus erit I. 2. Tertiæ  
Z. 2. Quartæ ~. 2. Quintæ H. 2. & eodem mo-  
do de reliquis, sed cur omnes alios modos reiiciā  
præter Regiomōtani viam facit auctoritas Pio-  
lomæi, cui merito primas in hac parte defero.

Probatur  
Regiomon-  
tani senren-  
tia ex Pro-  
lomæi au-  
toritate.

Hic manifestè tertio libro τετραβιβλου συντάξε-  
ως suam declarat mentē: dum definit quos appel-  
let similes circulos & stationem siue locum eun-  
dem vel similem ὁμοιοῦς μὲν γὰρ ἢ ὁ αὐτός (in-  
quit) τοπος ἐστίν, ὁ πλὴν ὁμοίαι καὶ ἐπὶ τὰ αὐτὰ μέ-  
ρι δέ σιν ἐχωρ, ἅμα πρὸς τε τὸν ὀρίζοντα καὶ πρὸς τὸν  
μεσημβρινόν. Τοῦτο δὲ ἐχρῖσα συμβέβηκε τοῖς ἐφ'  
ἐνός καί μιν οἷς ἡμικοκλίου τῶν γεγραμμένων διὰ τῶν  
τομῶν τοῦτε ὀρίζοντος ἢ τοῦ μεσημβρινοῦ &c. Simi-  
lis enim (inquit) & idem locus est qui & similem  
& ab eadem parte situm habet, cum ad horizon-  
tem, tum etiā ad meridianū. Hoc autem proxi-  
mè accidit his qui incidunt in unū semicirculū  
eorum



eorum qui descripti sunt per sectiones meridiani  
 & horizōtis &c. Quid enim clarius dici poterat  
 pro domorū constitutione? Nam si omnes stellæ  
 quæ in initio alicuius domus cōstitutæ sunt, in eo  
 dem similive loco rectè dicuntur cōsistere. Similis  
 verò locus est vnus ex iis semicirculis qui per se-  
 ctiones horizōtis & meridiani transeunt: non pos-  
 sunt domorū semicirculi aliqua ratione per alia  
 duci puncta quā per sectiones iā dictas. Causam  
 addit Ptolomæus, quoniam inquit hi semicirculi  
 singuli cū ad horizōntē tum ad meridianū eun-  
 dem sitū habent. Etenim, rationi consentaneū est  
 vt minus præcipuā loca proportionē seruēt ad ea  
 quæ maximi sunt momēti maximæq; dignitatis  
 cardines dico. Hi quia à circulis horizōte & me-  
 ridiano circūscribuntur: absurdū fuerit aliis ter-  
 minis reliquas domos abiectiores claudi, q̃ qui cū  
 præcipuis rationē seu proportionem certā habēt.  
 Hæc sunt quæ pro Regiomōtano adicere volui,  
 ne deinceps fluctuēt in re satis certa studiosi astro-  
 logiæ: aut ne immerito ansam habeant calum-  
 niandi honestum hoc studium aduersarij. Inte-  
 rim (vt dixi) non est adicienda in totum distin-  
 ctio domorū per zodiaci æquas partes, propter cō-  
 figurationes partiū cum ad Horoscopum tum ad  
 inuicem, ex quibus non leuia sumuntur euen-  
 tuum argumenta. Cessent quoque deinceps scioli  
 quidam,

Causa ex  
 Ptolomæo.



## DE ASTROLABO

quidam qui contēdunt Ptolomæum vsum fuisse distinctione domorum vel per zodiaci æquas portiones, vel per circulos in polos mundi concurrentes diuiso arcu Horoscopi diurno in. 6. æquas partes, aliaq<sup>ue</sup> huiusmodi commenta hominum indoctorum.

### CAPVT LVII.

In qua domo consistat stella  
la quælibet.

Canones  
propositi  
negotij.

**Q**uidam extructo iam cæli themate mox  
stellas collocant in locis suis secundum  
zodiaci partes quas occupant secundum  
lōgitudinem zodiaci, sed & hos decipi necesse est,  
cum stellæ insignem vel latitudinem ab Eclipti-  
ca obtinent vel etiam declinationem magnā ab  
Equinoctiali. At vera exactaq<sup>ue</sup> ratio est, vt stel-  
la proposita quærat<sup>ur</sup> declinatio ac distantia à  
Meridie accipiaturq<sup>ue</sup> eius circulus stationis ex  
cap. 53. Hunc conferre oportet cum circulis do-  
morum iam dictis. Verum quoniam vt diximus  
præter cardinum circulos qui sunt Horizon &  
Meridianus, reliqua domicilia quatuor habent  
circulos, quorum bini hinc inde à Meridiano  
accepti similes sunt, eādemq<sup>ue</sup> poli eleuationē ob-  
tinent, diligenter notādum an stella in cæli par-  
te oriē tali feratur an in occidentali, sic enim di-  
stinguemus de domorum vera appellatione, vt  
confi-




consistat stella quapiam in regione latitudinis  
 40. graduū in circulo stationis. 22. partium. 45.  
 scrup. Quoniā hic est circulus vndecimæ domus  
 & tertiæ. Item nonæ & quintæ nō immeritò du-  
 bitauerit quispiam in qua nam domorum collo-  
 canda sit stella proposita. Hoc ergo discernetur  
 facili artificio, si enim stella est in cæli parte oriē-  
 tali & supra horizōtem, erit necessario in vnde-  
 cima domo, sin verò sub Horizonte, in tertia do-  
 mo, diuersum, si stella constiterit in occidua cæli  
 parte, & supra Horizontem, erit in nona do-  
 mo, si inferius Hemisphærium occupauerit, in  
 quinta domo collocabitur. Ex circulo igitur sta-  
 tionis cuiuslibet stellæ, facile cognoscetur eius lo-  
 cus in themate cæli, quin & quotā partē domus  
 occupet sciemus ex gradibus æquatoris per quos  
 circulus stationis deducitur. Quemadmodum in  
 Genesi Principis nostri, didicimus ex cap. 53. cir-  
 culum stationis esse. 19. cum. 10. scrup. ipsius par-  
 tis fortunæ, in cæli parte occidua cōstitutæ. Quia  
 verò circulus nonæ domus, habet eleuationē po-  
 li. 22. partium cum. 45. scrup. Decimæ verò do-  
 mus eleuatio semper nulla est. Quoniam Me-  
 ridianus idem est cum Horizonte recto, facile  
 intelligo partem fortunæ esse in nona domo, atq;  
 à Decima decidere. Quātum verò à culmine de-  
 clinauerit versus initiū nonæ per gradus æqua-  
 toris

Exemplaris  
 institutio  
 in Princi-  
 pis Genesi.



# DE ASTROLABO

roris colligemus per quos circulus stationis incedit. Hos cognoscimus si horizontē statuamus ad latitudinem loci numeratam ab æquatore versus polum, & partes numeremus quas in regula scindit circulus positionis inuentus, sic sortis circulus abscindit. 12. par. horizontis. 40. ferè mi. Tā-  
tum scilicet abest circulus stationis à meridiano versus initiū nonæ domus, Et quoniā spaciū cuiuslibet domicilij est. 30. par. Equatoris. Igitur Pars fortunæ ab initio nonæ domus abest. 17. par. 20. mi. quales in toto spacio domus sunt triginta. Sic igitur duobus modis arguere licet sine ne duo pūcta in eodē vel simili loco stationis si scilicet circuli eorū candē habeant poli eleuationē, & in eodē hemisphærio vel superiori vel inferiori consistāt, & ambo in oriētali plaga vel in occidentali. Deinde si æquali interstitio absint à meridiano tam secundū partes æquatoris quā circuli oriētis & versus eandem partem. Atqui nō pigebit aliud exēplum doctrinæ clarioris gratia ad iungere. In eadē genesi sæpius descripta Arcturi stella clarior secundum eclipticæ partes est in  18. part. Est autē initium domus duodecimæ 9. fermè partes Libræ. Videtur ergo Arcturi stella esse in duodecima domo. Verū expendamus rē propius, stella hæc per præcedentia capita habet circulum positionis seu stationis. 36. par. 30. mi.

tan-



tantum, nēpe eleuatur polus Arcticus supra circulum stationis Arcturi in hac genesi, quæ ad latitudinem loci. 40. gra. supputata est. Deinde idē circulus Arcturi abest à circulo meridiano. 61. partibus & 15. scrupul. æquatoris, versus ortū. Domus verò duodecimæ circulus semper abest à Meridiano. 60. Equatoris partibus, & habet eleuatum polum. 36. partibus. Ecce utroque modo concorditer collegimus Arcturi locum in mūdo esse in initio duodecimæ domus distat enim à Meridiano paulò plus quàm circulus duodecimi loci, habetq; polum etiam magis sublimem quàm idem circulus duodecimæ. Illud enim scire oportet circulum decimæ domus, hoc est Meridianū, nullā habere poli eleuationem sed utrunque in se continere. Hinc in alteram partem loca decliuiora maiorem habent poli eleuationem supra circulos stationum, quousq; ad Horizontē perueniatur, qui maximam omnium habet, eam scilicet quæ regionis latitudo est. Hæc igitur ut promptissime ex nostro astrolabo accipiuntur, ita quoque luculentissime tanquam ex ipso Cælo docentur.

Circulus  
decimæ do-  
mus nullā  
poli eleua-  
tionem ob-  
tinet.

## CAPVT LVIII.

De Directionibus, quid sit Direc-  
tio, & qua ratione per-  
ficiatur.

De



DE ASTROLABO

Directio  
quid sit.

**D**E directionibus ut vocant hodie multā  
differere non est huius ( fateor ) loci.  
Atqui non possum omittere quin quid sit  
Directio paucis edisseram antequam modum fa-  
cilem per Astrolabum prodam, quem Rojas in  
altero Planisphaerio prorsus emisit, maximè ob  
id quod Horizontale generale nondum adiun-  
ctum erat in usum. Dirigere (inquit Regiomō-  
tanus) non est aliud, quàm voluere sphaeram  
quousq; locus secundus ad locum seu situm primi  
traducatur, hoc est donec secundus locus inci-  
dat in semicirculum stationis siue positionis pri-  
mi loci, ut ex Ptolomæo paulò superius collegi-  
mus. Hunc ergo transitum, seu promotionem  
hanc, Ptolomæus vocat ἀφείσις, quàm alij vitæ  
gubernationem vertunt, Philippus verò proro-  
gationem maluit appellare, nonnulli inambula-  
tionem dicunt. Mihi verò videtur posse dici di-  
missionem vel emissionem, emittitur enim per  
sphaeræ reuolutionem locus vnus cæli ad alteri-  
us loci situm. Dici siquidem videtur ἀπό τοῦ ἀφεί-  
σαι. Vnde & Ptolomæus loca illa quæ prima vo-  
cat, hoc est quæ præcipuos vitæ nostræ significa-  
tores recipere possunt, auctoritatemq; ipsis signifi-  
catoribus (ut sic loquar) addere: appellat τόπους  
ἀφεικνός. Atq; ipsos etiam significatores ἀφείτας  
vocat, quasi dimissarios vel emissarios. Hos  
Arabes

Aphetæ qui  
& quot nu-  
mero.



Arabes Hylech dicunt Philippus prorogatores  
 vertit, in quibusdā tamē locis τῆς ἀφῆς dimis-  
 sionem quoq; vertit. At de nominibus nobis non  
 sit longa contentio, modo res ipsa constet. Aphe-  
 ta quem significatorem vulgus appellat, est vel  
 stella, vel locus in cœlo insignis præcipuum in vi-  
 tam hominis dominium habens. Suntq; Ptolo-  
 mæo quatuor ferè, Sol, Luna, Pars fortunæ, &  
 Horoscopus, sed & alia loca ab auctoribus su-  
 muntur, sicut culmen cœli, & Planetæ quilibet  
 cum insigne aliquod dominium nacti sunt: signi-  
 ficatores sumuntur, & Aphetæ vocantur, ad quos  
 scilicet alia planetarum loca, vel radiis planeta-  
 rum loca affecta, dimittuntur, vel traducuntur,  
 hoc est diriguntur, ut passim nunc dicunt. Quæ-  
 res ut clarius sit, proponam breue exemplum, in  
 Genesi principis nostri Horoscopus est M. 2. par-  
 tes. 30. scrup. Hic locus semper insignis est, nā  
 hinc de corporis valetudine et de vita & peregrini-  
 natione iudicium sumitur. Quare dicitur Aphe-  
 ta & significator. Mars verò qui in secunda do-  
 mo constitutus est promissor vocatur & locus se-  
 cundus, qui per motum sphaeræ ad locum primum  
 deducitur, hoc est ad Horizontem qui est circulus  
 positionis Horoscopi promouetur, atque hoc  
 est dirigere seu emittere. Quæritur potissime  
 quot tempora seu gradus Equinoctialis pertran-  
 N seant



# DE ASTROLABO

Modus di-  
rectionis.

seant circulum Horizontis vel Meridiani in-  
terim dum locus Martis ad locum Apheta per-  
ducitur, nam totidem anni significatur future  
priusquam effectus promissoris in Apheta perfici-  
ciatur. Hoc igitur in nostro Astrolabo facili-  
mum est ad quamcunq; regionem & quoduis cæli  
punctum. Quærat enim primi loci siue signifi-  
catoris circulus stationis ex cap. 53. in horizontæ  
li generali, & super eo cõstituatur Apheta in Re-  
ti notatus, & notetur diligenter quis gradus signi-  
feri in linea horæ duodecimæ cõsistat. Deinde vol-  
ue Rete quousq; locus secundus seu promissoris ad  
eundem horizontem Apheta, mox dioptra admo-  
ta gradui qui prius in cæli Medio locabatur, ostē-  
dit partes æquatoris elapsos, qui annos denotāt  
directionis. Vt si in proposito exēplo Horoscopū  
tanquam significatorem vitæ collochemus ad suum  
circulū, hoc est ad horizontē. 40. par. videbimus  
ad lineā duodecimæ  $\Omega$ . 8. cum semisse. Volūtes  
deinde Rete donec Martis locus, scilicet  $M$ . 29.  
par. 17. scrup. ut ex Alphonsinis Canonibus col-  
lectus est, ad eundem horizontē. 40. par. perducatur,  
Dioptrā deinde applicantes ad  $\Omega$ . 8. cū. 30.  
scrup. videbimus processisse Rete per. 34. partes  
cū sextante ferè. Tot igitur sunt gradus seu tem-  
pora emissionum vel directionis Martis ad Ho-  
rizontem, sed hic diligenter notandum occurrit

¶



ut pro Aphetis in orientali cœli medietate constitutis quærantur quoque Horizontes in orientali parte Horizontalis tabulæ. Pro iis verò qui in occidentali hemisphærio collocantur, circuli positionum quærantur in occidentali quoque Horizontalis tabulæ parte. Reliqua verò eodẽ prorsus modo perficiantur. Neq; verò negligere decet in his locis notãdis planetarum latitudines, declinationesq; ab æquatore: Hoc autem fiet si quæraturs gradus eclipticæ coascendens planetæ in sphaera recta, cui applicetur Dioptra, Deinde declinatio eius numeretur in Dioptram, sic habebimus verũ locũ planetæ in Reti, manente Dioptra super parte eclipticæ coascendẽte in sphaera recta. Hoc etiã præceptũ generale est in omnibus stellis, quæ in Reti locũ non habent statũ. Atque etiã in stellis ibi collocatis cũ aliquid inquirimus pro tẽpore aut elapso aut futuro, distãte per multos annos. Loca siquidẽ stellarũ licet fixarum in 50. annis minimum per semissem vnus partis transmutantur manente semper eadem latitudine ab Ecliptica. Ob hanc causam paucas annotauimus stellas fixas in præcipua facie Astrolabi.

Directio  
stellarum  
cuiuscun-  
que latitudinis,

## CAPVT LIX.

De Directione seu Dimissione conuersa seu euerfa.

N 2

Quan-



# DE ASTROLABO

Radiorum  
projectio.

Directio cō  
tra ordinē  
quid sit &  
qua via in-  
stituatur.

Quando significator est in parte orientali  
mundi Ptolomæus semper Promissorem  
seu secundum locum emittit ac ducit ad  
locum seu circulum primum seu ad locum Aphe-  
tæ, numeratq; partes Equatoris interea ela-  
psas. Hanc autem vocat ακτινοβολία hoc est ra-  
diorum proiectionem, eo quod vel planetarum  
loca vel radij ipsarum emittuntur vel perducun-  
tur ad locū Aphetæ, & dicitur hæc directā, quia  
secundus locus à primo distat secundum signorū  
ordinem. Quando verò Apheta distat à summo  
cælo versus occasum, tum secundus locus erit  
ipse occasus, ac tunc ducitur Apheta ad Hori-  
zontem occiduum ad sciendum directionē Aphe-  
tæ ad Anaretam, hoc est intersectorem, & di-  
citur contra ordinem signorum eo quod secun-  
dus nempe pūctus occasus, qui tunc Anareta est,  
distat à primo contra signorum ordinem. De pri-  
ori modo diximus in precedenti capite, de po-  
steriore non opus erat multis verbis. Est enim  
planè similis. Constituto enim Reti secundum cæ-  
li figuram inuentam, hoc est locato cæli medio ad  
horam duodecimam meridiei, volue Rete quo-  
usque Apheta ad Horizontem occiduum perdis-  
eatur & Dioptra posita super parte quæ in Me-  
cæli: constiterat, videbis quot partibus nunc pro-  
cesserit sphaera. Quæ eadem sunt directionis tem-  
pora



pora sunt tamen nonnulli qui planetas retro-  
grados mouent contra ordinem primi mobilis,  
hoc est ab occidentalioribus versus orientiora.

Quum Ptolomæus semper directionem qualem-  
cunque etiam efficiendo secundum primi mobi-  
lis incessum processerit. Quod si & horum ratio-  
nem sequi libeat, Quare primum circulum orien-  
tioris loci, in orientali parte vel occidenta-  
liori tabulæ Horizontalis pro significatoris situ.  
Deinde moue Rete (notato prius gradu M. C.)  
quousque locus occidentalior ad circulum orien-  
tioris loci perducatur, quantumq; gradus Me-  
cæli processerit versus ortum numera: sic colli-  
ges tempora directionis. Verum hanc rationem  
ego apud Ptolomæum non vidi in vsu fuisse vn-  
quam, sed illam de dimissione Aphetæ ad occa-  
sum, qui modus cum sit facilimus, superuacane-  
um arbitror exemplo lectorem remorari.

Directio  
per inuer-  
sum orbis  
signorum  
in retrogra-  
dis veteri-  
bus mini-  
me ex vsu.

## CAPVT LX.

Quousq; vel in quam zodiaci par-  
tem dimissio vel directio  
quouis anno per-  
ueniat.

**D**iximus clarè & exquisitè quanto tem-  
pore Dimissio seu Directio alicuius loci  
perficiatur, subinde verò quæstio est prius

N 3 *quans*



## DE ASTROLABO

Nominis  
explicatio.

quam Dimissio tota absoluator, in quam partem zodiaci peruenerit Directio. Verum qui præcedentia præcepta rectè acceperit, is paruo negotio hoc problema absoluet. Quæstio verò ipsa ex modo loquendi aliquid difficultatis habet quàm ante omnia explicare ex usu videtur, nam multi aut male pronunciant, aut rem ipsam non rectè capiunt. Cum enim dicimus quousque peruenit hoc anno Directio seu Emissio Horoscopi? videmur plane intelligere Horoscopum, (quem nunc Aphetam statuimus) promoueri in cælo. Verum secus res habet quando Apheta est in orientali cæli parte. Tunc enim non emittimus Horoscopum seu Aphetam quemcunque, sed ad ipsum mouemus sequentia loca seu promissores. Quando igitur quæritur quousque processerit emissio Aphetæ in orientali parte collocati: quæritur quæ pars zodiaci ad semicirculū Aphetæ peruenerit hoc vel illo anno. In occidentali parte stante Apheta: rectius dicimus eius Dimissionē hanc vel illam partem zodiaci occupare: quoniam Apheta versus occidentem intelligitur promoueri. Iam igitur vnā cum exemplo doctrinam pandemus. Primo in directione directā. Ponamus ergo in Genesi Principis Hiss. &c. Aphetam Horoscopum ipsum, videamus igitur ad quā partem zodiaci peruenerit Dimissio seu directio



rectio hoc anno. 1554. hoc est quæ pars zodiaci nunc ad circulum Horizontem per Dimissionem peruenierit, ad locum scilicet Apheta. In primis igitur considera quot anni sint elapsi à natiuitate ipsa. Quoniam verò natus est anno. 1527. His sublati ex. 1554. relinquuntur. 27. anni qui elapsi sunt. Secundo in Horizontali Catholico collocetur Apheta ad suum circulum, hoc est ad Horizontem, & notetur gradus Medij Cæli: mox promoueatur idem gradus Me. Cæ. per. 27. gradus in limbo numeratos, & apparebit in Horizonte. 40. graduum M. 23. partes. 40. scrup. ferè. Hæc ergo pars zodiaci nunc ad locum Horoscopi peruenit. At sit nunc Apheta in parte cæli occidua, quemadmodum in proposita Genesi Pars fortunæ. Inquiramus eius Dimissionem eodem anno. 1554. Constituatur ergo Rete secundum genituræ figuram, nempe ut  $\Omega$ . 8. cum semisse sit in Medio Cæli, & numeratis à Meridie. 27. gradibus in limbo, pro. 27. annis elapsis, applicatæque Dioptra, huic Med. Cæli, subiiciatur, hoc est  $\Omega$ . 8. cum semisse. Iam igitur diligenter considera distantiam partis fortunæ à Meridie. Numeratis gradibus limbi quæ sunt à Meridie ad Dioptrā super parte fortunæ collocatā. Sunt autem in nostro exemplo. 45. partes. 45. ferè scrupula. Cum hac ergo distantia &

Doctrina  
exemplaris  
1. in orientali parte.

2. in occidua.

N 4 decli-



## DE ASTROLABO

declinatione Aphetæ in præcedentibus inuenta,  
nempe. 22. par. 25. scrup. Borea quære circulum  
stationis ipsius Aphetæ pro hoc tempore & Poli  
elevationem supra ipsum, & quot gradibus  
Æquatoris distet à Meridiano idem semicircu-  
lus. Ex capite igitur. 13. colligitur circulus sta-  
tionis quæsitus distare in circulo orientis à Me-  
ridie. 41. punctus. 48. scrup. ferè. Elevatione verò po-  
li est. 25. part. 40. ferè scrupula. Abscindit ve-  
rò idē semicirculus de quadrante occiduo Æqui-  
noctialis. 34. partes. 30. scrupula, quantum sen-  
sus ex paruo satis organo deprehendere potest.  
Iam igitur circulū habemus stationis ipsius par-  
tis fortunæ pro annis. 27. elapsis, quæstio nunc est  
quis gradus Eclipticæ in principio natiuitatis in  
hoc circulo stationis constiterit. Nam ad illum  
rectè dicetur peruenisse Dimissio siue Directio  
sortis seu partis fortunæ. Verum hoc cum sit ge-  
nerale præceptum malimus singulari doctri-  
na in capite sequenti declarare.

### CAPVT LXI.

Quis gradus Eclipticæ quem-  
uis circulum Positio-  
nis occupet da-  
to tempore.

*Hoc*



**H**oc problema utilitatem habet magnam,  
& longam tædiosamq; operationem in ta-  
bulis. Quamobrem per organum hoc iu-  
cundissimum fuerit videre operationem ipsius.

Duo itaq; ante omnia notanda sunt, An scilicet  
circulus stationis propositus sit orientalis an oc-  
cidentalis. Tum an sit diurnus an nocturnus.

Hoc est an de eius parte quæ supra terram ex- Præambula  
tat an de inferiori parte sit quæstio. Quandoqui-  
dem (vt antea declarauimus) Quilibet semicir-  
culus duas secat eclipticæ partes, alteram supra  
terram, alteram in inferiori hemisphærio. His  
diligentissime obseruatis Eleuatio poli supra se-  
micirculum stationis diligenter accipienda, vt in  
ss. capite explicuimus. Atque quantum idem se-  
micirculus absit à meridiano per æquinoctialis  
partes, hoc est quot partibus æquinoctialis cir-  
culus stationis absit à meridiano siue supra ter-  
ram siue infra consistat. Sit igitur circulus statio-  
nis in parte orientali cæli, & sit quæstio de sectio-  
ne eius & eclipticæ supra terram facta. Hic pri-  
mum ab hora sexta matutina numera in limbo  
tot gradus quot circulus stationis propositus di-  
stat in æquatore à meridiano. Huius inuentio-  
nem docuimus in modo Campani capite. ss.

Ad finem igitur huius distantie applica diop-  
tram, ac mox dioptræ adiunge gradum mediæ cæ-

N s lin-

Circulo ori-  
entali supra  
terram.



# DE ASTROLABO

Circulo ori-  
entali sub-  
terraneo.

Circulo oc-  
cidentalī su-  
pra terram.

Exemplum

li inuentum pro tempore. Tunc enim in reti in  
horizonte circuli stationis videbis gradum eclip-  
tice qui in circulo stationis existit. Quod si de in-  
feriori intersectio sit quæstio, numerabis distan-  
tiam eiusdem circuli à meridiano acceptam, ab  
eadem hora. 6. matutina, sed contrario ordine  
nempe versus mediam noctem cum prior nume-  
randa sit versus meridiem, & huic distantie sic  
acceptæ applicabis vnà cum dioptra inum cæli:  
sic rursus in horizonte stationis apparebit gra-  
dus eclipticæ sub horizonte nostro à semicirculo  
stationis notatus. At iam sit circulus stationis  
in occidua cæli parte & de superiore eclipticæ  
parte fiat quæstio. Vt in exemplo præcedentis cæ-  
pit, ibi circulus stationis partis fortunæ colle-  
ctus erat. 25. part. 40. scrup. Tanta nimirum est  
eleuatio poli supra circulum stationis partis for-  
tunæ post annos. 27. à natiuitate. Atqui vt di-  
ximus præcedenti capite abest idem semicircu-  
lus à meridiano per æquatoris partes, versus oc-  
casum. 34. partibus. 30. scrupulis propemodum.  
Hic ergo ab hora sexta pomeridiana (quia se-  
micirculus est occidentalis) numerabimus. 34.  
partes. 30. scrupul. versus meridiem, & gradum  
med. Cæ. illuc admouebimus. Sic enim horizon  
respondens semicirculo stationis ostendet gradum  
eclipticæ quæsitum. Veluti in nostro exemplo nu-

me



meratis ab hora sexta vespertina. 34. partib. 30. scrup. & admoto gradu Medij Cæli, qui est  $\Omega$  8. cum semisse: inuenietur in horizonte. 25. partium & 40. scrup.  $\propto$  24. propemodum. Si denique eiusdem circuli segmentum eclipticæ infernum velis habere. Numerata eandem distantiam illam. 34. partium. 30. scrup. ab eadem hora sexta versus mediam noctem deinceps. Rursumq; applica gradum imi cæli, scilicet  $\approx$  8. cum semisse: & apparebit hoc modo in eodem horizonte. 25. graduum & 40. scrup. gradus eclipticæ quem sub finitore idem semicirculus stationis secatur. Atque ut summatim repetam, Distantia circuli stationis à meridiano, numeranda est ab hora sexta matutina si circulus fuerit orientalis vespertina, si occidentalis fuerit, versus meridiem, si locus eclipticæ supra terrā queritur: versus mediā noctē, si locus sub hemisphærio queritur. Demū horizon respōdens elevationi poli supra circulū stationis ostēdet partē eclipticæ quā semicirculus positionis secatur, idq; in oriē tali parte pro oriē talib. è diuerso pro occidentalibus semicirculis in occidentali latere tabulæ horizōtalis. Habemus itaque generalissimū per dei optimi gratiā pro omnibus regionibus & temporibus, directionū organum, & oīm eorū, quæ ad hāc speculationem necessaria sunt, & ex spherica ratione sumuntur.

Quod

Circulo stationis occidens subterraneo.

Breuis ac summa capituli sententia.



# DE ASTROLABO

Quod & facilitatē cum copia parē habet. Multi haecenus tale quicquam magno desiderio inuestigarunt. Sed haecenus frustrati sunt, ut & Cardanus quaeritur in Commentariis in Ptolomaei Iudicia.

## CAPVT LXII.

Quantus sit angulus inclinationis eclipticae ad horizontē circa quamlibet partem eclipticae.

**D**Idicimus ex sphaera, eclipticā admodum difformiter transire per horizontem rectū, maxime verò per horizontes obliquos, idque contingere propter, alios aliosq; angulos inclinationū ad inuicem. Modo enim rectiori angulo modo obliquiori multo se mutuo secant. Atq; hinc etiā diuersitas siue inaequalitas ascensionum ipsarum partiū eclipticae contingit. Iam verò quaerimus quanta sit haec inclinatio circulorum ad inuicem, hoc est quātus sit angulus quē efficiunt horizon & ecliptica, in quouis loco eclipticae. Quae res ad occultationes & exortus syderum admodum utilis est, Tum etiam ad eclipsium deformationes multum accommoda. Collocatur autem gradus eclipticae propositus ad horizontem loci praefiniti in horizontali Catholico, numeranturq; gradus eclipticae qui sunt ab eo lo

Vsus theorematum.

Expositio nominis.

Praxis.

co 20.



co zodiaci ad mediū cœli vsq. Hi gradus si quadrantem circuli superant, adimuntur ex semicirculo; hoc est ex. 180. partibus, vel numerantur gradus à medio cœli ad occidentem vsq. gradum, utrouis enim modo idem adsequeris nempe distā-  
tiam med. cœli à proximo horizontis & eclipticae concursu. Secundo quæritur gradus med. cœli altitudo meridiana, ut in cap. 34. docuimus.

His cognitis in facie organi in horizontis regula numeramus distātiam illam medij cœli ab horizonte extrorsum: mouemusq. horizontem ab æquatore quoq. punctus iam in horizonte notatus in parallelis occupet tot partes, quot partiū est altitudo medij cœli. Sic enim horizontalis regula in exteriori limbo ostendet quantitatem anguli quæsitī, numerando ab æquatore vsq. ad regulam. Quoniam verò circuli maiores quales sunt ecliptica & horizon se secant ad angulos. 4. qui omnes. 4. rectis æquales sunt & duo oppositi duobus semper rectis pares: Quantoq. alter maior recto, tanto oppositus minor recto existit, idque fiat bis in oppositis circulorum concursibus. Sciendum est angulum hoc artificio quæsitum esse minorem duorum oppositorum circa eādem sectionem factorum. Verum & illud constat ex ratione spherica, quantus hic angulus fuerit circa orientalem sectionē, tantus & erit apud occidentem.



# DE ASTROLABO

Exemplum

dentem. Et cum cognitus fuerit minor angulus, per subductionē ex duobus rectis cognoscetur reliquus. Quantitas verò anguli istius minoris, est altitudo gradus nonagesimi eclipticæ supra horizontem. In cuius rei demonstrationem proponā exemplū: Anno. 1560. Augusti die. 21. futurum est solis deliquium, nobis quidem in meridiano Louaniensi habitantibus erit cōiunctio Solis & Lunæ vera ad horam primam pomeridianam cum triente vel. 22. ferè scrupulis, ut ex Stofleri calculis colligitur. Nō enim nunc admodum de exacto calculo sollicitus sum, cum liceret etiam fictis uti exemplis. Igitur ut calculum hunc prosequar aliquātulum colligo solis & lunæ ad tempus propositum  $\text{M}^{\text{X}}.7.$  partes. 45. scrupula. Collocato iam solis loco in dorso retive super hora prima pomeridiana cum. 22. scrupulis, video ascendere in nostro horizonte, qui est (ut sæpe diximus) .51. partium ferè, quartum ferè gradum sagittarij. Cupio nunc cognoscere eclipticæ inclinationem ad horizontē, quantus scilicet sit angulus minor ab ipsis circulis horizonti dico & meridiano factus. Considero ergo gradū Medij Cæli quem inuenio punctum æquinotij autumnalis, siue principium Libræ. Iam à Medio Cæli ad ortum vsque sunt. 64. gradus eclipticæ. Hos ergo assumo, quoniam quadrantem non superās.

Quæ-



Quæro deinceps maximam altitudinem seu meridiana elevationem, gradus Medij Cæli, Quæ in nostra latitudine est. 39. partium. Demum in facie Astrolabi in horizontis regula, numero distantiam Medij Cæli ab horoscopo, scilicet. 64. partes. Hunc numerum in parallelis colloco ad 39. partes. Atqui hoc modo video inter æquato-rem & horizontis regulam. 44. partes. 15. fere scrupula intercidere. Quæ anguli quæsi quantitatem indicant, & tâta est etiã altitudo gradus nonagesimi ab ortu, hoc est gradus in eclipticæ superiore parte prorsus medij & summi. Ex hoc angulo multa deinceps colliguntur, ut paulatim explicabitur in sequentibus.

## CAPVT LXIII.

Quanta sit solis aut cuiuslibet puncti eclipticæ supra horizontem altitudo ad datum tempus: alia ratione quam in præcedentibus dictum est.

**Q**Uare ad tempus assignatũ distantia solis vel puncti eclipticæ cuiuslibet assignati, ab horoscopo, vel ab occasus puncto, utri nimirũ propior fuerit. Quia enim tempus  
Praxis.  
cogni-



# DE ASTROLABO

cognitum statuitur, locus solis collocetur ad horam adsignatam, mox in horizonte loci tui videbis horoscopum, pro tempore. Vnde & distantiam puncti propositi facile agnosces, ab ortu, quæ se quadrantem superet circuli, aufer eam ex. 180. sic prodibit distantia eiusdem puncti ab occasu. Accipe quoq; quantitatem anguli eclipticæ & horizontis ex præcedenti. His acceptis in facie astrolabi numera quantitatem dicti anguli, ab æquatore sursum vel deorsum in limbo, & termino horizontem admoue: in horizontem numera distantiam puncti dati ab ortu vel occasu, ut diximus, & in parallelis videbis altitudinem quæsitam.

**Exemplum** Ut in præcedenti exemplo collegimus angulum eclipticæ & horizontis. 44. partium. 15. scrupulorum, quæ est altitudo nonagesimæ partis eclipticæ ab ortu. Sol verò erit in  $\text{M}\chi$ . 7. gradu & 45 mi. Itaque distabit ab horoscopo, qui est  $\text{I}$ . 4. partibus. 86. 15. scrupulis. Post hæc in facie astrolabi in limbo numero. 44. partes. 15. scrupula ab æquatore sursum. Deinde horizontis regulam adiungo: Demum in regula numeratis. 86. partibus. 15. scrup. video incidere hoc punctum inter parallelas ad. 44. partes. Hæc igitur erit vera solis altitudo ad tempus futuri defectus solis. Simili modo statim de singulis eclipticæ partibus secundum earum distantiam ab ortu vel occasu accipies



pies cognitionem, stante scilicet regula horizon-  
tis eodem loco. Id quod in eclipsium calculo ma-  
gnum adfert commodum.

Fructus huius  
capitis.

## CAPVT LXIIII.

Quos angulos efficiat circulus altitu-  
dinis cum ecliptica circa pun-  
ctum ipsius adsi-  
gnatum.

**H**Æc propositio præcipua est ad solis deli-  
quia dignoscenda, in quibus colligendis ma-  
ximum est ferè Astronomiæ Arithmeti-  
cæq; opus & difficultas summa. Sed nostri Astro-  
labi opera omnia hæc facilia perspicuaq; reddun-  
tur. Posito enim in horizontali generali reti, ut  
in præcedentibus duabus capitibus, accipiatur  
puncti eclipticæ præpositi distantia à vertice ca-  
pitis. Hanc autem habebis subducendo altitudi-  
nem eius ex præcedenti capite acceptam, ex 90.  
partibus, sic relinquentur partes distantie à ver-  
tice. Similiter addiscere oportet quantum nona-  
gesimus gradus eclipticæ à vertice absit. Illud sci-  
es subducendo quætitatem anguli eclipticæ & ho-  
rizontis à 90. Quia, ut diximus, hæc quantitas  
anguli dicti est altitudo nonagesimæ partis ecli-  
pticæ supra terrā. Cognitis ergo istis numeris ma-  
iorem harum in regula horizontis, deinde hanc  
notā promoue ad parallelum minoris distantie.

Vsus pro-  
positionis

Praxis.

Praxis.

O Hoc



## DE ASTROLABO

Exemplum

Hoc facto regula horizōtis anguli quantitatem palam facit, numerādo ab aequatore in limbo ad horizōtis suum. Vt si velimus in præcedente quæstione cognoscere angulum quē facit circulus altitudinis per solem transiens, cum ecliptica. Accipiemus distantiam solis à vertice quæ est. 46. partium, Est enim altitudo eius. 44. partium quæ ex. 90. detracta relinquunt. 46. Distantia verò nonagesimi gradus ecliptica, à vertice est 45. partium. 45. scrup. quæ colliguntur detractis 45. partibus & .15. scrup. ex. 90. Iam in regula horizontis numerantur. 46. partes, quarum terminus in parallelis ducitur ad. 45. cum. 45. scrup. Sic angulus quæsitus quem facit circulus altitudinis solis cum ecliptica, deprehenditur. 84. partium cum. 50. scrup. Hic igitur semper est angulus quem facit circulus altitudinis cum ecliptica concurrēs, estq; versus ortum si punctus concursus fuerit in priori quadrante eclipticæ: si verò in posteriori quadrante fuerit punctus intersectionis, erit & angulus versus occasum. Subditō verò hoc angulo ex duobus rectis, relinquetur angulus intersectionis maior. Vt in proposito nostro: quia angulus minor est partium. 84. par. 50. scrup. erit maior. 95. part. 10. scrup. Præterea pro certo tenere oportet hunc angulum per huius capitis doctrinā inuentum, esse angulum quem

Exemplum



quem vocant latitudinis, quia subtrahitur illi diuersitas aspectus quæ in latitudine accidit.

Hunc verò angulum si diducamus ex recto angulo, hoc est .90. par. relinquetur angulus longitudinis vocatus. Quorsum verò hi spectent, atq; in quem usum quærantur, dicetur in sequentibus.

## CAPVT LXV.

Quanta sit lunæ  $\omega\alpha\gamma\alpha\delta\alpha\epsilon\iota\varsigma$ , siue diuersitas aspectus in circulo altitudinis.

**D**Emonstratum est apud Ptol. aliosq; auctores clarissimos, terræ globum quæ mortales incolunt ad cælum ipsum puncti rationem obtinere, hoc est insensibile & nullius momenti magnitudinē terræ esse si ad cælum cōparetur: & siue in circumferentia terræ consistas, siue in centro, nullam inde accidere diuersitatē in cælo apparentium. Atq; hinc est quod & horologia solaria omnia, sciotericaq; instrumenta sic cōficiamus, ac si in centro mundi nostra esset habitatio nec vnq; quispiā in hac re notare potuit diuersitatē quantūvis oculatus. Verū enim uero vt hæc verissima sunt & clarè demonstrata, ita tamen in oībus astris nō prorsus sunt accipiēda. Nā quanq; stellæ fixæ & superiores planetae propter immensam à nobis elōgationē nullā efficiāt diuersitatē intuit?

O 2 ab eo



## DE ASTROLABO

ab eo qui in centro mundi positus fieret, in inferi-  
oribus tamē planetis, quanto propiores sunt no-  
bis tanto magis percipitur euariatio loci appa-  
rentis, ab eo quem habent ad centrum mundi.

Calculorū  
ratio.

Nam ignorare non oportet calculum omnem de  
motibus stellarum & planetarum omniū quem  
ex Tabulis seu Canonibus perficimus, institui  
pro centro mundi, Sed quia lunæ orbis nobis pro-  
ximus est, manifesta percipitur diuersitas inter  
locum eius quem nos in cælo ex ambitu terræ cō-  
spicimus, & inter locum quem ostendit linea ex  
centro mundi per lunam ducta, eo quòd semidia-  
meter terræ, secundū cuius magnitudinem à cen-  
tro absumus sensu perceptibile obtineat magni-  
tudinem ad orbis lunæ distātiā. Percipitur au-

Quibus  
accidat  
παράλη-  
λαξις

tem hæc euariatio non solum in luna, sed etiā in  
Mercurio & Venere, & in sole quoq; licet exi-  
gua & vix perceptibilis. Verum in superioribus  
planetis & fixis stellis, quia nullis instrumentis,  
nulloq; sensu diiudicari potest, prorsus nulla dici-  
tur. Hæc igitur euariatio locorū quæ accidit in-  
ter eum locum quem visus demonstrat, & eum  
quem linea ex centro mundi designat, qui dici-  
tur verus locus, vocatur Ptolomæo παράληλαξις,  
vulgò diuersitas aspectus, seu vt nos vertimus,  
euariatio visus. Contingit in luna maxima, in  
aliis verò, ferè solet negligi, eo quòd in sole vix

note-



notetur. At neque in luna semper equalis est.

Quod & certum argumentum est lunam non  
ferri in homocentris orbibus, ut quidam conati  
sunt asserere. Sed quanto magis luna recedit à  
centro mundi sitq; apogæa, tanto minor accidit  
hæc euariatio, quanto verò magis appropinquat  
terræ hypogæa existēs & in declinioribus orbi-  
um partibus, eo maior accidit eadem euariatio  
visus. Sic ut maxima omnium sit vnius partis  
& 6. ferè scrupulorum. Minima verò quæ con-  
tingit luna existente in perigæo. 50. tantum mi-  
nuta obtinet: omitto hic studio secunda scrupu-  
la. In sole verò hæc euariatio est. 3. tantum mi-  
nutorum. Diuersitas verò hæc cum simplex dici-  
tur, intelligitur fieri constituto astro ad finito-  
rem nostrum. Nam in stellis ad verticem collo-  
catis, nulla potest contingere euariatio visus,  
eo quòd linea à centro mundi ad stellameducta,  
eadem sit cum ea quæ à visu nostro recta ad ver-  
ticem capitis procedit. Sed quo stella propior ho-  
rizonti fuerit, eo maiorem facit locorum euaria-  
tionem. Hæc in Theoricis planetarum docen-  
tur. Sed clarissime apud Ptolomæum demon-  
strantur. Hic igitur accepta ex tabulis eclipsiū  
aut ex Copernico, diuersitate aspectus lunæ ma-  
xima, docemus quanta sit eadem pro situ lunæ  
in circulo altitudinis qui est circulus ex ver-

παράλλαξις  
quid sit.

Differentia  
parallaxeos  
lunæ.

Quantitas  
maxima &  
minima  
euariatio-  
nis lunæ.

Quantitas  
parallaxeos  
solaris.



# DE ASTROLABO

Praxis.

tice capitis per Lunam ductus : nam secundum hanc lunæ altitudinē iam diximus variari hanc lunæ παραλλαγή, ita ut in vertice in nihilū abeat, quæ in horizonte maxima est pro situ eius in orbibus. Ut verò ad rem veniamus, colligatur lunæ altitudo ex cap. 38. vel. 37. frequenter tamen in coitu haud multum à solis altitudine differt. Deinde ex tabulis eclipticis quibuscunque accipe maximam lunæ parallaxim, secundum locum ipsius in suis orbibus. Hanc numeram in facie organi ab æquatore sursum, eiq; regulam applica. In ipsa verò regula quærere altitudinem lunæ introrsum numerando, vel distantiam Lunæ à vertice extrorsum à centro procedendo, & in circulis parallelis ostendetur tibi euariatio visus seu diuersitas aspectus Lunæ, pro situ suo in circulo altitudinis, & situ in orbibus suis. Hæc doctrina quoniam incundissima est & maxime homines in admirationem trahit, ex qua scilicet defectus luminarium longo antequam contingunt tempore, prædicuntur, digna sanè est quæ exemplo clariùs explicetur.

Vsus.

Exemplum

Repetatur itaque exemplum paulò superius positum de solis defectu futuro anno. 1560. Hic in vero congressu duorum luminarium & Sol & Luna erunt in  $\text{M}^\circ 7. \text{part. } 45. \text{scrup.}$  hic inquam est



est locus ad centrum mundi aestimatus in quo luminaria congregiantur. Nunc igitur queritur quis sit locus visus & Solis & Lunæ, ut hinc colligamus euariationem defectus. Nam propter visus euariationem non videbuntur coniuncta luminaria, quæ ad centrum mundi respiciendo coniuncta colliguntur. Lunæ autem altitudo colligitur esse. 44. partium. 22. ferè scrupulorum: aestimata tam latitudine Lunæ quæ est 22. scrupulorum borea, quàm longitudine eius. Diuersitas autem aspectus Lunæ horizontalis siue maxima, colligitur vnius tantum partis, aut summum. 61. scrupulorum. In facie igitur organi ab æquatore in alteram partem numero hanc maximam Lunæ parallaxim, & apposita regula, introrsum numero altitudinem Lunæ, scilicet. 44. part. 22. scrupula, & incido inter parallelos in. 42. scrupula. Atque hæc est diuersitas Lunæ in loco suæ altitudinis. Hoc est Lunæ videtur in eo loco. 42. minutis declinior, quàm reuera est ad centrum mundi collata. At quoniam Eclipsium supputatio requirit exactum calculum scrupulorum, Instrumentum autem hoc nisi sit admodum magnum, nō possit minuta exhibere, nō possum celare cōpendiū iucūdisimū hæc in parte à nobis inuentū, qđ demonstratū est.

O 4 Acci-



# DE ASTROLABO

Accipio ergo in inquisitione diuersitatis aspectus, sex gradus pro vno ita vt singuli gradus contineant tantum. 10. scrupula, idque in limbo et area Astrolabi. Sed in regula altitudinis gradus singulos aestimare oportet vulgari modo, hoc est pro. 60. scrupulis. Sic ad minutum vsq; inuenies euariationem visus. Vt si horizontalis siue maxima diuersitas aspectus lune sit. 50. scrupulorum, et altitudo eius sit. 40. partium. Numerabo in limbo. 5. partes. Sic enim singuli gradus. 10. scrupulis aestimantur. At in regula numero introrsum seu versus centrum. 40. partes. Sic inter parallelos deprehendo. 3. partes et. 50. ferè scrupula, Hæ ergo partes aestimate ad. 10. scrupula, efficiunt. 30. scrupula et. 500. scrupula secunda, hoc est. 8. scrupula cum besse scrupuli. In summa ergo sunt. 38. scrupula pro diuersitate aspectus lune, pro altitudine. 40. graduum.

In sole. Sic etiam in sole, singulos gradus area Astrolabi licet aestimare pro singulis minutis capiendo in limbo tres gradus, et in regula horizontali semper gradus altitudinis eius numerentur, sic enim minuta habebimus per circulos parallelos in quos incidit altitudo solis in regula notata. Vt in exēplo defectus solis propositi, Quia solis euariatio visus in horizōte semp ferè est. 3. scrupula. Numerabimus ab æquatore. 3. partes, et altitudinem



dinem solis. 44. partium in Regula quæremus introrsum, sic incidemus in parallelis in. 2. gra. & 10. scrup. ferè, quæ nunc valebunt. 2. scrupula, & 10. secunda scrupula: quoniã æstimamus singulos gradus pro singulis scrupulis. Verũ illud scire oportet, hoc compendiũ in negotio proposito de diuersitate intuitus demonstratũ habere rationẽ, eò quòd de angulis minimis agatur quæstio, in quibus proportio seruatur geometrica inter partes triangulorum, quæ propter sphaeræ naturam non seruatur ubiq, in maioribus angulis & quanquam in minoribus etiam debeat esse quædam rationum diuersitas, illa tamen tam exigua est vt vnum scrupulum non efficiat, ideoq, merito negligitur à nobis.

E G euariatio Lunæ maxima

A E Horizon

B punctus habitationis

M punctis verticis

E locus verus Lunæ vel Solis

F locus visus solis

G locus visus lunæ

E G Euariatio visus lunæ

E F Euariatio solis

Item K locus verus lunæ eleuatæ

L locus visus lunæ eleuatæ

K L euariatio visus in luna quæ hic minor est q̃ EG


A centrum terræ.

05

CAPVT



DE ASTROLABO



CAPVT LXVI.

Quanta sit parallaxis siue Euariatio lunæ  
vel alterius stellæ in longitudine eclipticæ & quanta in latitudine.

**I**nuenta iam Euariatione visus in circulo altitudinis, in quo necessario accidit hæc Euariatio, sciendum est hanc diuersitatem aliquando incidere per longitudinem Eclipticæ.

CC.



tæ, vnde videntur astra aliam habere longi-  
 tudinem in zodiaco quàm tabulæ quæ ad cen-  
 trum mundi calculum faciunt, ostendant, & si  
 stella fuerit remota ab Horoscopo minus quàm  
 90. gradus Eclipticæ, videbitur maiorem lon-  
 gitudinem obtinere quàm reuera, siue ex cen-  
 tro mundi considerata, occupat. At occiden-  
 ti propior, apparet visui minorem habere lon-  
 gitudinem. In medio verò Eclipticæ siue in no-  
 nagesimo gradu, nullam efficit parallaxim in  
 longitudine: sed tota cadit in latus Eclipticæ  
 & tunc circulus altitudinis idem est cum cir-  
 culo longitudinis stellæ, qui ex polo zodiaci per  
 verticem capitis ducitur. Quando verò tota eu-  
 riatio cadit in longitudine zodiaci: tunc necesse  
 est eclipticam transire per verticem capitis, eun-  
 demq; fieri circulum cum circulo altitudinis siue  
 verticali. Hoc igitur nobis nunquam continge-  
 re potest, qui zonam temperatam incolimus, so-  
 lis enim illis hoc euenit, qui vel in tropicis cir-  
 culis vel inter ambos habitant. Aliis igitur  
 locis Euariatio hæc partim longitudinem par-  
 tim latitudinem euariat, sic vt quanto luna  
 propior fuerit nonagesimo Eclipticæ gradui,  
 tanto latitudinis variatio maior sit, longi-  
 tudinis minor: econtra quanto remotior ea-  
 dem fuerit à medio Eclipticæ gradu, tanto  
 longi-

Longitudo  
 maior in pa-  
 rallaxi.  
 Longitudo  
 minor.

Æqualis.



# DE ASTROLABO

Praxis.

longitudinis diuersitas cōtingat maior, latitudi-  
nis minor. Quanta igitur utrauis sit sic distin-  
guendum. Queratur ex cap. 64. angulus quē fa-  
cit circulus altitudinis cū ecliptica in loco luna  
vel solis, & ex præcedenti Euariatio visus in  
circulo altitudinis. Numera anguli quantitatē  
ab Equatore versus polum, ibiq; colloca regulā  
in regula numera diuersitatem aspectus in circu-  
lo altitudinis ex præcedenti capite acceptā, æsti-  
mando singulas partes ut in præcedenti capite  
dixi pro denis scrupulis, à centro computando,  
extrorsum, sic inter parallelos videbis diuersita-  
tem aspectus in latitudine æstimando partes pro  
denis scrupulis, simul quoq; si à puncto regulæ ad  
quod finitur diuersitas numerata sequaris circu-  
lum horarium vsq; ad Equatorem, habebis sine

Exemplum

ullo alio negocio diuersitatē longitudinis. Quē-  
admodum præcedentium capitum exemplo an-  
gulus eclipticæ & circuli altitudinis inuentus  
erat. 84. partium. 50. scrupulorū. Diuersitas au-  
tem aspectus in circulo altitudinis ex præceden-  
ti capite erat. 42. scrupulorū. Numero ab aqua-  
tore versus polum. 84. partes. 50. scrup. Quibus  
regulam Horizontalem admoueo, & in regula  
numero. 42. scrupula seu. 4. partes cū vna quin-  
ta æstimando singulas partes ad. 10. scrupula, sic  
in parallelis inuenio ferè. 4. partes, hoc est. 40.  
scrupula,



scrupula, atque hæc est Euariatio visus Lunæ in latitudine, circulus verò horarius per hunc locum transiens in Equatore, abscindit duas ferè quintas vnius partis: hoc est, secundum estimationem. 10. scrupulorum pro vna parte. 4. scrupula. Hæc est diuersitas aspectus in longitudine, eaque versus ortum, quia huic propior existit. Itaque visa longitudo Lunæ maior est vera. Vnde certò constat visibilem coniunctionem præcedere veram, tanto tempore quanto Luna solem superando poterit conficere. 4. scrupula, quæ est Euariatio visus in longitudine.

Corollarium.

A B Horizon. E centrum

G F H Ecliptica

K L Euariatio visus in circulo Altitud.

F nonagesimus gradus

K locus verus

L locus visus

N K, L M Euariatio visus in longitudine

• K M, N L Euariatio in latitudine.

CAPVT





CAPVT LXVII.

Deliquium solis quando futurum sit.

**I**N primis diligenter de tempore defectus solis fiat inquisitio, quod tunc reuera est cum sol & luna in eadem longitudine conspiciuntur. Iam verò in genere dictum est si coniunctio luminarium ante nonagesimū gradum eclipticæ ab Horoscopo accidat, visibilem coniunctionē præcedere veram secundum euariationem visus in longitudine, at si nonagesimum gradum sequatur locus coniunctionis, tum quoq; visibilis cōiunctio, hoc

Quæ sit vi-  
sibilis con-  
iunctionis &  
veræ vicissi-  
tudo ex si-  
tu in eclip-  
tica.



hoc est mediū ipsius deliquij sequetur veram coniunctionē pro ratione euariationis visus in longitudine. Colligitur ergo tēpus deliquij ex diuersitatis aspectus in longitudine, vt in prædicto exemplo, inuenimus. 4. scrupula diuersitatis aspectus in lōgitudine quibus luna ferè superat solem hora coniūctionis veræ. Quærimus nūc, quāto tēpore hoc spaciolū solē superādo cōficiet? Colligendū igitur nobis est quantū sol & quantū luna cōficiant horæ spacio, quātumq; lunæ motus maior est in hora, q̄ solis, idq; secūdū visum, si curiosè hoc negociū placeat tractare. Horariū autē motū lunæ, sic colligo. Cognito tēpore veræ coniūctionis solis & lunæ ex Canonibus propriis, iamq; inuentā diuersitate aspectus in lōgitudine ex præcedenti capite, si coniūctio est futura, addo tēpori cōiūctionis veræ horam vnā, rursūmq; pro illo tēpore quæro lunæ solisq; altitudines et euariationes visus vt in præcedentibus docuimus. Euariatio lōgitudinis addatur loco vero, si luna in orientali medietate cōstiterit, adimatur verò ex loco vero, si post nonagesimū ab ortu gradū cōstiterit, sic habebis loca secūdū visum. Verū si coniūctio vera præterierit, quod fit cum locus veræ coniūctionis est in quadrante orientali, tunc ex tempore coniūctionis veræ horam subduco, & pro eo tempore quæro loca vera luminarium

Modus inuestigandi definitū solaris deliquij tēpus.

& euas



## DE ASTROLABO

& euariationes visus in longitudine & latitudi-  
 ne, iterumq<sup>ue</sup> Euariationem longitudinum addo  
 vel adimo veris locis luminarium sic colligo lo-  
 ca visa, locum deinde visum præcedentis tempo-  
 ris, subduco ex loco viso sequentis temporis: sic  
 colligo motum visum, hoc est quantum stella pro-  
 cedat secundum visum in Ecliptica, si verò pla-  
 cet accuratus calculus, oportet hoc facere tam in  
 sole quàm in luna. Deinde motū solis ad visum,  
 demere oportet ex motu lunæ secundum visum,  
 sic restabit superatio seu excessus lunæ supra solē  
 in vna hora, idq<sup>ue</sup> ad visum. Iam igitur ex pro-  
 portione Euariationis in longitudine ad supera-  
 tionem istam horariam colligemus tempus inter  
 veram coniunctionē & apparentem, hoc est ecli-  
 psim, statuētes primum proportionis numerum,  
 superationem lunæ horariam, secundum horam  
 vnā, hoc est. 60. mi. tertium Euariationem in  
 longitudine sic prodibunt minuta temporis qua-  
 siti, quæ addita vel adempta tempori coniunctio-  
 nis veræ, tempus Eclipsis indicant. Addūtur au-  
 tem hæc minuta, quando locus coniunctionis in  
 occidentali quadrante Eclipticæ accidit, adimun-  
 tur in orientali, sed vtilissimam hanc doctrinam  
 exemplo declaremus oportet. In exemplo hæte-  
 nus tractato inuenta est euariatio lunæ in lon-  
 gitudine. 4. minutorum. Hanc addo ad verum  
 locum

Regula pro  
 portionum  
 huius ope-  
 rationis in-  
 strumentū.

Exemplum



locum lunæ qui erat. 7. 45. mi.  $\text{M}^{\text{X}}$  & fiet locus lunæ secundum visum. 7. part. 49. mi.  $\text{M}^{\text{X}}$ . Sic etiā diuersitas aspectus solis secundum longitudinē, quia est tantum. 25. scrupulorum secundorum, meritò omitti potest tanquam sensum latens, unde locus visus solis erit. 7. partes. 45. mi.  $\text{M}^{\text{X}}$  sicut & verus. Deinde quia iam certum est, eclipsis medium, quod visibilem coniunctionem dici monuimus præcedere veram: rursus solis lunæq; loca vera, cum euariationibus eorum nobis colligenda sunt pro vna hora ante verā coniunctionem hoc est pro hora. 0. 22. scrupulis. Tunc ergo locus solis verus est. 7. partes. 43. scrup. ferè  $\text{M}^{\text{X}}$  locus lunæ verus. 7. partes & 9. mi.  $\text{M}^{\text{X}}$ . Quia motus horarius lunæ est. 35. scrup. 45. secunda sed ut dixi secunda hic sine detrimento omittimus. Horoscopus pro hoc tempore est  $\text{M}^{\text{X}}$ . 23. Medium cæli  $\text{M}^{\text{X}}$ . 14. Huius quoq; altitudo meridiana est nobis 45. part. 28. scrup. Insuper distantia Medij cæli ab Horoscopo est. 69. partium Eclipticæ. Unde colligitur angulus Horizontis & eclipticæ. 49. partium. 47. scrup. Item solis rursus altitudo 47. partium. 45. scrup. & lunæ altitudo. 47. partium. 40. scrup. Angulus Eclipticæ & circuli altitudinis. 73. par. & hic est angulus latitudinis Ergo angulus longitudinis erit. 17. par. Euariatio autem visus in circulo altitudinis lunæ col-

P ligitur



# DE ASTROLABO

ligitur ex. 65. cap. 41. scrup. in sole autem. 2. tantum sunt scrupula. Demum ex. 66. cap. Euariatio solis in longitudine fit. 51. 2. quæ cum vnum minutum non efficiunt, quia tamē semissem minuti superant, pro vno accipiuntur. Hoc igitur additum loco verò solis facit pro hac hora locum apparentem solis. 7. 44. mi.  $\text{M}^{\text{X}}$ . Demum lune euariatio in longitudine, est. 12. scrup. ferè, ergo locus eius apparet per additionem colligitur. 7. par. 21. scrup.  $\text{M}^{\text{X}}$ . Iam igitur demamus præcedentem locum solis apparentem, ex sequenti, scilicet. 7. 44.  $\text{M}^{\text{X}}$  ex. 7. 46.  $\text{M}^{\text{X}}$  sic restant. 2. scrupula. Hic est nimirum motus horarius solis apparens, aut secundum visum, ut loquuntur. Itidem subducamus motum lune apparentem priorem seu præcedentem scilicet  $\text{M}^{\text{X}}$  7. partes. 21. scrupula, ex posteriori, qui erat collectus  $\text{M}^{\text{X}}$  7. par. 49. mi. sic motus lune horarius euincitur. 28. scrup. Tantum namq. secundum apparentem motum procedit luna in hora. Quoniam verò sol in hora conficit secundum visum. 2. mi. luna. 28. mi. luna superabit solē. 26. scrupulis in hora. Erant autem tempore veræ coniunctionis collecta. 4. scrup. euariationis lune in longitudine, in sole verò. 1. tantum scrupulum: ergo luna superaerat solem secundum visum. 3. scrup. tantum. Postremo quia luna solem superat in hora per. 26. scrup. conficiet. 3. scrup. quæ est differentia



ria loci apparentis solis & lunæ, tempore con-  
 iunctionis veræ, in. 6. scrupulis horæ, per regulã  
 proportionũ. Si enim. 26. mi. requirunt horã, seu  
 60. scrup. 3. minuta requirunt. 6. cum semisse fe- Encomium  
huius do-  
ctrinæ.  
 re. Hoc ergo tempus, quia præcedit apparens cõ  
 iunctio veram, adimemus ex tempore, veræ con-  
 iunctionis, sic manebit nobis tẽpus apparentis cõ  
 iunctionis, siue deliquij solis, nempe hora: prima  
 pomeridiana. 16. minutis. Hæc est igitur  
 præclarissima pars Astronomiæ, quæ maximam  
 habet utilitatem & summam parie apud mor-  
 tales admirationem, sed tam multis obscuris-  
 que operationum præceptis inuoluta, ut vix  
 quispiam se vel longo tempore possit extricare.  
 Quo fit etiam ut pauci logistæ hodie rectè assi-  
 gnent solis deliquia. Hanc partem & diluci-  
 dam & facilem nostro Astrolabo (ut speramus)  
 reddidimus, & ad veram methodũ reuocauimus.  
 Quanquam in scrupulis secundis, & quibusdam  
 aliis curiosis potius quàm vtilibus obseruationi-  
 bus negligetiores studio fuerim. Quorsum enim  
 attinet minutissima quæq; prosequi, cum in ma-  
 ioribus sæpe hæreamus partibus? ut in longitudi-  
 ne locorum, in loco vero solis & Lunæ? Nam in  
 loco solis sæpe de semisse vnius partis differen-  
 tia est, inter Alfonsi tabulas, & Copernici  
 aut Erasmi Reinbeldi Canones. In longitudine  
 P 2      locorum



# DE ASTROLABO

locorum dissentit Petrus Apianus à nobis & à Stoflero. 7. aut. 8. partibus integris. Nos igitur simpliciiori calculo contenti fuimus. Qui verò minutissima quæq; prosequi velit auctorum tabulas & præcepta sequatur. Interim verò si simul adhibeat Astrolabum nostrum, multa se molestia exuet, ac opus mirum in modum decurtabit.

## CAPVT LXVIII.

Alius modus inquirendi Euariationem visus in longitudine & latitudine tam in sole quam in luna.

Vsus alterius lateris  
Cursoris in 100. & quales partes diuisi.

Praxeos  
i. modus.

**Q**uandoquidem deliquij solis inuestigatio in Astronomia inter difficiliora ponitur, idq; potissimū ob Euariationes visus in luna & sole vt diximus volui adicere aliam methodū & facilem & perfectā, per quā ad singulas scrupula Euariationes distinguantur. In quem usum Cursoris alterum latus secumimus in. 100. par. æquales. Quas si rursus in. 10. singulas intellectus sectas cogitemus, erit totū latus Cursoris, quod semidiametro meridiani æquale est, in mille partes diuisum, in variū usum multarum rerū de quibus in suis locis dictū est. Cursorē igitur hunc in regula figas ea lege vt latus æqualium partium centrum occupet Astrolabi seu mediū regulæ. Deinde meridiano ab æquatore gradus anguli



anguli latitudinis seu diuersitatis aspectus latitudinis per. 64. cap. deprehensos, his voluendo regulā cursoris latus æqualium partium adiunge. Deinde in ipsa regula numera Euariationē lunæ vel solis quā visus efficit in circulo altitudinis, ex. 65. cap. acceptā sic verò cōstituto cursore, notā pinge ad finē euariationis in cursoris latere numeratæ à centro, aut per concursum parallelorū et circulorū horariorum memoriæ imprime. Mox regula horizōtis super æquatoris linea constituta. Cursorē promoue sic vt lat<sup>9</sup> æqualiū partiu iam dictū punctū attingat & videbis in eodē cursoris latere euariationē in latitudine ad singula scrupula, sic quoq; si regulā horizōtis collocaueris ad axis lineā & cursorē rursus ad punctū antea notatum constitueris, apparebit in latere æqualiū partiu, euariatio visus in longitudine. Harū rerū aliud exemplū non adiciā præter id quod in. 66. cap. posuimus. Sed est & tertius modus etiā perfectissimus, qui etiā multiplicationis adminiculo vtitur. Posita enim regula horizonis super gradibus anguli latitudinis in limbo, Cursor adducitur in regulā vt latus æqualiū partiu, extremū lineæ æquinoctialis secet, & accipiūtur partes æquales quas tunc æquator designat has semper per scrupula diuersitatis aspectus in circulo altitudinis multiplicamus, productumq;

Secundus.

Tertius.

P 3

per



## DE ASTROLABO

per. 100. diuidimus, sic habebitur latitudinis euariatio, vt in præcedentibus angulus latitudinis erat. 84. par. cū. 50. scrup. in cōiunctione vera, diuersitas aspectus lunæ in circulo altitudinis. 42. scrup. Posita igitur regula ad. 84. par. 50. scrup. in limbo numeratas versus Polū antarcticū, cursorē promoueo quousq; terminū æquatoris latus æqualiū partiū attingat, mox video in cursoris latere notari. 99. par. has multiplico per. 42. efficiūt. 4158. quæ si partiatur per. 100. fiūt. 41. scrup. euariationis in latitudine pro luna, exactiori scēnè calculo q̄ per præcedētes modos. Sic quoq; si angulū lōgitudinis in limbo numeraueris et regulā adduxeris cursorēq; ad terminū æquatoris perduxeris, deinde partes cursoris æquales per euariationem visus circulo altitudinis multiplicaueris, Demū per. 100. diuiseris habebis parallaxim longitudinis, vt in eodē exēplo angulus lōgitudinis est par. 5. 10. scrup. vnde positis omnibus vt diximus, inuenio partes æquales. 9. Has multiplico per. 42. fiunt. 378. quæ diuisa per. 100. efficiūt 4. propemodū scrupula euariatiōis ī lōgitudine.

## CAPVT LXIX.

Quanta solis pars obscurabitur.

Vnde futu-  
re synodi  
posuit habe-  
re suspitio.

**Q**uando synodus seu coniunctio luminum accidit circa alterum noderū quos vocāt caput draconis & caudam draconis, tum  
suspicio



suspitio haberi potest de Eclipsi solis futura. Cer-  
 tior autem indicatio est, si locus synodi mediæ an-  
 te caudam draconis accadat minori spacio quàm  
 20. partium. 40. scrupul. vel post nodum eundẽ  
 minus distet quàm. 11. part. 20. scrup. Itẽ si ante  
 nodum euehentem accadat synodus intra spaciũ  
 11. partium. 22. scrupulorum, vel post eundem  
 nodum quem caput draconis nominant, intra  
 20. partes. 40. scrupula. Tunc possibile est so-  
 lem incidere in defectum interposita scilicet lu-  
 na inter aspectum nostrum & solem. Extra hos  
 terminos non fiet defectus solis. At omnium cer-  
 tissimum signum est si apparens lunæ latitudo,  
 excedit quantitatem duarum semidiametro-  
 rum solis & lunæ tempore Eclipsis apparen-  
 tium, tunc nullam ☉ patietur Eclipsim. Ex  
 istis enim tota de deliquij magnitudine inqui-  
 sitio pendet, Ex semidiametris inquam lumi-  
 narium & latitudine apparente tempore con-  
 iunctionis apparentis, tam solis quàm lunæ. Quod  
 verò ad semidiametrorũ inuentionẽ attinet non  
 spectat propriè ad hoc nostrum organũ sed ex pro-  
 priis tabulis petitur. Atqui hic generatim di-  
 xisse sat est semidiametrum solis apparentem  
 circa Apogæum hoc est in Cancro, videri  
 15. scrupulorum & 49. ferè secundorum, pro  
 quibus 16. scrupula in liberiori calculo licet

Vnde deli-  
 quij magni-  
 tudo sit pe-  
 tenda.

Semidiamẽ-  
 tri solis ap-  
 parentes cir-  
 ca utrunque  
 longitudi-  
 nis punctũ.

P 4 acci-



# DE ASTROLABO

accipere, apud Perigæum verò. 17. scrupula efficit apparens semidiameter solis. Cum igitur maxima à minima non nisi vno scrupulo differant nō est admodum hic curiosè laborandum de aliis locis. Et quanquā etiā mutatio occentrotetis aliquam faciat hac in re diuersitatem, quum ea sit ferè insensibilis, à nobis hic emittitur ex proposito, lunæ verò semidiametros apparens minima est. 15. scrup. maxima verò quæ in synodis accidere potest. 17. scrup. 49. secundorū quæ parum absunt ab. 18. scrup. Hæc igitur ad nostrum institutum satis faciunt. Quoniam igitur sol in nostro exemplo quod iam in multis capitibus tractauimus, propior sit Apogæo quàm Perigæo quod in Capricorno est; accipiemus pro semidiametro eius. 16. scrupula. Luna verò ab Apogæo abest 5. dodecatemoriis, hoc est. 5. signis communibus & 3. partibus, atque ea ratione prope Perigæum, habet pro semidiametro apparenti. 17. scrupula. Hæc igitur semidiametri in vnā summam collectæ, efficiunt. 33. scrupula. Quod si nunc latitudo lunæ apparens maior hac summa esset, vt antea monuimus, nulla tunc fieri posset Eclipsis solis. Latitudo verò lunæ apparens, sic colligitur. Colligenda est ad tempus apparentis synodi Euariatio lunæ in latitudine excapite. 66. Similiter solis, si quæ est, latitudo

Lunæ semi  
diametri pū  
ctum.

Euariatio

aug. 104

Latitudo  
lunæ appa-  
rens quomo-  
do colliga-  
tur.



ritudo quoque lunæ ad idem momentum ex vero eius loco & nodi proximi loco calculanda ex cap. 8. Si igitur latitudo vera fuerit borea, euariatio autem latitudinis minor, hæc deducta ex latitudine relinquitur latitudo visa borea. At si euariatio latitudinis fuerit maior latitudine borea, subducta latitudine borea ex euariatione latitudinis, relinquitur latitudo apparens seu visa australis. Si verò latitudo vera fuerit australis, addatur euariatio latitudinis cum vera latitudine, & colligetur apparens latitudo lunæ australis. Hæc igitur collecta consideranda est etiam solis euariatio in latitudine. Hæc semper australis est eo quod sol eclipticæ tramitem semper sequatur, omnis autem euariatio visus deorsum accidat. Hæc igitur est eadem cum euariatione latitudinis. Quæ semper additur cum lunæ apparens latitudo borea est, detrahatur verò in australi latitudine apparenti australi lunæ nisi cum hæc minor est. Tunc enim hæc à solis apparenti latitudine tollitur, & sic restat lunæ latitudo à sole, apparens aspectui nostro. Hanc si subduxerimus ex congerie semidiametrorum solis & lunæ relinquetur pars diametri solis obscurata. Hanc per. 12. multiplicantes & productum per solis diametrum diuidentes, habebimus uncias seu digitos (vt vocant) diametri solis obscuratos.




## DE ASTROLABO

**Exemplum** natos. *Vt in exemplo nostro, in quo hora apparentis synodi est ho. 1. scrup. 16. horoscopus I. 30. Angulus horisotis & ecliptice. 44. par. 45. mi. angulus latitudinis. 88. ferè partes. Altitudo solis. 44. 42. mi. ferè. Vnde euariatio Lunæ in latitudine. 43. ferè scrup. Nam euariatio in circulo altitudinis est. 43. scrup. Sic & euariatio solis in latitudine efficit. 2. scrup. Latitudo lunæ vera. 23. scrupulorum borea. Quia verò euariatio latitudinis est. 43. scrup. vera autem latitudo. 23. scrup. borea, subducam hanc ex. 43. restat. 20. scrupula latitudinis lunæ apparentis austrinæ. Sed & sol. 2. scrupulis ab ecliptica secundum aspectum videtur distare. Igitur luna sole australior videtur. 18. scrup. Hæc est apparens latitudo lunæ à sole, qua subducta ex cogerie semidiametrorum quæ colligeramus. 33. scrup. relinquuntur. 15. scrup. pars nempe diametri solis obscurata. Demum. 15. hæc multiplicata per. 12. uncias diametri solis, efficiunt. 180. quæ diuisa per totam diametrum solis, siue per. 30. producantur. 6. uncie diametri solis, hoc est semissis, seu ut nunc loquuntur, puncta vel digiti ecliptici, Sicut etiam Græci vocant δακτύλλος sex. Sic enim cōsideramus eclipsium magnitudines, per luminarium in quæ diametros, non per superficies planas, quarum cognitio & molesta eget inquisitione, nullamque habet utilitatem insignem.*

Schemæ



1560. Augusti. 21.



B finis octauī.

C locus  $\odot$  visus.

CF latitudo  $\odot$  apparens.

CE latitudo  $\ll$  apparens.

FE latitudo ☾ à Sole apparens

F G pars diametri Solis obscurata.

EF semidia. Lunæ

CAPVT




# DE ASTROLABO

## CAPVT LXX.

### De duratione eclipsis Solis.

Modus ope-  
rationis.

**Q**uoniam ad huius rei inuentionem, parum profit vsus huius Astrolabi, non tamen volumus omittere hanc tractationem, quia & solis numeris absq; tabularum aut alterius organi vsu, adminiculo quoque Astrolabi cognosci potest.



Descri-



Describatur ergo solis magnitudo circa centrum *A*. sic ut *AB*. sit. 15. scrupulorum. *B* C. tota diameter. 30. scrupulorum. *AE* verò latitudo lunæ apparens latitudo à sole, in nostro exemplo 18. scrupulorum. Itaque *E* centrum apparens lunæ. Ad tota diametrum lunæ ducatur per *E* ad rectos angulos *EF*. Deinde extendatur circinus secundum aggregatum diametrorum solis & lunæ, quod in nostro proposito erat. 33. scrupulorum: & altero circini pede in *A* centro collocato, alter tangat lineam *EF* in puncto *F*. Certum iam est lunam in *F* collocatam nihil amplius occupare solis, ac ibi finem initiumve esse defectus solis, cū verò luna in *E* cōstiterit, tūc medium esse defectus. Quod certius credes si videris *GF* semidiametrum esse lunæ & in *G* fieri contactū solis & lunæ. Ergo *EF* dimidium est spacij quod luna in toto deliquio solis percurrit.

Hoc igitur vel solo circino explorare licet, vel multiplicādo *AF* in seipsam & *AE* similiter, auferendo deinde quadratum *AE* ex quadrato *AF* relinquetur per penultimā primi Euclid. quadratum *EF*, cuius radix lineam *EF* manifestabit. Ut in exemplo nostro *AF* valet. 33. scrup. Huius quadratum est. 1089. linea verò *AE* latitudo lunæ à sole apparens. 18. scrup. eius quadratum. 324. Hoc adimo ex priori quadrato, nempe



# DE ASTROLABO

nempe ex. 1089. relinquuntur. 765. pro quadra-  
to lineæ EF, ergo lineæ EF est. 27. scrup. cum  
semisse ferè. Hanc eandem lineam ex facie  
Astrolabi poteris colligere pauca molestia. Col-  
loca enim cursorem ita vt latus ipsius equalium  
partium occupet lineam axis horisontis regula  
stante super æquatore, deinde quanta est lineæ  
AE tot partes æquales numera in latere cur-  
soris, has circini officio transfer in regulam ho-  
risontis à centro, ibique notam facito. Deinde  
circinum in latere cursoris extēde ad tot partes  
æquales quot est lineæ AF, deinde altero pede  
circini ad notam in regula horisontis impressam  
stante, alterum circumduc quousque latus curso-  
ris equalium partium tangat, is statim ostendet  
partes lineæ AF, spacium dimidiæ moræ. Hoc  
autem spacium motus Lunæ apparentis reduce-  
tur ad tempus, per motum horarium Lunæ ap-  
parentem. Hunc in nostro exemplo inuenimus  
28. scrupulorum. Iam per regulam proportio-  
num dicemus. 28. scrupula motus apparentis Lu-  
næ, efficiunt horam vnā, siue. 60. scrupula, quan-  
tum. 27. scrupula cum semisse? & sequentes re-  
gulam inueniemus. 59. scrupula, quæ vocantur  
minuta casus vulgò, vel minuta incidentiæ, græcè  
ἐξίκοσα τῆς ἐμπόσεως καὶ ἀναπληρώσεως. Hoc est  
minuta incidentiæ & repletionis luminis, quan-  
tū

Vfus orga-  
ni ad hanc  
rem.

Minuta  
incidentiæ



tum scilicet sit ab initio deliquij ad medium & hinc vsque ad finem. Vnde duplicatis minutis incidentiæ, ferè habebimus totius deliquij tempus, vt hic duarum horarum, demptis duobus.

Verum equidem noui probè hæc duo tempora incidentiæ (inquam) & reditus luminis non semper esse æqualia, nisi eclipsis accadat in nonagesimo ab ortu eclipticæ gradu, idq̃ propter lunæ motum apparentem inæqualem. Propter quem in orientali parte euariatio longitudinis adiicitur vero loco eius: in occidentali deducitur. Qui igitur curiose hæc prosequi vellet, is deberet motū Lunæ apparentem colligere pro vna hora ante eclipsim, & pro vna hora post eclipsim medium: deinde incidentiæ spacium metiri per motum horarium præcedentem, spacium verò reditus luminis per motum horarium sequentis horæ. Quod si cui lubet: habet iam omnem à nobis traditam rationem. At nobis minima hæc prosequi non placuit: cum omnem doctrinā generalibus præceptis edocuerimus. Nam nimis curiose hic laborare, *κενοδοξὲς μάλλον, ἢ φυλακίδος ἀρεὴν*, vt ipse ait Ptolomæus.

## CAPVT LXXI.

De Lunæ defectu, de magnitudine & duratione eiusdem.

Luna



# DE ASTROLABO

Lunæ defectus cur facilius multo percipi possit.

Lunaris defectus omnibus vno conspicitur temporis puncto, sed id tempus ex meridianorum ratione diuersum indicatur.

**L**unæ defectus facilem habet calculum, neque admodum indiget instrumenti opera. Quia tamen & iucunda est tractatio & ex nostro Astrolabo magna accidit calculo facilitas: placuit in studiosorum gratiam hanc considerationem cum affini subiungere. Ceterum causa facilitatis hic est. Quod lunæ deliquium non pendeat ab intuitu nostro vlla ratione, sicut in sole dictum est, imò quoties lunæ accidit deliquium: hoc est dum illa soli opposita incidit in umbram terræ longe supra lunæ orbem extensam, sicq; lumine quod à sole recipit priuatur. Tum vndeque intuentibus equali magnitudine deficit, & pari prorsus tempore durat, eodemq; momento cernitur, quod tamen secundum meridianorum distantiam & differentiā aliter atque aliter numeratur, ut in sequentibus de longitudine locorum dicemus. In sole autē longè secus res habet. Siquidem eadem solis eclipsis his videtur magna & lenta, illis & parua & momentanea, nonnullis borea pars, nonnullis australis solis pars videtur occultari, idq; infinitis modis. Causa verò ita varietatis est locorum vnde sol aspicitur diuersitas. Quia enim solis deliquium reuera non est ut dicitur defectus, sed tantummodo lunæ obiectio inter aspectum & solem, & ex aliis atque aliis locis habitati orbis homines intueantur solem,



lem, fit hinc ut non vno modo hi atque illi So-  
 lem impeditum videant: Quin potius nonnulli  
 solem prorsus illustrem aspiciunt dum alij ma-  
 gnā illius occultationem habent. Aspectus  
 enim noster propter alium atq; alium situm ma-  
 xima est causa diuersitatis deliquij solis. At in  
 Lunæ deliquio ut diximus nihil euariat noster  
 intuitus in lunæ defectu, siue in longitudine siue  
 in latitudine. Atque eam ob causam tam va-  
 rias coacti sumus in sole aspectus euariationes  
 indagare, quas in luna nihil requirimus. Satis  
 siquidem hic fuerit pro nostro meridiano tempus  
 veræ oppositionis solis & lunæ ex propriis Cano-  
 nibus, vel etiam ex rectè calculatis Ephemer-  
 idibus accipere, Atque ad id tempus locum solis  
 in ecliptica colligere, cuius oppositus est locus  
 lunæ adamussim. Deinde latitudo Lunæ vera  
 inquirenda est diligentissime, ut in capite. 8.  
 docuimus. Demum Lunæ diametros siue semi-  
 diametros colligenda; Similiter quoque vmbrae  
 terræ semidiametros quanta sit in loco transitus  
 lunæ. Nam hæc duplici ratione nunc maior nūc  
 minor est, Primo ob vicinitatem Lunæ ad ter-  
 ram. Cum enim hæc perigæo vicinior existit, ma-  
 iorem hæc offendit terræ vmbra quam in alijs  
 locis. Desinit enim vmbra terræ tandem in acu-  
 tum, fitq; minor tanto quāto plus à terra proten-

Quæ ante  
 cōsiderāda


Q datur.



## DE ASTROLABO


ditur. Secundo & ipsa umbra eodem quoq; in or-  
bis luna loco, non eandem semper habet amplitu-  
dinem: idq; propter solis inaequalem distantiam  
à terra. Quo enim ille propius ad terræ centrum  
accedit, eo umbra terræ strictior breuiorq; eu-  
adit: contra per recessum solis à terra, illa exten-  
ditur ac ampliatur in iisdem lunaris orbis locis,  
in quibus strictior antea fuerat. Atqui hæc præ-  
dicta in schematibus sequentibus utcunq; depin-  
ximus.

Schema deliquij Solis.





Schema de-  
liquij Lunæ





## DE ASTROLABO

Diametros  
solis ac lu-  
næ & umbrarū  
que collige-  
re.

Solis.

Lunæ.

Ad institutum ergo nostrum nosce oportet ex  
Canonibus, tēpus veræ opposiūionis solis lunæq;  
in eclipsi lunæ, & ad tempus idem locum solis &  
lunæ, vñà cum latitudine lunæ. Deinde semidia-  
metrū lunæ & umbræ per quam lunæ transitus  
est. Iam verò quantum studiosis satis erit doce-  
bo breuibus diametros solis lunæ & umbræ col-  
ligere ex motibus solis & lunæ diurnis vel hora-  
riis. Inuentum enim est ab artificibus, quòd quæ  
est ratio. 20. ad. 11. eadem est motus solis diur-  
ni ad diametrum suam apparentem. Igitur mo-  
tum solis diurnum ex tabulis quibusuis collectū  
ducimus in. 11. productūq; diuidimus per. 20.  
sic colligemus solis diametrum. Causa est quòd  
pari ratione & magnitudo apparentis diametri  
solis, motusq; solis velocitas, augentur & dimi-  
nuuntur pro solis situ in eccentro. Lunæ verò di-  
ametros, etiam cum motu suo rationem seruat,  
adeo vt apparēs diametros lunæ ferè equalis sit  
motui eius horario. Quæ est, inquit Purbachius,  
ratio. 48. ad. 47. ea est motus lunæ horarij, ad  
diametrum lunæ apparentem. Si quis ergo mo-  
tum horarium pro diametro lunæ acceperit, non  
falletur vno scrupulo. Exacta autem ratio est.  
Duc motum horariū lunæ in. 47. productū di-  
uidatur p. 48. sic prodibit lunæ diametros. Hic  
verò superfluum (arbitror) Arithmetices præ-  
cepta



cepta repetere quæ olim in lucē dedimus. Restat Vmbra.  
 Vmbrae diametros quæ cognoscitur hoc modo. Di-  
 ametrum lunæ iam collectum multiplicabimus  
 per. 13. productā summā per. 5. partiemur: sic col-  
 ligemus Vmbrae magnitudinem maximā in tran-  
 situ lunæ, sole scilicet in apogæo constituto. Aliis  
 verò locis imminui eodē loco Vmbrae diximus.  
 Quo scilicet propior accesserit sol ad terrā. Quā-  
 tum autē alio loco decrescat Vmbrae diametros,  
 colligitur ex solis motu horario. Quāto enim hic  
 maior euadit aliis locis, decies tātō minor fit Vm-  
 bra terræ. Hæ igitur regulæ sunt generales suc-  
 cinctissimæ & clarissimæ. Quas exemplo decla-  
 rabimus luculento Anno. 1555. Lunij quarto, ho. Exempla.  
 14. & 42. scrup. futurum est lunæ deliquium in-  
 gens. Quod inde colligitur quia lunæ locus tem-  
 pore veræ oppositionis haud multum abest à no-  
 do deprimente qui cauda draconis dicitur. Locus  
 enim solis est secundum vulgares tabulas  $\text{H} 22.$   
 partes. 44. scrup. Vnde lunæ  $\text{I} 22.$  par. 46. scrup.  
 Nodus quoque euehens est in  $\text{H} 23.$  par. 8. scrup.  
 Igitur cauda in  $\text{I} 23.$  par. 8. scrup. A deo ut lu-  
 næ verus locus à cauda absit tantum. 21. scrupu-  
 lis. Vnde non solum possibilis eclipsis futura col-  
 ligitur, sed magna audacter futura pronuntia-  
 tur. Quociens verò lunæ latitudo maior contingit  
 una parte cum. 8. scrupulis in utramvis eclipsi-

Q 3      12 par-



## DE ASTROLABO

eā partem: tum luna vmbra terræ suo cursu de-  
 clinabit. Hic verò lunæ latitudo colligitur duo-  
 rum vix scrupulorū, argumēto q̄ luna prope cen-  
 trum vmbra terræ in defectu versabitur. Verū  
 vt quantitātē, & morā deliquij colligamus, semī  
 diametrum lunæ & vmbra terræ sciamus oportet  
 per regulas supra dictas. Motus ergo lunæ di-  
 urnus eo in loco est. 13. par. 5. scrup. ergo motus ho-  
 rarius erit. 32. scrup. 40. secundorū, paulò sanè mi-  
 nor erit dimetiens lunæ. Quod si lubet scrupulo-  
 se hāc rem dignoscere, multiplica (vt diximus)  
 32. scrup. 40. secunda per. 47. productumq̄ diuide  
 per. 48. sic elicies. 32. scrup. cum. 20. ferè secundis:  
 atq̄ hāc iusta est lunæ diametros, ideoq̄ semidia-  
 ter. 16. scrup. & 10. secund. scrup. Hanc si multipli-  
 cauerimus per. 13. partiamurq̄ excrementem nu-  
 merum per. 5. colligemus vmbra terræ diame-  
 trum in loco lunæ decurrētis in suo orbe sole col-  
 locato in apogeo. Multiplicatio diametri efficit  
 25220. secunda. Diuisio verò elicit. 5044. secun-  
 da. Hoc est. 84. scrupula. 4. secunda. Vnde se-  
 midiameter vmbra est. 42. scrupulorum. 2. se-  
 cundorum. Et quia sol circa apogaeum suum  
 versatur, non potest vmbra ob solis accessum ad  
 terram commentatione dignum quicquam dimi-  
 nui. Alioqui quarendus erat motus horarius so-  
 lis in apogeo existentis, & pro hoc loco quoq̄ in  
 quo



quo nunc constitit: differentia verò horum duorum motuum decuplata detrahenda à magnitudine umbræ superius inuenta: sic exquisita. extaret umbræ terræ ratio. Sed nobis methodo indicata, minima quæq; prosequi non est visum utile, quæ ociosis aut prorsus his studiis addictis relinquimus scrutanda. His igitur sic inuentis, solo descripto schemate, licebit defectus magnitudinem, durationemq; cognoscere. Producat ergo linea recta *AB* quæ sit. 22. Sagittarij gradus, diuidaturq; in. 60. scrupula. In. 46. ergo scrupulo in quo erit centrum umbræ terræ in opposito scilicet solis tēpore veræ oppositionis, statuatur pes circini & secundum magnitudinem semidiametri umbræ terræ iam inuentæ, scilicet. 42. scrupulorum intercapedine describatur circulus umbræ terræ super cetro *C* ducaturq; ad rectos ipsi *AB* linea *DE*, circulus nimirum latitudinis lunæ. Et quia latitudo lineæ fuit collecta. 2. scrupulorum borea. Accipiemus intercapedinem. 2. minutorum ex *AB* particulis, eamq; ex *C* versus *D* collocabimus in puncto *E*. Hoc igitur est centrū lunæ. Ex hoc centro secundū lunæ semidiametrū 16. scrup. & 10. secund. describatur circulus lunæ. Quibus factis mox corā oculis cōspicies totā lunā umbræ terræ immersā absq; vllō calculi labore. Quod si totā diame. lunæ i. 12. vncias seu digitos

Modus inuestigandæ defectus magnitud.



# DE ASTROLABO

diuiferis, videbis clarissimè quot digitorū seu vnciarum erit eclipsis lunæ. Quot enim vncias diametri continuerit DF, quæ est distātia ab extrema vmbra terræ ad lunæ oram maxime tenebris immersam, tot digitorum seu (vt nunc vocant) punctorū dicetur eclipsis esse. D verò punctus est vmbre terræ maxime ab Ecliptica vergens in quā luna discedit. At per numeros sic progrediemur, Quoniam EF est. 16. scrup. & 10. secundorum. Latitudo lunæ EC 2. scrup. igitur CF erit 14. scrup. 10. secundorū: cui addita CD. 42. scrup. 2. secund. Erit tota DF 56. scrup. 12. secundorū. Iam per regulam proportionum, Si. 16. scrup. cum. 10. secundis, valent. 6. vncias: quantum valebunt. 56. scrup. 12. secunda? Sequendo verò regulæ præcepta eliciemus. 19. digitos & 41. scrup. vnius vnciæ, quales. 12. efficiunt totam lunæ diametrum. Atq; vt vno verbo dicā, tota luna quæ 12. digitis æquatur, immergetur in vmbra terræ, idq; adeo profundè vt vmbra lunæ superatura sit 8. vnciis lunæ ferè. Quod quidē est. 20. ferè digitorū esse eclipsim lunæ. Nā luna quidē vltra. 12. puncta nō cōtinet, sed immersio lunæ in vmbra terræ erit. 20. ferè vnciarū seu dig. Vnde sciendū cū magnitudo defectus superat. 12. puncta: tū futurum deliquiū cum mora (vt vocāt) hoc est lunā aliquādiu cōmoraturā in tenebris priusquā recipiet

Corolariū.



cipiet lumen à sole, & quanto plures digiti fue-  
 rint inuēti, tanto plus & mora lunæ in tenebris  
 & tota eclipsis durabit. Quorum utrunq; ut ex-  
 acte discernamus sic agendum erit. Circinus di-  
 stendatur secundū semidiametrum lunæ & semi-  
 diametrum lunæ iunctas, ut in proposito nostro  
 ad amplitudinē. 58. scrup. 12. secundorum, & ex  
 centro umbræ terræ (describatur circulus occul-  
 tus, notenturq; diligenter contactus huius circuli  
 cum via lunæ. Viam lunæ vocamus lineam per  
 E centrum lunæ actam parallelam (si libet) eclis-  
 pticæ AB, vel si scrupulosius hæc prosequi pla-  
 cet, faciat hæc linea cum DF linea angulū obtu-  
 sum DEM. 95. partium, ut hic linea est LE  
 HM. Hæc enim vera est via lunæ unde & H  
 erit locus Nodi vicinioris. Hæc igitur secatur  
 à circo obscuro iam dicto in L & M punctis in  
 quibus luna existens initium finemq; defectus ha-  
 bet. Demum à duabus intersectionibus umbræ  
 terræ & viæ lunaris, circino traducatur semidia-  
 metros lunæ, noteturq; bis in via lunari, ut sunt  
 puncta N & O. In altero enim horū luna pror-  
 sus ingressa est umbram terræ in altero verò ab-  
 soluto cursu per umbram ad emersionem accin-  
 gitur. Habes igitur quinque lunas primam si pla-  
 cet super centro L quando incipit deficere, secun-  
 dam ex centro O quando tota obscuratur, tertiā

Q s ex



# DE ASTROLABO

ex *E* centro cū in medio est deliquij. Quartā ex  
*N* puncto cum rursus illustrari incipit. Vltimā  
in *M* descriptam in fine deliquij. Vnde & spacia  
quæ luna perambulat inuenimus *L O*, ab initio  
ad integrā obscuratiōē. *O N* verò integræ ob-  
scuratiōis, quā & moram vocant. Hinc etiā  
*O E* ἑξήκοντα ἡμισυ τῆς μονῆς, hoc est scrupula  
dimidiæ moræ vocantur. Quas quidem partes  
omnes circino licet accipere per *Eclipticæ* partes  
antea factas, ac singulas diuidendo per superatio-  
nem lunæ horariam, habebimus tempora quæsi-  
ta singula, vel si placet, totam quoq; *LM*, quæ  
totius deliquij mensura est. Nos autem nume-  
ris sic eas distinguemus. Quoniam *EC* latitu-  
do lunæ. 2. est scrupulorum, & ad rectos ferè  
incidit in *LM* viam lunæ: Quadratum *LC*,  
quadrata valebit *EE*, & *EC*. Ergo depto qua-  
drato *EC* ex quadrato *LC*, restabit quadratum  
*LE* per penultimā primi *Eucli*. Est autem *LC*  
aggregatum semidiametrorum lunæ & vmbre  
58. scilicet scrup. 12. secunda sed omisiss studiosè  
secundis quadratum *LC* valebit. 3364. Hinc  
dempto quadrato *CE* scilicet. 4. relinquuntur  
3360. quadratum *LE*, cuius latus paulò minus  
quàm. 58. valet, hac est linea *LE*. Tanta quo-  
que censetur *EM* linea & vtræque complecti-  
tur æquè multa minuta. Nemo verò hic ea-  
lumine-



lumnietur nos, dixisse lineam  $CE$  perpendiculararem ipsi viæ lunari, cum antea ipsi Eclipticæ ad rectos eam struxerimus. Hæc enim à magnis viris negliguntur, quia nullam sensis perceptibilem aut notatu dignā varietatē inducant. Cognita igitur iam linea  $LE$  quā. 58. fere scrupulorū deprehendimus, auferemus ex ea lunæ semidiametrū scilicet. 16. cū. 12. secundis. Erit linea  $LO$ . 41. scrup. 48. secundorū ferè. Quæ vocantur  $\epsilon\chi\eta\kappa\omicron\varsigma\alpha\ \tau\eta\varsigma\ \epsilon\mu\pi\tau\acute{\omega}\sigma\epsilon\omega\varsigma$ , seu minuta incidentiæ. Huic æqualis propemodū est linea  $NM$ , & dicuntur  $\epsilon\chi\eta\kappa\omicron\varsigma\alpha\ \alpha\nu\alpha\pi\lambda\eta\varsigma\acute{\omega}\sigma\epsilon\omega\varsigma$ , id est scrupula repletionis, subducta demū  $LO$ , hoc est minutis incidentiæ ex  $LE$  relinquetur  $OE$  dimidium moræ, scilicet. 17. scrupula. 12. ferè secunda. Quoniam verò motus Lunæ Horarius erat 32. scrupulorum. 40. secundorum, solis verò motus horarius. 2. scrupul. 22. secunda subducto hoc ex illo relinquentur. 30. scrupula 18. secunda. Hæc est nimirum superatio lunæ supra solem in vna hora. Per hanc diuide singulas partes viæ lunæ iam deprehensas sic habebis tempora illis respondentia. Vt quoniam scrupula incidentiæ erant. 41. scrupula. 48. secunda: diuidam ea per. 30. scrupula. 18. secunda, reducēdo vtrunq; numerū ad secūda, quod faciliū fuerit, sic proueniet hora vna cum. 22. scrupulis,

tempus



## DE ASTROLABO

tempus scilicet incidentiæ & itidem repletionis  
 ut diximus. Sic quoque si minuta moræ dimi-  
 diæ scilicet. 17. scrup. 12. secunda diuisero per  
 eandem lunæ superationem, habeo ex hac parti-  
 tione. 33. scrupula, horarum, tempus scilicet di-  
 midie moræ. Vnde tota obscuratio erit vnius  
 horæ. 6. scrupulorum. Totius deliquij tempus. 3.  
 horarum. 50. scrupulorum. Hoc tempus Simus  
 collegit in suis Ephemeridibus. 3. horarum. 20.  
 scrupulorum. Pitatus verò. 2. horarum. 2. scru-  
 pulorum. Stofterus. 2. horarum. 6. minutorum.  
 Demum Erasmus Reinheldus. 4. horarum. 2.  
 scrupulorum. Causa verò tantæ diuersitatis est  
 diuersitas Canonum solis & lunæ aliarumque  
 necessariarum. Ego verò locum solis lunæq; de-  
 sumpsi ex vulgaribus Ephemeridibus, ut stu-  
 diosis facilem proponerem rationem in reliquis  
 verò vniuersales statui regulas: easque secutus  
 sum, quæ omnibus paratu faciles mihi vide-  
 bantur: Non ignarus hæc scrupulosius posse  
 ex propriis Canonibus colligi, nisi satius visum  
 fuisset moderato gradu prope veritatem confi-  
 stere, quàm vehementiori cursu longè ab ipsa  
 discedere id quod aliis hac in re non raro con-  
 tingit.

CAPVT



Qua ratione lunæ Parallaxis siue euariatio visus ex cœlo deprehendatur ad certam diei horam regionisq; latitudinem.

**H**ic quædam nota nobis necessario sunt cōcedenda. Nempe regionis latitudo, locus solis. Hora diei, & locus lunæ verus secundum longitudinem, latitudinemq; ad eādem horam. Demum ex capite. 8. altitudo lunæ ex præmissis cognitiis colligenda diligenter & simul per do. sum Astrolabi per aspectum accipienda eiusdem lunæ altitudo. Si nunc duæ hæ altitudines concordauerint ad minutum vsq; nulla erit euariatio visus in loco lunæ, id quod nusquā euenit nisi illa prope verticem constituta. Quancūq; verò fuerit harum duarum altitudinū differentia: tanta dicetur esse diuersitas aspectus lunæ in circulo altitudinis, sed hic opus est exactissimo calculo loci lunæ & organo satis magno ad percipiendam lunæ altitudinem. Vbi & hoc incidit dubij, cum lunæ altitudo per aspectum oculi sit accipienda, illa verò habeat notatu dignam altitudinem, quomodo altitudo eius rectè diiudicetur. Ego altitudinē summitatis accipio, itidemq; infimæ partis, easq; coaceruatas in duo diuido

Altitudo  
lunæ.



DE ASTROLABO

*Diame-* diuido pro vera altitudine lunæ. Ex qua etiam  
*ter D* doctrina Diametrum lunæ poteris dimetiri.

CAPVT LXXIII.

Quanta fit maxima lunæ euaria-  
 tio in visu quolibet die  
 cum illa videri  
 potest.

Praxis.

**A**ccipiat ex præcedenti doctrina euaria-  
 tio lunæ in circulo altitudinis. Deinde in  
 facie Astrolabi in regula horisæ nume-  
 retur lunæ altitudo vera, ab extremitate versus  
 centrum: hoc punctum promoue in parallelis secun-  
 dum euariationem inuentam, numerando pro sin-  
 gulis partibus parallelorum. 10. tantum scrup-  
 ula, ut in capite. 65. & 66. docuimus. Sic enim  
 Horizon in limbo maximam lunæ diuersitatem  
 ostendet, eadem manente æstimatione graduū. Ma-  
 ximam hic vocamus euariationem, quam luna  
 pro eo situ in orbibus suis, in horizonteque constitu-  
 ta habere potest, ut copiosius cap. 65. docuimus.  
 Exempli causa. Habeat luna secundum visum al-  
 titudinem. 40. grad. secundum calculum verò. 40.  
 graduum. 41. scrupulorum, siquidem altitudo conspe-  
 cta minor semper existit altitudine vera. Hic  
 euariatio visus est. 41. scrupulorum. Querimus  
 nunc maximam, quam scilicet haberet luna cir-  
 ca finitorem collocata. In facie igitur organi,  
 in

Exemplum



in regula Horizontis introrsum, numero. 40. gradus, quos deinde duco ad. 41. scrupula in circulis parallelis. Numerando scilicet pro singulis parallelorum gradibus. 10. scrupula, hoc est promouendo gradum regulæ quadragesimum ad quartum gradum parallelorum cum vna decima, sic regula in limbo ostendit. 4. partes. cum 3. quintis vnius partis. Quæ secundum positam estimationem valent. 46. scrupula. Atque hæc est maxima euariatio lunæ in circulo altitudinis, quàm obtinere potest, ea in constitutione orbium suorum. Nam omnium maxima est cum illa maxime fuerit perigæa, hoc est terræ vicinissima. Hæc autem deprehensa est vnius gradus & trium ferè scrupulorum.

## CAPVT LXXIIII.

Data longitudine & latitudine  
duarum stellarum, quan-  
ta sit inter ipsas di-  
stantia.

**I**N libello nostro de Radio Astronomico docuimus ex cælo ipso distantias stellarum deprehendere, facili certoq; modo. Quod & si sciam aliquo modo fieri posse nostro hoc Astrolabo, vt docuit Rojas in vsum Planisphærij alterius. Quia tamen laboriosum hoc est, & vix sine



# DE ASTROLABO

Scopus hu-  
lus capitis.

Praxis.

Ea latitudo  
stellæ simili  
ter ab æqua  
tore versus  
polum sup-  
putanda est.

sine structura aliorum instrumentorū, quæ astro-  
labum ad quamvis superficiei sustineant incli-  
nationem, non visum est eum modum huc tra-  
ducere. Facile enim cuius fuerit sine sumptu  
Radiū sibi conficere ex nostra instructione. Quo  
adiuncto ad nostrum Astrolabum, nihil ferè de-  
siderari queat ad quascunq; τῶν φαινομένων ob-  
servationes. At hic docemus stellarum, oppido-  
rumq; interstitia in plana superficiei æquè facile  
nihiloq; imperfectius atq; in superficiei sphaerica  
dimetiri. Quod mihi inter pulcherrima proble-  
mata vel primum videtur, & magna admiratio  
ne dignum. Modus autem sic habet. Accipiat  
per subductionem differentia lōgitudinum ipsa-  
rum, Deinde stella quæ australior est secundum  
suam latitudinem statuatur in extremo Meri-  
diano faciei in parte sinistra quæ per  $\Lambda$  ducitur.  
Ab hoc Meridiano numeretur in æquatore dif-  
ferentia longitudinum, & in cirulo horario siue  
meridiano per locum hunc transeunte statuatur  
secundum suam latitudinem altera stella. Post  
hæc regula horizontis suo fine applicetur priori  
stellæ in extremo meridiano notatæ, simulq; apex  
brachioli ad notam alterius stellæ magis boreæ  
obfirmetur. Iam stante cursore traducatur Ho-  
rizon ad Polum, sic exactissime habebis à Polo  
vsq; ad brachioli apicem, gradus distantie quæ-  
sitæ,



sita, idq̄ summa facilitate, & firmissima certissi-  
 maq̄ ratione, pro organi magnitudine. Accipia-  
 mus in exemplum caudā leonis & Arcturi cla- Exemplum  
 rum sydus, inquiramusq̄ harum stellarum inter-  
 stitium. Licebit autem ex quibusvis tabulis acci-  
 pere longitudes & latitudes stellarum: neq̄  
 refert ad quem annum supputata sint. Quoniā  
 semper eadem manet longitudinum differentia  
 qua hic utimur, & eadem quoque latitudo, lon-  
 gitude ergo caudæ leonis est in  $\text{M}\chi$ . 15. part. 27.  
 scrup. Hoc est ab Ariete. 165. part. 27. scrupul.  
 Sed longitudo Arcturi est. 197. part. ab Ariete  
 cū. 57. scrupulis. Ergo per deductionē minoris à  
 maiore, colligemus differentiam longitudinum  
 32. partium. scrup. 30. scrupulorū. Latitudo Bo-  
 rea caudæ leonis est. 11. partium. 50. scrup. latitu-  
 do Arcturi. 31. partium. 30. scrupul. similiter bo-  
 rea. Iam ergo latitudinem caudæ leonis in Me-  
 ridiano supputo in sinistra parte ab Equatore  
 sursum, atque eo promoueo Horizontalis regu-  
 læ extremum, Deinde numero in equatore. 32.  
 partes cum semisse, longitudinum differentiam,  
 atque in circulo horario per hunc locum transeū-  
 te numero latitudinem Arcturi. 31. partes cum  
 semisse. Ad hunc locum applico indicem Curso-  
 remq̄ cum indice sic firmo. Demum Horizontē  
 ad Polum admoueo, sic indicem à polo distare vi-

R deo



# DE ASTROLABO

de 35. partibus. 10. propemodum scrupulis. Atque hæc est distantia stellarum quæ sita.

## CAPVT LXXV.

Quaratione duarum stellarum incognitarum distantia accipiat per Astrolabum nostrum.

**I**am verò & si stellarum longitudines ad maximum non sint, nihilominus absq; alterius organi abminiculo, colligemus stellarum interstitia. Quod quivis etiã ex capite. 47. facile colligere poterit. Illic enim longitudo & lat. accipere ex cælo docemus, quare etiã ex præcedenti capite interstitium habebitur earum. Sed nunc absque horæ cognitione, vel latitudinis loci, ommissa longitudine earum atq; latitudine, summa facilitate eandem rem perficiemus. Accipiat ergo distantia earum horizontalis nulla etiam habita ratione temporis, aut regionum mundi, hoc est vide quantum circuli verticales per eas stellas ex vertice producti in horizonte dissideant: id quo & iacente sit Astrolabo accipe quoq; utriusq; altitudinem supra horizontem eodem (si fieri potest) momento. His igitur acceptis, solis mutatis nominibus eadem erit operatio quam præcedenti diximus capite. Siquidem altitudines stellarum erunt

Differentia  
huius do-  
ctrinæ à præ-  
cedenti.

Analogia  
huius capi-  
tis ad præce-  
denti do-  
ctrinam.



erunt loco latitudinum, distantia verticalium,  
 erit loco differentie longitudinum. Ex quibus  
 eandem prorsus distantiam stellarum deprehen-  
 des. Atqui hoc inuentum tantæ est utilitatis ut  
 verbis exprimere id nequeam. Hoc enim ingenio  
 tota sphaera octauam facile corrigi poterit. In  
 qua sunt multi errores in locis stellarum fixa-  
 rum. Vnde & motus planetarum demum cor-  
 rigi poterunt. Ideo non inutile fuerit hanc do-  
 ctrinam exemplo illustrare. Accepi igitur qua-  
 dam hora noctis altitudines duarum stellarum  
 fixarum, quarum altera est in cauda leonis,  
 altera in cauda Vrsæ maioris, eratque Caudæ  
 Vrsæ altitudo. 38. partium. 10. scrupulorum. Al-  
 titudo verò caudæ leonis. 32. partium. 50. scrupu-  
 lorum. Distabant verò circuli verticales quos  
 Azimuth vocant. 50. partibus. 50. scrupulis. Col-  
 locabimus igitur horizontem ad. 32. par. 50. scrup.  
 scilicet ad minorem altitudinem quam ab aqua-  
 tore versus polum numeramus. Deinde in pa-  
 rallelo. 38. partium. 10. scrupulorum, quæ est  
 maior altitudo, computo distantiam vertica-  
 lium acceptam secundum doctrinam capitis. 38.  
 Collocato enim Astrolabo in plana superficie  
 & composita dioptra super Diametro Dorsi, pri-  
 mum vertitur organum donec Dioptra alteram  
 stellarum directe respiciat. Quiescente deinde

Vfus.

Exemplum

Distantiam  
verticalium  
reperire.

R 2

organo



## DE ASTROLABO

organo dioptra ad reliquam vertitur, sic enim Dioptra in limbo quaesitam distantiam verticalium demonstrat. Hanc in proposito. 50. pariter 50. scrupulorum notaueramus. Quam in parallelo. 38. gra. 10. scrupulorum ab initio Meridiani computo, & fini stylum Brachiolii adiungo & constrictis cochleis Horizontem ad polum deuoluo. Mox à polo ad apicem styli. 41. partes. & 15. ferme scrupula conspicio, veram nimirum dictarum stellarum distantiam. In hoc igitur proposito neque stellarum cognitione, neque longitudinis neque latitudinis stellarum aut loci cognitione opus est, quanquam nos doctrinae gratia per notas stellas rem proposuerimus.

### CAPVT LXXVI.

Quam longa sit cauda Cometes  
secundum aspectum.

**D** Vos iam modos proximis capitibus edocui-  
mus, quorum posterior omnium facili-  
mus est & nulla alia indigens inquisitio-  
ne, capta enim altitudine & capitis cometes &  
extremitatis cauda, acceptoq; interstitio vertica-  
lium per caput caudamq; ductorum mox per po-  
steriorem doctrinam longitudo cauda, manife-  
sta erit. At pro priori modo requiritur cognitio  
longitudinis & latitudinis duorum punctorum  
quorum intercapedo queritur. Adsumamus do-  
ctrinae

Inquisitio-  
nis modus  
per dogma  
precedentiū  
capitum.



*Strina gratia historiam de Cometa capite. 47. positam: ubi docetur inuētio longitudinis & latitudinis Cometarum. Illic igitur Cometa in  $\Omega$  20. gra. & 10. scrup. colligebatur videri, cum latitudine Borea. 23. partium 20. scrup. Extremū verò caudæ eius in  $\Omega$ . 11. partibus. & 30. scrup. cum latitudine Borea. 37. partium. Ergo regulā Horizontalem ad latitudinem minorem nempe. 23. part. 20. scrup. statuemus. Deinde in parallelo maioris latitudinis scilicet. 37. partium supputo differentiā longitudinis, quæ est. 8. par. 30. scrup. vt ex subductione patet. Iam igitur stylum ad hunc locū compono firmiter, voluōq; hinc horizontem ad polum. Videoq; indicem à polo distare per parallelos. 15. partibus. 25. scrup. atq; hæc est vera ad conspectum caudæ Cometes longitudo in gradibus.*

## CAPVT LXXVII.

De locorum distantia recta in terræ superficie.

**Q**uāquam hoc loco sermonē separatū faciamus de locorū intercapedine in terris, non est tamē vlla diuersitas operationū ab iis quæ cap. 74. dicta sunt. Nā cognita latitudine duorū locorū cum lōgitudinis differētia instituetur eadem prorsus operandi methodus quæ isthic dicta est, sed quia instrumenti copia præ-

Prior modus.

R 3 ter



# DE ASTROLABO

Posterior  
modus.

ter dictum modum etiam alium præbet nolui illum omittere, ut ex variis operandi modis omnibus pateret & organi utilitas & veritas confirmaretur. Quando igitur duo loca fuerint in vno hemicyclo comprehensa à Meridiano per insulas fortunatas transeunte, quo tota Ptolomæi Geographia circumscribitur, numeretur longitudo locorum in Equatore, à sinistra parte faciendo initium, & latitudo in suo utriusque meridiano, vel septentrionem versus vel Austrum pro loci situ punctulo notetur. Ad alterum punctorum Horizon applicetur, & notula in Horizōte designetur, quo quiescēte apex styli ad reliquum locum antea designatum obfirmetur. Voluatur post hæc Horizon quousque & notula in Horizonte notata, & apex styli in eundem incidant circulum horarium. Quo facto numera partes contentas inter punctum in Horizonte notatum & apicem styli. Hæ siquidem gradus distantie quæsita declarant. Et quoniam singuli gradus ad. 15.

Miliarium  
ad cæli gra-  
dus propor-  
tio.

Exemplum

Germanica miliaria æstimantur à Mathematicis aut ad. 60. Italica & quodlibet miliare Italicum pro. 8. stadiis seu mille passibus. Cuiuslibet facile fuerit miliaria & passus seu stadia colligere. Accipiamus doctrinæ gratia duo loca insignia, Romam Italiæ caput, & Nurenber-



renbergam Germaniæ insignem ciuitatem. Habet Roma longitudinem ab insulis fortunatis secundum Ptolomæi obseruationes. 36. partes 40. scrupula. Nurenberga verò ex Regionum montani narratione longitudinem habet. 27. partium. 40. scrup. quam quidem longitudinem ille fatetur non admodum certam esse, & Stoflerus nobiscum. 33. partiū facit. Attamen ut operationis certitudo appareat, utemur eadem quæ ille usus est. Latitudo Romæ est. 41. part. 50. scrup. pro qua ille. 42. part. accipit latitudo Nurenberge, est. 49. par. 30. scrup. Numero igitur longitudinem Nurenbergæ per æquatoris gradus 27. par. 40. scrup. incipiendo ab extremo meridiano, ac in circulo illo versus septentrionem, quia latitudo borea est, numero. 49. par. 30. mi. & notulam appingo. Similiter longitudinem Romæ 36. partes. 40. scrup. In eoque circulo horario similiter in boream numero. 42. gradus latitudinis Romæ. Quo facto horizontem admoueo notulam Nurenbergæ, contactumque in horizonte noto aut atramento aut mente: mox stylum loco Romæ affigo. Demum horizontem cum cursore & stylo circumduco donec duo hæc loca sub vno consistant circulo horario, quo cōspecto numero inter duo prædicta dicta. 10. propemodum gradus maximi circuli per duo loca descripti: quos in miliaria

In hoc exemplo cursoris lineæ versus austrum statuatur.



## DE ASTROLABO

(ut diximus) vel stadia, per multiplicationem reducere poteris. Sciendum verò, nō referre vtrū locorum Horizontem aduoluas, an priori an posteriori, modo alterum in Horizonte notes, alterum stylo Cursoris, ut simul possint in eadem distantia circumduci. Duobus igitur modis colligitur locorum in terræ superficie discrimen, ex capite nempe. 74. cuius modus paulò est facilius & clarior: & ex hoc nunc capite.

### CAPVT LXXVIII.

Quartus modus inuestigandi  
stellarum distantias ab  
inuicem.

Differentiā  
ascensionis  
recte alia  
methodo re-  
perire.

**D**Ocuimus in superioribus quotidie stellarum declinationes ab Equatore obseruare cum in Meridiano circulo conspiciuntur. Has ergo quære, Deinde differentiam ascensionum rectarū addisce, siue ex capite. 20. vel per obseruationes quotidianas, addiscendo tempus quod est ab applicatione vnius stellæ ad meridianum, vsq; ad applicationem alterius stellæ, Vbi sanè vna hora ut frequenter dictum est, aestimatur ad. 15. gradus, & 4. minuta pro gradu vno. His collectis operaberis prorsus ut in ca. 74. vel. 77. dictū est: accipiēdo declinationes pro  
latitud



latitudinibus, differentiam ascensionum rectarum pro differentia longitudinis. Itaque habes varios eosque pulcherrimos modos examinandi stellarum distantias, per quos loca stellarum fixarum facile corrigi poterunt, & tota stellarum sphaera exquisite describi non admodum magno labore.

ἀναλόγια  
huius modi  
ad praescri-  
ptos.

Vfus.

## CAPVT LXXIX.

Quis sit angulus quem vocant positionis duorum locorum, hoc est in quam mundi partem vel regionem locus quispian ab altero vergat.

**S**I loca duo intra horizontem quem uniuscuiusque aspectus in terra planitie sibi praescribit collocata fuerint, tum ex aspectu ipso regionem in quam alter vergit discemus. Collocato siquidem Astrolabo in plano secundum mundi cardines dioptram ad locum alterum manente astrolabo dirigemus, atque illa in exteriori limbo gradus indicabit per quos regionem discas ex sequente diagrammate, & quantum linea illa à meridie recedit: tantus dicitur esse angulus positionis illorum locorum. Est enim angulus positionis (ut Mathematicè finiamus) arcus horizon-  
tis inter meridianum loci cuiuspiam & circulum

Quomodo  
inuestiget.


Angulus  
positionis  
quis sit

R s per



## DE ASTROLABO

per verticem eiusdem loci & alterius quoq; transeuntem. Qui etiam distinguitur per lineam meridianam cuiuslibet loci & lineam per duo proposita loca transeuntem. Per hos angulos docuimus describere regionem quamlibet, in libello de locorū descriptione quem primo Cosmographiæ Apiani adiunximus, quem repetit Ioan. Rojas in altero planisphærio, quanquam nō rectè mea ex Purbachio desumpta esse asserat, id quod facta collatione quilibet facile intelliget.



Nam ego ne tum quidem Purbachij de quadrato Geometrico scripta videram, & nunc examinatione facta video longe diuerso à me traditam rationem dimetiendi loca multum distantia atq; ab illo traditum esse. Alioqui quid verat eadem ab aliis atq; aliis tradi?

CAPVT



Qua ratione idem angulus colligatur  
pro locis extra aspectum positus.

Vnde in quam regionem mun-  
di quilibet locus vergat  
ab altero.

**H**oc quoque problema incundissimum ha-  
betur, ex quo vtilissima alia colliguntur.

Verum priusquam rem expediamus, pri-  
mum in genere scire conuenit vter locorum sit  
orientalior, vter occidentalis. Hoc autem nunc  
notum datur eo quod in hac quaestione longitudo  
vtriusque loci nota ponitur. Vnde si locus vterque  
eandem habeat longitudinem, tum nullus erit si-  
tus aut positionis angulus, vt ex finitione praece-  
dentis capituli patet. Verum locus cuius longitu-  
do maior est, dicetur orientalior, cuius vero mi-  
nor fuerit longitudo, is locus dicitur occidentalis:  
nisi differentia illa duarum longitudinum fuerit  
maior semicirculo, siue. 180. partibus. His igitur  
cognitis accipiat distantia locorum per doctrinam  
capituli. 74. & notetur diligentissime circulus ho-  
rarius in quem cadit alter locus non constitutus in po-  
lo. Hic enim est circulus positionis secundi loci  
a primo. Anguli vero quantitatem cognosces in

Hypothesis

Orienta-  
lior locus

Occiden-  
talis.

Praxis.

equa-




## DE ASTROLABO

**Exemplum** æquatoris linea si ab initio sinistro numeraueris partes quæ sunt vsq; ad circulum horarium per secundum locum transeuntem. In cuius declaratione repetamus de Roma & Nuremberga exemplum, verum non secundum doctrinam. 77. capitis, sed vt ab initio monui, ex. 74. capitis instituto. Primo colloco horizontem ad latitudinẽ Romæ in extremo meridiano, indicem verò ad latitudinem Nurembergæ quæ erat. 49. par. 30 scrup. in circulo horario distante à primo. 9. partibus quanta nimirum est differentia longitudinum. Deinde circumduco horizontem ad polum arcticum, & index in circulo horario. 138. cum. 30. scrup. ostendit. 10. partes distantia. Vnde cõcludo angulum positionis esse. 138. partium. Quia verò Roma, cuius situm in primo notaue-ram meridiano, maiorem habet longitudinem, est ergo orientaliior, Nuremberga occidentaliior. Declinabit Nuremberga à meridiæ Romæ. 138. part. versus occidentem. Subtrahendo verò hunc numerum ex semicirculo, restant. 42. partes, habemus angulum, secundum quem Roma distat à meridiæ Nurembergæ versus ortum.

CAPVT







DE ASTROLABO

CAPVT LXXXI.

An tres stellæ in cœlo, vel tres ciuitates locave in terræ superficie sumpta, consistant in vno eodemq; circulo magno.

Circulos  
magnos  
quos vocet

Hypotheses

**A**Dmodum pulchra & iucunda est hæc doctrina, cum ad nauigationes tum ad quasuis alias profectiones necessaria: ac (quod precipuum est) ad emendationem descriptionis orbis stellati in primis accommodata. Intelligimus autem hic circulorum magnū quemuis circulum ad sphaera centrum secundum sphaera semidiametrum descriptum transeuntem per tria puncta proposita. Vnde de parallelis hic nulla mouetur quaestio. Sed & eorum consideratio facilis est, & quoniam omnes distantiae rectae in sphaera sumuntur in magnis circulis (vt clarè demonstrauit Ioannes Vernerus) potissimum de maioribus hic agimus: secundum quorum partes in cœlo stellarum interstitia & in terra ciuitatum distantiae accipiuntur. Propositis ergo tribus siue in cœlo siue in terra locis, quorum datae sint longitudo & lat. siue in cœlo declinationes & ascensionēs rectae, vel deniq; verticaliū interstitia altitudinisq; quae omnia eandem vt in proximis capitibus ostendimus methodum habent. Queratur  
per



per proximum problema, angulus (ut vocat positionis) vnius trium punctorum ab altero primum reliquorum, denique & à reliquo. Quod si ergo duo quævis cum reliquo eundem similemve angulum effecerint: certum est tria hæc puncta in eodem stare circulo, Id quod Pto. ἐν τῷ εὐδίασιν εἶναι vocat, hoc est in directum & in vna recta linea consistere. Siquidem ratio optica exigit, ut circuli maiores eorumque partes, ut linea recta nostro visui obiciatur. Hæc cum sint & utilia ad stellarum loca examinanda, & ad projectiones terrestres, exemplo ex ipso Ptolomæo desumpto declarare non grauabimus. Refert autem Ptolomæus ex Hipparcho quod linea recta, hoc est (ut monuimus antea) circulus ex cauda Vrsæ maioris ad caudam Leonis ductus, connectit præcedentes stellas τοῦ πλοκάμῃ, hoc est acervi stellarum obscurarum, quem vocant Berenices crines, inter caudas Vrsæ Leonisque constitutum: Libet igitur hoc nostro astrolabo explorare ex tabulis stellarum nostris. Igitur cauda Leonis habet longitudinem  $\text{M}^{\circ} 15.28.$  scrup. lat. Sep. 11. par. 50. scrup. At longitudo caudæ Vrsæ maioris habet  $\text{M}^{\circ} 20.48.$  mi. Latitudinem bor. 54. gra. Demum & præcedens Plocami habet  $\text{M}^{\circ} 15.$  gra. 28. mi. Lat. bor. 25. par. 15. scrup. Primum igitur quero angulum positionis caudæ Vrsæ à cauda Leonis, ut proximo cap. diximus.

Hunc

Quando  
tria puncta  
eundem insi-  
nuant circu-  
lū magnū.

Exemplum



## DE ASTROLABO

Hunc autē angulū colligo partiū. 176. ferè, Ita  
 ut colligam caudā Vrsæ maioris ipsi caudæ Leo-  
 nis ferè in septentrionem tendere secundum lon-  
 gitudinem zodiaci, Hoc est quod linea à cau-  
 da Leonis per caudam Vrsæ traducta, propemo-  
 dum ad polum zodiaci tendit. Sic quoque illa  
 Comæ Berenices stella, quoniam in eadem lon-  
 gitudine est cum Leonis cauda, in eodem est  
 circulo longitudinis scilicet, & caudæ Leonis &  
 caudæ Vrsæ. Vnde & tres stellæ in eodem sunt  
 circulo. Quamquam in hac re suspicor veteres  
 non tam accuratè partes numerasse, quibus satis  
 erat hoc modo ostendere stellæ fixas easdem sem-  
 per inter se seruare configurationes, eodemq; mo-  
 tu moueri pariformiter. Qua nimirum ratione  
 fixæ nominatæ sunt. Sunt autem apud eundem  
 Ptolomæum libro septimo plura talia exempla  
 ex quibus loca stellarum non parum emendari  
 poterunt. Similiter quoque in terræ superficie  
 cognoscemus, an loca per quæ iter facimus sint  
 in eodem circulo maiori. Quod si est, rectissi-  
 ma breuissimaq; via profectioem fieri declara-  
 tur, alioqui per ambages ducimur, id quod ob  
 itineris commoditatem fieri tamen sæpe neces-  
 se est.

Idem in ter-  
 restri positi-  
 one declara-  
 tur.

CAPVT



## De Cometarum cauda.

**D**isputat acriter Aristoteles lib. 1. Meteorologicorum de Cometarum & natura & de caudæ generatione. Facile verò obtinet, cometam non esse vnā e stellis erraticis. Quoniam saepe omnes errores præter solem vnā cum cometa supra horizontem conspiciuntur, sed neq; hoc requiritur. Quum enim iam per longas obseruationes facti sint canones, per quos loca planetarum pro singulis temporibus colligi possunt, facile noscetur an tali in loco quo cometa conspicitur, aliquis possit consistere planetarum. Verum de caudæ generatione satis obscure rem absoluit. Putat enim (vt ego colligere possum) caudam ferè fieri ex materia defluxu, vt in aliis stellis volantibus subitoq; locum mutantibus videre licet, cum materia exhalationis per defluxum, quasi in longum producit. Verum non video qua ratione id in cometis intelligi queat, quoniam motus earum lentus est, & sensu vix perceptibilis. Tum verò tractus ille ignitus, secundum cometæ motum non producit, sed ferè (vt nos quidem hætenus obseruauimus per. 20. annos) recta à sole in oppositam partem à cometæ capite extenditur. Quod idem à Petro Apiano Mathematico doctissimo obseruatum tradi-

Caudæ generationis.

Observatio patris

S tumq;



## DE ASTROLABO

rumq<sup>3</sup> diximus in libello nostro de Radio Astro-  
nomico. Quo quidem Radio & summa cum fa-  
cilitate & absq<sup>3</sup> vlla hesitatione longitudo cau-  
da accipitur. Verum nunc organi generalis vti-  
litatem ostensuri, doctrinae tantum gratia repe-  
mus praecedentis capitis doctrinam, quae docebit  
manifeste caudam cometes directe extendi à co-  
meta in aduersam partem solis, quatenus haete-  
nus quidē ab Apiano & à nobis obseruatū est.

## CORNELIVS

Gemma.

Haetenus P. M. Patri diuini huius operis  
cursum concessere Superi, atqui maiora fortassis  
in ipso fine praestitisset ni fata ac inimica Parca-  
rum vis boni tantillum mortalibus inuidissent.  
Verum nō hic est querelis locus, superest duce ha-  
etenus concessso destituti si quid spacij sit cōficiun-  
di reliquum si nō absoluendo, persequendo tamē  
nostrapre industria animum applicemus. Fuit  
autē huius capitis is vnicus scopus, vt tria haec  
puncta solem, cometam, & eius extremā comam  
demōstret vno cōcludi circulo magno, siue (quod  
in idem recidit) locū solis, & cometæ ad tractus  
igniti verticem vnū efficere positionis angulum:  
idq<sup>3</sup> ea habitudine, vt caudæ apex non à cometa  
versus solem, sed in diuersam potius cœli partem  
prorogetur: nec aliud hoc molitur capite, quàm  
quo

Scopus hu-  
ius capitis.



quo præcedetis dogmatis vsus tanq̃ exemplo ap-  
posito magis illustretur. Resumatur verò doctri-  
næ gratia cometæ locus, atq; eiusdē comæ, de qui-  
bus cap. 47. ac. 76. nonnihil habitum est. Visus il-  
le latitudinem obtinere boream versus. 23. grad.  
ac. 20. scrup. Longitudo iuxta doctrinam. 47. da-  
ta fuit in. 20. gradu  $\Omega$  ac mi. 10. cui correspon-  
dent. 140. partes æquatoris, & 40. scrup. At la-  
tudo caudæ versus boream procliuior fuit gra-  
duum. 37. longitudo. 134. ferè partium æquato-  
ris, in vndecimo scilicet  $\Omega$  gradu, ac. 30. mi. Lo-  
cus  $\odot$  29  $\Omega$  gradus cum triente. Primum itaq;  
fiat ad vnicam cometæ caudā alterius duum re-  
liquorum comparatio: loci nimirum solis, vel co-  
metæ. Atqui iuxta doctrinam. 80. capitis, Ad-  
plicato horizontali ad axim mūdi, (quandoqui-  
dem nulla sit vnquam solis latitudo,) & compo-  
sito cursoris apice ad latitudinē caudæ in linea  
horaria, quæ tot gradibus vltimo meridiano di-  
stat, quot vtriusq; longitudinis metitur differen-  
tia, video positionis angulo extendi in. 162. gra.  
ac circiter. 20. scrup. Si à primo meridiano per cir-  
culos horarios in æquatore putetur ratio: atque  
facta horum graduum subductione ex circunfe-  
rentiæ medietate, restāt gradus. 17. cum. 40. par-  
tibus ipsam signātes caudæ distantiā à linea meri-  
diana solis versus occasum: oriētalior enī est  $\odot$ .

Demonstra-  
tio exem-  
plaris.

S 2

Nec




## DE ASTROLABO

Nec secus si vicissim ipsius cometae ad caudam suam spectetur habitudo, ac horizontalis linea statuatur in latitudine. 23. graduum. 20. minorum, quam cometa tum temporis obtinebat: Cursoris verò digitus ad latitudinem caudae. 37 graduum à polo versus aequatorem dirigatur, iuxta eiusdem longitudinis differentiam in circulis horariis supputatam. Translato deinceps horizontali ad axis lineam in eundem planè incidet positionis angulum. Recte itaque Pater (cū quoties duo quavis cum reliquo eundem efficiant positionis angulum, in vno sint circulo magno) erit & cometae cauda cum sole, & cometae corpore in vna quapiam linea recta: sic ut cauda in diuersam soli partem producat, quod cuius ob oculos ponere non molestum videbitur.

Circulus  
positionis  
inter Solē  
& cometā  
169. gra. &  
20. mi.  
Angulus  
positionis  
10. gra. 40  
mi.





Adiecta



# DE ASTROLABO

Adiecimus in hoc schemate locum Basilisci, eiusq; tum ad ☉ tum ad cometam positionis angulos: non enim citra stationem tertiā certus po-  
tuit cometæ designari locus.

Locus itaque ☉ A

Locus corporis cometæ D

Vertex caudæ C. Cor ☿ F

Ecliptica M N

Meridianus solaris A B

Meridianus Basilisci F G

Meridianus per caudam transiens H I

Puncti orientales M & P

Occidentis N Q

Cor ☿ 12

grad. 20.

minu. ☿

Lōg. 14. 0

Long. diffe.

ad caudam

cometæ. 12.

Circu. posi.

ad caud. 168

Angulus

ad caudā. 12

graduum.

Lōg. diff. ad

Sol. 5. grad.

20. minut.

Circulus

pos. 90 gra

angulus. 90

long. diff.

Basilisci ad

cometam. 5.

gra. 20. mi.

Circulus

pos. 174. 40.

ang. 5. 30.

Linea positionis cometæ, & eiusdem tractus ignitus ad solem A C declinans ab eiusdem me-  
ridiano versus occasum gradibus. 17. mi. 40. in  
circulo M K O supputatis.

Linea positionis Basilisci ad cometæ corpus  
L E per gradibus quasi quinq; in occidentem ver-  
gens à meridiana Basilisci linea.

Ab linea positionis Basilisci ad caudam K C  
à linea caudæ in orientem cedens ad gra. 12. ferè.

Circulus magnus per cor ☿ incedens, & an-  
gulum positionis eiusdem ad solem signans inte-  
gri quadrantis amplitudine est linea M N, per  
solē & cor ☿ ex ortu versus occasū in rectū atq;  
cōtinuū vibrata. Quæ verò sit eius rei causa phy-

lica



sica quod cauda in alterā vergat ☉ partem, & si præsentis nō sit instituti, neq; ut arbitror id tractare in animo habuerit Pater, operæ precii tamen facturū videbimur, si eius inquisitioni paulisper insistamus: quandoquidē hęc vnica cōsyderatio grauissimis Physicorū opinionibus nōnihil reluctetur. Censuere Philosophi veteres, cometam generari ē materie lenta, viscida, & quæ fædæ flammæ sit habilis. Incēdij verò causam tū ad ipsius elementarē situm, tum ad motionē referunt: nam cū in supremi aeris oras sublatus ignis regione nō multū dissideat, atq; illa aeris pars asfidua sit agitationi obnoxia, fit (ut ipsi aiunt) pinguis hęc exhalatio duplici causa ut facile inflammā abeat. De materie ratione vix ambigo quæ verò ad incētionis effectricē causam attinet, vti nobis minimē arridet, ita patris ingenio maxime certat opinio. Neq; verò ignis elementum aliquod in sup̄ficie cōcaua orbis D cōcessisset, nec tātō crediderit impetu ferri supremā aeris partē, ut huic exhalationi flammā sufficiat. Verū nostra hęc est sentētia, Quicquid ignis sit quo regemur, vnde stirpes, animātiaq; vires, ac vinculum facultatis spiritū cōcipiāt, cœlo hunc orbis, astrorūq; & solis præcipue defluxū impēdere, sol oīs caloris author, sol ipse ignis est, non secus ac elementa cætera ad mixti constitutionē accurrēs

Causa incēdij iuxta antiquos.

Nova opinio, de ignis situ atq; natura.



# DE ASTROLABO

Aëris regio ceu speculum quoddam radiorum cœlestium, iam inde ab aquæ conuexa superficie, in concavam orbis lunæ prorogatur: nullius hæc est propria qualitatis particeps, licet pugnet Arist. Sed tanquā materiei rationem habet, et in omnē metamorphosim ex æquo procliuis st: Vnde & solis vim exposita illi pars in se recipit, & si quid æstimandū sit ignis infra orbē ☽, calefactum potius aërem esse iudicabimus. Hæc autem obseruationi paternæ, & Apiani plurimum consonant, atque inde deducemus. Quod si ab elementi ignis vicinitate, vel ipsa latione incandesceret, non vna id tantum parte fieret, sed circumquaque flammeā comam eiacularetur: nam causa ipsam exhalationem succendens non in vnam magis partem quàm in alteram vires suas exerceret, cū circumfusa statuatur, & in singulas partes æquè contigua. Id verò vt vndique comam æqualem gerat vix fieri posse crediderim, nisi cometæ corpus inter adspēctum nostrum, ac solem, vel alterius syderis ignem recta propemodum linea sit interpositum: neque tum censendum est omni parte æqualem ignis tractum spargere, licet nostro sic adspēctui videatur, uti & in nouiluniis, lumine priuatā lunā iudicamus: Sed quæ admodum hic medius orbis, aut maior medietate portio ad Solem conuersa semper illustretur:

Ita

Instantia ac  
cum veteri-  
bus conten-  
tio.



Ita & Cometae medietas nobis obuersa, etsi incensa est, flammam tamen non illum versus, sed in oppositam potius partem, in comā ferè pyramidalem iacit. Vnde non vniuersim fundi ignis elementum, sed à sole imprimis, tanquam centro aliquo in hæc inferiora transmitti credibile est. Reliquis astris quicquid igneæ naturæ sit innatum, exiguum id prorsus, aut alterius proprietatis esse censebimus. Quod verò nonnulli omnem ab igne vehementiam, siue τὴν ἐν ἐξ ὑπερβαίνοντα natāli loco continetur, secludi velint: eaq̃ ratione nec vicinum æthera populetur, nec suos limites trāsiliat, ridiculum planè cum de cæteris elementis secus eorundem vsus edoceat, nam & aqua humectat suis contenta spaciis, & terra frigidam corporibus obiectis qualitatem imprimir. Quin ipsimet Physici exhalationes in suprema aëris parte, vel ipsa ignis regione ob vicinitatem succendi facilius arbitrantur. Id tamen facile concedā, igneā hanc solis vim vt vt ab elementari ingenio multum dissita sit, (nam eiusdem penè rationis est cum ipso cælo, ac solari corpore) elementi tamen indolem aliquatenus assumere, simulatq̃ tenuissimus aëris particulis vnita, cum ipso ad mistorum generationem excurrit, alioqui nō video quomodo elementis cæteris, atque corporis organis misceri possit, ob naturæ αὐτὴν ὑπερβαίνοντα




## DE ASTROLABO

Ratio Phy-  
sica quod in  
oppositū so-  
li partē co-  
mera tra-  
ctus suos  
ignitos pro-  
iciat.

Censemus verò non secus de aëre in mundo ma-  
iori, quàm de spiritibus in homine microcosmo,  
ut quemadmodum hic anima sit vinculū in ter-  
rena corporis compage, ita ille facultates coele-  
stes nectat cum elementaribus. Nunc ut vnde di-  
uerſi sumus ad propositum reuertamur, Cometa  
comam in sole diuersam partē proicit, quod vel  
maximum argumentum est, eius incendij cau-  
sam non elementarem esse, sed ex corpore simpli-  
ci ac coelesti prorsus expendendam: cælo enim pro-  
prium est, nō vires suo spacio continere (quod ele-  
mentis accidit) sed foras transmittere, ut qualita-  
tum sint actiuarū nutrices. Si ab elemento ignis,  
aut ex motu hæc incensio fieret, flamma in illam  
partem declinaret, ad quàm natura ferri procli-  
uis est: sursum scilicet magis, atq; citra conspectus  
nostros, nunc ex sole ipso radij recta in Cometam  
diriguntur: Quicquid in illo pingue, vel viscidū  
fit igne commutant, & præter hanc actionē, qua  
non differunt ab aëre calefacto, partes etiam in-  
censas secum in rectum, atque continuum fe-  
runt, donec concurrant. Hanc crediderim esse  
Germanam rationem, cuius gratia etsi fortas-  
sis iusto plus opere, ac Chartæ impendisse vi-  
deamur: non ingratum tamen plurimis me fe-  
cisse confido.





CAPVT



DE ASTROLABO  
CAPVT LXXXIII.

De terræ dimensione, ac describenda  
regionis schemate in super-  
ficie plana, ex patris dogma-  
te, via tamen paululum  
commodiore.

**P**Ræclaram tradidit Pater Chartæ alicuius  
depingendæ methodum, Cognita vniuscuiusq;  
loci ad alterum positionis angulo, soli-  
us instrumenti ut vocat ἐπιπίδοµέτης, & dire-  
ctorij nautici adminiculo. Idē caput hic placuit  
subnectere, non tamen ut transcripsisse videa-  
mur, vel ut volumē sit auctius, verbū verbo red-  
didisse: sed ita id dabitur huius Astrolabi ope,  
ut tum certitudinis plus adferatur, tum molestiæ  
nobis partem non exiguam ademptam esse iudi-  
cetis. Nam ea ferramenta lapidi Heracleo at-  
trita, quorum opera in horologiis vulgaribus est  
vsitator, prout in aliam, atq; aliam regionem  
transferuntur, ad Polare sydus nonnihil analo-  
giæ deperdunt, atq; cōmutant: Incerta sunt (in-  
quam), varia, et subinde ad septenos gradus cir-  
cumacta, vix sua se positione transferunt quod  
sanè in describendis vrbibus, edificiolorum basibus,  
hortis, & id genus locis minoribus, maximi sta-  
tim erroris occasionem præbet. Dicam igitur dū-  
taxat, quo tenus nostra differat operatio, reliquū

Quo diffe-  
rat hic tra-  
ctatus a pa-  
tris institu-  
tione.

et



ex patris libello de locorum distantis, vel cōmen-  
tariis D. de Rojas eruendum sino. Cum itaq; in  
prima specula sedem fiximus, vt circumiacentiū  
oppidorum situs, & posuionum circuli ad suam  
amussim expendantur, non ita instrumentū col-  
loco, vt eius meridiana linea per directoriū nau-  
ticum ad meridiem coapterur: sed alterius quod  
mibi cumq; lubitum est loci pūctum ob oculos po-  
no: sic vt lineæ meridianæ, siue horæ duodecimæ  
applicata dioptra per vtriūsq; perspicilli foramen  
illo recta dirigatur, atq; ita astrolabio defixo, vni-  
uscuiusq; loci vestigo positionis angulum: id ani-  
mo alte reponens, vel cautiū annotans, in cu-  
iusq; circuli maioris differentia, quod sit numera-  
tionis exordium, vel quorsum euadat, an à pun-  
cto scilicet orientis meridiem versus sit æstimata,  
an hinc ad occasum, vel ab occasu sit deducta ad  
mediæ noctis lineā, vel hinc iterum in ortum de-  
lati simus, aut deniq; cōuersa supputādi serie po-  
sitionis anguli sint comparati. Deinde oculis aut  
mente concipio, quem mibi alterius eligā statio-  
nis locum, eiusq; cōsydero positionis dīaφopā ad  
aliquem cardinalium punctorum quatuor. Stan-  
te verò sic dioptra, postquā eo loci deueni vt secū-  
das habeam positionum differentias, ita demum  
posteriolem astrolabi partem in plano colloco, vt  
primæ stationis apex vtroq; perspicilli foramine  
consy-

Praxis.

Statio pri-  
ma.

Cautela.

Statio se-  
cunda.




## DE ASTROLABO

considerari possit: eaq<sup>q</sup> instrumenti habitudine  
 immota iterum ad angulorum inquisitionē cir-  
 cumquaq<sup>q</sup> vertor. Quod si commutanda sit sedes  
 pro statione tertia, non secus ea ex secunda ve-  
 stigetur, quā ex prima in secunda κατ' ὁσμήν  
 deuenimus. Nec alter erit in statione tertia in-  
 strumenti coaptandi modus, quā ut Dioptra  
 in suae positionis linea simili modo ad secundae sta-  
 tionis locum dirigatur, necesse tamen fuerit ter-  
 tiae stationis locum, quo rectius tandem in plano  
 collocari possit, duplici primum statione collima-  
 ri, eiusq<sup>q</sup> habitudinem sciri ad utraq<sup>q</sup> priorū sta-  
 tionum loca. His ergo habitis descripto primum  
 circulo, pro angulorum Catastimate ad locū pri-  
 mi status, non secus atq<sup>q</sup> pater erudiit, omnium  
 protraho positionis circulos. Deinde secundi sta-  
 tus punctū, in suae positionis linea, ad quantam-  
 cunq<sup>q</sup> placet distantiam à priori remoueo: ita sa-  
 nè ut utriusq<sup>q</sup> meridiana linea ( si sic vocare li-  
 ceat ) in modum parallelorum consistant, atque  
 iterum protractis lineis per angulorum differen-  
 tias, in concursu rerum mensuratarum conspe-  
 cta fastigia collocari necesse sit. Veluti si tricli-  
 nij cuiuscunque basim, laterum longitudines,  
 & in circuitu angulorum anfractus in superfi-  
 ciem planam redigere sit animus.

Primam








# DE ASTROLABO

Primam mihi stationem in X loco, lineam  
verò instrumenti meridianam L. M. V. ad si-  
gnum ✕ recta dirigo, deinde sic stante organo,  
omnium angulorum, seu lateralium iuncturarum  
certa puncta A. B. C. D. E. F. G. H. I. quantum  
discrepent iuxta positionis angulum, in limbo  
horario ab ortu versus meridiem circumspecta-  
ta seorsim annoto, nec non locum stationis secun-  
da Y, Quem faciat positionis angulum ad lineam  
L M V, etiam atque etiam consydero: atque sit ea  
quasi. 80. graduum ab L versus T, supputatorum.  
His verò imminente dioptra, transfero me cum  
astrolabo ad alteram speculam, atque ubi palum  
antea facilioris conspectus gratia ad perpendicu-  
lum erexeram, ibi instrumentum colloco, ea habi-  
tudine, ut è priori Catastimate eductum perpen-  
diculum utroque dioptræ foramine perspiciatur.  
Ita defixo tandem organo, repeto eorundem pun-  
ctorum positionis differentias, iam nihil superest  
quàm ut in plana superficie duobus descriptis cir-  
culis, in utraque statione collecta per limbi gra-  
dus locorum discrimina inuicem conferantur: vide-  
bis in optidorum radiorum concursu, uniuscuiusque ad  
alterum restare positionis differentiam: nam si in-  
tercapedinem duarum stationum in certas ali-  
quot portiones partitus sis, eius segmentum unum  
atque alterum congestum in reliquis dimetiendis  
mensuræ vicem suppleuerit.

Intercape-  
dinis men-  
sura.

CA 3







DE ASTROLABO  
CAPVT LXXXIIII.

Longitudinum differentia qua  
methodo vestigare  
possint.

**M** Vltros profecto eosq, diuersissimos lati-  
tudinis indaganda modos hoc organo  
instituit pater, longitudes verò qua  
via inuestigentur, solo silentio præteriiuit. Sed  
fortasse locus hac de re differendi alibi, vel cir-  
ca finem incidisset opportunior. Vel (ut po-  
tius reor) quod vix ullius instrumenti admini-  
culo ea res indigeat, cum magis ex calculo, ac  
peregrinationum varietate sit expendenda, id-  
circo plus iusto verborum facere superuacaneum  
duxit. Vt tamen cuius pateat plena, atq, vber-  
rima instrumenti huius utilitas, cum neq, apud  
Cosmographos alicuius rei exactior sit habenda  
ratio, quàm longitudinum, non inane fuerit, ut  
optima quæq, eius inquirenda præcepta paucis  
perstringam. Quemadmodum itaq, locorum diuer-  
sus in Austrum ac Boream respectus, siue latitu-  
dinum differentia, per meridiani circuli partes  
parallelo duplici interceptas æstimatur, ita lon-  
gitudes ipsæ, atque αἱ κατὰ τὴν ἀνατολὴν καὶ  
δυσὶν ὁρίσασθαι, in æquatoris ambitu vel eius pa-  
rallelo circulo supputari debent, ut nihil aliud  
sit loci longitudo, quàm circuli æquinoctialis por-  
tio,

Latitudi-  
nis diff.

Longitudo



rio, duobus inclusa meridianis, quorum hic per loci verticem incedit, ille per locum alterum, unde longitudinis numeranda sumptū exordium, siue ad quem longitudinis est expendenda diuersitas. Plurimi autē huius calculi caput in insulis Canariis statuunt, eumq, qui his in caput porrigitur, ceterorum faciunt meridianū principem fecit eius alibi mentionē pater, atq, adeo hæc res nō vnus arbitrio pendet, licet veterū censura Physica magis sit rationi congrua. Nostri id tantum instituti sit, vt longitudinū differentie methode expiscari possint. Multo id sanē maioris operis est atq, negocij, etsi institutio minus obscuritatis inuoluat, q̄ in latitudine quæreda cōsistebat. Hic enim cū vtrinq, aliquod principiū sit immobile. Polus nimirum qui nec in longum, nec in latum minima portione defleat: atq, Equator ipse, vno tempore non magis quàm altero vel in Austrum, vel in Septentrionem gradum declinē ferens: ideo per vtriusq, situm ad Horizontale lineā, loci latitudo inuentu facillima est. Verū in lōgitudinis quodcunq, cœli punctū ferimur, nihil nō assidue lationi subiectū est: nisi quātū sola imaginatiōe cōcipim⁹, quod in circulis horariis, ac domū cœli distinctione vsuuenire cōsuevit. In terris verò si quod sit lōgitudinis capitale punctū, nō id ceteris se conspicuū præbet: & alterius loci ad

Numeratio  
nis initium

Cur tanta  
difficultas  
in inuentio  
ne lōgitudi  
num.

T 2 hunc



## DE ASTROLABO

**Quomodo**  
longitudi-  
num differē-  
tia eiusq; ad  
cœlestē cir-  
culum habi-  
tudo in co-  
gitationem  
cadat.

**Generalis**  
longitudi-  
nis inuesti-  
ganda mo-  
dus.

**1. modus**  
Arithmeti-  
ca institu-  
tione sub-  
nixus.

hunc positio, non nisi per analogiam partium cœ-  
lestis æquatoris deprehenditur productis nimi-  
rum lineis à centro mundi per loca duo longitu-  
dine differentia, in terræ superficie, ad *Æqua-*  
*torem cœlestem*, vel ei parallelum circulum: quæ-  
res omnis in multa terræq; marisq; peragratione  
fundatur. Accedit nostræ difficultati longitudi-  
nes locorum non ubique æquales, quanquā vna  
proportione semper analogæ sint: Nā quo magis  
ad concursum accedūt Meridianum ut circa po-  
los, eo locorum longitudo est contractior, ut tan-  
dem vel vnius pedis circumductu omnes longitu-  
dinum gradus obiri queant: vnde nec miliarium,  
nec alterius expāisionis mēsurā, ea diuersitas sub  
rationem cadit. Verū ut ad organi huius vsum  
reuertamur, Pro longitudinis inuentione diuer-  
sis aliquot locis proiecti radij per Planetæ cor-  
pus, in eclipticæ peripheriam, vno siquidem id  
fiat temporis puncto, voti te propositi compotem  
fecerint: vnde necessum est vel te profectiōni ope-  
ram dare, vel alterum præficere qui tibi qua vo-  
les regione disitis, idem cœli punctum consyde-  
ret. Esto igitur hæc prima longitudinis indagā-  
dæ via, ex illo desumpta, quod vno temporis mo-  
mento diuersis regionibus se conspicuum præbet:  
Cuiusmodi lunæ ingressum, siue applicationem  
statuit Pater in libello de vsu Globi: nec non  
ecli-



eclipsium fines, aut initia. Id enim constat, loca  
 quæ nostri respectu magis portenduntur in orien-  
 tem solem, eo priores numero sibi censere horas,  
 atque temporum differentias. Vnde si in vnā  
 horam incidat duobus locis quodcunque voles  
 deliquij punctum, longitudine pares, eidemq; me-  
 ridiano substratas esse scito: Sin horæ vnus cur-  
 riculo diuersis terræ partibus lunæ ingressus, aut  
 defectuum vicissitudo discrepet. Quinque profe-  
 cto ac decē graduum longitudinis est faciunda di-  
 uersitas. Si horam mediam interlabi contingat,  
 respondebunt partes æquatoris septenæ cum se-  
 misse, ac reliquo temporum calculo ex proportio-  
 ne coaptandæ sunt omnes locorū distantia. Mul-  
 tiplicato enim horarum numero per. 15. minuta  
 earundem partiuntur per. 4. productum gradus  
 Equatoris designat duobus Meridianis inter-  
 ceptos. Quod verò ex vltima diuisione supererat,  
 ducunt demum in. 15. vt graduum minuta pro-  
 ueniant. Nunc vt numerorum euitetur mole-

Alter mo-  
 dus ex dor-  
 so astrol.


stia, in organi posteriore parte adplicata Dio-  
 ptra ad horam, qua vel certum aliquo zodiaci  
 punctum  $\gg$  perambulat, vel ad synodos cum  
 sole procedit, fac signaturam in limbo. Trans-  
 lata deinceps regula ad horam, qua alio in lo-  
 co huius schematis præbitura sit exordium, di-  
 cto citius interiectos æquatoris gradus cum suis

T 3 fra-



## DE ASTROLABO

fragmentis indicabit. Hanc verò longitudinis differentiam, longitudini tuæ regionis tibi perspectæ adiungito, si alter sit locus orientior, vel subtrahito, si magis in solem cadentem procubuerit, ilicet loci alterius ignoti, ad tuum Meridianum continget positio.



His qui in A consistunt contingit Eclipsis sub terra sole meridianum occupante nam iis hora eo incedunt ordine quæ extimus circulus præfert. Qui verò in B, videbunt lunæ deliquium tempore exortus solis nam qui aliis fuit meridia-

nus



nus Circulus his habet Horizontis rationem  
 & interior circulus eorum horas repræsentat,  
 cum autem hæ horæ quadrante diei distent erit  
 & tanti longitudinum differentia nam æquino-  
 ctialis reuolutio diei vnius mensura perducitur.  
 Par id negocij facilitate præstabit astrolabi pars  
 potior, siue facies ipsa, habito nimirum tempo-  
 rum discrimine, meridiani quibus illud interce-  
 ptum est, vna in æquatore longitudinem quot  
 gradibus excedatur, luce clarius commonstrant.  
 Est verò & alter modus, ex lunæ parallaxi, vel  
 ipsius ad certum aliquod sydus, aut cæli pun-  
 ctū intuitu, inuento enim verobiq; interstitio  
 ad aliquā stellam fixam, non longè ab ecliptica  
 distitam, simul ac minorem ex maiori subtra-  
 xeris, restabit adspēctuum diuersitas qua secta  
 per ☽ motum horarium restiterit tempus con-  
 iunctionis lunæ cum cæli puncto proposito: eò-  
 que conuerso in gradus, & minuta, nihil præ-  
 ter additionem, aut subtractionem, negocij super  
 est, prout tuæ consyderationis intercapedo ☽ ad  
 stellā maior minorve fuerit: Si enim minor fue-  
 rit, adiucito gradus illos atque minuta ad Meri-  
 dianum loci tui, siue longitudinem cognicam, se-  
 cus subtrahere: atque hoc modo locus tuæ consy-  
 derationis erit occidentaliior, illo verò orientaliior.

Alter ex fa-  
 cie astrolabi


Postremus  
 modus ex  
 lunæ distā-  
 tia.

T 4

Hunc



# DE ASTROLABO



Hunc modum tradit Apianus verum illud an-  
notatu dignum est (ut nos quoque nonnihil con-  
feramus huic inuento) totum illud Apiani do-  
gma verum esse cum D magis occasum respi-  
cit, quàm ipsa stella: alioqui si orientali-  
or fuerit, eversa ratio censeatur: id est si inter-  
capedo & stellæ fuerit minor, subtrahere gra. & mi.  
à longitudine nota, & locus tuus erit occiden-  
tali- or. Si maior, adde grad. & mi. ad longi-  
tud. notam, Locus erit orientali- or.

CAPVT



Quis cœli punctus quemuis meridia-  
num occupet, ac quæ sit hora al-  
teri cuicunq; voles regio-  
ni, cognita hora tui  
loci.

**Q**uandoquidem nonnihil hætenus in lo-  
corum descriptionibus, cæterisq; rebus cos-  
mographicis operæ moliti simus, reliquũ  
eiusdem instituti quicquid videbitur paucissimis  
perstringam. Docuit Pater cuiuscunque stellæ  
reperire verticalem circulum, eiusq; à tuo meri-  
diano distantiam cap. 39. Nos econtra explora-  
turi, quis cœli punctus in loci alterius meridia-  
num sit deuolutus, cognita hora nostræ regionis,  
tum per doctrinam. 35. gradum medijs cœli vesti-  
gabimus, atque æquatoris partes loco solis, & me-  
dijs cœli gradu interceptas adiiciemus arcui ecli-  
ptica, qui coascendit longitudinis differentia in  
sphæra recta, numerationis terminus gradum de-  
signauerit, qui loci alterius circulum verticalem  
ferit. Esto (verbi gratia) vt hic Louanij consti-  
tutus quisquã scire desideret, vrbi Solymorũ quis  
cœli punctus ad meridiẽ peruenerit hora statim  
2. pomeridiana, sole existente in apogæo, primo  
gradu ☿ reperio eiusdem signi culminantem. 28  
gradum, inter quem, & solaris corporis centrum

Prior modus  
indagandi  
punctũ cœli.

Exemplum

T S

com-



## DE ASTROLABO

comparatur. 30. equatoris gradus, Longitudinis  
 vero differentia quæ urbem Hierosolymam no-  
 stramq; intercedit, Apiano censetur partium. 45  
 & 24. scrupulorum: cui respondet eclipticæ arcus,  
 qui à principio ♈ in. 14. M gradū supputatur:  
 quare hic gradus ei ciuitati ad circulum vertica-  
 lem peruenit: & quacumq; stella vnā cum hoc  
 gradu obtinet adscensionem rectam, in quoq; in  
 maxima consistit altitudine supra horizontē. Da-  
 tur & hoc ex altera astrolabi parte. Applicata  
 enim dioptra ad horam loci tui repertam, subie-  
 ctōq; solis gradu in signifero, procede à linea horæ  
 12. versus ortum si locus alter sit orientali-  
 or, sin  
 secus occidentem versus, & numera longitudi-  
 nis differentiam in limbo, cuius supputationis ter-  
 mino adplicata rursus dioptra in ecliptica gra-  
 dum zodiaci, qui cælum medium tenet regionis  
 propositæ, monstrabit. Si verò & horam ex-  
 piscari voles alterius meridiani terris impeden-  
 tem, (quæ res in eclipsium consyderatione, atq;  
 itineribus maritimis mirum in modum tum in-  
 cunda, tum scire necessaria est) numera in lim-  
 bo longitudinis differentiā à meridiana linea vel  
 ortum vel occidentem solem versus: fini suppu-  
 tationis iungatur almuri siue dioptra, & hac te-  
 nus voluatur is zodiaci gradus qui hora proposi-  
 ta tuæ regionis meridiano consistebat: ac tum  
 redu-

Posterior  
 ex altera in  
 instrumenti  
 parte.

Hora alter-  
 rius loci  
 querere.  
 Vltus.



reducto indice ad horā loci tui, observa in quem  
 eclipticæ gradum decubuerit: nam si cum hoc gra-  
 du voluatur dioptra, dum medij cœli gradus an-  
 tea repertus, iterum meridianam lineam contin-  
 gat: index horariæ lineæ temporis te quæsi cer-  
 tiorem fecerit. Sit verò (doctrinæ gratia) solis  
 deliquium, cui tempus anno. 1563. Iunij. 20. die,  
 hora quinta. 18. minutis post meridiem ad situm  
 Urbis Bononiensis supputatum industria Nic.  
 Simi. Labet explorare qua hora Louanio hic se  
 defectus cōspicuum dabit. Longitudinis differen-  
 tia nostræ ciuitatis à Bononia. 11. grad. 29. mi. in  
 occidentem magis: Quare & hoc ordine illis à me-  
 ridiano supputatis dioptrā adiūgo in circulo ho-  
 rario, ac. 28.  $\text{M}^{\text{y}}$  gra. qui Bononiæ hora solaris ecli-  
 pseos medio cœlo se inferet, recta sub dioptrā du-  
 co: Ac sic stante reti, referatur almuri ad horā. 5.  
 eiusq. 18. partes: ea eclipticā secant in. 17. grad. 2.  
 & 30. mi. Hoc verò gradu immota sistatur li-  
 nea, ac vnā cum reti transferatur, dum. 28. grad.  
 $\text{M}^{\text{y}}$  ad meridianū redeat. Tum regula in limbo  
 horario tempus pomeridianum indicabit, quo no-  
 bis eadem spectabitur coniunctio: horam scilicet  
 4. à meridie, & 31. mi. Vnde hoc caput superiori  
 prorsus ordine, & euersa contendit Hypothe-  
 sum ratione.

Exemplum

CAPVT



DE ASTROLABO

CAPVT LXXXVI.

De situ orbis inuestigando, ac in certam  
terræ partem dirigendæ nauis artis  
cio per stellam visam: necnō de  
locorum distantia vesti-  
ganda ratione Geo-  
metrica.

**S**Itum alicuius loci ad quem instituenda sit  
profectio, tum in anteriore astrolabi facie,  
tum in tergo commonstrare ex iam dictis fa-  
cillimum est: ut superuacaneum fortasse sit mul-  
ta hac de re verba fundere. Siquidem in dorso  
astrolabi perspecta eiusq; vtrunque nauigatio-  
nis terminum intercedit longitudinis differentia  
numeratur in gradibus limbi, ab ipsa meridiana  
linea ortum vel occasum versus, pro alterius re-  
gionis situ, fini applicetur dioptra: iamq; in diop-  
træ spacio numeretur eleuatio poli ab æquino-  
ctiali centrum versus, nec mora in subiecta orga-  
ni superficie, locum quæsitum commonstrabit la-  
titudinis supputatæ terminus. Vt itaque itine-  
ris instituti paulò certior euadas, præsertim ven-  
terum, dextræq; auræ præsidio destitutus: sic agi-  
to. Cognita hora loci tui, applicabis illi solarem  
locum, idq; dioptræ superincumbentis indicio, ac  
sic stante reti, eadem linea relata ad punctum  
adeundæ regionis, iam antea designatum, mon-  
strabis.

Profectio  
nocturna  
Suis auris.



Strabit ilico si qua eius loci stella circulum meridianum contingat, aut etiam recta supra caput feratur: vnde hanc stellam tibi tanquam viam re-  
trahicem ob oculos pone, eo velum, eo gubernaculum omne conuertito. Si enim forte fortuna insigne aliquod sydus in ipsorum zenith consistat, iam quasi Mercurij statuam crede, viam tibi quæ digito signet. Sin verò meridianum eius loci per-  
tingat, sed à zenith aliquotenus in latitudinem euariet, est tibi vtriusque, & stellæ spectatæ, & ipsius loci zenith expiscanda altitudinum diuersitas. Itaque si animo tuo, atque oculis quasi circulum ingentem concipias, qui per polos, & stellam visam extēdatur, atque in illo (quanquā difficile sit) huius differentiæ portionem imagineris, inuenies cœli locum, licet fortasse non aliqua stella illustrem, qui tamen recta linea inter stellam antea repertam, & polum referatur. Itaque & ipsum regionis locū syderi substratum quasi oculo sortitus es, idque pro præsentis temporis puncto.  
Ac licet non vsque adeo exactum, insigne tamen habes projectionis compendium, quandoquidem nec in amussi consistit nautis viam vestiganda artificium: sed singulis horis cogitandum est aliud atque aliud cœli punctum huic regioni in caput impendere, ac proin assiduè iuxta horarum numerum transactum, versandum est rete cum zodiaco.



# DE ASTROLABO

Profectio  
diurna.

Locorū di-  
stātia recta  
eiusq; ratio  
ad angula-  
rem circui-  
tum.

diaco. Verum hac de nauigatione nocturna. In-  
terdiu, cum astrorum ignes Phœbeis radiis obtun-  
duntur, sol tibi signa dabit: ex solis altitudine  
(vt postea perstringemus) queratur loci latitu-  
do, ea nos per æquatoris parallelum dirigat, dum  
perficiunda longitudinis differentia, marina mi-  
liaria ex ratione correspondeant. Cumq; eo diffe-  
rentia pertigeris quem sibi locus adeundus ven-  
dicarit, scito te in eius meridiano iam versari.  
Verum nunc per ipsum recta sursum vel deor-  
sum dirigenda nauis est, dum & loci latitudo per  
instrumentum accepta, latitudini olim perspectæ  
conueniat. Tantæ molis erit, ventis dare vela si-  
nistris. Vtq; obiter agnoscas quantum hoc angu-  
lo recto circuitiois fiat, Dabitur id ex penulti-  
ma primi lib. Euclidis. Nam si vtriusq; & lon-  
gitudinis, & latitudinis differentia multiplicetur  
arcus in se quadrate, ac producta per additio-  
nem in vnum colligantur. Summæ verò quera-  
tur radix quadrata, ea significat itineris cōficiun-  
di longitudinem per gradus æquales his qui sunt  
in parallelo proximi. Ea enim quæ passim tradi-  
tur miliarium ratio ad æquatoris gradus, circa  
eius solius ambitū satis syncera creditur: Vt ni-  
mirum pro miliaribus Italicis ea distantia duca-  
tur in. 60. pro Germanis in. 15. pro Sæuis in. 12  
nam non nisi ad latitudinem. 18. graduum doctri-

na



na hæc locum obtinet. Sed exactior huius rei ratio dabitur suo loco, Nunc ad ventorum inquisitionem, aliaq; nonnulla conuertamur, si quæ præcipua nautis in consyderationem cadunt.

## CAPVT LXXXVII.

## De vsu quadrati nautici.

**I**Nanis potuit dari interior nostri instrumenti concavitas, quandoquidem tabularum nullus hic sit vsus, uti in astrolabo vulgari: Sed omnium vicem vnicum supplet horizontale catholicum: quare vna tatum inserta tabula, quæ tum huic seruiat, tum cycli solaris schema cū quadrato Geometrico complectatur, non inutile fuerit, in tympani plano nauticum illud instrumentum, (cuius pater inuentor est) cum suis plagis & ventorum nominibus exarare. Vsum eius in Apiani Cosmographia tanquam appendicem tradidit: dignum certe (si tantum mihi de paternæ inuentionis præstantia sentire fas sit) cui potius alia præclara de rebus maritimis inuenta, atque infiniti canones appendantur. Nam prò deum immortalem quid tandem Reip. quid principibus viris in vita dari possit præstantius? q̃ ut nō solum in terras ius habeant, verum & surdi pelagi tempestatūq; pericla innumera quasi sub  
pedi-

Vsus quadrati nautici à patre inuentus.



## DE ASTROLABO

pedibus pressa contemnāt? illi dominantur? illo  
hactenus incerto, iam certum designent tramitē?  
Ac qualis cæca leui filo vestigia rexit Pasyp hæ,  
ita & in dubio dudum freto vias non ancipites  
secent? quod vel Sapientis dicto refragrari vide-  
tur, dum inter ἀπορώτατα numerat iter in medio  
mari. Quin hoc vno præsidio licebit innumeras  
syrtes, schopulos, scyllas, charibdas, cyclopum in-  
ga ac vasta deuities præcipitia. Hoc vnū Vlissi  
in tot erroribus defuit, Hoc Diomedi atque  
Aneæ, cum tot annos in sale iactati, vix tandē  
operta telluris, & speratæ patriæ portum conti-  
gere. Sed vt ad rem redeam, Præter id quod pro-  
fectionis institutæ ducem ventū inquiramus, da-  
tur hinc etiam locorū castigare longitudes, in-  
terea dum in peregrinatione versamur: necnon  
absumptam longitudinis differētiā supputare.  
Verum quandoquidem fuscæ hæc tum in Apiano  
tum in libello patris Cosmigraphico ex ipso sunt  
prælibata, quicquid negotij est in pauca contra-  
ham: ne quibus res tenuis est voluminū laborent  
inopia: Sed oēs huius artis thesauros vnica hoc  
seriniolo congestos ferāt. Quadrati fabricam vel  
ex ipso adspectu facilem damus.

Lice-

(\*)

Quadratum nauticum.



Licebit enim cuiq<sup>ue</sup> suo more, ac patrio idio-  
mate ventorum differentias sculpat. *V*etustis in  
usu fuerunt duodeni flatuum tractus, ac totidem  
mundi plagæ, Nostratum nautarum mos est ut  
maioris distinctionis gratia, in. 32. partiantur.

Neque pigebit patris axiomata subnectere, qui  
bus tanquam è fundamēto hæc plagarum segmi-  
na construuntur.

Axiomata  
nautica.

1 Quibus enim locis latitudo indifferens est,  
recta per eundem parallelum instituenda profe-  
ctio est, ortum scilicet aut occasum versus.

2 Quibus sola longitudo discrepat, his unico  
meridiano itineris maritimi limes constituitur.  
In cæteris, utriusque dimensionis consyderanda  
diuersitas est.

3 Si enim longitudinum, ac latitudinum dif-  
ferentiæ pares sint, erit quatuor plagarum ali-  
qua, quæ duobus utrinq<sup>ue</sup> cardinibus per medium  
spacium est interiecta.

4 Quoties longitudinis diff. latitudinis fue-  
rit diuersitate maior, erit nauigationis tractus  
eo propior ad ortum vel occasum, quāto ferè in-  
æqualitas differentiarum maior fuerit.

5 Contra si latitudinis excedat diaphora, ma-  
gis austrum vel septentrionē versus, maris æquor  
arandum est.

Reliquos ventorū ductus hac ratione cōcludito.

V

6 Si



## DE ASTROLABO

6 Si differentia longitudinis ad latitudinis differentiam ratione quintupla putetur, erit prima ab ortu vel occasu navigationis plaga.

7 Si fuerit proportio dupla sesquialtera, secundam dices.

8 Si sesquialtera, tertiam.

9 Si æqualis fuerit, quartam.

10 Nec secus si latitudo ratione maioris proportionis exuperet longitudinis differentiam, Prima plaga à septentrione vel meridie quintuplae tribuatur, ac reliquæ reliquis proportionibus deinceps, eodem penitus modo: ac sic à .4. cardinibus numerando, duæ & triginta restiterint classes, siue ventorum spacia. Vnde directurus aliquo nauim, perspecta eius loci tum longitudinis tum latitudinis differentia, locum vnde proficisceris quasi in centro instrumenti collocabis. Differentia longitudinis in supernis lineis vtrinq; supputetur, dextrorsum à meridiano, si longitudo loci ad quendam maior sit, secus ad læuum, siue occidentem versus. His punctis inuentis adplicatur regula, aut filum vtrinq; expanditur: nos maioris commoditatis gratia, per denas singulas partes tam ex latitudinis ordine quàm longitudinis retas lineas produximus, vti pater in charta Cosmographica. Habita igitur & latitudinis diaphora,

Dirigenda  
nauis arifi  
cium ex vē  
to.



phora, prout in boream magis, vel in austrum diuertitur, ac ex utroq; latere producta linea, in contactu, loci situs est cogitandus. Vnde & centro, & loco inuento applicata regula plagā monstrat, ad quam vela sint inflectenda. Ex aduerso patet & ventus quem gubernaculo præficias. Si verò conuersim plaga sit perspecta, ac latitudinis diuersitas, tū ex contactu lineæ à centro egresse, (quæ plagam designat) & alterius utrinque per latitudines productæ, trahatur & tertia quædam linea illi quæ per latitudines processit ad angulos rectos: Videris si in cōtinuum procedat, notari peractam iam longitudinis differentiam: atq; ita vix quicquam ad nauigandi artem desiderabis reliqui. Sed fortassis non incommodum videbitur, Quod alibi P. M. Patrem annotasse memini, vt adiiciatur hoc loco leucarum ratio, quam pro plagæ diuersitate diuersam nautæ colligerunt eamq; sic accipe:

Vēti guberna-  
toris in-  
quisitio.

Peractā lon-  
gitudinis  
differentiā  
quō pdisces

Nauigando per meridianum respondent vni gradui. 17. leucæ &  $\frac{1}{2}$  & iuxta hanc proportionē incedimus in prima quarta (quæ est  $\frac{2}{32}$  circuli) per. 17. leucas &  $\frac{5}{4}$  & meridiano elongabimur 3. leucas &  $\frac{1}{2}$

V 2

Item



# DE ASTROLABO

Item in secūda quarta, procedendo quousque  
elevatione poli mutetur per vnum gradum, confi-  
ciemus per directum. 19. leucas &  $\frac{3}{8}$  & distabūt  
meridiani 7 leuc.  $\frac{1}{4}$

Tertiae plagæ respondent. 21. leucæ per dire-  
ctum, & distantia meridianorū est per. 11. leucas  
&  $\frac{2}{3}$

In quarta plaga, respondent vni gradui. 24.  
leucæ  $\frac{3}{4}$  & distantia meridianorū est. 17. leuca-  
rum, &  $\frac{1}{2}$

In quinta, vni gradui dantur. 31. leucæ  $\frac{1}{2}$  di-  
stan. merid. 26.  $\frac{1}{5}$  leucæ.

In sexta, gradui per directum tribuunt. 45.  
leucas &  $\frac{3}{4}$  distantia merid. 42.  $\frac{1}{4}$  leucæ.

In septima, demum procedendo per directum,  
quousque polus vno gradu mutetur in altitudi-  
ne, respondent directo itineri. 89. leucæ, &  $\frac{1}{4}$  di-  
stantiam meridianorum ferunt. 88. leucarum.

## CAPVT LXXXVIII.

De constitutione instrumenti huius  
apta ad quatuor plagas mundi,  
ventorumq; descriptione  
commoda.

Explo



**E**Xplorato iam nostri itineris duce, ac gubernatore vento, mediis tandem fluctibus incerti quo proram vertamus, aut unde puppibus aura insurgat: in vnum heraclei lapidis indicem, salus, & spes omnis est referenda. Habito itaq; hoc nautico directorio, sic illud aptabis, ut inferiore lingula lineæ meridianæ recta superincumbat, versatoq; iā huc illuc organi plano, dum magneticus index cum subscripta lineola velut in vñū coëat, superest ut hinc egressos ventorum tractus undiquaq; & in cōtinuum ad cæli superficiem protendi cogites: ipsi te singulorum cardinum, & plagarum collateralium certiores fecerint. Quin & ventum iam se tempestati miscentem discere non artis neque laboris fuerit. Erigatur è quadrati nautici centro stylus ad angulos rectos, & inseratur vexillū, aut aliquod id genus signaculū, quod se partes in omnes nullo negotio conuertat, Nam quocunq; illud spirantis auræ vis excusserit, opposita semper venti sedes monstrabitur. Signarunt autem veteres (ut paulo ante attigimus) totam hanc ætheris regionē duodecim plagis. Quatuor fecerunt ventos cardinales, quod his locis profisciantur, quibus orbis tanquam cardinibus obnixus agitur. Primus ex ortu æquinoctiali subsolanus spirat, Dexter subsolano vulturnus

Cardinum  
cæli inuesti-  
gatio.

Venti spiræ-  
tis cognitio

Ventorum  
situs atque  
naturæ.

V 3

(Cæci



# DE ASTROLABO

(Ceciam, ac Hellespontū dixere Graij) ortum nobis aestiuum terminat. Eurus ad sinistrum concessit, siue ortum hybernum, tres omnes orientales venti, atq; cum ignis elemento primā sibi adfinitatem vendicāt, eius vnice naturam referūt, nisi quod vulturū magis ad frigidum temperamentum, Eurus ad humiditatem propendeat.

Auster meridianus v̄etus, calidā humidāq; qualitatis, dextrum sibi atq; orientem versus Euro-  
austrum, vel Euronothū tenet. Alterum eius occidentale latus claudit lybonothus, quē Austro-  
aphricum dicunt, oēs aeris ingenio prādicantur. Occidentalis Zephyrus aut Fauonius, pari stipatus satellitio, dextri quidem Lybis siue Aphrici  
meridiē versus, sinistri cori vel cauri, quos omnes aqueae indolis, humidā ac frigidaē temperaturae esse voluerunt. Terrenus verō septentrio, solibus meridianis ex aduerso situs est: cui Gallicus ventus Circius, quē et Thraciā appellant, à dextris constituitur. Occidentior aquilo siue boreas laeuū occupat, lybonotho recta oppositus, frigidum est ac temperamento siccum quicquid his partibus proficiscitur. Verum quandoquidē ventis naturam plerunq; referant eius soli vnde promanarūt: sic vt ex humidis locis educti, multo imbre quē secū ferūt, terras irrigāt, qui verō in aestiuis partibus sunt procreati, siccitatē pariter, atq;  
estus

Ventorum  
natura non  
vbiq; eadē.



*æstus vehementiâ cælo vniuerso transferant, sit sanè ut nō ubiq; vna sit omniū ventorū æstima- da proprietas. Nā prout regiones vltra citra ve- pontum collocantur, prout australem orbis partē vel borealem respiciunt, varias quoq; subeunt fa- cultatū vicissitudines. His enim qui vltra tro- picum æstiuum siti sunt, quoties solem in dextrā vmbas verberantē vident, si ex nostro polo pro- tracta venti septentrionalis linea, in rectum pro- cedens super caput feratur, eam cæli constitutio- nem pariet quā facit auster Europæis. Ita & In- dis orientalibus, ab occidente flatus est calidior. Exortu verò pluuia nubes, caligo, ac ipsa deniq; hyems proficiscitur, quæ illis ex oriēte sole latus occupat.*

Ventorū na-  
tura vnde  
promanet.

## CAPVT LXXXIX.

*Vt sciamus sub quo parallelo, aut cœ- li climate versetur.*

**C**onstruatur imprimis climatum ac paral- lelorum tabula ex ratione diei maximæ: sic ut vnumquodq; clima ab altero dimi- diate horæ distet excessu siue. 30. partibus paralle- lis per horarū quadrantes dirimantur, in dierum maximarum diaphora. Vnde per doctrinam 26. capitis, eius conficiendi calculi sit tale  $\pi\alpha\gamma\alpha$   $\delta\epsilon\chi\mu\alpha$ .

V 4 Latit



# DE ASTROLABO

Latitudo sive eleua tio Poli.				
Gra.	Min.	Climatū part.	Climata	Paralleli.
12	45	Principium	1 Per	Tertius.
16	40	Medium	Meroen.	
20	30	Finis		Quartus.
20	30	Principium	2 Per	Quintus
24	15	Medium	Syenen.	
27	30	Finis.		Sextus.
27	30	Principium	3 Per	Septimus
30	45	Medium	Alexandriā.	
33	40	Finis		Octauus.
33	40	Principium	4 Per	Nonus
36	24	Medium	Rhodum	
39	0	Finis		Decimus
39	0	Principium	5 Per	Vndecimus.
41	20	Medium	Romam	
43	30	Finis		Dnodecimus.
43	30	Principium	6 Per	Decimus ter.
45	24	Medium	Pontum	
47	15	Finis		Decimus quar.
47	15	Principium	7 Per	Decimus quin.
48	40	Medium	Boristhenem	
50	30	Finis		
50	30	Principium	8 Per	Decimus sextus
51	50	Medium	Rhipoxos	
53	10	Finis		Decimus sep.
53	10	Principium	Per	Decimus octa.
55	30	Medium	Daniam	
56	30	Finis		

Cogni



Cognita verò iā solis altitudine meridiana, eiusq̃ declinatione in parallelis circulis, ex primo & sexto capite disce & loci præsentis latitudinem, siue eleuationem polarem per doctrinam septimi. vel si noctu faciundum sit iter, vna opera atq̃ industria quærat<sup>r</sup> altitudo maxima aliquius stellæ, eiusq̃ locus in zodiaco, nam si horizo-  
 talis primum linea æquatori applicetur, & apex Cursorius ad altitudinem stellæ in extimo meridiano supputatā: deinceps verò transferatur Horizontalis linea, dum digitus Cursorius incidat in parallelum stellæ, monstrabit illa & loci latitudinē à polis supputandam in maiori circulo, non secus atq̃ in solis consyderatione docuit præter, Perspectam itaq̃ poli eleuationem in tabula prælibata quærito. Confestim & cæli terræq̃ tractus demonstrabitur. Quod si verò exacte non reperiatur loci latitudo in gradibus scriptis, cōferendi sunt numeri vtrunque viciniore, atque hos inter locus inuentus est referendus. Licebit verò ex patris institutione, Climata iā inde ab Æquatoris circulo vsque ad polos disspescere, sed veteribus mos fuit à tertio quartove parallelo primi Climatis initium dare, nec vltra Thülen progredi consueuerunt.

Latitudo  
loci noctu  
quomodo  
reperiatur.

Praxis.



DE ASTROLABO

CAPVT XC.

De aurora siue crepusculo, quotu-  
plex sit, & quis eius defi-  
niendi modus.

**I**ucunda mediis fidius res est, quæque mirum  
in modum perigrinis voluptatem pariat, ut  
mediis ex posti fluctibus, sub incerta nocte, lu-  
cem non modo certam suo temporis puncto, sed  
& ancipitem præfinire possint. Cedunt enim  
cum tenebris nocturni metus, rebus iam luce re-  
rectis. Liquent viarum ductus ancipites, ac pau-  
latim quasi ex confuso Chao, in ipsam seriem  
rectumque tramitem reuocamur, ut credi possit  
nauiganti non sic ipsius littoris subinde, quam  
aduentantis lucis expectatione teneri. Certe &  
animantia bruta eius non exiguam momenti ra-  
tionem habent. Vnæque cum cæteris mortali-  
bus auida, dubiam hanc cæli lucem expectant,  
venerantur, & cantu concelebrant, necnon ipsæ  
tempestates, ac procellarum principes, auroræ  
radius fugati cedunt subinde, noctisque se in pe-  
netralibus abdunt. Vnde sic diuinus poeta,  
*Æneid. 6.*

*Iamq̃ rubescat radius mare, & æthere ab alto  
Aurora in roseis fulgebat lutea bigis:  
Cum venti posuere, omnisq̃ repente resedit  
Flatus,*



Flatus, & in lento luctantur marmore tōse

&,      *Variae circumq̃, supraq̃,*

*Adsuetae ripis volucres, & fluminis alueo,*

*Aethera mulcebant cantu, lucoq̃ volabant.*

Sunt eius ex poëtis descriptiones variae, neque tantopere quid sit aurora siue crepusculum, explicatu necessarium est. Iam enim constat dubiam esse lucem, noctem dubiam, ut neutri temporum differentiae addici debeat, quin ipsa noctem profligat, & venturi soli quasi fores aperit, unde Ouid. Met. 2

Aurora  
quid sit siue  
crepusculū.

*Ecce vigil nitido patefecit ab ortu*

*Purpureas Aurora fores, & plena rosarum*

*Atria, diffugiunt stellae, quarum agmina*  
cogit

*Lucifer, & caeli statione nouissimus exit.*

Verum sat ludimus, atque (ut ad rem redeam) id tantum praemonuisse duximus operepretium, non solo diei exortu crepuscula definiri, sed etiam cum pedetentim coeperit euanescere. Sic ut spacium ab occasu ad intempestam noctem, vespertini crepusculi mensura indicetur: quod verò temporis est ab illo, quo radius primum solari-  
bus aër incanduerit, ad Phœbi ipsius exortum, pro matutino crepusculo ipsaque Aurora censeatur, Modus verò utriusque puncti vestigandi talis est. Obuertatur horizontalis linea,

Crepusculū  
quotuplex.

Praxis.

sc



## DE ASTROLABO


fic ut eius dimetiens cum curso. polum australem spectet, atque ita collocetur ad loci tui latitudinem, siue eleuationem polarem. Deinde octo & decem Cursoris gradus in ipsius dimetiente à centro supputati, applicentur sui termino ad parallelum solis, ac sedulo obserua, quænam horaria linea per contactum cursoris cum parallelo protēdatur: ea tibi in superno ordine matutini crepusculi initium patefaciet, in inferiori verò horarū linea, dabitur & vespertini terminus, nam eius initium est ab occasu, ut rectē illud Maronianū adplicari possit quamuis ab ipso secus referatur.

Matutini  
crepusculi  
punctum.  
Vespertini  
terminus.

Georg. i.

Nos ubi primus equis oriēs adflavit anhelis,  
Illic fera rubens accendit lumina vesp̄er.

Exemplum

Vna etenim horæ linea paris crepusculi limes est sed ob situs differentiā nominis vicissitudine distinguatur itaque inuenies sub Cancris sydere, atque æstiuo solstitio primis radiis albescere cælum, hora noctis prima, & 36. minuto. Nec sese totū oceano cōponet dies, ante horam decimam, eiusq; 24. minuta: idq; si ad latitudinem. 51. grad. indagatio fiat, sole verò per Capricorni tropicum incedente, prima se lux oculis nostris effundet hora sexta mane, & quatuor scrupulis, desinet vesp̄er hora quinta, & 56. partibus transactis. Et cum V vel  horas somni lucisq; pares effecerint, Pandetur aurora post quartam, ac minu-



ca. 4. Ventabit & nox hora. 7. minut. 56. Quod si verò durationem, siue viriusq; crepusculi moram scire libuerit, tantum opus est pro matutino vt discas tempus solaris exortus, per doctrinā 27. cap. Nam æquatoris gradus qui horam crepusculi, atque ortus intercesserint, illius moram patefacient. Similiter pro vespertinis crepusculis, ratio putetur ab occasu ad plenæ noctis initium. Neque est quod hic quisquā Auroræ lineam desyderari putet, prorsus enim inanis est, necnō cuius fere pro suo capite supputatur, nōnulli enim eum censent auroræ principium, cum sol.  $17\frac{1}{2}$  sub horizonte grad. occupat in altitudinis quarta, multi cum in trigesimo constiterit. Nos ex Ptolomæi & maxime vulgata opinione octauū decimum gradum instituimus sequatur quisque quo se sua rapit animi sententia. Mibi omnium ex æquo iudiciis inseruisse sat est.

Durationē  
crepusculi  
viriūsq; in-  
uenire.

Auroræ li-  
nea.

Opiniones  
variæ.

## CAPVT XCI.

De Maris augmento, & decremento, lunæ distantia per eccentricum, ac planetarum incessus forma triplici.

**E** Si verò & hoc nauticum pelagi fluxum, refluxum, decremēta, incrementa vt animaduertant.

Qua in maria alta tumescant  
Obiicibus ruptis, rursusq; in seipsa residant.

Geor. 1.

Nam



DE ASTROLABO

Nam & hinc iactandi solvendiq; anchora haud  
contemnendi Canones eruuntur, huic operu agre  
stum, hinc civilium moderamina fulciuntur.

Georg 1.

Multa etenim Gelida melius se nocte dedere,  
Aut cum sole nouo terras irrorat Eous  
ut poetæ verbis utar.

Ipsa dies alios alio dedit ordine luna  
Fœlices operum. &c.

Ratio Phy-  
sica.

Cæterum quod fluctus per interualla nunc se-  
se deprimant nunc auris sublimes inferant, &  
quasi cælis sese tentent attollere, lunaris or-  
bis pro luminis sui mole præstare creditur, nec  
mirum cum quicquid eius ferè ingenio constet,  
cum luna pariter & incrementum & decre-  
mentum capiat: uti videre est in ossium me-  
dullis, & viuorum animantium particulis  
multis, verum id pulcherrime Galenus Libri  
de diebus decretoriis tertij cap. 1. dum sic ait,

Lunæ incre-  
mentum &  
quantitas  
quid faciat.

ἡ σελὺν καρπὸς παχύνῃ, καὶ τὰ ῥῶα πιαίνει, καὶ τὰς  
τῶν καταμνήων τὰς γυναιξὶ προδεδωμένας διαφύ-  
λάττει, καὶ τὰς τῶν ἐπιλήτων τῶν περὶ τὴν περίοδον  
ἢ ἡλίου πλεον, ἢ ἑλάττω μεταλαμβάνει, πάντα μὲν  
γὰρ ἃ δρᾶν πέφυκεν, ἀμύδρα γίνεται μηνῶν δὲ γε-  
νομένης αὐτῆς, ἅπαντα δὲ ἰσχυρὰ πεπληρωμένης, ὅτε  
τὸς καρπὸς ἐν τῷ δὲ πεπαινεῖ καὶ αὐξάνει τὰ χύσια, καὶ  
τὰ νέκρωσώματα διασκήψῃ καὶ τὸς ὑπὸ τῷ αὐγῇ αὐ-  
τῆς κοιμηθέντας, ἢ καὶ ἀλλῶς ἐπὶ πλεον διατρίψαν-  
τας, ὡχρὸς καὶ καρκινώδεις ἀπεργάζετ. Nec tantum  
humido-



humidorum quantitas sequitur lunā, sed et ipsius motui singula submittuntur, ac velut eius transitus per duodena signorum spacia, humores corporum in ea vasa partesque deriuant, quæ cum signo obfesso analogiam seruent, Non secus lunæ diurna profectio per cæli cardines, maris fluxum toties, ac refluxum concitat, sed de maris augmento dicere non vsque adeo propositi fuit negocij. Quod ad continuos fluxus attinet, eius institutio capite. 36. vix distinguenda videtur, sit verò quasi appendix, atque eius doctrinæ exemplum peculiare. Ostendit pater in libello Cosmographico, fieri vt. 24. horarum spacio, bis maris accessum, & recessum videamus. Exoriente enim luna, æstuant freta, ac versus interiora regionum vasto impete deuoluuntur, donec eadem meridianam lineam contingat. A qua dum sese ad occasum recipit, rursus regrediuntur fluctus, placideq; sese componunt, dum nostris luna conspectibus abducatur. Hic iterum paulatim sese tollit mare, & altius vndas erigit, atque imo consurgit ad æthera fundo, sed à mediæ noctis linea properantē sequitur postremo mare, nec aluco se suo sublimius effert. Reliquum igitur est vt horam lunæ contemplemur, habito ipsius in signifero, & solis gradu. Nam si lunæ locum ad aliquem horum.

Lunæ motus tam diurnus quā mensstruus quid possit.

Praxis.



# DE ASTROLABO

horum punctorum quatuor applicaris in astrolabi tergo, ilicet dioptra per solem extensa, in limbi exterioris ambitu horam commonstrabit, qua luna talem cœli situm consequetur, & e contra ex hora proposita, submisso solis gradu, constabit singulis momentis, in quo quadrante verratur lunaris globus, & ex consequenti quorsum se pontus præcipitem ferat. Illud verò annotatu dignum est, lunam in apogæo constitutam, vel etiã in superiori eccẽtrici portione, plus facere ad maris concitandos impetus ob motus triplices minime differentes: ipsius scilicet epicycli, apogæi mediij, atque orbium qui augem eccentrici deferunt: omnes enim mouentur contra signorum seriem: sed in inferna medietate, vbi motus concurrunt contrarij, augis scilicet mediæ & lunæ in epicyclo: hic ad exaugendã vndarũ molem potentior, quippe quæ terras vultu propiore perlustret: sed in mouendis fluxibus nonnihil iuris amittit. Nec secus luna in sublimiori eccẽtrici parte, freta secum citatissime corripit, ipsa enim triplici ex ratione per inuersum graditur, epicycli primum vi, (secus quàm cæteris planetis vsuuenire consuevit) deinde motu vtriusque deferentis augem eccentrici, & primi mobilis latione diurna. Sed directã est in altera portione, fluctibus ob vicinitatem attollendis efficacior, concitandis

non

Vis lunæ ex  
orbium suorum  
ratione quo  
modo intē-  
datur.



non ita. Hinc fit ut duplici nonnunquam ratio-  
ne terris propinquior sit: cum scilicet in eccentri-  
ci medietate descendente vertitur, ac simul infi-  
mam epicycli portionem obtinet. Quapropter in-  
crementis capiundis aqua maxime est opportuna.  
Ita fit ut & quatuor ex causis lunæ motus intē-  
sior, fluctus marinos ocyores faciat. An verò pla-  
neta qui us recto incedat signorum ordine, an cō-  
uerso, an deniq; ad stationem peruenerit: ex eo-  
rundem altitudinibus inuenire facile st. Nam si  
planeta primum deinceps stellæ cuiusvis fixæ al-  
titudinem capias, (modo illi planetæ quàm fieri  
possit proximum gradum premat) quocunque  
etiam cæli loco sit constituta, Deinde post noctem  
vnā atq; alterā, obserues eandem stellam fi-  
xam, dum eadem sit cæli regione locata, ac pari  
supra horizontem eleuatione: tum planetæ conce-  
pta altitudo, atque eius ad priorem differentia  
motus qualitatem definiet, nam si non discrepat,  
stationarium dicito quod si prima altitudo pla-  
netæ in oriente spectata sit, ac deinceps minor  
euadat, retrogradus est, sin maior directus. Quo-  
ties verò in occidentali parte vtriusq; celsitudi-  
nē primo perceperis, ac deinceps planeta depres-  
sior fiat, rectè graditur: si fuerit inuentus subli-  
mior, obuersa nititur astrorum serie, ac sua quasi  
per vestigia gradum inflectit, sed in luna reiois

Corelariæ.

An planeta  
directus sit  
an retro-  
gra. an sta-  
tion.

X

ΧΑΛΑΤΗ,



# DE ASTROLABO

καλεπν, ob velocitatem motus: ut vix tales motuum diuersitates vulgo recipiat. Quin & operandi ratio in eius motu quantum ad altitudinum augmenta spectat, planè inuersa censeatur. Verum qua se tandem eccentrici medietate

In qua eccentrici medietate Lunaris orbis circumagat, eius ad solem intuitus docet, nam paulo ante & post oppositiones, & coniunctiones, supernam medietatem

perambulat: inferiorem aliquanto ante & post utranque διχοτομορ, nam in coniunctione, & oppositione centrum Epicycli tenet ἀπὸ γεορ, id est punctum medium superne portionis. In duabus verò quadraturis, eccentrici perigæo collocatur. Cognita verò Lunæ latitudine, scies quantum in alterutra medietate processerit, per conuersam octauæ propositionis. Nam in Astrolabi facie, horizontalis linea super quintum gradum ab æquatore collocatur, nec mora parallelus latitudinis cognita, terminabit & lunæ distantiam ab altero nodorum: ἀπὸ τοῦ μὲρ συνδέσμου ἀναβιβάσονται,

Praxis.

si borea latitudo fuerit: ἀπὸ τοῦ καταβιβάσονται, si sit declinior Austris.

CAPVT



De Horologii horizontalis fabri-  
ca huius instrumenti  
methodo.

**H**Atenus verò totius ferme Cosmographiæ  
rudimenta, quantum huius organi ampli-  
tudo tulit paucissimis prosecuti sumus,  
sic nos immensum spacio confecimus æquor,  
Et ferè tempus æquum fumantia soluere colla:  
Nam fugit interea fugit irreparabile tempus,  
singula dum capti circumuectamur amore, ( vt  
ille canit ) ac certè visum erat huic tandem in-  
stituto finem facere, Nisi aliud quiddam mihi  
in libro patris Cosmographico versanti dignum  
occurrisset quod ad huius vsum aceruarem. Ea  
enim vtriusq; instrumenti societas st, vt ni dees-  
set positionis angulus, omnis ferè globi cœlestis  
copia huic instrumento transcribi possit. Quic-  
quid tamen per isthunc angulum non datur,  
alia via excogitauit Pater. Quin si mihi vel  
scintillam leuem ex paterni ingenij face spera-  
re fas sit. Dabitur aliquando hic eius libellus  
auctior, cum tota sphaera planæ ad solidam ra-  
tione, quàm primo huius libri capite visus est  
attingisse Pater. Nunc quicquid deuorandis  
itineris reliquum est, citato pede percurra-  
mus. Docuit P. M. Pater ex Globo duplicis



## DE ASTROLABO

Horologiū  
duplex.


Horizonta  
lis fabrica.

Exemplum

horologii genus fabricata, quorum vnus ad mū-  
ri positus excogitata ratio est: alterum horizon-  
tali plano adplicari debet. Sed de murali poste-  
rior fiat sermo, iuxta paternam seriem. Primū  
itaq, pro horologii horizontalis fabrica, ad loci la-  
titudinem in Planisphaerij facie constituatur fi-  
nitoris linea. Deinceps à centro siue meridiano  
recto, externam peripheriam versus supputen-  
tur in horizontis dimetiente gradus. 15. ac gna-  
uiter obserua horæ lineam per hunc gradum re-  
cta incedentem, quot enim cunq, partibus æqua-  
toris ea distet ab organi centro, tot partium fue-  
rit meridiei, & lineæ per horam primam tran-  
seuntis intercapedo. Similiter pro .2. hora, qua-  
rantur in horizonte. 30. gradus, & Meridianus  
isthac transiens, iuxta æquatoris partes dabit  
horæ. 2. distātiā à duodecima occasum versus:  
at pro radio horæ tertiæ, supputentur. 45. pro  
quarta. 60. pro .5. 75. horizontis gradus: ac singu-  
lis vicibus notato seorsim æquatoris partes com-  
muni meridiano definitos. Habes itaq, horarū  
spacia. 5. sexta autem (vt inquit pater) in omnē  
superficie plana, ac iacenti per circuli quadran-  
tem distat. Vtq, pro nostræ regionis latitudine  
51. scilicet, horologii in plano descriptum  $\pi\alpha\sigma\acute{\alpha}\alpha$   
 $\delta\iota\sigma\tau\alpha\alpha$  demus, composito finitore ad totidem ele-  
uationis polaris gradus, numeretur à centro per  
dime-



dimetientem singulis horis præfinitæ partes: videris illico, siue in dextrum organi, siue in læuum conuersus fueris, partibus horisontis. 15. respondere. 11. gradus cum dodrante, seu. 45. minutis, tãta erit horæ post meridiem primæ à linea meridiei distantia: sic horæ. 2. tribuentur. 24. grad. 9. scrupula in horologij horisonte supputada. Tertia verò. 37. gra. 52. mi. Quartæ. 53. grad. 25. mi. Quintæ demum horæ intercapedo. 70. grad. & 55. mi. continebit.



Descriptus itaque in plana superficie circulus quantæcunq; extensionis visum fuerit, Duo-  
X<sub>3</sub> bus



# DE ASTROLABO

Duobus Diametris ad Ortogonum constitutis, in quadrantes dirimatur: ac more communi per nonagenariam diuisionem, vel occultis gradibus in vnoquoque quadrante procedatur: Diametralium vero linearum altera per horam notis, ac diei duodecimam insigniri debet, altera per sextam matutini ac vespertini temporis horam disspescet, mox ab hora. 12. exorsus, numeri horarum intervalla per numeros ante re-  
 pertos: pro prima hora. 2. gradus. 45. mi. pro se-  
 cunda. 24. grad. 9. scrup. ac sic deinceps dum. 5. horarum spacio, Horizontis ambitu connectan-  
 tur, ac tum per partes in illo signatas, adplica-  
 ta amussi trahantur à centro lineæ rectæ suarum  
 singulæ horarum limites. Vtq; & horæ pateant  
 ab ortu in meridiem contendentes, paribus tra-  
 hantur intervallis lineæ à meridie versus ortum  
 supputatis. Quanta enim est à. 12. horæ pri-  
 mæ distantia, tanta est vndecimæ ab eadem me-  
 ridiana lineæ, ac non minus maiusve est solis  
 ab ortu æquinoctiali curriculum in lineam horæ  
 septimæ, quàm à lineæ sextæ, ad occasus æqui-  
 noctialis terminum siue sextam vespertinam.  
 Quin iam completo circulo, si lineæ à centro,  
 ac designatis modo partibus in oppositam cir-  
 cumferentiam recta protendantur, totus natu-  
 ralis diei circulus eluceffet. Verum pro indicis  
 structu-

Horæ ab  
 ortu in me-  
 ridiem,

Canon.

Integer diei  
 cyclis natu-  
 ralis.



structura ea lex esto, ut linea è circuli centro eleuetur supra horæ duodecimæ lineam, sed inclinatio iuxta angulum latitudinis, quem scilicet axis conficit cum Horizontali linea. Numeratur enim in quadrante aliquo regionis latitudo, eoque ac per centrum trahitur linea recta. Aequalis enim erit indicis ad horam duodecimam inclinatio, cum angulo illius ad Meridianam lineam neque magni operis est huic tabellam aliquam conformem reddere, ut per eam styli corrigatur eleuatio. Perfectum itaque habes, ac in plano descripti horologij Typum: qui semel ad lineam meridiei coaptatus, in parallela superficie finitoris, reliquo deinceps vel æui curriculo, temporum metitur discrimina.

Indicis fabrica.

## CAPVT XCIII.

De Horologii muralis instituendi norma per Planisphærium.

**M**ulta est plani horizontalis cum horologio murali cognatio: nec alio ferè illorum differunt diagrammata, quam ipsius plani positione ad emissam centro solaris corporis umbram, atque adeo styli conformatio-

Horologii  
vtriusq; comparatio.



## DE ASTROLABO

ne, nam alioqui pro horarum vestiganda inter-  
 capedine, atque linearum omnium à meridiano  
 distantia, æquales numerantur gradus, sed cum  
 huius id instrumenti ope expiscari voles, diuer-  
 sa penitus est illius calculi prosequendi ratio,  
 atque non æquales in Horizonte distantias  
 refert. Posita enim finitoris linea ad Poli  
 prominentiam, (cui fabricanda est horolo-  
 gij muralis tabula) Applicetur & Cursoris di-  
 metiens, ut recta centro insistas, eiusque su-  
 perior pars punctum verticale demonstret: ac  
 iam in ipso cursoris dimetiente numerantur ho-  
 rarum spacia, non à centro ipso ut præcedens  
 canon postulat, sed ab extremo meridiano ver-  
 sus organi centrum: non in finitoris linea, sed  
 æquinoctialis circuitu. Sic ut pro horæ primæ  
 distantia à meridie, numerentur Equatoris  
 15. grad. pro hora secunda. 30. ac pro reliquis,  
 reliquæ intervallorum differentia. 45. scilicet,  
 & 60. & 75. hic iterum in uniuscuiusque sup-  
 putationis termino, animadvertendus est me-  
 ridianus circulus, qui inde recta promanans  
 ad Cursorem deriuatur: ac pro describendis in  
 plano horarum distantis, annotandæ sunt  
 seorsim Cursoris partes, per quas ille Me-  
 ridianus viam ad polos sinuat. Ac tum, non  
 secus quàm superiori capite traditum fuit, de-  
 scripto




scripto finitoris circulo, eoque in. 90. aquas  
portiones distributo, supputandæ sunt utrinque  
ab horæ duodecimæ linea, siue ipso circuli diame-  
tro ortum & occasum versus reliquæ temporum  
intercapedines, ac per signaturas peripheriæ, ex  
centro ducendæ sunt ho-  
rarum lineæ. Videris  
autem in omni regio-  
ne quæ latitudinē ser-  
uat. 51. graduum, consti-  
tuto horizonte, & cur-  
soris linea iuxta præ-  
scriptam regulam, ho-  
ræ ilicet primæ (pro  
qua. 15. gra. æquatoris  
numerauimus) corre-  
spondere. 9. gra. 33. mi.  
Horæ secūdæ. 19. gra.  
cum. 58. scrup. Horæ  
tertiæ. 32. grad. 11. mi.

Quartæ. 47. gra. 28. mi. Quintæ. 66. gra. 55. mi.  
Sextæ verò linea, sicut in altero horologio cum  
duodecima quadrante utrinque comprehendit.

Absolutum est igitur, ac horis demonstrandis  
quasi certissimum speculum. Sed ante sic est ap-  
plicandum muro, ut meridiei prorsus obuertatur:  
atque ad rectos etiam pendeat angulos. Indicis

Exemplum

Horologij  
muralis  
typus ad  
lat. 51.

X s autem

Index.



## DE ASTROLABO

Equatoris  
elevation.

Autem ea est fabricandi via, ut in descripto circuli quadrante, numeretur distantia equatoris ab horizonte, ac in supputationis finem, à centro trahatur linea recta, iuxtaq; huius angulum cum diametro (unde incepta est numeratio) erigendus est umbrarum index, atq; è centro producendus super horæ. 12. lineam. De equatoris elevatione dictum est alibi, aufertur enim regionis latitudo ex. 90. gradibus: ut in lat. 51. graduum, angulus indicis muralis est. 39. graduum. Sed & in astrolabi dorso, atq; horizontali catholico statim ex unica inspectione, discitur equatoris elevatio supra finitorem, incumbente dioptra super horam duodecimam.

## CAPVT XCIII.

De muri inuestiganda distantia à vera  
meridie, & solis distantia à meri-  
die iuxta verticalem loci  
circulum, aliter quàm  
pater cru-  
diit.

**Q**uoties in aliqua muri superficie plana describendum est horologium, idque circa eius adspectum ad meridiem veram,  
maior



maioris id operis est, atque negotij: sed & hoc loco recensere præter institutum fuerit. Verum quod non solum hic, sed & alibi vsuuenire consuevit obiter dicam. Scire etenim frugiferum est muri ipsius à meridiano circulo distantiam: id est quantum linea in muri plano, ad angulos rectos constituta recedat à superficie meridiani circuli, in gradibus æquatoris ortum vel occidentem versus: id huius instrumenti adminiculo sic breuiter expiscabere. Erigatur *Praxis.* in muro stylus aliquis orthogonum vndeunque efficiens, eique ex filo perpendiculum libere dependeat, aut eius loco in muri superficie recta trahatur linea. Obseruabis igitur ad emissos radios serpentem apicis umbram, dum recta feratur ad perpendiculum, eiusque lineæ vnā se prorsus exhibeat: ac tum cognita solis altitudine supra horizontem, disce horam præsentem, ac per doctrinam. 39. quantum sol distet à verticali circulo, æqualis enim fuerit & plani muralis decubitus à meridie vera, in gradibus horizontis, quorum in describendis horologiis vsus est, ad quamcunque propendentem superficiem planam. Verum licebit idem emolumentum ex alia institutione colligas, atque ita cuiuscunque talem distantiam semel explo-

Vsus.

Muri declinatio in gradibus finitoris quo reperiri possit



## DE ASTROLABO

exploraris, poteris confectum horologium quod-  
uis ita gestare liberū, ut non semper opus sit ad-  
fixum esse parieti: sed semel reuulsum, iterumq;  
applicatum ad superficiem muri planam, hora-  
rum ilicet discrimina tibi commōstrabit. Distan-  
tiam verò muri à meridiano circulo, in horizon-  
tis gradibus sic vestigabis. Iuxta horarum seriem  
solis distantiam à meridie numera, in æquatoris  
gradibus, ab exteriori limbo centricum versus.

Constituta deinceps horizontali linea ad loci la-  
titudinem: ex huius distantie gradu recta ince-  
dens meridianus animaduertatur qua parte ho-  
rizontem feriat, hic contactus aliquo modo insi-  
gniri debet. Numerata deinceps eadē solis distā-  
tia in finitoris dimetiente (cui & alteram notam  
imprimo) ea iuxta remotionem sui à priore si-  
gnatura, ostendet horizontis gradus interceptos  
inter circulum, qui à polo per solare corpus ince-  
dit, & qui à vertice per eundem solem ad hori-  
zontem prorogatur (Azimuth Arabes vocāt)  
Azimuth. Horum ergo circulorum distantiam in finitoris  
partibus seorsim nota. Deinde persistente sic hori-  
zontis linea, adspice quot illi gradus sint conclu-  
si inter extremum meridianum, eumq; qui per so-  
lis distantiam meridianam egressus ad sese recta  
deducitur: iisq; gradibus, circulorum intercapedi-  
nem ante repertam adice, & constabit solis di-  
stantia



stantia per circulum verticalem loci tui siue horizon-  
 ris partes: cui quidem equalis est muri de-  
 cubitus eadem respectus habitudine. Ea enim hy-  
 pothesis est, ut murus supra horizontalem super-  
 ficiem ad angulos rectos sit constitutus, atque ita  
 recta in zenith attollatur. Esto (exempli gratia) Hypothesis.  
 ut hora data, solis à meridiano circulo distantia  
 in æquatoris ambitu repererim. 60. partium à lim-  
 bo versus centrum procedendo, ex huius suppu-  
 tationis fine, deducto horizonte ad lat. 51. obser-  
 uo meridianum ex hac æquatoris portione proce-  
 dentem in quam partem finitoris contingat: fini  
 notam imprimo: deinde numero eandem solis di-  
 stantiam in horizontis partibus, atque supputa-  
 tionis terminus, iuxta sui distantiam à priori no-  
 tula, significat & horizontis gradus interclusos  
 duplici circulo, à polis scilicet, & vertice loci per  
 solem vibrato: sunt autem ij. 6. gra. cum semisse.  
 Persistente demum horizontali supra latitudinis  
 gradus, video meridianum qui per 60. partes  
 æquatoris ducitur refecare. 51. gradus horizontis  
 cum. 20. scrupulis: hæc adiicio ad. 6. gradus cum  
 semisse, colligo. 59. gra. & 50. mi. Tot partium  
 est distantia solis in horizontis ambitu, per loci  
 verticalem circulum: quare & hanc si eo tempo-  
 re perspectam habueris, quando murale perpendi-  
 culum cum styli umbra in vnum coit, habes &  
 muri

Exemplum

Angul<sup>9</sup> du-  
 orum circuli  
 lorum quo-  
 rum vnus à  
 polis per so-  
 lem deduci-  
 tur alter p  
 solem à ver-  
 ticali pun-  
 cto porrigi  
 tur.



## DE ASTROLABO

Vsus huius  
theorema:  
tis.

Horizonta-  
lis plani ad  
solem dire-  
ctio.

muri ipsius conuersionem à meridie per horizon-  
tis gradus. Vnde fabricato plano semicirculari,  
ipsum in. 180. partes aquas distribuito. Applice-  
tur eius diameter ad muri superficiem rectam,  
ac perpendicularem, sic vt semicirculus etiam  
cum horizonte parallelam superficiem repræsen-  
ret. Cognito iam semel plani muralis decubitu,  
quocunque voles diei puncto, horologium supra  
notatum facile dispones vt horam indicet: appli-  
cato namq; horologij muralis vno latere ad mu-  
ri perpendicularem lineam, alterum circumdu-  
catur, donec per tot gradus à sectore diametro  
prætereat, quot continet distantia muri à meri-  
die ante repertam. Videbitur fortasse cuiquam  
vix operæ præciū, fructus tam pusilli gratia, tan-  
tum laboris capescere, & propositionem tot am-  
bagibus implicatam perscrutari. Sed hic vsus il-  
lius inueni vel minimus dici potest: nam innu-  
mera penè theoremata ex hoc vno facile deduxe-  
rim, quæ tamen si vel latum culmum à propo-  
sitione nostro cedant, lubentius missa facio. Quantū  
verò ad horizontale horologium spectat, eius di-  
rectio est per lineā meridianā multis modis in-  
uestigari solitā. Sed ad æquidistantiā horizontis  
vt cōponatur huius organi facultate, opus erit  
quadrante in. 90. partes diuiso cū semidiametrali  
cursore, & vnico perspicillo sup rās ω & ε oꝝ lineā  
consti-



constituto. Quadrantis itaq<sup>3</sup> latus alterū ad planam loci superficiem coaptetur, ac sursum dioptra vel deorsum trāferatur, dum solis radius per foramen immissus centrum recta petat, aut cum dimetiente linea in vnum coeat. Sic altitudinē solis repertam annota: Ac tum ad astrolabum reuersus, veram solis altitudinem aucupator: subtrahere minorem à maiori, residuum erit differentia plani localis à veri horizontis superficie, idq<sup>3</sup> in gradibus circuli verticalis. Quare si pro huius discriminis ratione, horologiū pressius sublimisve libretur, futurum vt tandem finitoris plano parallelum præbeat. Minoris id fuerit negotij, si quadranti circumscribatur quadratū, eiusq<sup>3</sup> ad latus vnum linea perpendicularis exaretur. Verum hæc vulgata sunt: lapicidis, figulis, fabrisq<sup>3</sup> lignariis non inaudita.

Alia via  
vulgatio.

## CAPVT XCV.

Appendix ad tractatum de descensionibus, atque adscensionibus partium zodiaci.

**H**ætenus ea tantum instrumenti capita perstrinximus, quæ tum patrē in animo cōcepisse crediderim, tum scitu penitus visa sunt necessaria. Atq<sup>3</sup> vtinā conatui nostro tan-  
sum



## DE ASTROLABO

tum commoditatis accessisset, ut si ne vel rude aliquod  $\delta\iota\alpha\gamma\gamma\alpha\mu\alpha$  operis instituti delinearit, capita saltem ipsa suo ordine, ac loco pertractanda nominasset, aut aliqua generali tabula in operis limine perstrinxisset. Sed in tam diuersorum rerum habitu, diuersissima fuit cogitandi occasio. Ille etenim cælestis animi vigor, q̄ sincero corpore huius orbis inferni limitibus hoc propemodū ætheris angusto spacio se contentum gessit, paulatim ad altiora contendit mortalium rerum atq; humanæ tenuitatis oblitus. Ille ante occupato deorum vestibulo, in ipsa iam cæli interiora limina viam quesit. Verum quid vnus viri occasu toti ferme Reip. detrimenti accesserit, tum in operis fronte tum publica nobis oratione satis est declamatum. Quicquid verò huius negotij super est appendicis loco subnectatur: nam licet alibi ex patris institutione consequantur, cum tamen utcunque graua sint, & ab ipso prætermissa, in aceruum aliquem sub fine congerantur. Docuit P.M. Pater multa de adscensionibus rectis atque obliquis in facie huius instrumenti, vel interiore tympano perscrutanda. Verum præter alia pauca, id mihi imprimis desiderari visum est, ut sciamus quanta sit adscensio obliqua cuiuslibet partis zodiaci, in quacunque regionis latitudine, absque adscensionum perspecta differentia,



rentia, (quæ alioqui inexercitis moræ nonnihil  
atque molestiæ parit. Sed eius praxim hanc ca-  
pe. In horizontali Catholico colloca eclipticæ  
gradum, vel etiam stellam quamcunque in reti  
notatam ad horizontem regionis propositæ, at-  
que sic stante reti applica dioptram Arietis ini-  
tio, ac numera limbi gradus à sexta matutina  
vsque ad dioptram: illi enim sunt gradus adscen-  
sionis obliquæ. Quamquam autem numeri in lim-  
bo hoc ordine adscripti non sint, nemo tamen ita  
ingenij rudis est, vt gradus ob oculos positos nõ  
recte discernat, cum per decades vno tenore pro-  
cedant. Exemplum quæro quæ sit adscensio ob-  
liqua vigesimi gradus  $\Omega$  in lat.  $51.$  graduum.  
Promoueo itaque.  $20.$   $\Omega$  partes ad horizontem  
 $51.$  partium, superposita deinceps dioptræ linea  
super primum Arietis gradum, in limbo distan-  
tiam ab hora sexta matutina describit: ea est  
partium.  $123.$  cum triente propemodum. Nam à  
sexta hora ad meridiem sunt.  $90.$  partes, à meri-  
die verò distat.  $33.$  partibus.  $18.$  scrup. Ex hoc etiã  
capite adscensionum differentiam expiscabere.  
Nam in signis boreis subducitur adscensio obli-  
qua ex recta. In australibus ascensio recta aufer-  
tur ex obliqua, sic relinquitur  $\tau\omega\pi\ \acute{\alpha}\nu\alpha\phi\omicron\varsigma\omega\pi\ \delta'\iota\acute{\alpha}\phi\omicron\varsigma\alpha.$

Adscensio  
partiũ zodi-  
aci absq; cos-  
gnitiõẽ dif-  
ferentiæ ad-  
scensionum  
vt disci-  
queat.

Adscensio-  
num differ-  
entiã via fa-  
ciliori vt cõ-  
stet.

Y

CAs



## DE ASTROLABO

### CAPVT XCVI.

Data ascensione obliqua in aliqua regione,  
cuius latitudo nota est, quis sit gradus  
eclipticæ coascendens.

**N** Vmera adscensionem obliquam datam in  
posterioris partis limbo, ab hora. 6. matu-  
tina, iuxta solaris curriculi seriē: fini di-  
optrā iungito, cui simulatq; adplicatus fuerit pri-  
mus V gradus in reti descriptus, videris ad hori-  
zōtem regionis propositæ gradū eclipticæ coascen-  
dentē adscensionem obliquā adsignatæ. *Exemplum* Vt si quæ-  
rat quispiam, quotus eclipticæ gradus ascendit  
Romæ cuius latitudo est. 42. partium, cum. 90.  
tēporibus æquinoctialis. Numerabimus. 90. gra-  
dus ab hora sexta matutina, iungemusq; dioptrā  
supputationis termino, qui hic est. 12. hora meri-  
diei: Ad dioptram siue (vt nunc) meridianam li-  
neam, deducemus V initium: sic in horizōte. 42  
partium, deprehendemus. 20. ferè ☿ gradus siue  
Vltus. 19. par. ☿. 45. ferè scrup. Hæc res in domiciliorū  
cæli distinctione vsus non mediocrem præstat.

### CAPVT XCVII.

Appēdix ad tractatū de genituris, & par-  
tium cæli directione. Primum de an-  
norum mundi recursibus, gene-  
siumq; & aliarum rerum vt vo-  
cant reuolutionē certa.

Doctri-



**D**Octrina de natiuitatibus siue genitalis  
schematis constitutione, nō iniuria sequi-  
tur annalium siue solaris cōuersionis con-  
sideratio, fit enim ut nouo cuiusque anni circui-  
tu, nouæ syderum virtutes per solis *ἐπερχόμενα*  
corporibus nostris illabantur: ac non solum hu-  
manarum rerum vicissitudo mutetur, sed & ædi-  
ficia, vrbes, regna, quin adeo mundus vniuersus  
aliā, atque aliā per singulos luminariū an-  
fractus, reditusq; ad sui principia metamorpho-  
sim subeant. Vnde Ouid. Met. 15.

*In species translata nouas sic omnia verti  
Cernimus, atque alias adsumere robora  
gentes:*

*Concidere has sic magna fuit censuq; virisq;  
Perq; decem potuit tantum dare sanguinis  
annos:*

*Nunc humilis veteres tantummodo Troia  
minas,*

*Et pro diuitiis tumulos ostendit auorum,  
Clara fuit Sparte, magnæ viguere Mycenæ.  
Necnon & Cecropis, necnon Amphionis  
arces.*

*Vile solū Sparte st: altæ cecidere Mycenæ:  
Oedipodiontæ quid sunt nisi nomina Thebæ?  
Et paulò post:*

Y 2

Cælum



DE ASTROLABO

Cælum, & quodcunq; sub illo est  
Immutat formas, tellus & quicq; in illa st:  
Nos quoque pars mundi, &c.

Sic olim terrarum Roma caput, nominis ampli-  
tudine cuncta supereminens, sua nunc Germa-  
nis transcribere sceptrum videtur. Germani mu-  
sas cum imperio in suam ditionem pertraxere.  
Sic paulatim & Christiana fides, remotis mun-  
di partibus exoritura occidit Europeo solo, &  
quasi per mare Mediterraneum profuga, Lybi-  
cis caput occulit aruis. Denique per tot annorū  
recursus, alio inclinantur regum animi, Magi-  
stratus, Populi, alium Penates domestici fami-  
liæ statum creant. Cui illud Maronianum al-  
ludit:

Æne. ii. Multa dies, variusq; labor mutabilis æui  
Rettulit in melius: multos alterna reuifens  
Lusit, & in solido rursus fortuna locauit.

Planeta re-  
uolutionū  
principes.

Cæterum quod in rerum successionem hæc duo cla-  
rissima mundi lumina tantum sibi iuris potesta-  
tisq; vendicent testatur Ptolomæus τετραβιβλις  
lib. ii. dum sic ait: ἐπὶ τῇ μητροπόλει, ἐκεῖνοι μά-  
λιστα συνπαῖδσι οἱ τόποι τοῦ ζωδιακοῦ κυκλῶ, καθ' ὃν  
ἑνταῖς κατὰρχαῖς τῇ κτίσεως αὐτῶν, ὡς ἐπὶ γενέσεως  
ὅτε ☉ καὶ ☽ περιεφέροντες ἐτυγκανον, καὶ τῶν κέν-  
τρων μάλιστα τὸ ὠροσκοπῶν. quorū hic verborum  
sensus est: Præcipuis urbibus (quas μητρόπολεις  
vocant)



vocant) ex his potissimum zodiaci locis instituenda prædicatio est, per quæ suarum extructio-  
num initio, solem lunamq; moueri animaduer-  
sum est, uti & in genesibus cardinum princeps  
horoscopus st. Habet & hæc sententia virius-  
que conuersionis diffinitionem. Iudicant enim  
nonnulli à reditu solis in idem punctum, quod  
ab initio vendicarat: idque pro totius anni por-  
tentis. Nonnulli & menstruas lunæ conuersiones faciunt, pro vniuscuiusq; mensis successibus.

Conuersio  
quid sit.

Conuersio  
duplex.

Vnde Pto. τὸ κᾶρπὸς ἀποτελεσµατε πγ. Sic ait:  
αἱ ἀλλογαὶ τῶν μηνῶν, γίνονται κατὰ ἡμέρας κή, &  
ώρας β, καὶ λεπτά ικ ἔγγιστα τινες δὲ ἀπὸ τ' ἐπὶ  
χης τοῦ ο κρίνουσι, ὅταν ἰσομοίῃς γένηται, τῇ μοι-  
ρα καὶ τῶ λεπτῷ ἢ ἐπέχει ἐν τῇ καταρχῇ.

Vnde reuolutionem annuam instituturus si sis  
huius organi adminiculo, locus solis, quem in re-  
rum radice obtinebat, ( Græci catarchyn vo-  
cant ) ex tabulis aut instrumento ad amußim  
est reducendus. Deinde constituta dioptra su-  
per horam in limbo repertā, quæ rei principium  
determinet. Numerentur secundum horarum  
consequentiam ab ipsius dioptræ linea pro vno  
quoque anno dilapso. 87. gradus, & 19. mi. Pro  
quinis singulis. 76. gra. 35. mi. Pro denis. 153. gra.  
10. mi. Atque si numerus ex his collectus exce-  
dat circulum, subtrahantur. 360. quoties licet.

Praxis.  
Solaris con-  
uersionis.

Υ 3

Reli-



## DE ASTROLABO

Relictus graduum aceruus, ab hora initij primi  
 siue à radice ipsa computetur: fini aptata almuri  
 tempus exactum dabit, quo sol in idem zodiaci  
 punctum reuoluatur: quare dioptra suppositus  
 hic signiferi gradus quatuor tibi cæli cardines  
 præcipuos commonstrabit, horoscopum, & occa-  
 sum in horizonte loci tui, medium cæli vtrinq;  
 in horæ duodecimæ linea. Licebit itaque vt hoc  
 modo firmato cæli schemate, & ad horam cogni-  
 tam repertis planetarum locis, de totius anni ha-  
 bitu sententiam feras. Verum quoniam hæc gra-  
 duum.87. multiplicatio molesta est, pro singulis  
 annis visum est subnexa tabella eius tædij non-  
 nihil præsecare.

Tabu-



Tabula reuolutiōis an-  
norū mūdi, natiuitatū,  
rerumq; ceterarum.

1	87	19
2	174	38
3	261	57
4	349	16
5	76	35
6	103	54
7	251	12
8	338	31
9	65	50
10	153	9
11	240	28
12	327	47
13	55	6
14	142	25
15	229	44
16	317	3
17	44	22
18	131	41
19	219	0
20	306	19
40	252	37
60	198	56
80	145	15
100	91	33
200	183	6
300	274	40
400	6	13
500	97	46
600	189	19

Nume- annorū	Grad.	Minu.
-----------------	-------	-------

Quod si Annus præcise  
(vt vocant) non fuerit in  
hoc themate repertus, su-

matur annus proxime mi-  
nor, eiusq; gradus cum mi-  
nutis inuentos ad latus,  
seorsim annota. Deinde &  
excessus numerum consyde-  
ra, quot sibi vicissim gradus  
ac minuta vendicet: hæc  
adde in vnā summā, vii  
pro medijs planetarum mo-  
tibus supputandis vsue-  
nire consuevit: subtrahēq;  
(si opus fuerit) totius cir-  
culi censu, residuum à radi-  
ce numeretur. Verum lu-  
cis gratia, vt & paternis  
exemplis paululum immo-  
remur, dabo inuictiss. regis  
Hispaniarū Principis no-  
stri cōuersionem pro anno  
1554. quo serenissimam re-  
ginam Angliæ in uxorem

Exemplum  
in Principis  
nostri gene-  
si.

duxit. Fuit hic annus æta-  
tis suæ. 28. in successione,

Y 4 seu




## DE ASTROLABO

seu fluens ut vocant, verum vigesimusseptimus tantum absolutus. Ingressus itaque suprascriptam tabellam, video hunc annorum numerum non precise constitutum. Arrepto itaque proximo minore (qui est .20. annorum) reperio ad latus. 306. grad. 19. mi. quæ seorsim annoto. Deinde & excessus appellationem in eadem tabella vestigo, septenarium scilicet, cui annectuntur 251. grad. 12. mi. hos gradus cum superioribus in unam summam redigo: prodeunt. 557. grad. 31. min. è quibus circuli totius ambitum. 360. grad. subtraho, idque quotiescunque licuerit, restant 197. grad. cum. 31. scrupulis, numeranda in limbi peripheria ab horæ quartæ mi. 15. per dioptrā ante signato: hac verò absoluta numerorum serie, desinit tandem calculus in horam quintam matutinam, eiusque minuta. 51. tempus scilicet pleni circuitus solis, reditusque ad idem zodiaci punctum, quod hora geneleos occuparat: quare reducita dioptra ad huius numerationis finem, subiecto. 9. ) gradu cum. 2. minutis, non sectus quam pater erudiit. 4. primum cardines efformabis: deinde & reliqua. 8. cæli domicilia in hunc fere modum.

Vides





Vides itaq; ipsius fortunæ, atq; euentus successione non multum abfuisse syderum inter sese cōcursus, & portenta satis admiranda. Quæ etenim quæ in genesi occasum vendicarat, à solis coniunctione facta est. occidentalior. Cui accedit ΔΔ tempore futura pomeridiano. Saturnus verò in conuersione domui septimæ præfectus nunc Cæli medium occupat, in Δ eius loci, quem radix I commodarat: Is enim fuit Genituræ princeps, sed hinc inde & U radij, & X ex □ nonnihil turbarum procul concitabant, quas tamen H ad M. C. deuolutus, paulatim tranquillās daret.

Y s Quod



Lux con-  
uersiones  
mensura.

# DE ASTROLABO


Quod si *D* quoque anfractus menstruos eadem  
ope voles perspicere, habito nunc certo annua re-  
uolutionis tempore, adiiciantur octo, & viginti  
dies pro mēsis vnus lunaris circuitu: deinde ab  
hora annua conuersionis, numerentur. 2. horæ &  
circiter. 18. mī. fini applicetur Solis gradus, quem  
in radice tenuit, idq̃ per dioptram superimpositā,  
pro secundo verò, tertioq̃ mense, & ceteris de-  
inceps supputato prout sequens tabella repræ-  
sentat.

Menses perfecti.	Dies	Horæ	Minuta	Secūda.
1	28	2	17	37
2	56	4	35	14
3	84	6	52	51
4	112	9	10	28
5	140	11	28	5
6	168	13	45	42
7	196	16	3	19
8	224	18	20	55
9	252	20	38	32
10	280	22	56	9
11	309	1	13	46
12	337	3	31	23
13	365	5	49	0

Videor



Genesis  
Gemma  
Frifii.



bylogia-




# DE ASTROLABO

hylogialis lunæ (ut vocant) ad  $\odot$  &  $\Psi$  loco radicali, necnon adscendētis incidit profectio ad  $\odot$  &  $\Psi$  Genitura hostem aduersissimum. Directio fuit hoc anno  $\Delta$  ad Basiliscum siue cor  $\Omega$ .

Reuolutio anni. 46. completi qui incidit in annum à natiuitate dominica. 1554.

Obiit. 25.  
Maij An-  
ni. 1555. hor-  
ra. 3. mane.





ad utraq; luminaria. Quibus adde post tot infau-  
stos adfectus, renouatam nunc eclipsim. Quinta  
Iunij, in iisdem locis, sed commutatis, tantæ  
quidem magnitudinis vt nihil supra. Tum mi-  
nas huius curriculi promouet ☐ I ad ☉, redi-  
tus ☿ in illud zodiaci punctum, quod geniturae  
tempore lunam ex quadrato contuetur, & sese  
ostendit domui vestibulum facit. Ac certè si quis  
penitius rationem agat, alia inueniet nefanda,  
vnde hac reipublicæ iactura prælagiri potuit.

## CAPVT XCIII.

De Progressionibus ac Diuisioni-  
bus vt vocant.

**Q**uicquid ad iudicandi artē vltèrius præ-  
scribi solet, ex numeris & tabularū nor-  
ma magis petendum duco, quàm huius  
organi commonstratione certa. Progressiones ta-  
men veteribus imprimis vsitatas sic cōmode au-  
cupari licet. In posteriore astrolabi parte, ac viæ  
solaris cyclo, pro vnoquoq; anno elapso. Cense-  
bis ab ipso loco aphetico integri vnus signi spa-  
cium: necnon pro. 12. diebus gradum: pro vnico  
tantum die minuta. 4. Vnde si supputationis ter-  
minus illustri sit aliqua radiatione præclarus,  
quid ferè singulis diebus impendat prælagire po-  
teris. Vtq; obiter τὸς τόπους ἀφῆτικὸς dicam ex  
Ptolomæi sententia: sunt ij solis lunæ, Medij  
cæli,

Progres-  
siones.Radiatio-  
nes.



## DE ASTROLABO

cæli, horoscopi καὶ τοῦ κλίβου τῆς τύχης, id est  
sortis.

**Diuisores.** Pro diuisoribus, quos Arabes *Algebutkar* vo-  
cant atque in operū institutione primas obtine-  
re volunt, hanc methodum complectitor. Adscen-  
sioni obliquæ prorogatoris inuenta per caput  
95. aut. 18. Vitæ labentes annos adice: summā  
numera in æquatoris circulo, ac per doctrinam  
96. vide quis zodiaci gradus cum tanta æqui-  
noctialis parte supra finitorem attollatur: il-  
li enim κατὰ τὰς τῶν ὁρίων κυρίως, id est ex fi-  
nium ratione, loci aphetici diuisorem common-  
strabunt.

## CAPVT CXIX.

De dimensionibus longitudinum  
quarumcunque per Astrola-  
bum, & triangulorum in  
his proportione  
certa.

**Q**uotquot hac tempestate viri in Mathe-  
matica disciplina præstantes, noui alicu-  
ius instrumenti cōpositionem, atque vsum  
vel succinctissime præscriptum velint, omne id  
ferè negocij (quantumcunque sit) triplici tomo,  
trinaq; faciunt partitione distinctum ac primū  
posse. quidem operis accessum in instrumenti fabrica,  
in par-

Partes ope-  
ris præcipu-  
as tres dici

posse.



in partium singularum nomenclaturâ, & ad mundi sisterna rationibus certis occupare solent. Alteram eius partem Astronomiæ axiomatis, ac rerum Cosmographicarum traditione deducunt. Quicquid verò in Geometriæ disciplina fundatur, atque ad magnitudinum leges attinet ad tertiam classem referendam putant. Sed neque id nobis arduum factu fuit, neque tam multifariam sectionem lectori infrugiferam duco. Cum tamen toties idem ab aliis sit factitatum plurimis, & nihil ex illo novi me tentaturum videam. Satius est vno atque altero capite totum hoc negotium contrahatur, ac paulò aliter instructum huic volumini subnectatur. Non enim modo in ferculorum varietate animantium gula delicias ponit, sed & ea amplectitur, quæ licet vñtata sint, condimenti tamen novitas aut apparatus forma commendat. Poterat & P. M. Pater iam statim in operis huius limine magnum præbere cursus spacium, & viam insignem ad voluminis amplitudinē patefacere, quod si penitus organi nostri fabricā, partesq; examinare voluisset. Verum ille ut semper laconicum sectatus est scribendi modum, artificis hæc ingenio extorquenda reliquit. Quare quemadmodum ille breui tantum id Isagogæ perstrinxit, feratur & hic paucis totus ferè canon quadra-



# DE ASTROLABO

Magnitu-  
do quoru-  
plex.

Quantitatū  
habitudō  
ad se inuicē

Scopus hu-  
ius capituli.

Totius do-  
ctrinæ de  
quadrato  
Geometri-  
co summū  
fastigiū ac  
breuis con-  
clusio.

quadrati geometrici, eiusq; in longitudinum di-  
mensionibus vsuandi ratio, quam alij Chartis  
prolixissimis, non citra lectoris fastidiū sint pro-  
secuti. Iam satis constat triplicem omnino ma-  
gnitudinem esse siue quantitatis continuæ speciē,  
lineam, superficiem, & corpus: ac quid horum  
vnumquodq; sit, tum ex vetustis Geometriæ scri-  
ptoribus, tum Neotericorum institutione perdi-  
scitur. Sed quemadmodum simplex linea solum  
longitudinis capax, cæteras quantitates perfe-  
ctiores sub termini ratione coniungit, ita & hæc  
primum lineæ dimensio alicuius instrumenti ope-  
ra cognosci debet, vt aliarum quantitarum no-  
titia comparetur. Nam vbi rerū longitudo per-  
specta fuerit, ilicet & superficies ex laterum ana-  
logia certa discuntur. Ex superficierum verò cō-  
paratione ad sese inuicem, totius corporis men-  
sura resultat: sed in his numerorum vsus potissi-  
mus est. Ideoq; de superficierum, ac corporum di-  
mensione nihil omnino tractare decretum est, sed  
ad longitudes solas, ad lineas mensurandas  
quomodocunq; fuerint sitæ summa negocij redit.  
Id verò quicquid est, ad duorum triangulorum  
rationem, iuxta illud sexti libri Euclidis Theo-  
rema quartum, referre conabor. Futurum enim  
arbitror, vt hac omnes instructi methodo, nulla  
deinceps canonum præceptorumq; multitudine  
subruan-



subruantur: verum ex vnico hoc fonte cætera ri-  
uulorum instar promanare intelligant: ex vno  
inquam axioma plures epilogismos construāt.  
Eſt enim fœlix qui potuit rerū cognoscere cau-  
sam. Hoc verum scire existumo: hoc cur artes  
Mathematicæ scientiæ nomen solæ promerean-  
tur, certitudinem sibi solis vendicent. Dabitur  
fides vnico atq; altero exemplo tantum: nam li-  
cet omnis dimensio per quadratum Geometricū  
prorsus eadem thesi dependeat, Cum tamē ipsius  
applicatio ad magnitudinem diuersa sit, ipsaq;  
rerum metiendarum lineæ non vniformiter mē-  
soris oculo subtendantur, sit vt plura nonnun-  
quam in consyderationem cadant, atq; vna pro-  
batio pluribus ansulis fulciri debeat. Verum has  
omnes situs differentias lucida imprimis diuisio  
ne ob oculos poni operæpretium st. Concipimus  
enim longitudinem quāuis aut in superficie pla-  
na iacentem, aut ex ipsa perpendiculariter ere-  
ctam: quæ quidem primæ sunt positionum dia-  
phoræ, sed in vtraq; iterū est habitudo multiplex.  
Nam quoties lineæ decumbunt, vel supra pla-  
num figitur alterum quadrati latus, vel totum  
instrumentum ab ipso remouetur: ita tamen vt  
ex mēsoris oculo per vnicum latus orthogona li-  
nea ad planum demittatur. Atq; horum vnum=  
quodq; capitur nōnunquam vt oculus sub linea,

Axiomata  
diuersitatis  
ratio in ve-  
stiganda re-  
rum longi-  
tudine.

Linearum  
positionis  
differentiæ.

Z

non-



# DE ASTROLABO

nonnunquam ut supra consistat. Quoties verò al-  
titude metienda in rectum extenditur, sit ea vel  
supra planum consistat, vel ab ipso per medium  
alterius rationis separetur: atque iterum aut ex  
ipso iacenti plano emissis oculorum radiis quan-  
titarum anguli concluduntur, aut ex alia qua-  
piam altitudine ex aduerso constituta, siue adi-  
rior fuerit ea quā metimur, siue speculam infe-  
riorem prebeat. Quin si ex plano dimensio fiat,  
rursus vel cum medio, vel citra medium id fiat  
necesse est. Hæc sunt quæ volui præcipua quan-  
titarum in positione discrimina, Nec amplius  
quicquam opticae disciplinæ inuoluit ratio, quin  
alicui datae partitionis membro subscribi queat.  
Eam tamen sic dedimus, ut censum siue suppu-  
tationem ex plano accessibili fieri pro Hypothe-  
si detur. Nam quod ad inaccessa loca pertinet,  
proximo eoque supremo capite seorsim proferetur,  
verum priusquam altius nostra extendatur ora-  
tio ac lucida, constet dictorum series, tale nostræ  
diuisionis paradigma damus.


Ve





Vt itaq; ex quantitate cognita cuiusvis alti-  
tudinis ignotæ ratio constet omnē eo conuerte in-  
tellectus aciem ac plenos industriæ nervos inten-  
dito, vt in singulis exemplis suprapositis duos  
imageris triangulos proportionales ad se inui-  
cem quod exercitato cuius facile succedet, sed ne  
nō omnibus inseruisse dicamur, exprimemus lar-  
gius quicquid hæc doctrina difficultatis suppres-  
sum gerit, primo exorſi noſtræ diuiſionis mēbro.  
Quotiescunque lineæ rerum menſurandarum in

Trianguli  
duplicis in  
dimensione  
conſydera-  
tio.



plano decūbunt, vt linea  $AB$ , atq; supra ipsam,  
vel sub eadem citra mediū collocatur quadrati  
 $CBDE$  alterū latus  $CB$ , ac deinceps cōstituto  
mēſoris in cētro  $E$ , vertatur dioptræ linea  $EF$ ,  
donec lōgitudinis terminus alter in vtrunq; forā  
mē incidat, atq; sic cū pūctis  $E$  &  $F$  vnā lineam  
Z 2 rectam



# DE ASTROLABO

Dimensio li-  
nearū in pla-  
no iacentiū


Probatio.

rectam constituat: Necesse est duplicē ilico trian-  
gulum reddi quorum vnus ex latere quadrati  
EB, & linea AB, & optico radio EA consti-  
tuitur. Alter triangulus minor ex latere ED  
resultat, ac fragmento duplici, DF quidē ipsius  
lateris DC & FE ipsius radij visus AE. Quo-  
niam verò vt quarta habet propositio sexti libri,  
equalium angulorum triāgulis proportionalia  
latera sunt, quæ circa æquos angulos consistunt,  
& analogæ sint latera, quæ equalibus angulis  
subtenduntur. Concludam hos duos triangulos  
ad se inuicem sic proportionales esse: vt quæ fue-  
rit ratio lateris ED trianguli EDF ad lineā  
DF, eadem sit & longitudinis AB ad latus  
quadrati EB, vt si linea DF sit partium trium  
qualium latus DE vel DC. 12. inscriptas ge-  
ometrie. Habeat quoque latus EB ad lineam AB  
quadrupli rationem, vti & 12. ad 3. comparan-  
tur, & si latus EB sit 6. cubitorum, dicetur AB  
ad 24. tales extendi. Quod autem ea latera ta-  
lem rationem habeant, atque angulos æquales  
circumsistant, probatur, Æqualis enim est an-  
gulus EAB vnius trigoni, angulo AED  
trigoni alterius, per. 29. primi elementorum Eu-  
clidis: quoniam alterni sunt: incidit enim recta  
AE in parallelas lineas DE & CB. Eadem  
ratione BEA æqualis est angulo FED per  
eandem



eandem. 29. primi: incidit enim  $EF$  in paralle-  
las  $EB$  &  $CD$ . Postremo angulus  $EDF$  par  
est angulo  $EBG$  per quartum postulatū, cū  
uterq; sit rectus: quare & latera  $DE$  &  $DF$  cū  
angulum rectum  $D$ , circumstant, proportiona-  
lia sunt lateribus  $EB$  &  $BA$  alterius trigoni,  
quæ recto angulo  $B$  subtenduntur. Sed neq; diuer-  
sa est demonstrandi via, quoties altitudines à  
plano erectæ conferuntur. Vna enim laterum &

Rerum ad  
tarū dimen-  
sio.



angulorum ratio est,  
quanquā positio diuer-  
sa censeatur, vnde ex  
hoc problemate licebit  
agrorū lōgitudines, re-  
rumq; tam in sublimi,  
quàm subter pedes con-

Vsus huius  
axiomatis  
& quarum  
rerū ex hoc  
dimēssiones  
iudicentur.


sitarum distantia colligas. Nec non turrium fa-  
stigia atq; omnem altitudinem paucis explores.  
Quod si verò inter quadrati basim, & longitudi-  
nem datam in plano iacentem vel perpendicu-  
lariter erectam spatij nonnihil intercedat, alia  
propemodū erit trianguli vtriusq; constituendi,  
sed eadē cōparandi ratio. Applicato enim latere  
 $CD$  quadrati ad lineā orthogonā  $CB$ , radius  
visu proiectus vel in  $H$  cader, vel in  $E$ , vel in  
 $G$ , prout longitudo inuestiganda vel maior vel  
minor extiterit. Cadat primum in  $E$ : concipiam

Rerum di-  
mensio per  
mediū spa-  
tium inter-  
iectum.

2 3 duos



DE ASTROLABO




duos triangulos  $CED$  &  $CLB$ , proportionales invicē, & æquiangulos, cōmunis enim angulus est  $LCB$ . Necnō angulus  $DEC$ , æqualis angulo  $BLC$ , extrinsecus scilicet

cet intrinseco sibi opposito per. 29. nā recta  $LC$  incidit in  $ED$ , &  $LB$  parallelas lineas. Deniq, & angulus  $D$ , ipsi  $B$  angulo par est, cū vterq, sit rectus: quare & latera quæ hos angulos concludūt, mutuā rationē seruant: ac cuiusmodi  $ED$  linea ad lineā  $CD$ , tanti fiet &  $LB$  ad  $CB$  cōparata: equalia verò sunt quadrati latera  $ED$  &  $CD$  per. 34. primi. Ergo & linea  $LB$  perpendiculo  $CB$  non differet. Quod si in  $H$  pertingat dioptræ radius, fient trianguli duo  $CHD$  &  $CLB$  analogi, ac quā rationē habet  $HD$  ad  $CD$ , seruat &  $IB$  ad  $CB$  lineā. Eius demonstratio priore non discrepat. Postremo quod si in alterū latus excurrat mensoris linea, utpote in  $G$ . Cōparentur



parentur ad se inuicem duo trianguli  $CFG$  &  $CBA$ , non secus quā in prima demonstratione praescriptū fuit. Atq; adeo quoties altitudinē in plano consistentem metimur aliquo loci carcere interposito, Nulla est rationis colligendæ diuer-



sitas. Vnus  
semper an-  
gulorū respe-  
ctus retine-  
tur. Ex hoc  
rerum api-  
ces è longin-  
quo colliges  
& putei pro-

Vsus huius  
axiomatis.

funditatem vsq; ad aquæ superficiem describas li-  
cet: cognita nimirum alterius lateris quantita-  
te in tetragonorum puteorum osculis. Quod si ta-  
men nō in ipso plano siue extēsa altitudinis basi  
oculum voles defigere, sed ex alia quapiam lon-  
gitudine recta dimensionem pares: primum qui-  
dem si oculus tuus rei metiendæ fastigio demissior  
fuerit, obuerso quadrati latere  $CD$  ad lineā al-  
titudinis  $GL$ , Disces amplitudinē partis  $GH$   
vel  $HF$  per analogiā lateris  $CD$  vel  $ED$ , ad  
basim quadrati  $AD$ , cui si adicias altitudinē li-  
near  $AI$  per filū ex more demissum totius  $GL$ ,  
ad  $FL$  altitudo resultabit. Quoties verò men-

Puteorum  
dimensio.


Altitudinū  
dimensio ex  
alia altitu-  
dine maio-  
re aut mino-  
re.

L 4


foris



# DE ASTROLABO



foris oculus in editiori specula consistit quàm ipsa rei dimetienda fuerit sublimitas, noua pro pmodum hic fuerit vtriusque trianguli comparandi facies. Latus enim quadrati  $AH$  conuertatur ad longitudinem  $BC$ , sic ut linea  $AB$



per



per continuum vibrata in turris basim  $C$  recta  
 pertingat: atque sic organo fixo dirigitur diop-  
 tra, donec oculi radius apicem  $B$  per utrunque  
 foramen videat: tum ex dioptra demissum per-  
 pendiculum  $DE$  observatur, quam partem la-  
 tens  $AH$  rescindat. Sunt itaque duo triangu-  
 li rursus eadem proportionem cognati  $AED$  sci-  
 licet &  $ABC$ : Angulus enim  $E$  æqualis est ipsi  
 $B$  per. 29. primi, extrinsecus intrinseco ex eadem  
 parte sumpto: Necnon  $D$  angulus cum  $C$  æqua-  
 lis est per eandem: sunt enim  $CB$  &  $DF$  pa-  
 rallelae lineæ, recta verò utrinque ad lineam  
 $AD$  est  $AC$ : quanta igitur fuerit filii pars  
 $ED$  ad lineam  $AD$  aestimata, tanti facito &  
 longitudinem  $BC$  in comparatione ipsius  $AC$ .  
 Sed  $AC$  linea ex cognita quantitate  $AI$  &  
 $IC$  per. 47. primi elem. Euclidis est colligenda.

Similis omnino demonstratio locum habet, quo-  
 ties altitudo exploranda à plano remouetur,  
 oculus autem mensuris humi stationem fixent, nec  
 operandi modus quicquam à priore recedit: vn-  
 de rerum fastigia ex valle prospectantes aucu-  
 pabimur.


Demon-  
 stratio.

Rerum fasti-  
 gia ex valle  
 quò vestige-  
 mus.

25

CAPVT






## CAPVT C.

De rerum inaccessarum dimensio-  
sione perscrutanda.

**Q**uoties itaque liber est aditus per super-  
ficiem planam ad altitudinis basim, eius  
quātitatem ex prædictis capere ingenio-  
so cuius facile est. Sed de inaccessis, abruptisq;  
locis hanc breuiter doctrinā tene. Quod si in pla-  
no constitutus sit mensoris oculus, atq; ad datam  
turrim ex fossa vel prærupto saxo via sit inter-  
clusa: iam ipsæ proportionēs duorum laterum  
vnius trianguli duplici statione collectæ ad inui-  
cem comparari debent. Esto enim data altitudo  
A B,

Regula.






$AB$ , impediculū circa  $MN$   
 quod altitudinē mensori in-  
 accessibilem præbeat. Figa-  
 tur primum oculus in  $E$ , sit  
 & radius ab  $E$  in turris api-  
 cem vibratus  $AE$ , atq; hic  
 in triāgulo  $ID E$ , obseruo,  
 ac seorsim annoto proportio-  
 nē lateris  $ID$  ad latus qua-  
 drati  $DE$ : Sit autem doctri-  
 næ gratia. 6. partium, qua-  
 lium  $DE$ . 12. fore diximus,  
 id est habeat quadrati inte-  
 grum latus ad  $DI$  dupli-  
 rationem. Note itaque. 2.  
 Deinde translato organo, et  
 applicato oculo ad locum  $C$   
 iterum obseruo rationem li-  
 nę  $HC$  ad  $HL$  in trigo-  
 no  $LHC$ : sit autē tripla, atq;  $LH$  partes. 4.  
 cōtineat quales  $HC$ . 12. tribuimus: quare & hu-  
 ius proportionis denominatorē ternariū signo,  
 ac tandem vnum denominatorē ex altero subdu-  
 co, vt. 2. à. 3. restat vnitas. Quod si numerus ali-  
 quis ex hac subductione restaret, per eum diuide-  
 rem spaciū duabus stationibus interceptum,  $EC$   
 scilicet. Quot enim cunq; partiū illud fuerit ex  
 late-



# DE ASTROLABO

lateribus quadrati desumptarum, tanti erit &  $AB$  linea. Vnitas enim neq; diuidit neq; multiplicat. Sed huius rei demonstratio prolixior foret q̃ vt fructum cum voluptate pariat, atq; cum nō lōge prioribus axiomatis distet lubēs supersedeo.

Altitudinis  
fossarū de-  
prehenden-  
dæ ratio.



Est verò & aliud mensurandi genus citra accessum, quoties mœniorū & id genus fossarum altitudines explorare fert animus: ac si proposita sit fossa  $ACD$ , oculus mensoris in  $C$  defixus, quero imprimis lōgitudinē lineæ  $AC$

ex antedictis, sitq; ea doctrinæ gratia. 18. cubitorum, quā in duas partior in signo  $B$ , à quo demissa perpendicularis  $BD$  putei profunditatem representat. Sed hanc vt sciamus cognoscenda est & quantitas  $CD$ , methodo quā antea præscripsi mus. Sit verò cubitorū. 15. intelligo itaq; triangulum  $DBC$ , cuius duo latera mihi perspecta sunt  $BC$ . 9. cubitorū, &  $CD$  eiusmodi. 5. & 10. cōtinēs Quoniam verò ex. 47. primi el. Eucl. Quadratū quod fit à latere  $DC$  subtendere angulū rectum  $DBC$ ,

Demon-  
stratio.



$DBC$ , æquum est duobus quadratis quæ fiunt ex  
 lineis  $BD$  &  $BC$  rectū angulum cōprehenden-  
 tibus: auferatur quadratum lineæ  $BC$ , id est no-  
 uenarius quadrate in sese ductus ex quadrato li-  
 neæ  $DC$ . 81. scilicet ex. 225. atq; relictī quadrati  
 144. radix. 12. fossæ altitudinem exactam dabit.  
 Habes itaque Lector humaniss. vsum quadrati  
 Geometrici, quantum præsentī instituto sat est.  
 Volui enim duntaxat rationem compediariam  
 prælibare: Ne si tantum cōmodi solo silentio præ-  
 terirem, non absolutū opus censeretur: nèue si iu-  
 sto fieret sermo proluxior, vanæ alicuius iactan-  
 tiæ notam mereremur. Conatus esset fortaßis idē  
 negotium pater via longe diuersissima, per sinus  
 scilicet atque potiore astrolabi partem. Ve-  
 rum illi vt insisterem mihi nondum iudicij sa-  
 tis accessisse fateor: atque adeò ne rem sacram,  
 et memetipsum polluam cōsultius duco manum  
 prorsus abstraxisse: cum quæ supra nos sint nihil  
 ad nos. Interim vbi grandiore ætate, atque indu-  
 stria puerilis adhuc animus mihi redditus fuerit  
 ad cogitandū maturior, illum etiā altius ferri,  
 atque ipsa tandē cœli conuexa à patre præ-  
 monstrata, scandere non  
 prohibebo.

Car=



Carmen Panægyricum Cornelii Gem-  
mæ, in obitum Patris Gemmæ  
Frisii.

Cessa anime antiquis aduoluere luctibus ignem,  
Irritaq; inferni poscere iura lacus.  
Parce manus cinerem sertis onerare sepultum:  
Parce sacra roseos texere fronde sinus.  
Velle quidē vanum est supra ad cōuexa reuerti,  
Vltima cui fessum ruperit aura latus.  
Occidit ipse humeris cælum qui sustulit Athlas,  
Et geminos vno fulciit axe polos.  
Quem non terra tulit, non vasti regia cæli,  
Parua fit herculei pulueris vrna capax.  
Sic meus hac nequirit diuū non lege teneri,  
Proximus officij conditione parens.  
Atq; illum Phrygio fleuerūt vertice Nymphæ,  
Et sua supremo dona tulere rogo.  
Fudit odoratum morienti baccara Tellus,  
Et querulo Phocis murmure torsit aquas.  
Saxa, feræ reddunt gemitū, qua cautibus asper  
Caucasus, Hyrcani qua patet vnda salis.  
Orphea non aliter saltus, humilesq; myrica,  
Et vitreo flerunt monstra reposta mari.  
Induit ipse nigra Titan ferrugine vultum:  
Disparet nitidus qui fuit ante color.

Con-



Concurrunt ruptis inter se legibus orbes:  
Antiquum stellis nec bene constat iter.  
Sed nunc magna mei redit en genitoris imago,  
Parte trahens vitam nobiliore sui.  
Fas (lector) veteres mecū hic posuisse querelas,  
Partiri moriens quas dedit author opes.  
Mors rapuit fragiles artus, terrenaq; membra:  
Fama volat terris, spiritus astra tener.

ΤΕΛΟΣ.

TYPIS IOAN. GRAPHEI.



Comitatus regis inter se legibus  
Nepotum filium regis regis  
Sed magis magis inter se legibus  
Pater regis regis regis  
Pater regis regis regis  
Pater regis regis regis  
Pater regis regis regis  
Pater regis regis regis  
Pater regis regis regis

THE  
TYPE-LOAN. GRAPHIC.



